

# විනයපිටකේ කඩබාවිතරණීපුරාණ-විකා



ධම්මවිචය

## පටුන

|                                       |    |
|---------------------------------------|----|
| ගන්ථාරම්භකථා.....                     | 1  |
| ගන්ථාරම්භකථාවණ්ණනා .....              | 1  |
| නිදානවණ්ණනා.....                      | 2  |
| පාරාජිකකණ්ඩං .....                    | 9  |
| 1. පඨමපාරාජිකවණ්ණනා .....             | 9  |
| 2. දුතියපාරාජිකවණ්ණනා .....           | 25 |
| 3. තතියපාරාජිකවණ්ණනා.....             | 36 |
| 4. චතුත්ථපාරාජිකවණ්ණනා .....          | 37 |
| සඨසාදිසෙසකණ්ඩං .....                  | 41 |
| 1. සුක්කවිස්සට්ඨිසික්ඛාපදවණ්ණනා ..... | 41 |
| 2. කායසංසග්ගසික්ඛාපදවණ්ණනා.....       | 42 |
| 3. දුට්ඨුල්ලවාචාසික්ඛාපදවණ්ණනා.....   | 43 |
| 4. අත්තකාමසික්ඛාපදවණ්ණනා.....         | 44 |
| 5. සඤ්චරිත්තසික්ඛාපදවණ්ණනා.....       | 44 |
| 6. කුටිකාරසික්ඛාපදවණ්ණනා .....        | 44 |
| 7. විහාරකාරසික්ඛාපදවණ්ණනා.....        | 46 |
| 8. දුට්ඨදොසසික්ඛාපදවණ්ණනා .....       | 46 |
| 9. අඤ්ඤභාගියසික්ඛාපදවණ්ණනා.....       | 47 |
| 11. භෙදානුවත්තසික්ඛාපදවණ්ණනා .....    | 47 |
| 12. දුබ්බවසික්ඛාපදවණ්ණනා.....         | 48 |
| අනියතකණ්ඩං.....                       | 51 |
| 1. පඨමානියතසික්ඛාපදවණ්ණනා .....       | 51 |
| 2. දුතියානියතසික්ඛාපදවණ්ණනා.....      | 53 |
| නිස්සග්ගියකණ්ඩං .....                 | 54 |
| 1. චීවරවග්ගො .....                    | 54 |
| 1. කථිතසික්ඛාපදවණ්ණනා.....            | 54 |
| 2. උදොසිතසික්ඛාපදවණ්ණනා .....         | 60 |
| 3. අකාලචීවරසික්ඛාපදවණ්ණනා .....       | 62 |

|   |    |
|---|----|
| 4. පුරාණවිවරසික්ඛාපදවණ්ණනා .....        | 63 |
| 5. විවරජපටිග්ගහණසික්ඛාපදවණ්ණනා .....    | 64 |
| 6. අඤ්ඤාතකවිඤ්ඤත්තිසික්ඛාපදවණ්ණනා ..... | 64 |
| 7. තතුත්තරිසික්ඛාපදවණ්ණනා .....         | 64 |
| 8. උපක්ඛට්ඨසික්ඛාපදවණ්ණනා .....         | 65 |
| 9. දුතියඋපක්ඛට්ඨසික්ඛාපදවණ්ණනා .....    | 65 |
| 10. රාජසික්ඛාපදවණ්ණනා .....             | 67 |
| 2. එළකලොමවග්ගො.....                     | 68 |
| 1. කොසියසික්ඛාපදවණ්ණනා.....             | 68 |
| 2. සුද්ධකාළකසික්ඛාපදවණ්ණනා.....         | 68 |
| 3. ද්වේහාගසික්ඛාපදවණ්ණනා .....          | 68 |
| 4. ඡබ්බස්සසික්ඛාපදවණ්ණනා .....          | 68 |
| 5. නිසිදනසික්ඛාපදවණ්ණනා .....           | 69 |
| 6. එළකලොමසික්ඛාපදවණ්ණනා .....           | 69 |
| 8. ජාතරූපසික්ඛාපදවණ්ණනා.....            | 70 |
| 9. රූපියසංචොභාරසික්ඛාපදවණ්ණනා .....     | 70 |
| 10. කයවික්කයසික්ඛාපදවණ්ණනා .....        | 71 |
| තත්ත්වං පකිණ්ණකං.....                   | 71 |
| 3. පත්තවග්ගො .....                      | 73 |
| 1. පත්තසික්ඛාපදවණ්ණනා.....              | 73 |
| 2. උනපඤ්චබන්ධනසික්ඛාපදවණ්ණනා.....       | 74 |
| 3. හෙසජ්ජසික්ඛාපදවණ්ණනා .....           | 74 |
| පාවිත්තියකණ්ඩං .....                    | 75 |
| 4. හොජනවග්ගො .....                      | 75 |
| 2. ගණහොජනසික්ඛාපදවණ්ණනා .....           | 75 |
| 3. පරම්පරහොජනසික්ඛාපදවණ්ණනා .....       | 75 |
| 4. කාණමාතාසික්ඛාපදවණ්ණනා.....           | 76 |
| 5. පඨමපචාරණාසික්ඛාපදවණ්ණනා.....         | 76 |
| 6. දුතියපචාරණාසික්ඛාපදවණ්ණනා .....      | 77 |
| 7. විකාලහොජනසික්ඛාපදවණ්ණනා .....        | 78 |

|  |    |
|--|----|
| 8. සන්නිධිකාරකසික්ඛාපදවණ්ණනා.....              | 78 |
| 9. පණිතභොජනසික්ඛාපදවණ්ණනා.....                 | 78 |
| 10. දන්තපොතසික්ඛාපදවණ්ණනා.....                 | 78 |
| 5. අවෙලකවග්ගො .....                            | 79 |
| 1. අවෙලකසික්ඛාපදවණ්ණනා.....                    | 79 |
| 3. සභොජනසික්ඛාපදවණ්ණනා .....                   | 79 |
| 4-5. රභොපට්ඨිජන්තරභොනිසජ්ජසික්ඛාපදවණ්ණනා ..... | 79 |
| 6. වාරිත්තසික්ඛාපදවණ්ණනා .....                 | 79 |
| 7. මහානාමසික්ඛාපදවණ්ණනා .....                  | 80 |
| 8. උය්‍යුත්තසෙනාසික්ඛාපදවණ්ණනා.....            | 80 |
| 9. සෙනාවාසසික්ඛාපදවණ්ණනා .....                 | 80 |
| 6. සුරාපානවග්ගො .....                          | 81 |
| 1. සුරාපානසික්ඛාපදවණ්ණනා .....                 | 81 |
| 2. අභිගුලිපතොදකසික්ඛාපදවණ්ණනා.....             | 81 |
| 3. හසධම්මසික්ඛාපදවණ්ණනා.....                   | 81 |
| 4. අනාදරියසික්ඛාපදවණ්ණනා.....                  | 82 |
| 6. ජොතිසික්ඛාපදවණ්ණනා .....                    | 82 |
| 8. දුබ්බණ්ණකරණසික්ඛාපදවණ්ණනා .....             | 82 |
| 9. විකජ්ජනසික්ඛාපදවණ්ණනා .....                 | 82 |
| 10. අපනිධානසික්ඛාපදවණ්ණනා.....                 | 82 |
| 7. සප්පාණකවග්ගො .....                          | 83 |
| 1. සඤ්චිච්චසික්ඛාපදවණ්ණනා .....                | 83 |
| 2. සප්පාණකසික්ඛාපදවණ්ණනා.....                  | 83 |
| 5. ඌනවීසතිවස්සසික්ඛාපදවණ්ණනා.....              | 83 |
| 7. සංවිධානසික්ඛාපදවණ්ණනා .....                 | 83 |
| 9. උක්ඛිත්තසම්භොගසික්ඛාපදවණ්ණනා .....          | 84 |
| 10. කණ්ටකසික්ඛාපදවණ්ණනා.....                   | 84 |
| 8. සහධම්මිකවග්ගො .....                         | 84 |
| 4. පහාරසික්ඛාපදවණ්ණනා .....                    | 84 |
| 5. තලසත්තිකසික්ඛාපදවණ්ණනා .....                | 84 |

|   |    |
|---|----|
| 7. සඤ්චිච්චසික්ඛාපදවණ්ණනා .....         | 85 |
| 8. උපස්සුතිසික්ඛාපදවණ්ණනා.....          | 85 |
| 9. කම්මප්පට්ඨාහනසික්ඛාපදවණ්ණනා .....    | 85 |
| 10. ඡන්දංආදත්වාගමනසික්ඛාපදවණ්ණනා.....   | 86 |
| 11. දුබ්බලසික්ඛාපදවණ්ණනා .....          | 86 |
| 12. පරිණාමනසික්ඛාපදවණ්ණනා .....         | 86 |
| 9. රතනවග්ගො .....                       | 86 |
| 1. අත්තෙපුරසික්ඛාපදවණ්ණනා .....         | 86 |
| 2. රතනසික්ඛාපදවණ්ණනා.....               | 87 |
| 3. විකාලගාමප්පවෙසනසික්ඛාපදවණ්ණනා .....  | 87 |
| 4. සුචිසරසික්ඛාපදවණ්ණනා .....           | 87 |
| 5. මඤ්චපීඨසික්ඛාපදවණ්ණනා .....          | 87 |
| 6. තුලොනද්ධසික්ඛාපදවණ්ණනා .....         | 87 |
| 7. නිසිදනසික්ඛාපදවණ්ණනා .....           | 87 |
| පාට්ඨෙසනීයකණ්ඩං .....                   | 89 |
| 1. පඨමපාට්ඨෙසනීයසික්ඛාපදවණ්ණනා .....    | 89 |
| 2. දුතියපාට්ඨෙසනීයසික්ඛාපදවණ්ණනා.....   | 89 |
| 4. චතුත්ථපාට්ඨෙසනීයසික්ඛාපදවණ්ණනා ..... | 89 |
| සෙබ්බියකණ්ඩං .....                      | 90 |
| හික්ඛුතීපාතිමොක්ඛවණ්ණනා .....           | 91 |
| පාරාජිකකණ්ඩං.....                       | 91 |
| සඨසාදිසෙසකණ්ඩං.....                     | 92 |
| 1. උප්පයවාදිකාසික්ඛාපදවණ්ණනා .....      | 92 |
| 2. වොරිචුට්ඨාපිකාසික්ඛාපදවණ්ණනා.....    | 92 |
| 3. එකගාමන්තරගමනසික්ඛාපදවණ්ණනා.....      | 93 |
| නිස්සග්ගියකණ්ඩං .....                   | 93 |
| පාචිත්තියකණ්ඩං .....                    | 94 |
| 1. පඨමවග්ගවණ්ණනා .....                  | 94 |
| 2. දුතියවග්ගවණ්ණනා.....                 | 95 |
| 3. තතියවග්ගවණ්ණනා.....                  | 95 |

|                              |    |
|------------------------------|----|
| 4. චතුක්ථවග්ගවණ්ණනා .....    | 95 |
| 5. පඤ්චමවග්ගවණ්ණනා.....      | 95 |
| 6. ඡට්ඨවග්ගවණ්ණනා .....      | 95 |
| 8. අට්ඨමවග්ගවණ්ණනා .....     | 96 |
| 9. නවමවග්ගවණ්ණනා.....        | 96 |
| සමුට්ඨානවිනිච්ඡයවණ්ණනා ..... | 97 |

“ධම්මා සුභා ධාතා චචසා පරිචිතා මනසානුපෙක්ඛිතා දිට්ඨියා සුජපට්ඨිදා.”

(මහා සුඤ්ඤත සුත්තං; මජ්ඣිම නිකායො, උපරිපණ්ණාසකො, සුඤ්ඤත වග්ගො.)

පටුන සංස්කරණය - හික්බු ධම්මවිහාරී

(පටිය සංගායනා ත්‍රිපිටක වැඩසටහනින් උපුටා සකසන ලදී)



## කඩබාවිතරණීපුරාණ-ටීකා

### ගන්ථාරම්භකථා

බුද්ධං ධම්මඤ්ච සඤ්ඤානි-ආදිනා යා පකාසිතා;  
භද්න්තබුද්ධසොසෙන, මාතිකාරියකථා සුභා;  
තස්සා හි ලීනපදං වි-කාසනකොයමාරම්භො.

### ගන්ථාරම්භකථාවණ්ණනා

විජ්ජසන්නෙනාති විවිධජ්ජසන්නෙන. කථං? “ඉතිපි සො...පෙ.... බුද්ධො භගවා, ස්වාක්ඛාතො...පෙ.... විඤ්ඤාහි, සුජ්ජපට්ඨන්තො...පෙ.... ලොකස්සා”ති (අ. නි. 5.10) එවමාදිනා. “වෙනසා”ති චුත්තත්තා තිසු වන්දනාසු වෙනොවන්දනා අධිජ්ජෙතා. තන්තින්තනාදිවසෙන කායාදීහි පණාමකරණං වන්දනා, ගුණවසෙන මනසාපි තථාච කරණං මානං, පච්චයජ්ජපට්ඨන්තියාදීහි පූජාකරණං පූජා, පච්චයාදීනං අභිසංඛාරණං සක්කච්ච කරණං සක්කාරො, තෙසං. භාජනන්ති ආධාරො, අධිකරණං වා.

ථෙරා මහාකස්සපාදයො, තෙසං වංසොති ථෙරවංසො, ආගමාධිගමසම්පදාය තස්ස වංසස්ස පදීපභූතාති ථෙරවංසජ්ජපදීපා, තෙසං ථෙරවංසජ්ජපදීපානං. අසංභීරත්තා ථීරානං. විනයක්කමෙති විනයපිටකෙ, ආරම්භානුරූපවචනමෙතං. සුත්තාහිධම්මෙසුපි තෙ ථීරා එව. “බුද්ධං ධම්මඤ්ච සඤ්ඤානි පුබ්බාවරියසීභානඤ්චා”ති අවත්වා කස්මා විසුං චුත්තත්ති වෙ? පයොජනවිසෙසදස්සන්තං. වත්ථුත්තයස්ස හි පණාමකරණස්ස අන්තරායනිවාරණං පයොජනං අත්තනො නිස්සයභූතානං ආවරියානං පණාමකරණස්ස උපකාරඤ්ඤාතාදස්සනං. තෙන බුද්ධඤ්ච ධම්මඤ්ච සඤ්ඤානි වන්දිත්වා, ව-සද්දෙන පුබ්බාවරියසීභානඤ්ච නමො කත්වාති යොජනා. අථ වා “වන්දිත්වා”ති වෙනොවන්දනං දස්සෙත්වා තතො “නමො කත්වා”ති වාචාවන්දනා, “කතඤ්ජලී”ති කායවන්දනාපි දස්සිතාති යොජෙතබ්බං.

ඉදාති අභිධානජ්ජයොජනං දස්සෙතුං “පාමොක්ඛ”න්තිආදිමාහ. තත්ථ පාමොක්ඛන්ති පධානං. සීලඤ්ඤාහි සබ්බෙසං කුසලධම්මානං පධානං ආදිභාවතො. යථා ව සත්තානං ඛජ්ජභොජ්ජලෙයාපෙයාවසෙන චතුබ්බිධොපි ආභාරො මුඛෙන පවිසිත්වා අභිගමභිගානි එරති, එවං යොගිනොපි වාතුභූමකං කුසලං සීලමුඛෙන පවිසිත්වා අත්ථසිද්ධිං සම්පාදෙති. තෙන චුත්තං “මුඛ”න්තිආදි. අථ වා මුඛන්ති උපායො, තෙන මොක්ඛජ්ජවෙසාය නිබ්බානසච්ඡිකිරියාය මුඛං උපායොති අත්ථො. මහෙසිනා යං පාතිමොක්ඛං පකාසිතන්ති සම්බන්ධො. මහන්තෙ සීලාදික්ඛන්ධෙ එසි ගවෙසිති මහෙසි.



සුරතෙන නිවාතෙනාති “තත්ථ කතමං සොරච්චං? යො කායිකො අවිතික්කමො”තිආදිනා (ධ. ස. 1349) සුරතෙන, නිවවුත්තිනා මානුද්ධච්චවසෙන අත්තානං අනුක්ඛිපනභාවෙන නිවාතෙන. විනයාවාරයුත්තෙන වාරිත්තවාරිත්තෙහි යුත්තෙන. “සොණත්ථෙරෙන යාවිතො”ති අවත්වා “සුරතෙනා”තිආදි කස්මා වුත්තං, කිං දුස්සීලෙන වා දුට්ඨෙයන වා අලජ්ජිනා වා යාවිතෙන චණ්ණනා කාතුං න වට්ටතීති චෙ? න න වට්ටති. ථෙරස්ස වචනං පටික්ඛිපිතුං න සක්කා, එවරුපගුණො ථෙරොව, යාවනවසෙන කත්තබ්බො ආදරෙනාති දස්සෙතුං වුත්තං.

නාමෙනාති අත්තනො ගුණනාමෙන. සද්දලක්ඛණසුභතො, විනිච්ඡයසුභතො, විඤ්ඤයාසුභතො ච සුභං.

ගන්ථාරම්භකථාවණ්ණනා නිට්ඨිතා.

### නිදානවණ්ණනා

“ආවිකතා හිස්ස ඵාසු හොති, තත්ථායස්මන්තෙ පුච්ඡාමි...පෙ.... තුණ්හී, එවමෙතං ධාරයාමි”ති වත්වා “උද්දිට්ඨං බො ආයස්මන්තො නිදාන”න්තිආදිනා නයෙන වුත්තං. එත්ථෙව යාවතතියානුසාවනකථාවසානෙ අථ බො උද්දෙසකාලෙ “ආවිකතා හිස්ස ඵාසු හොති”ති වත්වා “උද්දිට්ඨං බො ආයස්මන්තො නිදානං. තත්ථායස්මන්තෙ පුච්ඡාමි”තිආදිනා නයෙන ආගතං. උපොසථක්ඛන්ධකෙපි එවමෙව ආගතං. තත්ථ පුබ්බෙ වුත්තං පච්ඡා ආගතසුත්තෙන විරුජ්ඣති. තස්මා යථා න විරුජ්ඣති, තථා උපපරික්ඛිත්වා ගහෙතබ්බං. එවං න විරුජ්ඣතීති එකෙ. කථං? “ආවිකතා හිස්ස ඵාසු හොති”ති වත්වා “උද්දිට්ඨං බො ආයස්මන්තො නිදානං. තත්ථායස්මන්තෙ පුච්ඡාමි”තිආදිනා සුඋද්දිට්ඨං හොතීති එතං උද්දෙසලක්ඛණං ඉධාපි ඛන්ධකෙපි වුත්තත්තා. තස්මා “ඵාසු හොති”ති වත්වා “තත්ථායස්මන්තෙ පුච්ඡාමි”ති වුත්තට්ඨානෙ අවුත්තමිපි ආනෙත්වා ගහෙතබ්බං. කස්මා? ඉධ නිදානං න දස්සිතං, උද්දෙසො උද්දෙසකාලෙ උද්දිසිතබ්බලක්ඛණස්ස තත්ථ වුත්තත්තා. අපිච “නිදානුද්දෙසො”ති පදං උද්ධරිත්වා නිදානුද්දෙසං දස්සෙතුකාමොපි “සුණාතු මෙ, භන්තෙ, සඬ්ඝො...පෙ.... ආවිකතා හිස්ස ඵාසු හොති”ති පාඨවසෙන ආගතං නිදානං නිට්ඨාපෙත්වා උපරි අට්ඨකථාවසෙන යොජෙතබ්බං පාළිං ඉධ යොජෙත්වා “තත්ථායස්මන්තෙ පුච්ඡාමි...පෙ.... ධාරයාමි”ති නිදානපාළිං පරිපුණ්ණං කත්වා පුන “තත්ථ නිදානුද්දෙසො”ති උද්ධට්ඨෙවසෙන සඬ්ඛෙපතො නිදානුද්දෙසලක්ඛණං දස්සෙතුං “එවමෙතං ධාරයාමි”ති වත්වා “උද්දිට්ඨං බො ආයස්මන්තො නිදාන”න්තිආදි වුත්තං, තස්මා එවං උපරි ව ඛන්ධකෙ ව, අථ බො උද්දෙසකාලෙ “ආවිකතා හිස්ස ඵාසු හොති”ති වත්වා “උද්දිට්ඨං බො ආයස්මන්තො නිදානං. තත්ථායස්මන්තෙ පුච්ඡාමි”තිආදි නිදානුද්දෙසොව දස්සිතො, න නිදානං.

සවනාණත්තිවචනන්ති එත්ථ සඛිසනවකතරෙන වත්තුං අයුත්තන්ති චෙ? යුත්තමෙව. “පාතිමොක්ඛද්දෙසකෙන එවං වත්තබ්බ”න්ති භගවතා චුත්තත්තා භගවතොව ආණත්ති, න උද්දෙසකස්ස. ඉධ නවකතරවසෙන චුත්තං. ටෙරොපි පන උද්දිසිතුං ලභතීති දස්සනත්ථං. “ටෙරාධිකං පාතිමොක්ඛ”න්ති චුත්තං. ඉමිනා සුත්තෙන නවකතරො න ලභතීති චෙ? තං දස්සෙතුං “යො තත්ථ භික්ඛු”තිආදි චුත්තං.

යථා චතුර්වග්ගෙන යපෙත්වා උපසම්පදාපචාරණාඅබ්භානානි සබ්බං සඛිසකම්මං කාතුං වට්ටති, එවං “අතිරෙකච්ඡතිවග්ගෙන ඉමං නාම කම්මං කාතබ්බ”න්ති අවත්වා අතිරෙකවචනත්තා අඤ්ඤං අත්ථං සුවෙති, කිං තත්ති “චතුර්වග්ගදිනා”තිආදි. තඤ්ඤි තෙහි එව සිද්ධං. කථං? චතුර්වග්ගෙන උපසම්පදාපචාරණා...පෙ.... ච්ඡතිවග්ගෙන න කිඤ්චි සඛිසකම්මං කාතුං න වට්ටතීති. එත්ථ “දසවග්ගෙන අබ්භානකම්මමත්තං යපෙත්වා”ති වදන්තෙන චතුපඤ්චවග්ගෙන කරණියානිපි දසවග්ගෙන කාතුං අනුඤ්ඤාතානි. තස්මා අතිරෙකෙන වට්ටතීති දීපිතං, “යපෙත්වා”ති වචනෙන ඌනතරෙන න වට්ටතීති දීපිතමෙව. තස්මා න වත්තබ්බං අතිරෙකච්ඡතිවග්ගොති චෙ? වත්තබ්බමෙව. චතුපඤ්චවග්ගෙන කත්තබ්බං ඡසත්තඅට්ඨනවචග්ගෙන කාතබ්බන්ති ව, දසවග්ගෙන කාතබ්බං එකාදසද්වාදස...පෙ.... එකුනච්ඡතිවග්ගෙන කාතබ්බන්ති ව දීපිතං. ඌනතරෙන න වට්ටතීති දීපිතං පාකටතො. සබ්බජ්ජකාරෙන පන අතිරෙකච්ඡතිඅනතිරෙකච්ඡතිවග්ගෙ චුත්තෙපි දීපිතං හොතීති චර්ච්ඤ්ඤිධිත්ථෙරෙන ලිබ්බං. ඉතො පට්ඨාය “ලිබ්බ”න්ති චුත්තෙ චර්ච්ඤ්ඤිධිත්ථෙරෙනාති ගහෙතබ්බං.

සචෙ අනුපොසට්ඨෙපි වට්ටෙය්‍ය, “උපොසථං කරෙය්‍යා”ති න වදෙය්‍ය, යස්මා අනුපොසට්ඨෙ කාතුං න වට්ටති, තස්මා “අජ්ජුපොසට්ඨා”ති වත්වා පුන “උපොසථං කරෙය්‍යා”ති චුත්තං. “පච්ඡිමකත්තිකපුණ්ණමා එවා”ති අවධාරණං තතො පරං පචාරණාදිවසස්ස නත්ථිතාය කතං. උද්ධං පකතිඋපොසට්ඨෙ චුත්තෙන පකතිචාරිත්තෙන සද්ධිං ඉදම්පි.

“නිමිත්තෙන නිමිත්තං සම්බන්ධිත්වා”ති න වත්තබ්බං “තිවිධසම්පත්තියුත්තා”ති චුත්තත්තාති චෙ? වත්තබ්බමෙව. කස්මා? තිවිධසම්පත්ති නාම නිමිත්තසම්පත්ති, පරිසාසම්පත්ති, කම්මවාචාසම්පත්තිතිආදිං වත්වා “නිමිත්තසම්පත්ති නාම පබ්බතනිමිත්තං, පාසාණනිමිත්ත”න්තිආදි චුත්තං, න නිමිත්තෙන නිමිත්තසම්බන්ධනං චුත්තං. අපිච “තිවිධසම්පත්තියුත්තා”ති සම්පයොගඪගෙසු දස්සෙත්වා පුන තමෙව පහානඪගෙසු දස්සෙතුං “නිමිත්තෙන නිමිත්තං සම්බන්ධිත්වා”ති චුත්තං. නදිසමුද්දජාතස්සරෙසු සම්මතසීමාතො කම්මානි න විපජ්ජන්ති උදකුක්ඛෙපසීමත්තාති “විපත්තිසීමායො නාමා”ති කස්මා චුත්තාති චෙ? සෙසලක්ඛණානි සම්පාදෙත්වා නදියං සීමාය බද්ධාය උදකපරියන්තං කත්වා

සීමාගතත්තා පුන තං නදිං අන්තො කත්වා තළාකෙ කතෙ සචෙ තස්සා සීමාය කම්මං කාතුං වට්ටෙය්, සීමාතො කම්මානි න විපජ්ජෙය්. යස්මා පන එවං කාතුං න වට්ටති, තස්මා “උදකුක්ඛෙපසීමත්තා”ති වුත්තං අකාරණං.

විසතිවග්ගකරණීයත්තා සඛිසකම්මස්ස කම්මාරහෙන සද්ධිං එකවිසති භික්ඛු නිසිදිතුං න සක්කොන්ති”ති වුත්තං, සුඛනිසජ්ජාවසෙන නිසිදිතුන්ති අධිජ්ජායො. “පරිමණ්ඩලාකාරෙන නිසිදිතු”න්ති අට්ඨකථායං වුත්තං. තියොජනං අතික්කම්ත්වානි මජ්ඣෙ යත්වා දියඬසං කත්වා තියොජනං. කොණතො හි කොණං තියොජනං අතික්කාමෙති, ආපත්තිඤ්ච ආපජ්ජති, සීමා ච අසීමා හොති. කිත්තෙත්වානි නිමිත්තානි සම්පන්නානිපි අඤ්ඤමඤ්ඤනාමවිපරියායෙන, අනිමිත්තානං නාමෙහි ච කිත්තෙත්වානි අත්ථො.

රාසිකතං පංසුපි රුක්ඛෙසු ජාතෙසු සුද්ධපංසුපබ්බතො හොති. ගුලපිණ්ඩපරිමාණො ථුලතාය, න තුලගණනාය. භූමියං පතිට්ඨිතො”ති ඉමිනා කුටසරාවාදිසු රොපිතං පටික්ඛිපති, තතො අපනෙත්වා පන තඬ්ඬණම්පි භූමියං රොපිතො වට්ටති. නවමූලසාධානිග්ගමනං පන අකාරණං. ඛන්ධං ඡින්දිත්වා රොපිතෙ පන එතං යුජ්ජති. සුවිද්ණ්ඩකප්පමාණො කනිට්ඨඬගුලිපරිමාණමත්තො. “අට්ඨඬගුලුබ්බෙධො”ති ඉමිනා උබ්බෙධො පරිච්ඡින්නො හොති, “ගොවිසාණමත්තො”ති ඉමිනා පරිණාහො. “එවං සන්තෙපි ගොවිසාණපරිණාහෙ පරිච්ඡෙදො නත්ථි, තස්මා බුද්දකොපි මහන්තොපි වට්ටති එවානි වදන්ති.

ජාතස්සරෙ පරිපුණ්ණමෙව උදකං නිමිත්තුපගං දිස්වා අපරිපුණ්ණං අන්තරා ධීතිභූතං “ජාතස්සරෙ සම්මතා”ති වුත්තං විපත්තිං න ආපජ්ජතිති “නදියා සම්මතා, සමුද්දෙ සම්මතා, ජාතස්සරෙ සම්මතා”ති එත්ථාපි ලොණි න ගහිතා. ඛද්ධසීමං වා නදිසමුද්දජාතස්සරෙ වා අනොක්කම්ත්වානි එත්ථාපි “නදියා වා, භික්ඛවෙ, සමුද්දෙ වා ජාතස්සරෙ වා”ති (මහාව. 147) එත්ථාපි න ගහිතා. තස්මා ලොණි න අඛද්ධසීමානි වෙ? අඛද්ධසීමාව. “යොපි නදිං වා සමුද්දං වා භින්දිත්වා නික්ඛන්තඋදකෙන කතො සොබ්බො එතං ලක්ඛණං පාපුණාති, අයම්පි ජාතස්සරොයෙවා”ති (කඩ්බා. අට්ඨ. නිදානවණ්ණනා) වුත්තත්තා ජාතස්සරග්ගහණෙන ගහිතාති තත්ථ තත්ථ අවුත්තා. “යාවතිකා තස්මිං ගාමබ්බත්තෙ”ති වුත්තත්තා අඤ්ඤම්පි ගාමං අන්තො කත්වා සමානසංවාසකසීමාසම්මන්තනකාලෙ තස්මිං ගාමෙ භික්ඛු ආගච්ඡන්තු වා මා වා, වට්ටති. අවිජ්ජවාසසීමාසම්මන්තනකාලෙ ආගන්තබ්බමෙව.

අගමනපටෙසුනි එත්ථ එකදිවසෙන ගන්ත්වා පව්වාගන්තුං අසක්කුණෙයාට්ඨානෙනි වදන්ති, බද්ධසීමාභාවං පටික්ඛිපිත්වාති අත්ථො.

“සමන්තා උදකුක්ඛෙපා”ති වුත්තත්තා සබ්බදිසාසු ගහෙනබ්බමෙවාති චෙ? යතො ලබ්භති, තතො ගහෙනබ්බො “යස්මිං පදෙසෙ පකතිවිචියො ඔත්ථරිත්වා සණ්ඨහන්ති, තතො පට්ඨාය කප්පියභූමි, තත්ථ යත්වා උපොසථාදිකම්මං කාතුං වට්ඨති”ති වුත්තත්තා. අනුබන්ධො අඛිඨමාසො අන්වඛිඨමාසො, අඛිඨමාසස්ස වා අනු. යො පන කෙනවි අන්තමසො තිරච්ඡානෙනපි බණ්ණිත්වා අකතොති අධිප්පායො.

“අඤ්ඤං තත්තකංයෙව පරිච්ඡෙදං අනතික්කමිත්වා යීතොපි කම්මං කොපෙති”ති වුත්තත්තා අතික්කමිත්වා යීතො න කොපෙතිති දීපිතමෙව භොතිති උපතිස්සත්ථෙරො, තං පන “ද්විත්තං උදකුක්ඛෙපානං අන්තරෙ අඤ්ඤො එකො උදකුක්ඛෙපො උපචාරත්ථාය යපෙනබ්බො”ති වචනෙන විරුජ්ඣති. සමන්තපාසාදිකායඤ්ඤි “අඤ්ඤං තත්තකංයෙවා”ති පදං නත්ථි. තස්මා තස්සාධිප්පායො පරියෙසිතබ්බො. අන්තොඋදකුක්ඛෙපසීමාය උපචාරත්ථාය යපිතං උදකුක්ඛෙපපරිච්ඡෙදං අනතික්කමිත්වාති අත්ථො ගහෙනබ්බො. ථෙරෙන අඤ්ඤො පපඤ්චිත්වා ලිබ්බං.

“සභාගවත්ථුතා ලහුකාපත්ති”න්ති වුත්තත්තා සභාගසඛිසාදියෙසං ආරොචෙතුං වට්ඨතිති චෙ? න වට්ඨති දෙසනාගාමිතිං සන්ධාය ඉධ වුත්තත්තා. තස්මා එව සමුච්චයක්ඛන්ධකෙ “සභාගසඛිසාදියෙසං ආපන්නස්ස පන සන්තිකෙ ආවිකාතුං න වට්ඨති. සචෙ ආවිකරොති, ආපත්ති ආවිකතා භොති, දුක්කටා පන න මුච්චති”ති (වුළුව. අට්ඨ. 102) වුත්තං. යථා සඬ්ඝෙන “සුඤ්ඤා මෙ, හන්තෙ, සඬ්ඝො...පෙ.... පටිකරිස්සති”ති වත්වා උපොසථං කාතුං ලභති, එවං තිහි ද්විහිපි අඤ්ඤං සුද්ධං පස්සිත්වා “පටිකරිස්සාමා”ති වත්වා උපොසථං කාතුං වට්ඨති. එකෙනාපි “පරිසුද්ධං ලභිත්වා පටිකරිස්සාමි”ති ආභොගං කත්වා උපොසථං කාතුං වට්ඨතිති. අට්ඨකථායමපි “සාමන්තො භික්ඛු එවමස්ස වචනියොති එත්ථ සභාගො එව වත්තබ්බො. විසභාගස්ස හි වුච්චමානෙ භණ්ඩනකලහසඬ්ඝහෙදාදීනිපි භොන්ති, තස්මා තස්ස අවත්වා ඉතො වුට්ඨහිත්වා පටිකරිස්සාමි”ති ආභොගං කත්වා උපොසථො කාතබ්බොති අන්ධකට්ඨකථායං වුත්ත”න්ති වත්වා තස්ස අප්පටික්ඛිත්තත්තා වට්ඨතිති දීපිතමෙව. “යදා අඤ්ඤං සුද්ධං භික්ඛුං අනාපත්තිකං පස්සිස්සති, තදා තස්ස සන්තිකෙ”ති වුත්තත්තා ලහුකස්සෙව අනුඤ්ඤාතත්තා සමුච්චයක්ඛන්ධකෙ වුත්තත්තා සභාගසඛිසාදියෙසං පන ඤාත්තියා ආරොචෙත්වා උපොසථං කාතුං න වට්ඨති.



දෙවබ්බන්මා පන “තිරච්ඡානගතො”ති පදං යපෙත්වා යෙන කෙනවි පදෙන අසඬගහිතාපි ඉමිනා සඬගහිතාති දස්සනත්ථං “යස්ස උපසම්පදා පටික්ඛිත්තා”ති වුත්තං.

“වාතුමාසිනියං පන පචාරිතානං සන්තිකෙ අනුපගතෙන වා ඡින්නවස්සෙන වා වුට්ඨවස්සෙන වා”ති අවත්වා “අනුපගතෙන වා ඡින්නවස්සෙන වා”ති එත්තකමෙව වුත්තං. වුට්ඨවස්සො පන තස්මිං කාලෙ අනුපගතත්තා “අනුපගතො”ති සඬ්ඛාං ගතොති. සඬ්ඛාය වුට්ඨිතාය සඬ්ඛෙ වුට්ඨහිත්වා ගතෙ සන්තිපාතෙතුං න සක්කා, එකච්චෙ සන්තිපාතෙත්වා පාරිසුද්ධිං ආරොවෙතුං වට්ටනීති වදන්ති. කස්මා? ඤාත්තිං යපෙත්වා කත්තඛිබ්බසඬ්ඝකම්මාභාවා වග්ගං න හොතීති. පචාරණායපි එසෙව නයො. අයඤ්ඤෙත්ථ විසෙසො – සචෙ පුරිමිකාය උපගතෙහි පච්ඡිමිකාය උපගතා ථොකතරා චෙව හොන්ති සමසමා ව, සඬ්ඝපචාරණාය ව ගණං පුරෙන්නී, සඬ්ඝපචාරණාවසෙන ඤාත්ති යපෙනඛිබ්බාති. “එකොව භික්ඛු හොති...පෙ.... අඤ්ඤෙසං අනාගතභාවං ඤාත්වා”ති වුත්තත්තා අධිට්ඨානුපොසථං සීමං පටිසිත්වා කාතුං න සක්කාති වදන්ති.

“කිං සඬ්ඝස්ස පුඛ්බ්බකිච්ච”න්ති ඉදං න ඤාත්තිං යපෙත්වා වත්තඛිබ්බං. තඤ්ඤි ඤාත්තිතො පුරෙතරමෙව කරියති. තස්මා “සුණාතු මෙ, හන්තෙ, සඬ්ඝො, කිං සඬ්ඝස්ස පුඛ්බ්බකිච්චං, යදි සඬ්ඝස්ස පත්තකල්ල”න්ති වත්තඛිබ්බං සියාති. තථාපි න වත්තඛිබ්බං. න හි තං ඤාත්තියා අන්තො කරියතීති. එවං සන්තෙ තෙනං වත්තඛිබ්බන්ති ආපජ්ජති පයොජනාභාවාති චෙ? න, යථාගතට්ඨානෙ එව වත්තඛිබ්බතො, පරපදාපෙක්ඛතායාති වුත්තං හොති. ඉදං පුඛ්බ්බකිච්චං අකත්වා උපොසථකම්මං කරොන්තො සඬ්ඝො, පුග්ගලො වා යපනක්ඛෙත්තාතික්කමෙ ආපජ්ජති. තස්මිඤ්ඤි ඛෙත්තෙ අතික්කන්තෙ සම්මජ්ජනාදිකරණෙ ආපත්තිමොක්ඛො න හොති උපොසථකම්මතො පුඛ්බ්බෙ කත්තඛිබ්බකම්මාකරණපච්චයත්තා තස්සා ආපත්තියා. න සා කම්මපරියොසානාපෙක්ඛා එත්ථාගතසම්පජානමුසාවාදාපත්ති විය, තස්මා පාතිමොක්ඛුද්දෙසකො භික්ඛු “පාරිසුද්ධිං ආයස්මන්තො ආරොවෙථා”ති වත්තුකාමො පයම්මෙව පාරිසුද්ධිපාරිසුද්ධිපච්චයං පුඛ්බ්බකිච්චං සරාපෙති. තඤ්ඤි කතං පාරිසුද්ධිපච්චයො හොති, අකතං අපාරිසුද්ධිපච්චයො. තෙනෙව උභයාපෙක්ඛාධිජ්ජායෙන කතං, න කතන්ති අවත්වා “කිං සඬ්ඝස්ස පුඛ්බ්බකිච්ච”මිච්චෙවාහ. තත්ථ අකතපක්ඛෙ තාව පාරිසුද්ධිආරොවනක්කමනිදස්සනත්ථං පරතො “යස්ස සියා ආපත්ති, සො ආචිකරෙය්‍යා”ති ව, කතපක්ඛෙ “අසන්තියා ආපත්තියා තුණ්ඤි භවිතඛිබ්බ”න්ති ව වක්ඛති.

“සඬ්ඛන්තිමෙන පරිච්ඡෙදෙන වතුහි භික්ඛුහි සන්තිපතිත්වා”ති ව, “උපොසථකරණත්ථං සන්තිපතිතෙ සඬ්ඝෙ ඛහි...පෙ.... අදෙන්තෙන

ජන්දො දාතබ්බො”ති ව වදන්ති. අසන්නිපතිතෙපි පන වට්ටති. ඉද්දං ජන්දදානසමයදස්සනත්ථං. චුත්තං. උපොසථකරණත්ථං. සන්නිපතිතෙ සඬ්ඝෙ ඛහි උපොසථං කත්වා ආගතස්ස කත්තබ්බාකාරදස්සනත්ථංඤ්ච චුත්තං. පධානසරවාසිනො පධානසරං පවිසිතුකාමා අත්තනො සභාගහික්ඛුනං ජන්දං දත්වා සචෙ සඬ්ඝො සන්නිපතති, “මය්හං ජන්දො ආරොචෙතබ්බො”ති වත්වා පධානසරං පවිසන්ති. අයං සිහළදීපෙ පයොගො. ආරොචෙත්තෙන පන සන්නිපතිතෙ ආරොචෙතබ්බං. පඤ්චස්ස හික්ඛුස්ස එකස්මිං විහාරෙ වසන්තෙස්ස එකස්ස ජන්දපාරිසුද්ධිං ආහරිත්වා චතුත්තං. පාතිමොක්ඛං උද්දිසිතුං අනුඤ්ඤාතත්තා සන්නිපතිතෙ ජන්දො ගහෙතබ්බො ආරොචෙතබ්බොති වචනං නිරත්ථකං. වීය. “ථෙය්‍යසංවාසකො පටිජානාතීති (මහාව. 165) වචනතො සාමණෙරෙන ආහවාපි වට්ටති. කම්මං න කොපෙතී”ති ව, “සචෙ පුබ්බෙ ජන්දං දත්වා ඛහිසීමාගතො පුන පවිසති, පච්ඡා ජන්දග්ගහණකිච්චං. නත්ථි, තස්ස පයොගො සීමාසම්මුතිවසෙන වෙදිතබ්බො”ති ව “ජන්දදානෙ තික්ඛත්තුං වචනෙ ඉදං පයොජනං – පඨමං සමග්ගහාවං, දුතියං පච්ඡා විධාතබ්බහාවං, තතියං ජන්දහාරකස්ස දුක්කට්ඨමොචනං දීපෙතී”ති (වජිර. ටී. මහාවග්ග 164) ව ලිඛිතං. බිළාලසඬ්ඛලිකාබද්ධාව හොති අත්තොගෙහෙ එව සම්පයොජනත්තා, යථා සා න කත්ථවි ගච්ඡති, තථා සාපි න කත්ථවි ගච්ඡතීති අධිජ්ජායො. ඉතරථා විසෙසනං නිරත්ථකං හොතීති ආචරියෙන ගහිතං.

“න හි තං අකත්වා උපොසථං කාතුං වට්ටති”ති පුබ්බෙ දස්සිතත්තා “ඉදම්පි හි උභය”න්ති කස්මා චුත්තන්ති වෙ? සෙසානි ථෙරෙන ආණත්තෙන කාතබ්බානි දස්සිතානි, ඉමෙ පන ද්වෙ ථෙරෙන වා පාතිමොක්ඛද්දෙසකෙන වා ඤත්තිට්ඨපනකෙන වා යෙන වා තෙන වා කාතබ්බානීති ව, සම්මජ්ජනාදීනි තත්ථ තත්ථ තාදිසානි පයොජනානි නිජ්ජාදෙන්ති, ඉමෙ පන ද්වෙ තත්ථ තත්ථ න කිඤ්චි කම්මං සාධෙත්ති, තස්මා “කිං ඉමිනා”ති අවත්වා කාතබ්බමෙවානි දස්සෙතුඤ්ච “ඉදම්පි හි උභය”න්තිආදි චුත්තං. “ආයස්මන්තානං පාදෙ වන්දතී”ති ගණවසෙන වත්වා පුග්ගලවසෙන න චුත්තං තෙන ආරොචෙතබ්බස්ස අඤ්ඤස්ස අභාවා.

සඬ්ඝස්ස උද්දිට්ඨං හොතීති සඬ්ඝෙන උද්දිට්ඨං හොතීති අත්ථො. සමග්ගස්ස හි සඬ්ඝස්සානි එත්ථ සමග්ගහාවස්ස කායසාමග්ගිකාරණත්තා නත්ථි දොසොති වෙ? තං න, උද්දෙසෙපි සචනෙපි සමග්ගහාවස්ස ඉච්ඡිතබ්බත්තා. “සුණාතු මෙ, හන්තෙ”ති හි ඉමිනා විත්තසාමග්ගිං දීපෙති සචනෙ සබ්බෙහි එකිභූතභාවතො.

සඤ්චිච්ච ආපත්තිං ආපජ්ජතීති එත්ථ අනාදරියවසෙන ආපජ්ජන්තො එව අලජ්ජී හොති, න ඉතරොති. ආපත්තිං පරිගුහතීති එත්ථ ලජ්ජාය



පරිගූහන්නො අලජ්ජී න හොති, ‘කිං ඉමිනා’ති අනාදරියවසෙන පරිගූහන්නො හොති”ති ව ලිඛිතං.

“සත්තන්නං ආපත්තික්ඛන්ධාන”න්ති න වත්තබ්බං, “ඡන්න”න්ති වත්තබ්බන්ති චෙ? සත්තන්නමෙවාති වත්තබ්බං. පාරාජිකාපත්තිං ආපන්නො හි සචෙ අත්තනො සාපත්තිකභාවං පකාසෙති, සඬ්ඝස්ස ව උපොසථො සම්පජ්ජති, තස්ස ව ගිහිභාවෙන වා සාමණෙරභාවෙන වා සුද්ධි හොතිති.

එකච්චෙ ආවරියා නාම ධම්මභාරිකො කිර ආවරියො. කස්මා එවං චුත්තන්ති චෙ? යාවතතියානුසාවනා නාම තික්ඛන්තුං වචනං. තථා පාඨෙ අනාගතත්තා කෙවලං “යාවතතියං අනුසාවිත”න්ති පදමෙව දිස්වා “යස්ස සියා ආපත්ති, සො ආවිකරෙය්‍යා”ති ඉදං “සචෙ ආපත්තිං ආපන්නා, ආවිකරොථා”ති ඉමමත්ථං දීපෙති. “අසත්තියා ආපත්තියා තුණ්හි භවිතබ්බ”න්ති ඉදම්පි තමෙවත්ථං දීපෙති. “තුණ්හිභාවෙන බො පනායස්මන්තෙ පරිසුද්ධාති වෙදිස්සාමි”ති ඉදම්පි තමෙවාති එවමත්ථං ගහෙත්වා චුත්තං කිර.

අපරෙති අත්ථදස්සිත්ථෙරො කිර. එතං සන්ධායාති එත්ථ “සකිම්පි අනුසාවිත”න්ති පදස්ස වචනෙන තික්ඛන්තුං අනුසාවනා කාතබ්බාති එත්තකමෙව දීපිතං විය දිස්සති.

ඉමමත්ථං සන්ධාය චුත්තන්ති කථං විඤ්ඤායතීති චෙ? “අයමෙත්ථ ආවරියපරම්පරාහතො විනිවිජයො”ති චුත්තං.

“සරමානෙනා”ති ඉමිනා සම්පජානමුසාවාදස්ස සවිත්තකත්තං දස්සෙති. සඬ්ඝමජ්ඣෙ වාතිආදි ලක්ඛණවචනං කිර. සඬ්ඝපොසථකරණත්ථං සඬ්ඝමජ්ඣෙ චෙ නිසින්නො, තස්මිං සඬ්ඝමජ්ඣෙ ආවිකාතබ්බා. ගණුපොසථකරණත්ථඤ්ඤෙව ගණමජ්ඣෙ නිසින්නො, තස්මිං ගණමජ්ඣෙ. එකස්සෙව සන්තිකෙ චෙ පාරිසුද්ධිඋපොසථං කත්තුකාමො, තස්මිං එකපුග්ගලෙ ආවිකාතබ්බාති, එතෙන න කෙවලං සඬ්ඝමජ්ඣෙ එවායං මුසාවාදො සම්භවති, අථ බො එත්ථ චුත්තලක්ඛණෙන අසතිපි “පාරිසුද්ධිං ආයස්මන්තො ආරොචෙථා”තිආදිවිධානෙ ගණුපොසථෙපි සාපත්තිකො හුත්වා උපොසථං කත්තුකාමො අනාරොචෙත්වා තුණ්හිභුතොච චෙ කරොති, අයං සම්පජානමුසාවාදාපත්තිං ආපජ්ජතීති ඉමස්සත්ථස්ස ආවිකරණතො ලක්ඛණවචනං කිරෙතන්ති චුත්තන්ති තක්කිකා. අඤ්ඤථා “ගණමජ්ඣෙ වා”ති න වත්තබ්බන්ති තෙසං අධිජ්ජායො. ආරොචනාධිජ්ජායවසෙන චුත්තන්ති ආවරියස්ස තක්කො. ආරොචෙත්තො හි “සඬ්ඝස්ස ආරොචෙමි”ති අධිජ්ජායෙන ආවිකරොත්තො සඬ්ඝමජ්ඣෙ ආවිකරොති නාම, උභතොපස්සෙ නිසින්නානං ආරොචෙත්තො

ගණමජ්ඣෙ ආවිකරොති නාම, “එකස්සෙව ආරොචෙස්සාමී”ති අධිප්පායෙන ආවිකරොත්තො එකපුග්ගලෙ ආවිකරොති නාම. සචෙපි චෙමතිකො හොති...පෙ.... පටිකරිස්සාමීති එවං කතෙ යාව චෙමතිකො හොති, තාව සභාගාපත්තිං පටිග්ගහෙතුං ලහති, අඤ්ඤෙසඤ්ච කම්මානං පරිසුද්ධො නාම හොති. පුන නිබ්බෙමතිකො හුත්වා දෙසෙනබ්බං වා න වාති නෙව පාළියං, න අට්ඨකථායං අත්ථි, දෙසිතෙ පන දොසො නත්ථි. තථා ඉතො වුට්ඨහිත්වා තං ආපත්තිං පටිකරිස්සාමීති එත්ථ ව සකලසඬ්ඨෙස සභාගාපත්තිං ආපන්නො, චෙමතිකෙ වාති ලිබ්බං (වජිර. ටී. මහාවග්ග 169-170).

නිදානවණ්ණනා නිට්ඨිතා.

## පාරාජිකකණ්ඩං

### 1. පයමපාරාජිකවණ්ණනා

ඉධ පන යත්වා සික්ඛාපදානං කමහෙදො පකාසෙනබ්බො. කථං — සබ්බසික්ඛාපදානං යථාසම්භවං දෙසනාක්කමො, පභානක්කමො, පටිපත්තික්කමො, උප්පත්තික්කමොති චතුබ්බිධො කමො ලබ්භති. තත්ථ භගවතා රාජගහෙ භික්ඛූනං පාතිමොක්ඛද්දෙසං අනුජානන්තෙන පාතිමොක්ඛද්දෙසස්ස යො දෙසනාක්කමො අනුඤ්ඤාතො, තං දෙසනාක්කමං අනුක්කමන්තොව මහාකස්සපො පයමං පාරාජිකුද්දෙසං පුච්ඡි, තදනන්තරං සඬ්ඝාදිසෙසුද්දෙසං, තදනන්තරං අනියතුද්දෙසං, තදනන්තරං විත්ථාරුද්දෙසං. තදනන්තරං භික්ඛූනිවිභඩ්ගඤ්ච තෙනෙව අනුක්කමෙන පුච්ඡි. තතො පරං තයො ආපත්තික්ඛන්ධෙ සඬ්ගහෙතුං විතා ගණනපරිච්ඡෙදෙන සෙබ්බයධම්මෙ පුච්ඡි. ආපත්තික්ඛන්ධෙ සභාගතො පට්ඨාය පුච්ඡන්තො විසතිඛන්ධකෙ පුච්ඡි. නිදානුද්දෙසන්තොගධානං වා සරූපෙන අනුද්දිට්ඨානං පුච්ඡන්තත්ථං ඛන්ධකෙ පුච්ඡි. එතෙන ඛන්ධකෙ පඤ්ඤත්තා පුල්ලච්චයාපි සඬ්ගහිතා හොන්ති. පුච්ඡිතානුක්කමෙනෙව ආයස්මා උපාලිත්ථෙරො බ්‍යාකාසි. අයමෙත්ථ දෙසනාක්කමො. උභතොවිභඩ්ගඛන්ධකතො පන උච්චිතිත්වා තදා පරිවාරො විසුං පාළි කතො, ඉමමෙව වචනං සන්ධාය අට්ඨකථායං වුත්තං “එතෙනෙව උපායෙන ඛන්ධකං පරිවාරෙපි ආරොපයිංසු”තිආදි (පාරා. අට්ඨ. 1.පයමමහාසඬ්ගරීතිකථා). අපිව පාළියං “එතෙනෙව උපායෙන උභතොවිභඩ්ගෙ පුච්ඡි. පුට්ඨො පුට්ඨො ආයස්මා උපාලි විස්සජ්ජෙසී”ති (වුළුව. 439) එත්තකමෙව වුත්තං. තස්මා ථෙරො උභතොවිභඩ්ගෙ එව පුච්ඡි. විස්සජ්ජන්තො පන ආයස්මා උපාලි නිරවසෙසං දස්සෙන්තො ඛන්ධකපරිවාරෙ අන්තො කත්වා දෙසෙසි. ගණසජ්ඣායකාලෙ පන තදා ඛන්ධකපරිවාරා විසුං පාළි කතාති අයමෙත්ථ දෙසනාක්කමො.

යදි එවං නිදානුද්දෙසො පයමදෙසනාති වෙ? න, උපොසථක්ඛන්ධකො (මහාව. 133) “යානි මයා භික්ඛුනං සික්ඛාපදානි පඤ්ඤත්තානි, තානි තෙසං පානිමොක්ඛද්දෙසං අනුජානෙය්‍ය”න්ති වචනතො, “යස්ස සියා ආපත්තී”ති (මහාව. 134) වචනතො ව. අකුසලාබ්‍යාකතානං ආපත්තීනං දිට්ඨධම්මසම්පරායිකාසවට්ඨානියත්තං යථාභූතං සීලසංවරකෙන පරිවජ්ජනෙන පහාතබ්බත්තා පහානක්කමොපෙත්ථ සම්භවති “තාවදෙව චත්තාරි අකරණියානි ආවික්ඛිතබ්බානී”ති වචනතො. තථා “සමාදාය සික්ඛති සික්ඛාපදෙසු”ති (ම. නි. 3.75; විහ. 508) වචනතො යථාභූතං ආවික්ඛිතසික්ඛනෙන පටිපත්තික්කමොපි සම්භවති. යථුද්දෙසක්කමං පරියාපුණිතබ්බපරියත්තිඅත්ථෙතාපි පටිපත්තික්කමො, එවම්මෙහි තීභි කමෙහි දෙසෙතබ්බානමෙතෙසං සික්ඛාපදානං යථාසම්භවං උජ්ජත්තික්කමො සම්භවති. තථා හි යං යං සාධාරණං, තං තං භික්ඛුං ආරබ්භ උජ්ජත්තො එව චත්ථස්මිං “යා පන භික්ඛුනී ඡන්දෙසො මෙට්ඨනං ධම්ම”න්තිආදිනා නයෙන භික්ඛුනීනම්පි පඤ්ඤත්තං. යතො භික්ඛුනීනං තං අනුජ්ජත්තපඤ්ඤත්ති න සියා, තතො අනුජ්ජත්තපඤ්ඤත්ති තස්මිං නත්ථීති (පරි. 201-202) පරිවාරවචනං න විරුජ්ඣති. එත්තාවතා පුරිමෙන කමත්තයෙන යං පයමං දෙසෙතබ්බං, තං පාරාජිකුද්දෙසෙ පයමුජ්ජත්තත්තා මෙට්ඨනධම්මපාරාජිකං සබ්බපයමං දෙසෙතුකාමො ආයස්මා උපාලිත්ථෙරො “තත්‍ර සුදං භගවා වෙසාලියං විහරති”ති (පාරා. 23) වෙසාලියමෙව පාපෙත්වා යපෙසි.

ඉදානි සබ්බෙසං සික්ඛාපදානං පඤ්ඤාපනවිධානං වෙදිතබ්බං. කථං? “එවඤ්ච පන, භික්ඛවෙ, ඉමං සික්ඛාපදං උද්දිසෙය්‍යාථා”ති (පාරා. 39, 43) එවං සඋද්දෙසඅනුද්දෙසහෙදතො දුට්ඨං. තත්ථ පානිමොක්ඛෙ සරුපතො ආගතා පඤ්ච ආපත්තික්ඛන්ධා සඋද්දෙසපඤ්ඤත්ති නාම. සාපි ද්විධා සපුග්ගලාපුග්ගලනිද්දෙසහෙදතො. තත්ථ යස්සා පඤ්ඤත්තියා අත්තො ආපත්තියා සහ, විනා වා පුග්ගලො දස්සිතො, සා සපුග්ගලනිද්දෙසා. ඉතරා අපුග්ගලනිද්දෙසා.

තත්ථ සපුග්ගලනිද්දෙසා ද්විධා අදස්සිතදස්සිතාපත්තිහෙදතො. තත්ථ අදස්සිතාපත්තිකා නාම අට්ඨ පාරාජිකා ධම්මා වෙදිතබ්බා. “පාරාජිකො හොති අසංවාසො”ති (පාරා. 39, 44, 89, 91, 167, 171, 195, 197) හි පුග්ගලො තත්ථ දස්සිතො, නාපත්ති. දස්සිතාපත්තිකා නාම භික්ඛුනිපානිමොක්ඛෙ ආගතා සත්තරස සඬ්ඝාදිසෙසා ධම්මා. “අයම්පි භික්ඛුනී පයමාපත්තිකං ධම්මං ආපන්නා නිස්සාරණියං සඬ්ඝාදිසෙස”න්ති (පාවි. 683, 687) හි තත්ථ ආපත්ති දස්සිතා සද්ධිං පුග්ගලෙන.

තථා අපුග්ගලනිද්දෙසාපි අදස්සිතදස්සිතාපත්තිහෙදතො ද්විධා. තත්ථ අදස්සිතාපත්තිකා නාම සෙබියා ධම්මා. චුත්තාවසෙසා දස්සිතාපත්තිකානි වෙදිතබ්බා.

සාපි ද්විධා අනිද්දිට්ඨකාරකනිද්දිට්ඨකාරකභෙදතො. තත්ථ  
 අනිද්දිට්ඨකාරකා නාම  
 සුක්කවිසට්ඨිමුසාවාදොමසවාදපෙසුඤ්ඤාභූතගාමඅඤ්ඤවාදකඋප්පිකාපනක  
 ගණනොපනපරම්පරනොපනසුරාමෙරයඅධිගුලිපතොදකභසධම්මඅනාදරියත  
 ලසාතකජතුමට්ඨකසික්ඛාපදානං වසෙන පඤ්චදසවිධා හොත්ති. තත්ථ  
 නිද්දිට්ඨකාරකෙ මිස්සාමිස්සභෙදො වෙදිතබ්බො – තත්ථ  
 උපයොගභූමිවිභත්තියො එකංසෙන මිස්සා. අවසෙසා මිස්සා ව අමිස්සා ව.  
 සෙය්‍යාපීදං – පච්චත්තං තාව ද්වීසු අනියතෙසු උපයොගෙන මිස්සං, ද්වාදසසු  
 පාටිදෙසනීයෙසු කරණෙන මිස්සං, ඌනපඤ්චබන්ධනපත්තසික්ඛාපදෙසු  
 සාමිකරණෙහි, ඌනවීසතිවස්සෙ භූමිමෙන, මොහනකෙ  
 උපයොගසාමිභූමිමෙහි. යස්මා “විවණ්ණක”න්ති භාවො අධිජ්ජෙතො, න  
 කත්තා, තස්මා විවණ්ණකසික්ඛාපදං යදා න සම්භවති, එවං පච්චත්තං  
 පඤ්චවිධං මිස්සං හොති. සෙසෙසු පයමානියතං යපෙත්වා ආදිමිහි “යො  
 පන භික්ඛු”ති එවමාගතං පච්චත්තං වා, දුතියානියතං යපෙත්වා  
 පණීතනොපනසමණුද්දෙසතනියවතුත්ථපාටිදෙසනීයසික්ඛාපදෙසු මජ්ඣෙ  
 “යො පන භික්ඛු”ති එවමාගතං පච්චත්තං වා,  
 දුබ්බකුලදුසකසංසට්ඨසික්ඛාපදෙසු ආදිමිහි කෙවලං “භික්ඛු”ති ආගතං  
 පච්චත්තං වා, හෙදානුවත්තකසික්ඛාපදෙ මජ්ඣෙ ආගතං පච්චත්තං වා  
 අඤ්ඤාය විභත්තියා අමිස්සමෙව හොති. තත්ථ  
 හෙදානුවත්තකතුවට්ඨනද්වයසංසට්ඨදුතියපාටිදෙසනීයසික්ඛාපදෙසු  
 බහුවචනං, ඉතරත්ථ සබ්බත්ථ එකවචනමෙවාති වෙදිතබ්බං.

තථා උපයොගො ද්වීසු විකජ්ජනසික්ඛාපදෙසු, තත්තවායසික්ඛාපදෙ ව  
 පච්චත්තෙන මිස්සො, අභිභට්ඨසික්ඛාපදෙ කරණෙන, රාජසික්ඛාපදෙ  
 කරණසාමිපච්චත්තෙහිති උපයොගො තිධා මිස්සො හොති. කරණඤ්ච  
 කුටිකාරමහල්ලකදුතියකථිතද්වෙභාගනිසිදනසන්ථතදුබ්බණ්ණකරණසික්  
 ඛාපදෙසු ඡසු පච්චත්තෙන මිස්සං,  
 පයමතනියකථිතඅට්ඨකිගුලපාදකනිසිදනකණ්ඩුජ්ජපට්ඨජාදිකවස්සිකසාටිකඋ  
 දකසාටිකද්වෙධම්මපච්චාසීසනසික්ඛාපදෙසු අට්ඨසු සාමිනා මිස්සන්ති  
 කරණං ද්විධා මිස්සං හොති. අවසෙසෙසු  
 ඡබ්බස්සවස්සිකසාටිකද්වත්තිවජදනාවසථපිණ්ඩමහානාමගරුලහුපාවුරණසි  
 ක්ඛාපදෙසු සත්තසු කරණවිභත්ති අඤ්ඤවිභත්තියා අමිස්සා,  
 අවචෙකඵලකලොමසික්ඛාපදෙසු සාමිවිභත්ති කරණවිභත්තියා මිස්සා.  
 අතිරෙකපත්තහෙසජ්ජසික්ඛාපදෙසු අග්ගහිතග්ගහණෙන සාමිවිභත්ති  
 අමිස්සාව හොත්ති වෙදිතබ්බො. එවං තාව නිද්දිට්ඨකාරකසු සික්ඛාපදෙසු –

පඤ්චධා ව තිධා වෙව, ද්විධා වෙපි තථෙකධා;  
 භින්නා විභත්තියො පඤ්ච, සබ්බෙකාදසධා සියුං.



එවං තාව යථාච්ඡත්තෙසු සඋද්දෙසපඤ්ඤත්තිසඬ්ඛාතෙසු සික්ඛාපදෙසු අග්ගහිතග්ගහණෙන පඤ්ඤාසුත්තරෙසු තිසතෙසු නවුත්තිඅනිද්දිට්ඨකාරකෙ වජ්ජෙත්වා නිද්දිට්ඨකාරකානි අතිරෙකසට්ඨිද්විසතානි භොන්ති. තෙසු පච්චත්තකරණානි තිංසුත්තරානි ද්විසතානි භොන්ති. තෙසු අමිස්සපච්චත්තකරණානි ද්වාදසුත්තරානි ද්විසතානි, මිස්සපච්චත්තකරණානි අට්ඨාරස භොන්ති. අවසෙසෙසු තිංසනියා සික්ඛාපදෙසු මිස්සොපයොගකරණානි පඤ්ච භොන්ති, මිස්සකරණානි චුද්දස, අමිස්සානි සත්ත, මිස්සාමිස්සකරණානි ද්වෙ, අමිස්සානි ද්වෙති සබ්බෙසුපි නිද්දිට්ඨකාරකෙසු හෙදානුවත්තකදුබ්බවකුලදුසකපයමදුනියතනියකථිතඅභිභට්ඨකාරමහල්ල කචිකප්පනද්වයද්වෙහාගජබ්බස්සනිසිද්ධසන්ථතඵලකලොමාතිරෙකපත්ත හෙසජ්ජවස්සිකසාටිකතන්තවායඅච්චෙකඡාරත්තද්ව පඤ්චත්තිංසෙසු “යො පන භික්ඛු”ති නත්ථි. දුතියානියතපණිතභොජනසමණුද්දෙසතනියවතුත්ථපාටිදෙසනීයෙසු මජ්ඣෙ අත්ථි.

එත්තාවතා සඋද්දෙසානුද්දෙසදුකං, සපුග්ගලාපුග්ගලනිද්දෙසදුකං, පච්චෙකදස්සිතාපත්තිදුකද්වයං, අනිද්දිට්ඨකාරකදුකං, තත්ථ නිද්දිට්ඨකාරකෙසු පච්චත්තභුමිමදුකං, සයොපනායොපනදුකං, අයොපනමජ්ඣෙයොපනදුකං, එකානෙකවචනදුකන්ති නව දුකානි දස්සිතානි භොන්ති. විසෙසකාරණං තස්මිං තස්මිං සික්ඛාපදෙ සම්පත්තෙ ආවිභවිස්සති. එවං තාව සඋද්දෙසපඤ්ඤත්තිං ඤත්වා සෙසවිනයපිටකෙ යා කාවි පඤ්ඤත්ති අනුද්දෙසපඤ්ඤත්තිනි වෙදිතබ්බා. සා පදභාජනන්තරාපත්තිවිනිතවත්ථුපටික්ඛෙපපඤ්ඤත්තිඅචුත්තසිද්ධිසික්ඛාපද වසෙන ඡබ්බිධා භොති.

තත්ථ “යෙභුයොන බයිතෙ ආපත්ති ථුල්ලච්චයස්ස (පරි. 157-158), වට්ටකතෙ මුඛෙ අවිජුපන්තස්ස ආපත්ති දුක්කට්ඨසා”ති (පාරා. 73) එවමාදිකා පදභාජනෙ සන්දිස්සමානාපත්ති පදභාජනසික්ඛාපදං නාම. “න ච, භික්ඛවෙ, සබ්බමත්තිකාමයා කුටි කාතබ්බා, යො කරෙය්‍ය, ආපත්ති දුක්කට්ඨසා”තිආදි (පාරා. 85) අන්තරාපත්තිසික්ඛාපදං නාම. “අනුජානාමි, භික්ඛවෙ, දිවාපටිසල්ලියන්තෙන ද්වාරං සංවරිත්වා පටිසල්ලියතු”ත්ති (පාරා. 77) එවමාදි විනිතවත්ථුසික්ඛාපදං නාම. “සඬ්ඝහෙදකො, භික්ඛවෙ, අනුපසම්පන්නො න උපසම්පාදෙතබ්බො”ති (මහාව. 115) එවමාදි පටික්ඛෙපසික්ඛාපදං නාම.

යස්මා පන තෙන තෙන පටික්ඛෙපෙන “යො පන භික්ඛු සමග්ගං සඬ්ඝං අධම්මසඤ්ඤී භින්දෙය්‍ය, පාරාජිකො භොති අසංවාසො. යො පන භික්ඛු දුට්ඨවිත්තො භගවතො ජීවමානකසරීරෙ ලොහිතං උප්පාදෙය්‍ය, පාරාජිකො භොති අසංවාසො”ති සික්ඛාපදානි පඤ්ඤත්තානි භොන්ති. යානි සන්ධාය

“එකස්ස ඡෙජ්ජකා හොති, චතුත්තං පුල්ලච්චයං, චතුත්තඤ්චෙව අනාපත්ති, සබ්බෙසං එකවත්ථුකා”ති වුත්තං. “අත්ථාපත්ති තිට්ඨන්තෙ භගවති ආපජ්ජති, නො පරිනිබ්බුතෙ”ති (පරි. 323) ච වුත්තං. තෙන න කෙවලං “න, භික්ඛවෙ, ජානං සඬ්ඝභෙදකො අනුපසම්පන්නො උපසම්පාදෙතබ්බො...පෙ.... ආපත්ති දුක්ඛටස්සා”ති ඉදමෙව සික්ඛාපදං පඤ්ඤත්තං හොති සාධකං හොති. “පණ්ඩකො, භික්ඛවෙ, අනුපසම්පන්නො න උපසම්පාදෙතබ්බො, උපසම්පන්නො නාසෙතබ්බො”ති (මහාව. 109) එවමාදීසු පන උපජ්ඣායාදීනං දුක්ඛටමෙව පඤ්ඤත්තං, න පණ්ඩකාදීනං පාරාජිකාපත්ති. න භි තෙසං භික්ඛුභාවො අත්ථී. යතො සියා පාරාජිකාපත්ති. තථා “න අවිජ්ජන්තෙ ථෙවෙ පක්ඛම්තබ්බ”න්ති (මහාව. 66, 67, 78, 79) එවමාදිකඤ්ච පටික්ඛෙපසික්ඛාපදමෙව නාම.

බන්ධකෙසු පඤ්ඤත්තදුක්ඛටපුල්ලච්චයානි පඤ්ඤත්තිසික්ඛාපදං නාම. “තෙන භි, සාරිපුත්ත, භෙදානුවත්තකෙ පුල්ලච්චයං දෙසාපෙහී”ති (වුළුව. 345) වුත්තං, පුල්ලච්චයමපි තත්ථෙව සමොධානං ගච්ඡති. ඉදං තෙසං විහත්තිකම්මක්ඛණෙ අපඤ්ඤත්තත්තා අවිජ්ජමානමපි භගවතො වචනෙන විසුද්ධක්ඛණෙපි විජ්ජමානං ජාතන්ති එකෙ. “භෙදානුවත්තකෙ දෙසාපෙහී”ති වචනතො සෙසභෙදානුවත්තකානං “යො පන භික්ඛු ජානං සඬ්ඝභෙදකානං අනුවත්තෙය්‍ය, ආපත්ති පුල්ලච්චයස්සා”ති සික්ඛාපදං පඤ්ඤත්තං හොතීති වෙදිතබ්බං. තථා සබ්බානි බන්ධකවත්තානි, විනයකම්මානි ච තත්ථෙව සමොධානං ගච්ඡන්ති. යථාහ “පඤ්ඤත්තෙ තං උපාලි මයා ආගන්තුකානං භික්ඛුනං ආගන්තුකවත්තං...පෙ.... එවං සුපඤ්ඤත්තෙ බො මයා උපාලි සික්ඛාපදෙ”තිආදි. “යා පන භික්ඛුනී නච්චං වා ගීතං වා වාදිතං වා දස්සනාය ගච්ඡෙය්‍ය, පාවිත්තිය”න්ති (පාවි. 834) ඉමිනා සුත්තෙන භික්ඛුනී නච්චෙය්‍ය වා ගායෙය්‍ය වා වාදෙය්‍ය වා, පාවිත්තියන්ති එවමාදිකං යං කිඤ්චි අට්ඨකථාය දිස්සමානං ආපත්තිජානං විනයකම්මං වා අවුත්තසිද්ධිසික්ඛාපදං නාම. ඡබ්බිධම්පෙතං ඡහි ආකාරෙහි උද්දෙසාරහං න හොතීති අනුද්දෙසසික්ඛාපදං නාමාති වෙදිතබ්බං. සෙය්‍යථීදං — පඤ්චහි උද්දෙසෙහි යථාසම්භවං විසභාගත්තා පුල්ලච්චයදුබ්භාසිතානං සභාගවත්ථුකමපි දුක්ඛටපුල්ලච්චයද්වයං අසභාගාපත්තිකත්තා අන්තරාපත්තිපඤ්ඤත්තිසික්ඛාපදානං, නානාවත්ථුකාපත්තිකත්තා පටික්ඛෙපසික්ඛාපදානං, කෙසඤ්චි විනීතවත්ථුපඤ්ඤත්තිසික්ඛාපදානඤ්ච අදස්සිතාපත්තිකත්තා, අදස්සිතවත්ථුකත්තා භෙදානුවත්තකපුල්ලච්චයස්ස, අදස්සිතාපත්තිවත්ථුකත්තා අවුත්තසිද්ධිසික්ඛාපදානන්ති. එත්තාවතා “දුට්ඨං සික්ඛාපදපඤ්ඤාපනං සඋද්දෙසානුද්දෙසභෙදතො”ති යං වුත්තං, තං සමාසතො පකාසිතං හොති.

පඤ්ඤත්තියං තාව —



“කාරකො ඉධ නිද්දිට්ඨො, අපෙක්ඛාය අභාවතො;  
පුබ්බෙ චත්තඛ්ඛවිධානා-භාවතො ච ආදිතො යොපනෙන සභා”ති.

—

අයං නයො වෙදිතඛ්ඛො. තස්සත්ථො — යෙ තෙ අනිද්දිට්ඨකාරකා පුබ්බෙ  
චුත්තජපහෙදා සුක්කච්ඡට්ඨිආදයො සික්ඛාපදවිසෙසා, තෙසු  
අධිජ්ජායකම්මවත්ථුපුග්ගලපයොගෙ අපෙක්ඛාය භාවතො කාරකො න  
නිද්දිට්ඨො තෙසං සාපෙක්ඛභාවදස්සන්තං. තං සබ්බං තස්මිං තස්මිං  
සික්ඛාපදෙ ආචිභවිස්සති, ඉධ පන පාරාජිකපඤ්ඤත්තියං අපෙක්ඛාය  
අභාවතො කාරකො නිද්දිට්ඨො. යො පන කාරකො “නිට්ඨිතච්චරස්මිං  
භික්ඛුනා උබ්භතස්මි”න්තිආදිසු (පාරා. 462, 472, 475) විය පුබ්බෙ  
චත්තඛ්ඛවිධානාභාවතො කරුණාදිවසෙන අනිද්දිසිත්වා පච්චත්තවසෙන  
නිද්දිට්ඨො අපෙක්ඛාය අභාවතො. තත්ථ නිද්දිසියමානො  
සෙසදුනියානියතපණ්ණිනොපනං සමණුද්දෙසත්තියවතඋත්ථපාට්ඨෙසනීයෙසු  
විය මජ්ඣෙ අනිද්දිසිත්වා “න හෙව ඛො පන...පෙ.... ඔභාසිතු”න්තිආදි  
(පාරා. 453) විය පුබ්බෙ චත්තඛ්ඛවිධානාභාවතො එව ආදිමිහි නිද්දිට්ඨො.  
ආදිමිහි නිද්දිසියමානොපි පුබ්බෙ චුත්තජපහෙදෙසු හෙදානුචත්තකාදිසු  
පඤ්චත්තිංසෙසු සික්ඛාපදෙසු විය අනිද්දිසිත්වා පුබ්බෙ  
චත්තඛ්ඛවිධානාභාවතො එව “යො පන භික්ඛු”තිආදිතොව යොපන-  
සද්දෙන සහ නිද්දිට්ඨො. එවං නිද්දිසියමානොපි සො යස්මා “යා පන  
භික්ඛුනියො ද්වෙ එකමඤ්චෙ තුවට්ටෙය්‍ය”න්තිආදි (පාචි. 933) ආපත්ති  
විය පරජ්ජහවං ආපත්තිං න ආපජ්ජති, තස්මා “යො පන භික්ඛු”ති  
එකවචනෙන නිද්දිට්ඨො. මෙටුනධම්මාපත්තිපි පරජ්ජහවා  
“ද්වයංද්වයසමාපත්ති”ති (පාරා. 39) වචනතොති වෙ? තං න,  
අධිජ්ජායජානනතො. අනෙකිස්සා එව භික්ඛුනියා ආපත්ති, න එකිස්සාති  
නියමො තත්ථ අත්ථි, න එවං ඉධ නියමොති අනියමිතාධිජ්ජායො.  
ලම්බිමුදුපිට්ඨිතං කුතො “ද්වයංද්වයසමාපත්ති”ති (පාරා. 55) වචනතො  
තෙසං මෙටුනධම්මාපත්ති. අයමත්ථො චතස්සො මෙටුනධම්මපච්චයාති  
අට්ඨවත්ථුකං සන්ධාය “ජෙජ්ජං සියා මෙටුනධම්මපච්චයා”ති (පරි. 481) ව  
පරිචාරෙ චුත්තචචනෙන සාධෙතඛ්ඛො.

හෙදානුචත්තකසික්ඛාපදෙ තිණ්ණං උද්ධං න සමනුභාසිතඛ්ඛො, න  
සඬ්ඝෙන සඬ්ඝං එකතො කාතඛ්ඛන්ති. නයදස්සන්තං ආදිතොව “භික්ඛු  
භොන්ති”ති ඛුච්චනනිද්දෙසං කත්වා පුන “එකො වා ද්වෙ වා තයො  
වා”ති (පාරා. 418) චුත්තං, අඤ්ඤා න තතො උද්ධං “අනුචත්තකා  
භොන්ති”ති ආපජ්ජති. තතො නිදානවිරොධො. පඤ්චසතමත්තා හි  
තදනුචත්තකා අහෙසුං. යං පන සත්තසතිකක්ඛන්ධකෙ “සඬ්ඝො  
චත්තාරො පාචිනකෙ භික්ඛු, චත්තාරො පාවෙය්‍යකෙ භික්ඛු සම්මන්තෙය්‍ය  
...පෙ.... සම්මතා”තිආදි (චුළව. 456) ඤත්තිදුතියකම්මං චුත්තං, තං  
“උබ්බාහිකාය ඉමං අධිකරණං වූපසමෙතු”න්ති චුත්තත්තා තෙහි

කත්තබ්බවිධානං. සම්මුතිකරණමෙව වා තතියං කත්වා කප්පති. න හි තෙ තෙන කම්මෙන කම්මාරහා කම්මකතා භොන්ති. යස්ස සඬ්ඝො කම්මං කරොති, සො කම්මාරහොති ලක්ඛණං. න ච තදා සඬ්ඝො තෙසං අට්ඨන්තම්පි භික්ඛූනං කම්මං අකාසි. භජාපියමානා තෙ කම්මපත්තභාවං භජන්ති. අධිකරණවූපසමකම්මස්ස පත්තා යුත්තා සඬ්ඝෙන කතාති කත්වා කම්මපත්තා ඵව හි තෙ භොන්ති. “තෙ භික්ඛූ භික්ඛූහි යාවතතියං සමනුභාසිතබ්බා තස්ස පටිනිස්සග්ගායා”ති (පාරා. 418) වචනතො තෙහි කත්තබ්බවිධානං. සම්මුතිකරණමෙව කම්මං භොතීති වෙ? තං න, අධිප්පායජානනතො, තස්ස පටිනිස්සග්ගායා ඵව තෙ භික්ඛූ කම්මාරහා කාතබ්බා, න දොසාගතිවසෙනාති අයමෙත්ථ අධිප්පායො. න හි පාවිනකාදීනං සම්මුතියා අධිකරණවූපසමසිද්ධි විය තෙසං සමනුභාසනකම්මෙන තස්ස පටිනිස්සග්ගසිද්ධි භොති, සම්මුති නාමෙසා පයමං අනුමතිං ගහෙත්වා යාවිත්ථාව කරියති, න තථා කම්මන්ති. කම්මකරණෙ පන තදත්ථසිද්ධි භොතියෙව. පරසම්මුතියා බහුතරාව සම්මන්තිතබ්බාති වෙදිතබ්බං.

“මෙටුනධම්ම”න්ති ඵවං බාහුල්ලනයෙන ලද්ධනාමකං සකපයොගෙන වා පරපයොගෙන වා අත්තතො නිමිත්තස්ස සකමග්ගෙ වා පරමග්ගෙ වා පරනිමිත්තස්ස වා සකමග්ගෙ ඵව පවෙසනපවිට්ඨධීතඋද්ධරණෙසු යං කිඤ්චි ඵකං පටිසාදියනවසෙන සෙවෙය්‍ය, පාරාජිකො භොති අසංවාසොති. කෙච්චි පන “පවෙසනාදීනි චත්තාරි වා තීණි වා ද්වෙ වා ඵකං වා පටිසෙවෙය්‍ය, පාරාජිකො භොති. චුත්තඤ්ඤෙනං ‘සො වෙ පවෙසනං සාදියති, පවිට්ඨං සාදියති, ධීතං සාදියති, උද්ධරණං සාදියති, ආපත්ති පාරාජිකස්සා’තිආදී”ති (පාරා. 58) වදන්ති. තෙසං මතෙන චතුසුපි චතස්සො පාරාජිකාපත්තියො ආපජ්ජති. තෙයෙව ඵවං වදන්ති — ආපජ්ජතු මෙටුනධම්මපාරාජිකාපත්ති, මෙටුනධම්මපාරාජිකාපත්තියා තංභාගියාති අත්තතො විතික්කමෙ පාරාජිකාපත්තියො, සඬ්ඝාදිසෙසාපත්තිඤ්ච ආපජ්ජිත්වා සික්ඛං පච්චක්ඛාය ගහට්ඨකාලෙ මෙටුනාදිකං පාරාජිකං ආපජ්ජිත්වා පුන පබ්බජිත්වා උපසම්පජ්ජිත්වා ඵකං සඬ්ඝාදිසෙසාපත්තිං ඵකමනෙකං වා පටිකරිත්ථාව සො පුග්ගලො යස්මා නිරාපත්තිකො භොති, තස්මා සො ගහට්ඨකාලෙ සාපත්තිකොවාති. අන්තිමචත්ථුඅජ්ඣාපන්නස්සාපි අත්ථෙව ආපත්ති. වුට්ඨානදෙසනාහි පන අසුජ්ඣුතතො “පයොගෙ පයොගෙ ආපත්ති පාරාජිකස්සා”ති න චුත්තං. ගණනපයොජනාභාවතො කිඤ්චාපි න චුත්තං, අථ බො පදභාජනෙ (පාරා. 58) “ආපත්ති පාරාජිකස්සා”ති වචනෙනායමත්ථො සිද්ධොති යුත්තිඤ්ච වදන්ති.

යදි ඵවං මාතිකායම්පි “යො පන භික්ඛූ මෙටුනං ධම්මං පටිසෙවෙය්‍ය, පාරාජික”න්ති චත්තබ්බං භවෙය්‍ය, පාරාජිකස්ස අනවසෙසවචනම්පි න යුජ්ජෙය්‍ය. සබ්බෙපි හි ආපත්තික්ඛන්ධෙ, භික්ඛූගණනඤ්ච අනවසෙසෙත්වා

තිට්ඨතීති අනවසෙසවචනන්ති කත්වා පවෙසෙව ආපත්ති, න පවිට්ඨාදීසු. තමෙවෙකං සන්ධාය “යස්ස සියා ආපත්ති”ති (මහාව. 134) පාරාජිකාපත්තිමපි අන්තො කත්වා නිදානුද්දෙසවචනං වෙදිතබ්බං. තස්මා මාතිකායං “පාරාජික”න්ති අවත්වා “පාරාජිකො හොති”ති (පාරා. 42, 44) පුග්ගලනිද්දෙසවචනං තෙන සරීරබන්ධනෙන උපසම්පදාය අභබ්බභාවදීපනත්ථං. “ආපත්ති පාරාජිකස්සා”ති පදභාජනෙ වචනං අන්තිමවත්ථුං අජ්ඣාපන්නස්සාපි පාරාජිකස්ස අසංවාසස්ස සතො පුග්ගලස්ස අට්ඨයාසංවාසකභාවදීපනත්ථං. න හි සො සංවාසං සාදියන්තොපි ට්ඨයාසංවාසකො හොති, තස්මා උපසම්පන්නො “භික්ඛු”ත්වෙව වුච්චති. තෙනෙවාහ “අසුද්ධො හොති පුග්ගලො අඤ්ඤතරං පාරාජිකං ධම්මං අජ්ඣාපන්නො, තඤ්චෙ සුද්ධදිට්ඨි සමානො අනොකාසං කාරාපෙත්වා අක්කොසාධිජ්ජායො වදති, ආපත්ති ඔමසවාදෙන දුක්කටස්සා”ති (පාරා. 389) අනුපසම්පන්නස්ස තදභාවතො සිද්ධො සො උපසම්පන්නො “භික්ඛු”ත්වෙව වුච්චතීති, තෙන පදසොධම්මං, සහසෙයාඤ්ච ජනෙති, භික්ඛුපෙසුඤ්ඤාදිඤ්ච ජනෙතීති වෙදිතබ්බං (වජිර. ටී. පාරාජික 39).

නිදානා මාතිකාහෙදො, විහඬිගො තන්නියාමකො;

තතො ආපත්තියා හෙදො, අනාපත්ති තදඤ්ඤථාති. (වජිර. ටී. පාරාජික 43-44) –

අයං නයො වෙදිතබ්බො. තත්ථ සුදින්නවත්ථු (පාරා. 24 ආදයො)-මක්කට්ඨවත්ථු (පාරා. 40 ආදයො)-වජ්ජිපුත්තකවත්ථු (පාරා. 43) වාති තිජ්ජහෙදවත්ථු ඉමස්ස සික්ඛාපදස්ස නිදානං නාම. තතො නිදානා “යො පන භික්ඛු භික්ඛුනං...පෙ.... අසංවාසො”ති (පාරා. 44) ඉමිස්සා මාතිකාය හෙදො ජාතො. තත්ථ හි “අන්තමසො තිරච්ඡානගතායා”ති (පාරා. 44) ඉත්ථිලිඬිගවසෙන “සච්චං, ආචුසො, භගවතා සික්ඛාපදං පඤ්ඤත්තං, තඤ්ච ඛො ඉත්ථියා, නො පුරිසෙ, නො පණ්ඩකෙ, නො උභතොඛාඤ්ජනකෙ වා”ති මක්කට්ඨපාරාජිකො විය අඤ්ඤොපි ලෙසං ඔඩ්ඬෙතුං සක්කොති, තස්මා තාදිසස්ස අලෙසොකාසස්ස දස්සනත්ථං ඉදං වුච්චති, මක්කට්ඨසඬ්ඛාතා නිදානා “අන්තමසො තිරච්ඡානගතායාපි”ති මාතිකාය වචනහෙදො, න ඉත්ථියා එව මෙටුනසිද්ධිදස්සනතො. තස්මා විහඬිගො තන්නියාමකො තස්සා මාතිකාය අධිජ්ජෙතත්ථනියාමකො විහඬිගොති. විහඬිගෙ හි “තිස්සො ඉත්ථියො, තයො උභතොඛාඤ්ජනකා, තයො පණ්ඩකා, තයො පුරිසා. මනුස්සිත්ථියා තයො මග්ගෙ, තිරච්ඡානගතපුරිසස්ස ද්වෙ මග්ගෙ”තිආදිනා (පාරා. 56) නයෙන සබ්බලෙසොකාසං පිදහිත්වා නියමො කතො. එත්ථාහ – යදි එවං සාධාරණසික්ඛාපදවසෙන වා ලිඬිගපරිවත්තනවසෙන වා න කෙවලං භික්ඛුනං, භික්ඛුනීනමපි “සික්ඛාසාජීවසමාපන්නො”ති විහඬිගෙ වත්තබ්බං සියා. තදවචනෙන හි භික්ඛුනී පුරිසලිඬිගපාතුභාවෙන භික්ඛුභාවෙ යිතා එවං

වදෙයා “නාහං උපසම්පදාකරණකාලෙ භික්ඛුනං සික්ඛාසාජීවසමාපන්නා, තස්මා න අපච්චක්ඛාතසික්ඛාපි මෙටුනාධම්මෙන පාරාජිකා හොමී”ති. වුවුවතෙ – යථා වුත්තං, තථා න වත්තබ්බං අනිට්ඨප්පසඬගතො. තථා වුත්තෙ භික්ඛුනීනම්පි සික්ඛාපච්චක්ඛානං අත්ථිති ආපජ්ජති. තඤ්චානිට්ඨං. ඉදමපරමනිට්ඨං. “සබ්බසික්ඛාපදානි සාධාරණානෙව නාසාධාරණානී”ති. අපිචායං භික්ඛුනං සික්ඛාසාජීවසමාපන්නාව හොතීති දස්සනත්ථං. “අනුජානාමි, භික්ඛවෙ, තංයෙව උපජ්ඣං තමෙව උපසම්පදං තානි වස්සානි භික්ඛුහි සඬගමීතු”න්තිආදි (පාරා. 69) වුත්තං. තතො ආපත්තියා හෙදොති තතො විහඬගතො “අක්ඛයිතෙ සරීරෙ පාරාජිකං, යෙභුයොන ඛයිතෙ ථුල්ලච්චය”න්තිආදි (පාරා. 73, පරි. 157) ආපත්තියා හෙදො හොති. අනාපත්ති තදඤ්ඤාපාති තතො එව විහඬගතො යෙන ආකාරෙන ආපත්ති වුත්තා, තතො අඤ්ඤානාකාරෙන අනාපත්තිහෙදොව හොති. “සාදියති, ආපත්ති පාරාජිකස්ස, න සාදියති, අනාපත්ති”ති හි විහඬගෙ අසති න පඤ්ඤායති. එත්තාවතා “නිදානා මාතිකාහෙදො”ති අයං ගාථා සමාසතො වුත්තත්ථා හොති. විසෙසකාරණං පන තස්මිං තස්මිං සික්ඛාපදෙ ආවිභවිස්සති.

පයමපඤ්ඤත්ති තාව පයමබොධිං අතික්කමිත්ථා පඤ්ඤත්තත්තා, ආයස්මතො සුදින්නස්ස අට්ඨවස්සිකකාලෙ පඤ්ඤත්තත්තා ව රත්තඤ්ඤාමහත්තං පත්තකාලෙ පඤ්ඤත්තා, දුතියපඤ්ඤත්ති බාහුසච්චමහත්තං පත්තකාලෙ. සො හි ආයස්මා මක්කට්ඨපාරාජිකො යථා මාතුගාමජ්ජපිසංයුත්තෙසු සික්ඛාපදෙසු තිරච්ඡානගතිත්ථි න අධිජ්ජෙතා, තථා ඉධාපිති සඤ්ඤාය “සච්චං, ආවුසො...පෙ.... තඤ්ච බො මනුස්සිත්ථියා, තො තිරච්ඡානගතායා”ති (පාරා. 41) ආහ. තතියපඤ්ඤත්ති ලාභග්ගමහත්තං පත්තකාලෙ උජ්ජන්නා “යාවදත්ථං භුඤ්ජිත්ථා”තිආදි (පාරා. 43) වචනතො, වෙසුල්ලමහත්තම්පි එත්ථෙව ලබ්භතීති ඉමං පයමපාරාජිකසික්ඛාපදං තිව්ධම්පි වත්ථුං උපාදාය චතුබ්බිධම්පි තං කාලං පත්ථා පඤ්ඤත්තත්ති වෙදිතබ්බං.

තත්ථ යො පනාති අනවසෙසපරියාදානපදං. භික්ඛුති තස්ස අතිජ්ජසඬගතියමපදං. භික්ඛුනං සික්ඛාසාජීවසමාපන්නොති තස්ස විසෙසනවචනං. න හි සබ්බොපි භික්ඛුනාමකො, යා භගවතා යාය කායචි උපසම්පදාය උපසම්පන්නභික්ඛුනං හෙට්ඨිමපරිච්ඡෙදෙන සික්ඛිතබ්බා සික්ඛා විහිතා, “එත්ථ සහ ජීවන්තී”ති යො ව සාජීවො වුත්තො, තං උභයං සමාපන්නොව හොති. කදා පන සමාපන්නො හොති? යාය කායචි උපසම්පදාය උපසම්පන්නසමනන්තරමෙව තදුභයං ජානන්තොපි අජානන්තොපි තදජ්ඣුපගතත්තා සමාපන්නොව නාම හොති. සහ ජීවන්තීති යාව සික්ඛං න පච්චක්ඛාති, පාරාජිකභාවං වා න පාපුණාති. යං පන වුත්තං අන්ධකට්ඨකථායං. “සික්ඛං පරිපුරෙන්නො සික්ඛාසමාපන්නො සාජීවං අවිතික්කමන්නො සාජීවසමාපන්නො”ති, තං උක්කට්ඨපරිච්ඡෙදවසෙන



වුත්තං. න හි සික්ඛං අපරිපුරෙන්නො, කාමවිතක්කාදිබ්බලො වා එකච්චං සාවසෙසං සාජීවං විතික්කමන්නො වා සික්ඛාසාජීවසමාපන්නො නාම න හොති.

උක්කට්ඨපරිච්ඡෙදෙන පන චතුක්කං ලබ්භති - “අත්ථි භික්ඛු සික්ඛාසමාපන්නො සීලානි පච්චවෙක්ඛන්නො න සාජීවසමාපන්නො අවිත්තකං සික්ඛාපදං විතික්කමන්නො, අත්ථි න සික්ඛාසමාපන්නො කාමවිතක්කාදිබ්බලො සාජීවසමාපන්නො නිරාපත්තිකො, අත්ථි න සික්ඛාසමාපන්නො න ච සාජීවසමාපන්නො අනවසෙසං ආපත්තිං ආපන්නො, අත්ථි උභයසමාපන්නො සික්ඛං පරිපුරෙන්නො සාජීවඤ්ච අවිතික්කමන්නො”ති. අයමෙත්ථ චතුත්ථො භික්ඛු උක්කට්ඨො ඉධ අධිජ්ජෙතො සියා. න හි භගවා අනුක්කට්ඨං චත්තුං යුත්තොති චෙ? න, “තත්ත යායං අධිසීලසික්ඛා, අයං ඉමස්මිං අත්ථෙ අධිජ්ජෙතො සික්ඛා”ති වචනවිරොධතො, උක්කට්ඨග්ගභණ්ඩාධිජ්ජායෙ සති “සික්ඛාති තිස්සො සික්ඛා”ති එත්තකමෙව චත්තබ්බන්ති අධිජ්ජායො. සික්ඛත්තයසමාපන්නො හි සබ්බුක්කට්ඨො. “මෙටුනං ධම්මං පටිසෙවෙය්‍යා”ති පරතො වචනං අපෙක්ඛිත්වා අධිසීලසික්ඛාව වුත්තාති චෙ? න, තස්සාපි අභබ්බන්තා. න හි අධිසීලසික්ඛං පරිපුරෙන්නො, සාජීවඤ්ච අවිතික්කමන්නො මෙටුනධම්මං පටිසෙවිතුං භබ්බො, තං සික්ඛං අපරිපුරෙන්නො, සාජීවඤ්ච විතික්කමන්නොයෙව හි පටිසෙවෙය්‍යාති අධිජ්ජායා. තස්මා එවමෙත්ථ අත්ථො ගහෙතබ්බො. යස්මා සික්ඛාපදසඬාතො සාජීවො අධිසීලසික්ඛමෙව සඬගණ්හාති, න ඉතරසික්ඛාද්වයං, තස්මා “තත්ත යායං අධිසීලසික්ඛා, අයං ඉමස්මිං අත්ථෙ අධිජ්ජෙතො සික්ඛා”ති වුත්තං. තස්මා අධිසීලසික්ඛාය සඬගාහකො සාජීවො සික්ඛාසාජීවොති වුත්තො. ඉති සාජීවච්ඡෙසනත්ථං සික්ඛාග්ගභණ්ඩං කතං. තදත්ථදීපනත්ථමෙව විභඩ්ගෙ සික්ඛං අපරාමසිත්වා “තස්මිං සික්ඛති, තෙන වුවචති සාජීවසමාපන්නො”ති (පාරා. 45) වුත්තං. තෙන එකමෙවදං අත්ථපදන්ති දීපිතං හොති. තඤ්ච උපසම්පදුපගමනන්තරතො පටියාය සික්ඛනාධිකාරත්තා “සික්ඛති”ති ච “සමාපන්නො”ති ච වුවචති. යො එවං “සික්ඛාසාජීවසමාපන්නො”ති සඬං ගතො, තාදිසං පච්චයං පටිච්ච අපරභාගෙ සාජීවසඬාතමෙව සික්ඛං අපච්චක්ඛාය තස්මිංයෙව දුබ්බලාං අනාවිකත්වා මෙටුනං ධම්මං පටිසෙවෙය්‍යාති අයමත්ථො යුජ්ජති.

කිත්තු අට්ඨකථානායො පටික්ඛිත්තො හොති, සො ච න පටික්ඛෙපාරහො හොති, අධිජ්ජායො පනෙත්ථ පරියෙසිතබ්බො. සබ්බෙසු සික්ඛාපදෙසු ඉදමෙව භික්ඛුලක්ඛණං සාධාරණං යදිදං “භික්ඛුනං සික්ඛාසාජීවසමාපන්නො”ති. බිණ්ණාසවොපි සාවකො ආපත්තිං ආපජ්ජති අවිත්තකං, තථා සෙක්ඛො, පුපුජ්ජනො පන සචිත්තකම්පි, තස්මා සෙක්ඛාසෙක්ඛපුපුජ්ජනානං සාමඤ්ඤමිදං භික්ඛුලක්ඛණන්ති කත්වා කෙවලං සික්ඛාසමාපන්නො, කෙවලං සාජීවසමාපන්නො,

උභයසමාපන්නො වාති සරූපෙකදෙසඵකසෙසනගෙන  
 “සික්ඛාසාථීවසමාපන්නො”ත්වෙව සමපිණ්ඩෙත්වා උක්කට්ඨග්ගහණෙන  
 අනුක්කට්ඨානං ගහණසිද්ධිතො අට්ඨකථායං උක්කට්ඨොව වුත්තො.  
 තමෙව සම්පාදෙත්තුං “තස්මිං සික්ඛති, තෙන වුච්චති සාථීවසමාපන්නො”ති  
 එත්ථ සික්ඛාසද්දස්ස අවචනෙ පරිහාරං වත්වා යස්මා පන සො සික්ඛමපි  
 සමාපන්නො, තස්මා සික්ඛාසමාපන්නොතිපි අත්ථතො වෙදිතබ්බොති ව  
 වත්වා “යං සික්ඛං සමාපන්නො, තං අපච්චක්ඛාය, යඤ්ච සාථීවං  
 සමාපන්නො, තත්ථ දුබ්බලාං අනාවිකත්වා”ති වුත්තන්ති අයමට්ඨකථාය  
 අධිප්පායො වෙදිතබ්බො. එතස්මිං පන අධිප්පායෙ අධිසීලසික්ඛාය ඵව  
 ගහණං සබ්බත්ථිකත්තා, සීලාධිකාරතො ව විනයස්සාති වෙදිතබ්බං. යථා ව  
 සික්ඛාපදං සමාදියන්තො සීලං සමාදියතිති වුච්චති, ඵවං සික්ඛාපදං  
 පච්චක්ඛන්තො සීලං පච්චක්ඛාතිති වත්තුං යුජ්ජති, තස්මා තත්ථ වුත්තං “යං  
 සික්ඛං සමාපන්නො, තං අපච්චක්ඛායා”ති (පාරා. අට්ඨ. සික්ඛාපච්චක්ඛානවිහඩගවණ්ණනා). එත්තාවතා සමාසතො  
 “සික්ඛාසාථීවසමාපන්නො”ති එත්ථ වත්තබ්බවිනිච්ඡයො නිට්ඨිතො  
 හොති.

කිං ඉමිනා විසෙසවචනෙන පයොජනං, නනු “යො පන භික්ඛු සික්ඛං  
 අපච්චක්ඛාය දුබ්බලාං අනාවිකත්වා...පෙ.... අසංවාසො”ති එත්තකමෙව  
 වත්තබ්බන්ති වෙ? න වත්තබ්බං අනිට්ඨජ්ජසඬගතො. “යො පන  
 සික්ඛාසාථීවසමාපන්නො ථෙය්‍යසංවාසාදිකො කෙවලෙන  
 සමඤ්ඤාමත්තෙන, පටිඤ්ඤාමත්තෙන වා භික්ඛු, තස්සාපි  
 සික්ඛාපච්චක්ඛානං අත්ථි, සික්ඛං අපච්චක්ඛාය ව මෙටුනං ධම්මං  
 පටිසෙවන්තස්ස පාරාජිකාපත්ති. යො වා පච්ඡා පාරාජිකං ආපත්තිං  
 ආපජ්ජිත්වා න සික්ඛාසාථීවසමාපන්නො, තස්ස ව, යො වා  
 පක්ඛපණ්ඩකත්තා පණ්ඩකභාවුපගමනෙන න සික්ඛාසාථීවසමාපන්නො,  
 තස්ස ව තදුභයං අත්ථිති ආපජ්ජති. පණ්ඩකභාවපක්ඛෙ ව පණ්ඩකො  
 උපසම්පදාය න වත්ථු”ති වුත්තං. තස්මා ඉතරස්මිං පක්ඛෙ වත්ථුති සිද්ධං.  
 තස්මිං පක්ඛෙ උපසම්පන්නො පණ්ඩකභාවපක්ඛෙ පණ්ඩකත්තා න  
 සික්ඛාසාථීවසමාපන්නො, සො පරිච්චජිතබ්බාය සික්ඛාය අභාවෙන සික්ඛං  
 අපච්චක්ඛාය මුබ්බෙන පරස්ස අඩ්ගජාතග්ගහණනගෙන මෙටුනං ධම්මං  
 පටිසෙවෙය්‍ය, තස්ස කුතො පාරාජිකාපත්තිති අධිප්පායො. අයං නගො  
 අපණ්ඩකපක්ඛං අලභමානස්සෙව පරතො යුජ්ජති, ලභන්තස්ස පන  
 අරූපසත්තානං කුසලාදිසමාපත්තික්ඛණෙ භවඩ්ගවිච්ඡෙදෙ සතිපි අමරණං  
 විය පණ්ඩකභාවපක්ඛෙපි භික්ඛුභාවො අත්ථි. සංවාසං වා සාදියන්තස්ස න  
 ථෙය්‍යසංවාසකභාවො අත්ථි අන්තිමවත්ථුඅජ්ඣාපන්නස්ස විය. න ව  
 සහසෙය්‍යාදිං ජනෙති. ගණපුරකො පන න හොති අන්තිමවත්ථුං  
 අජ්ඣාපන්නො විය. න සො සික්ඛාසාථීවසමාපන්නො. ඉතරස්මිං පන  
 පක්ඛෙ හොති, අයං ඉමස්ස තතො විසෙසො. කිමයං සහෙතුකො, උදාහු  
 අහෙතුකොති? න අහෙතුකො. යතො උපසම්පදා තස්ස අපණ්ඩකපක්ඛෙ



අනුඤ්ඤාතා සහෙතුකප්පටිසන්ධිකත්තා. පණ්ඩකභාවපක්ඛෙපි කිස්ස නානුඤ්ඤාතාති චෙ? පණ්ඩකභූතත්තා ඔපක්කමිකපණ්ඩකස්ස විය.

අපිව “සික්ඛාසාඡීවසමාපන්නො”ති ඉමිනා තස්ස සික්ඛාසමාදානං දීපෙත්වා තං සමාදින්නං සික්ඛං අපච්චක්ඛාය, තත්ථ ච දුබ්බලාං අනාවිකත්වාති වත්තුං යුජ්ජති, න අඤ්ඤාතාති ඉමිනා කාරණෙන යථාචුත්තාතිට්ඨප්පසඬගතො “යො පන භික්ඛු භික්ඛුනං සික්ඛාසාඡීවසමාපන්නො සික්ඛං අපච්චක්ඛායා”තිආදි චුත්තං. යථා චෙත්ථ, එවං “යො පන භික්ඛු භික්ඛුනං සික්ඛාසාඡීවසමාපන්නො සික්ඛං අපච්චක්ඛාය දුබ්බලාං අනාවිකත්වා ගාමා වා අරඤ්ඤා වා අදින්නං...පෙ.... යො පන භික්ඛු භික්ඛුනං සික්ඛාසාඡීවසමාපන්නො සික්ඛං අපච්චක්ඛාය දුබ්බලාං අනාවිකත්වා සුගතචීවරප්පමාණං චීවරං කාරාපෙය්‍යා”ති සබ්බත්ථ යොජෙතබ්බං.

“අත්තමසො තිරච්ඡානගතායපි”ති මනුස්සිත්ථිං උපාදාය චුත්තං. න භි පගෙව පණ්ඩකෙ, පුරිසෙ වාති වත්තුං යුජ්ජති. සෙසං තත්ථ තත්ථ චුත්තනයමෙව. අයං තාව මාතිකාය විනිච්ඡයො අඤ්ඤාතාපි යථාසම්භවං යොජෙත්වා දීපෙතබ්බො.

සාරිපුත්තබ්බෙලට්ඨසීසානන්දාදයොපි සික්ඛාපදපඤ්ඤත්තිකාරණත්තා ච ආපත්තිආපජ්ජනතො ච කස්මා මහාවිභඩ්ගෙ ඤත්තිවතුත්ථ උපසම්පදායෙව ආගතාති? පටික්ඛිත්තාය සරණගමනුපසම්පදාය අනුඤ්ඤාතප්පසඬගහයාති උපතිස්සත්ථෙරො. ආපත්තියා හබ්බතං සන්ධාය තස්මිම්පි චුත්තෙ පුබ්බෙ පටික්ඛිත්තාපි හගවතා පුන අනුඤ්ඤාතාති භික්ඛුනං මිච්ඡාගාහො වා විමති වා උජ්ජජ්ජති, තස්මා න චුත්තාති චුත්තං හොති.

“අධම්මකම්මං වග්ගකම්ම”ති (මහාව. 387) වචනතො කුප්පකම්මම්පි කත්ථවි “කම්ම”න්ති චුච්චති, තස්මා “අකුප්පෙනා”ති චුත්තං. යස්මා අකුප්පකම්මම්පි එකච්චං න යානාරහං, යෙන අපත්තො ඔසාරණං සුඔසාරිතොති චුච්චති, තස්මා “යානාරහෙනා”ති චුත්තං. යදි එවං “යානාරහෙනා”ති ඉදමෙව වත්තබ්බං ඉමිනා අකුප්පසිද්ධිතොති චෙ? න, අට්ඨානාරහෙන අකුප්පෙන උපසම්පන්නො ඉමස්මිං අත්ථෙ න අධිප්පෙතො අනිට්ඨප්පසඬගතො. ද්විභි පනෙතෙහි එකතො චුත්තෙහි අයමත්ථො පඤ්ඤායති – කෙවලං තෙන අකුප්පෙන උපසම්පන්නො අයම්පි ඉමස්මිං අත්ථෙ අධිප්පෙතො භික්ඛුති, යානාරහෙන ච අකුප්පෙන ච උපසම්පන්නො අයම්පි ඉමස්මිං අත්ථෙ අධිප්පෙතො භික්ඛුති, කුප්පෙන උපසම්පන්නො නාධිප්පෙතොති.

“පටිසන්ධිග්ගහණතො පට්ඨාය අපරිපුණ්ණචීසතිවස්සො”ති චුත්තත්තා ඔපපාතිකඤ්ඤාති සොළසවස්සුද්දෙසිකා ඔපපාතිකා පටිසන්ධිතො පට්ඨාය

අපරිපුණ්ණවිසතිවස්සානි වදන්ති. ‘සොළසවස්සුද්දෙසිකා හොන්ති’ති වුත්තත්තා පුන වත්තාරි වස්සානි ඉච්ඡිතබ්බානි, ‘පටිසන්ධිග්ගහණතො පට්ඨායා’ති ඉදං ගබ්භසෙය්‍යකානං වසෙන වුත්ත’න්ති එකෙ. “කෙච්චි වදන්ති”ති යත්ථ යත්ථ ලිඛියති, තත්ථ තත්ථ විචාරෙත්වා අත්ථං සුට්ඨු උපලක්ඛයෙ. ඔපක්කමිකෙ පණ්ඩකභාවො ආරුල්භනයෙන වෙදිතබ්බො. “පක්ඛපණ්ඩකො අපණ්ඩකපක්ඛෙ පබ්බාපෙත්වා පණ්ඩකපක්ඛෙ නාසෙතබ්බො”ති (වජිර. ටී. මහාවග්ග 109) ලිඛිතං.

“බිත්ථුං අදත්වා වෙ නිවාසෙති, ටෙය්‍යසංවාසකො න හොති”ති වදන්ති, විමංසිතබ්බං. ලිඛිතානුරූපස්සානි සාමණෙරාරහස්ස සංවාසස්ස සාදිතත්තාති අධිජ්ජායො.

රාජහයාදීහි ගහිතලිඛිතානං “ගිහී මං ‘සමණො’ති ජානන්තු”ති වඤ්චනවිත්තෙ සතිපි භික්ඛුනං වඤ්චෙතුකාමතාය ව තෙහි සංවසිතුකාමතාය ව අභාවා දොසො න ජාතොති. “යො එවං පබ්බජති, සො ටෙය්‍යසංවාසකො නාම හොති”ති වා “එවං කාතුං න ලබ්භති”ති වා “එවං පබ්බජිතො සාමණෙරො න හොති”ති වා න ජානාති, වට්ටති. “ජානාති, න වට්ටති”ති ව ලිඛිතං. “රාජදුබ්භික්ඛාදිඅත්ථාය විවරං පාරුපිත්වා සංවාසං සාදියන්තො ටෙය්‍යසංවාසකො හොති. කස්මා? අසුද්ධවිත්තත්තා. පුන සො ‘සුද්ධං බ්‍රහ්මචරියං කර්ස්සාමි, කිං එතෙනාති විජ්ජට්ඨාමොති වා පච්චයාදිසුලභතාය වා කර්ස්සාමි’ති සුද්ධමානසො හුත්වා යාව සො සංවාසං නාධිවාසෙති, තාව ටෙය්‍යසංවාසකො න හොති. එවං සුද්ධවිත්තුජ්ජන්තිතො පට්ඨාය සංවාසං සාදියති වෙ, ටෙය්‍යසංවාසකො හොතීති අධිජ්ජෙතො. ඉතරථා සබ්බං විරුජ්ඣති”ති එකෙ.

“නාහිපරාමාසාදිනා ජාතො තථාරූපං පිතරං සාතෙති වෙ, පිතුසාතකො හොති”ති වදන්ති.

යො පන කායසංසග්ගෙන සීලවිනාසං පාපෙති, න සො භික්ඛුනිදුසකො “තිණ්ණං මග්ගාන”න්ති වචනතො. භික්ඛුනිං පන එකතොඋපසම්පන්නං දුසෙත්වාපි භික්ඛුනිදුසකො හොති, සොපි පාරාජිකො හොතීති විනිච්ඡයො. භික්ඛුනී පන ටෙය්‍යසංවාසිකා, මාතුපිතුඅරහන්තසාතිකා, ලොහිතුජ්ජාදිකා, තිත්ථියපක්කන්තිකා ව හොති, අට්ඨකථාසු අනාගතං විනයධරා සම්පට්ච්ඡන්ති.

“සම්පජානමුසාවාදෙ පාවිත්තිය”න්ති (පාවි. 2) වුත්තං මරියාදං අවිතික්කමන්තො තස්මිඤ්ච සික්ඛාපදෙ සික්ඛතීති වුවවති. සික්ඛාපදන්ති අසභාවධම්මො සඬකෙතොව, ඉධ පඤ්ඤත්ති අධිජ්ජෙතා. “මෙටුනසංවරස්සෙතං අධිවචන”න්ති සමන්තපාසාදිකායං වුත්තං, තං පනත්ථං සන්ධායාති ලිඛිතං. සික්ඛාති තං තං සික්ඛාපදං, සික්ඛනභාවෙන

පවත්තවිත්තුප්පාදො. සාජීවන්ති පඤ්ඤන්ති. තදන්ථදස්සනත්ථං පුබ්බෙ “මෙටුනසංවරස්සෙනං අධිවචන”න්ති චුත්තං. යස්මා සික්ඛාය ගුණසම්මතාය පුඤ්ඤසම්මතාය තන්තියා අභාවතො ලොකස්ස දුබ්බලාභිකම්මං තත්ථ න සම්භවති. පත්ථනීයා හි සා, තස්මා “යඤ්ච සාජීවං සමාපන්නො, තස්මිං දුබ්බලභාවං අප්පකාසෙත්වා”ති චුත්තං. ආණාය හි දුබ්බලාං සම්භවතීති උපනිස්සො. දුබ්බලාභිකම්මපදං සික්ඛාපච්චක්ඛානපදස්ස ඛාඤ්ජනසිලිට්ඨතාය වා පරිවාරකභාවෙන වා වෙදිතබ්බං. අථ වා යස්මා සික්ඛාපච්චක්ඛානස්ස එකච්චං දුබ්බලාභිකම්මං අකතං හොති, තස්මා තං සන්ධාය “සික්ඛං අපච්චක්ඛායා”ති පදස්ස අත්ථං විචරන්තො “දුබ්බලාං අනාවිකත්වා”ති ආහ. තත්ථ සියා යස්මා න සබ්බං දුබ්බලාභිකම්මං සික්ඛාපච්චක්ඛානං, තස්මා “දුබ්බලාං අනාවිකත්වා”ති පයමං වත්වා තස්ස අත්ථනියමත්ථං “සික්ඛං අපච්චක්ඛායා”ති වත්තබ්බන්ති? තං න, කස්මා? අත්ථානුක්කමාභාවතො. “සික්ඛාසාජීවසමාපන්නො”ති හි චුත්තත්තා “යං සික්ඛං සමාපන්නො, තං අපච්චක්ඛාය, යඤ්ච සාජීවං සමාපන්නො, තත්ථ දුබ්බලාං අනාවිකත්වා”ති චුච්චමානෙ අනුක්කමෙනෙව අත්ථො චුත්තො හොති, න අඤ්ඤථා, තස්මා ඉදමෙව පයමං චුත්තන්ති. තෙසංයෙවාති චුද්දසන්තං.

“සික්ඛං අපච්චක්ඛායා”ති සබ්බසික්ඛාපදානං සාධාරණත්ථං “අයමෙත්ථ අනුපඤ්ඤන්ති”ති චුත්තං.

පවෙසනං නාම අභිගජාතං පවෙසෙන්නස්ස අභිගජාතෙන සම්ඵුසනං. පච්චිධං නාම යාව මූලං පවෙසෙන්නස්ස විජ්ජකතකාලො වායාමකාලො. සුක්කච්චිසට්ඨිසමයෙ අභිගජාතං ධීතං නාම. උද්ධරණං නාම නීහරණකාලො. විනයගණ්ඨිපදෙ පන “වායාමතො ඔරමිත්වා යානං ධීතං නාමා”ති චුත්තං, තං අසඬිකරතො දස්සනත්ථං චුත්තං. පවෙසනපච්චිධඋද්ධරණකාලෙසුපි සුක්කච්චිසට්ඨි හොතියෙව. සාදියනං නාම සෙවනවිත්තස්ස අධිවාසනවිත්තස්ස උප්පාදනං.

උභතොවිභවිගෙ එව පඤ්ඤන්තානි සන්ධාය “ඉදඤ්චි සබ්බසික්ඛාපදානං නිදාන”න්ති චුත්තං. “විනයධරපඤ්චමෙන ගණෙන උපසම්පදා”ති (මහාව. 259) චුත්තත්තා ඉධ තතියා සහයොගෙන චුත්තා. තස්මා වීසතිපි හික්ඛු වෙ නිසින්නා, පඤ්චමො විනයධරොව ඉච්ඡිතබ්බො, එවං සති පාරාජිකො වෙ විනයධරො, උපසම්පදාකම්මං කොපෙතීති වෙ? න, පරිවාරාවසානෙ කම්මවග්ගෙ (පරි. 482 ආදයො) යං කම්මවිපත්තිලක්ඛණං චුත්තං, තස්ස තස්මිං නත්ථිතාය. “කථං වත්ථුතො වා ඤන්තිතො වා අනුස්සාවනතො වා සීමතො වා පරිසතො වා”ති එත්තකං චුත්තං, නනු අයං “පරිසතො වා”ති වචනෙන සඬිගහිතොති වෙ? න, “ද්වාදසහි ආකාරෙහි පරිසතො කම්මානි විපජ්ජන්ති”ති (පරි. 487) සුත්තස්ස හි විභවිගෙ තස්ස අනාමට්ඨන්තානි අයමත්ථො යස්මා තත්ථ තත්ථ සරූපෙන

වුත්තපාළිවසෙනෙව සක්කා ජාතිතුං, තස්මා නයමුඛං දස්සෙත්වා සංඛිත්තොති ලිඛිතං. “අඬග”න්ති පදං උද්ධරිත්වා “සබ්බසික්ඛාපදෙසු ආපත්තීනං අඬගානඬගං වෙදිතබ්බ”න්ති වුත්තං, ඉධ පන “අඬග”න්ති වුත්තං, කස්මා? සමුට්ඨනාදීනං පරිවාරාදීසු සඬබ්බෙපෙන ආගතත්තා තත්ථ ගහෙත්වා ඉධාපි නිද්දිට්ඨානං අනඬගානං වචත්ථානාභාවතො, සබ්බත්ථ සඬබ්බෙපතො ව විත්ථාරතො ව අනඬගත්තෙ වුවිවමානෙ අතිවිත්ථාරතාය තස්මිං තස්මිං සික්ඛාපදෙ අනුනං වත්තබ්බතො වාති වෙදිතබ්බො, සබ්බාපත්තීනං සඬගාහකවසෙනාති අත්ථො.

යාති සික්ඛාපදාති “කිරියානී”ති වුවිවන්ති, තෙසං වසෙන කායවාචා සහ විඤ්ඤත්තියා වෙදිතබ්බො, අකිරියානං වසෙන විනා විඤ්ඤත්තියා වෙදිතබ්බො. විත්තං පනෙත්ථ අප්පමාණං භූතාරොවනසමුට්ඨානස්ස කිරියත්තා, අවිත්තකත්තා ච. තත්ථ කිරියා ආපත්තියා අනඬගන්තරවිත්තසමුට්ඨානා වෙදිතබ්බො. අවිඤ්ඤත්තිජනකමිපි එකච්චං බාහුල්ලනයෙන “කිරිය”න්ති වුවිවති යථෙව පට්ඨපාරාජිකං. විඤ්ඤත්තියා අභාවෙපි “සො වෙ සාදියති, ආපත්ති පාරාජිකස්ස, න සාදියති, අනාපත්ති”ති භි වුත්තං, විඤ්ඤත්තිසඬබ්බාතාපි කිරියා විනා සෙවනවිත්තෙන න භොති වුත්තවිත්තජත්තා, විකාරරූපත්තා, විත්තානුපරිවත්තිකත්තා ච. තස්මා කිරියාසඬබ්බාතමිදං විඤ්ඤත්තිරූපං, ඉතරං විත්තජරූපං විය ජනකවිත්තෙන විනා න තිට්ඨති, ඉතරං සද්දායතනං තිට්ඨති, තස්මා කිරියාය සති එකත්තතො තප්පනකං සෙවනවිත්තං අත්ථි එවාති කත්වා න සාදියති, අනාපත්තීති න යුජ්ජතීති. යස්මා විඤ්ඤත්තිජනකමිපි සමානං සෙවනවිත්තං න සබ්බකාලං විඤ්ඤත්තිං ජනෙති, තස්මා විනාපි විඤ්ඤත්තියා සයං උප්පජ්ජතීති කත්වා “සාදියති, ආපත්ති පාරාජිකස්සා”ති වුත්තං. නුජ්ජජ්ජති වෙ, න සාදියති නාම, තස්ස අනාපත්ති. තෙනෙව භගවා “කිංචිත්තො ත්වං භික්ඛු”ති (පාරා. 135) විත්තෙනෙව ආපත්තිං පරිච්ඡින්නෙති, න කිරියායාති වෙදිතබ්බං.

එත්ථ සමුට්ඨානග්ගහණං කත්තබ්බතො වා අකත්තබ්බතො වා කායාදිහෙදාපෙක්ඛමෙව ආපත්තිං ආපජ්ජති, න අඤ්ඤාත්ති දස්සනප්පයොජනං. තෙසු කිරියාග්ගහණං කායාදීනං සවිඤ්ඤත්තිකාවිඤ්ඤත්තිකහෙදදස්සනප්පයොජනං. සඤ්ඤාග්ගහණං ආපත්තියා අඬගානඬගවිත්තවිසෙසදස්සනප්පයොජනං. තෙන යං විත්තං කිරියලක්ඛණෙ වා අකිරියලක්ඛණෙ වා සන්නිභිතං, යතො වා කිරියා වා අකිරියා වා භොති, න තං අවිසෙසෙන ආපත්තියා අඬගං වා අනඬගං වා භොති. කිත්තු යාය සඤ්ඤාය “සඤ්ඤාවිමොක්ඛ”න්ති වුවිවති, තාය සම්පයුත්තං විත්තං අඬගං, ඉතරං අනඬගන්ති දස්සිතං භොති. ඉදානි යෙන විත්තෙන සික්ඛාපදං සවිත්තකං භොති, තදභාවා අවිත්තකං, තෙන තස්ස අවිසෙසෙන සාවජ්ජතාය “ලොකවජ්ජමෙවා”ති වුත්තං. කිත්තු සාවජ්ජංයෙව සමානං එකච්චං ලොකවජ්ජං, එකච්චං පණ්ණත්තිවජ්ජන්ති



දස්සනප්පයොජනං විත්තලොකවජ්ජග්ගහණං. විත්තමෙව යස්මා “ලොකවජ්ජ”න්ති වුවවති, තස්මා මනොකම්මම්පි සියා ආපත්තීති අනිට්ඨප්පසඬගතිවාරණප්පයොජනං කම්මග්ගහණං.

යං පනෙත්ථ අකිරියලක්ඛණං කම්මං, තං කුසලත්තිකවිනිමුත්තං සියාති අනිට්ඨප්පසඬගතිවාරණප්පයොජනං කුසලත්තිකග්ගහණං. යා පනෙත්ථ අබ්‍යාකතාපත්ති, තං එකච්චං අවෙදනම්පි නිරොධං සමාපන්නො ආපජ්ජතීති වෙදනාත්තිකං එත්ථ න ලබ්භතීති අනිට්ඨප්පසඬගතිවාරණත්ථං වෙදනාත්තිකග්ගහණං. සික්ඛාපදඤ්චි සවිත්තකපුග්ගලවසෙන “තිවිත්තං තිවෙදන”න්ති ලද්ධවොහාරං අවිත්තකෙනාපන්නම්පි “තිවිත්තං තිවෙදන”ම්මෙව වුවවති. තත්‍රිදං සාධකසුත්තං – “අත්ථාපත්ති අවිත්තකො ආපජ්ජති අවිත්තකො වුට්ඨාති (පරි. 324), අත්ථාපත්ති කුසලවිත්තො ආපජ්ජති කුසලවිත්තො වුට්ඨාති”තිආදි (පරි. 470). “සවිත්තකං ආපත්තිදීපනං, සඤ්ඤාවිමොක්ඛං අනාපත්තිදීපනං, අවිත්තකං වත්ථුඅජානනං, නොසඤ්ඤාවිමොක්ඛං විනික්කමනාජානනං. ඉදමෙව තෙසං නානාත්ත”න්ති (චජිර. ටී. පාරාජික 61-66 පකිණ්ණකකථාවණ්ණනා) ලිඛිතං.

සවිත්තකපක්ඛෙති එත්ථ අයං තාව ගණ්ඨීපදනගො – සවිත්තකපක්ඛෙති සුරාපානාදිඅවිත්තකෙ සන්ධාය වුත්තං. සවිත්තකෙසු පන යං එකත්තමකුසලෙනෙව සමුට්ඨාති, තඤ්ච උභයං ලොකවජ්ජං නාම. සුරාපානස්මිඤ්චි “සුරා”ති වා “පාතුං න වට්ටතී”ති වා ජානිත්වා පිවනෙ අකුසලමෙවාති. තත්ථ “න වට්ටතීති ජානිත්වා”ති වුත්තවචනං න යුජ්ජති පණ්ණත්තිවජ්ජස්සපි ලොකවජ්ජතාපසඬගතො. ඉමං අනිට්ඨප්පසඬගං පරිහරතුකාමතාය ව චජිරබුද්ධිත්ථෙරෙන ලිඛිතං – “ඉධ ‘සවිත්තක’න්ති ව ‘අවිත්තක’න්ති ව විවාරණා වත්ථුවිජානනෙ එව හොති, න පඤ්ඤත්තිවිජානනෙ. යදි පඤ්ඤත්තිවිජානනෙ හොති, සබ්බසික්ඛාපදානි ලොකවජ්ජානෙව සිග්ගං, න ව සබ්බසික්ඛාපදානි ලොකවජ්ජානි. තස්මා වත්ථුවිජානනෙ එව හොතීති ඉදං යුජ්ජති. කස්මා? යස්මා සෙබ්බෙසු පඤ්ඤත්තිවිජානනමෙව පමාණං, න වත්ථුමත්තවිජානන”න්ති. අයං පනෙත්ථ අත්ථො සික්ඛාපදසීසෙන ආපත්තිං ගහෙත්වා යස්ස සික්ඛාපදස්ස සවිත්තකස්ස විත්තං අකුසලමෙව හොති, තං ලොකවජ්ජං, සවිත්තකාවිත්තකසඬබ්බතස්ස අවිත්තකස්ස ව සවිත්තකපක්ඛෙ විත්තං අකුසලමෙව හොති, තම්පි සුරාපානාදිලොකවජ්ජන්ති ඉමමත්ථං සන්ධාය “යස්සා සවිත්තකපක්ඛෙ විත්තං අකුසලමෙව හොති, අයං ලොකවජ්ජා නාමා”ති වුත්තං. “සවිත්තකපක්ඛෙ”ති හි ඉදං වචනං අවිත්තකං සන්ධායාහ. න හි එකංසතො සවිත්තකාය “සවිත්තකපක්ඛෙ”ති විසෙසනෙ පයොජනං අත්ථීති, එවං සත්තෙපි අනියමෙන වුත්තඤ්ච නියමවසෙන එව ගහෙතබ්බත්ති අත්ථො.

තිරවිජානානං පනාති පන-සද්දෙන ඵලලව්වයාදිකාරං නිවත්තෙති. කිරියාති එත්ථ “යිතං සාදියති”ති (පාරා. 58) වුත්තත්තා තං කථන්ති චෙ? “සාදියති”ති වුත්තත්තා කිරියා එව. එවං සන්තෙ “කායකම්මං මනොකම්මං”න්ති වත්තබ්බන්ති චෙ? න, පචුරවොහාරවසෙන “කායකම්මං”න්ති වුත්තත්තා. උබ්භජාණ්ණමණ්ඩලිකාය ලබ්භති එවාති ලිබ්භං. පුබ්බෙ වුත්තනයෙන සංසන්දෙත්වා ගහෙතබ්බං. “දුන්නික්ඛිත්තස්ස, භික්ඛචෙ, පදබ්බාසද්දප්පස්ස අත්ථොපි දුන්නයො හොති”ති (අ. නි. 2.20) වදන්තෙනාපි අත්ථස්ස සුඛග්ගහණත්ථමෙව පදබ්බාසද්දප්පස්ස සුනික්ඛිත්තභාවො ඉච්ඡිතො, න අක්ඛරවචනයා, තස්මා ආහ “අත්ථස්ස නිත්තො සරණං අවොවා”තිආදි.

පඨමපාරාජිකවණ්ණනා නිට්ඨිතා.

## 2. දුතියපාරාජිකවණ්ණනා

ගාමා වා අරඤ්ඤා වාති ලක්ඛණානුපඤ්ඤත්තිකත්තා ආදිමහි වුත්තා. සබ්බස්මිඤ්ඤි විනයපිටකෙ ගාමො, ගාමුපවාරො, ගාමක්ඛෙත්තං, ගාමසීමා, ගාමසීමුපවාරොති පඤ්චවිධො ගාමහෙදො වෙදිතබ්බො. තථා ආරඤ්ඤකසීමාය එකං අගාමකං අරඤ්ඤං, සංවිධානසික්ඛාපදානං (පාවි. 180 ආදයො) එකං, සගාමකං එකං, අවිජ්ජවාසසීමාය එකං, ගණමහාඔභීයනකස්ස (පාවි. 691) එකන්ති පඤ්චවිධො අරඤ්ඤහෙදො වෙදිතබ්බො. තත්ථ අත්ථි ගාමො න ගාමපරිහාරං කත්ථවි ලහති, අත්ථි ගාමො න ගාමකිච්චං කරොති, තථා අත්ථි අරඤ්ඤං න අරඤ්ඤපරිහාරං කත්ථවි ලහති, අත්ථි අරඤ්ඤං න අරඤ්ඤකිච්චං කරොතිති අයම්පි හෙදො වෙදිතබ්බො.

තත්ථ අවිජ්ජවාසසීමාසම්මන්තනකම්මවාචාය ය්පෙත්වා “ගාමඤ්ච ගාමුපවාරඤ්චා”ති (මහාව. 144) එත්ථ ගාමො නාම පරික්ඛිත්තො චෙ, පරික්ඛෙපස්ස අන්තො, අපරික්ඛිත්තො චෙ, පරික්ඛෙපොකාසතො අන්තො වෙදිතබ්බො. අයං උදොසිතසික්ඛාපදෙ “අන්තොගාමො”ති (පාරා. 478) ආගතො. සාසඬකසික්ඛාපදෙ “අන්තරසර”න්ති (පාරා. 654) ආගතො අනාසඬකතො. යථාහ “අන්තරසරෙ නික්ඛිපෙය්‍යාති සමන්තා ගොවරගාමෙ නික්ඛිපෙය්‍යා”ති (පාරා. 654). තථා අන්තරසරස්පටිසංයුත්තානං සෙබ්බානං අයමෙව පරිච්ඡෙදො වෙදිතබ්බො. “යා පන භික්ඛුනී එකා ගාමන්තරං ගච්ඡෙය්‍යා”ති (පාවි. 687) එත්ථාපි අයමෙව පරිච්ඡෙදො අධිජ්ජෙතො “පරික්ඛිත්තස්ස ගාමස්ස පරික්ඛෙපං අතික්කමන්තියා, අපරික්ඛිත්තස්ස ගාමස්ස උපවාරං අතික්කමන්තියා”ති වුත්තත්තා.

යෙසු පුරාණපොත්ථකෙසු “උපවාරං ඔක්කමන්තියා”ති ලිබ්භං, තං විකාලෙ ගාමස්පවෙසනසික්ඛාපදෙසු ආවිණ්ණං නයං ගහෙත්වා පමාදෙන



ලිඛියති, න පමාණං. යෙසු ච පොත්ථකෙසු විකාලෙ ගාමප්පවෙසනසික්ඛාපදස්ස විහඬිගෙ (පාවි. 513) “ගාමං පවිසෙය්‍යාති පරික්ඛිත්තස්ස ගාමස්ස පරික්ඛෙපං අතික්කමන්තස්ස, අපරික්ඛිත්තස්ස ගාමස්ස උපචාරං අතික්කමන්තස්සා”ති ලිඛියති, සා පමාදලොඛා. උපචාරං ඔක්කමන්තස්සාති තත්ථ පාඨො. චුත්තඤ්ඤි සමන්තපාසාදිකායං “අපරික්ඛිත්තස්ස ගාමස්ස උපචාරො අදින්නාදානෙ චුත්තනායෙනෙව වෙදිතඛිබ්බො”ති (පාවි. අට්ඨ. 512). ඉධ කඩබාවිතරණියම්පි චුත්තං “සන්තං හික්ඛුං අනාපුච්ඡිත්වාති...පෙ.... උපචාරං ඔක්කමන්තස්සා”තිආදි (කඩබා. අට්ඨ. විකාලගාමප්පවෙසනසික්ඛාපදවණ්ණනා).

යං පන කත්ථවි පොත්ථකෙ “හික්ඛුනියා ගාමන්තරාධිකාරෙ එකෙන පාදෙන ඉතරස්ස ගාමස්ස පරික්ඛෙපං වා අතික්කමන්තෙ, උපචාරං වා ඔක්කන්තෙ පුල්ලච්චයං, දුතියෙන අතික්කන්තමන්තෙ, ඔක්කන්තමන්තෙ ච සඬ්ඝාදිසෙසො”ති පාඨො දිස්සති. තත්ථ “ඔක්කන්තෙ, ඔක්කන්තමන්තෙ”ති එතාති පදාති අධිකාති, කෙවලං ලිඛිතකෙහි අඤ්ඤෙහි ලිඛිතාති. කත්ථවි පොත්ථකෙ “ඔක්කන්තමන්තෙ වා”ති පදං න දිස්සති, ඉතරං දිස්සති. තාති ද්වෙ පදාති පාළියා විරුජ්ඣන්ති. “අපරික්ඛිත්තස්ස ගාමස්ස උපචාරං අතික්කාමෙන්තියා”ති (පාවි. 692) හි පාළි. තථා සමන්තපාසාදිකාය (පාවි. අට්ඨ. 692) විරුජ්ඣන්ති. “පරික්ඛෙපාරහට්ඨානං එකෙන පාදෙන අතික්කමති, පුල්ලච්චයං, දුතියෙන අතික්කමති, සඬ්ඝාදිසෙසො. අපිචෙත්ථ සකගාමතො...පෙ.... එකෙන පාදෙන ඉතරස්ස ගාමස්ස පරික්ඛෙපෙ වා උපචාරෙ වා අතික්කන්තෙ පුල්ලච්චයං, දුතියෙන අතික්කන්තමන්තෙ සඬ්ඝාදිසෙසො”ති (පාවි. අට්ඨ. 692) හි චුත්තං.

ගණ්ඨීපදෙ වස්ස “පරික්ඛෙපං අතික්කාමෙන්තියා”ති වත්වා “උපචාරෙපි එසෙව නයො”ති චුත්තං. අනුගණ්ඨීපදෙ ච “අපරික්ඛිත්තස්ස ගාමස්ස උපචාරං ‘ඔක්කමන්තියා’තිපි පොත්ථකෙසු එකච්චෙසු දිස්සති, තං න ගහෙතඛිබ්බ”න්ති චුත්තං. අපරම්පි චුත්තං “අපරික්ඛිත්තස්ස ගාමස්ස උපචාරං ‘අතික්කාමෙන්තියා’ති වචනෙනාපි එවං වෙදිතඛිබ්බං – විකාලෙ ගාමප්පවෙසනෙ ද්වින්නං ලෙඬ්ඛුපාතානං එව වසෙන උපචාරො පරිච්ඡින්නිතඛිබ්බො, ඉතරථා යථා එත්ථ පරික්ඛෙපාරහට්ඨානං පරික්ඛෙපං විය කත්වා ‘අතික්කාමෙන්තියා’ති චුත්තං, එවං තත්ථාපි ‘අපරික්ඛිත්තස්ස ගාමස්ස උපචාරං අතික්කාමෙන්තස්සා’ති වදෙය්‍ය. යස්මා පන තත්ථ පරික්ඛෙපාරහට්ඨානතො උත්තරිමෙකො ලෙඬ්ඛුපාතො උපචාරොති අධිප්පෙතො. තස්මා තදත්ථදීපනත්ථං ‘අපරික්ඛිත්තස්ස ගාමස්ස උපචාරං ඔක්කමන්තස්සා’ති චුත්ත”න්ති.

යං පන අන්ධකට්ඨකථායං පරික්ඛෙපාරහට්ඨානංයෙව උපචාරන්ති සල්ලක්ඛෙත්වා “පරික්ඛෙපපඅක්ඛෙපාරහට්ඨානානං

නින්නානාකරණදීපනත්ථං උපචාරං ඔක්කමන්තස්සා”ති වුත්තං, පාළිවිසෙසමසල්ලක්ඛෙන්වා “අපරික්ඛිත්තස්ස ගාමස්ස උපචාරං අතික්කමන්තස්ස ඉධ උපචාරො පරික්ඛෙපො යථා භවෙය්‍ය, තං උපචාරං පඨමං පාදං අතික්කාමෙන්තස්ස ආපත්ති දුක්කටස්ස, දුතියං පාදං අතික්කාමෙන්තස්ස ආපත්ති පාවිත්තියස්සා”ති වුත්තං, තං න ගහෙනබ්බමෙව පාළියා විසෙසසම්භවතොති. පොරාණගණ්ඨීපදෙ “උපචාරං අතික්කාමෙන්තියා භික්ඛුනියා ගාමන්තරාපත්තී”ති වුත්තං. තස්මා ඉධ කඩ්බාවිතරණියා “එකෙන පාදෙන ඉතරස්ස...පෙ.... අතික්කන්තමත්තෙ සඬ්ඝාදිසෙසො”ති අයමෙව පාඨො වෙදිතබ්බො. එත්තාවතා ඉමෙසු යථාවුත්තෙසු යානෙසු යථාවුත්තපරිච්ඡෙදොව ගාමොති වෙදිතබ්බො. ඉමස්ස අත්ථස්ස දීපනත්ථං “ගාමො නාම එකකුටිකොපි”තිආදි (පාරා. 92) වුත්තං. ඉමස්ස වසෙන අසතිපි පරික්ඛෙපාතික්කමෙ, උපචාරොක්කමනෙ වා අන්තරාරාමනො වා භික්ඛුනුපස්සයතො වා තිත්ථියසෙය්‍යතො වා පටික්කමනතො වා තං ගාමං පවිසන්තස්ස අන්තරාරාමපරික්ඛෙපස්ස, උපචාරස්ස වා අතික්කමනවසෙන ගාමපච්චයා ආපත්තියො වෙදිතබ්බො.

ගාමුපචාරො පන “යපෙත්වා ගාමඤ්ච ගාමුපචාරඤ්චා”ති (මහාව. 144) එත්ථ පරික්ඛිත්තස්ස ගාමස්ස පරික්ඛෙපොව, අපරික්ඛිත්තස්ස ගාමස්ස පරික්ඛෙපොකාසොව. වුත්තඤ්ඤෙනං අට්ඨකථායං “ගාමුපචාරොති පරික්ඛිත්තස්ස ගාමස්ස පරික්ඛෙපො, අපරික්ඛිත්තස්ස ගාමස්ස පරික්ඛෙපොකාසො. තෙසු අධිට්ඨිතතෙවීවරිකො භික්ඛු පරිහාරං න ලහති”ති (මහාව. අට්ඨ. 144). කිං පනෙත්ථ කාරණං, යෙන අයං ගාමො, ගාමුපචාරො ව ඉධ අඤ්ඤථා, අඤ්ඤත්ථ තථාති? අට්ඨප්පත්තීතො “තෙන බො පන සමයෙන භික්ඛු ‘භගවතා තිථිවරෙන අවිජ්ජවාසසම්මුති අනුඤ්ඤාතා’ති අන්තරසරෙ වීවරානි නික්ඛිපන්තී”ති (මහාව. 143) ඉමිස්සා හි අට්ඨප්පත්තියා “යපෙත්වා ගාමඤ්ච ගාමුපචාරඤ්චා”ති (මහාව. 144) වුත්තං. තස්මා යත්ථ අන්තරසරසඤ්ඤා, තත්ථ අවිජ්ජවාසසීමා න ගච්ඡති වෙදිතබ්බො. තෙන ව උදොසිතසික්ඛාපදෙ “අන්තොගාමෙ වීවරං නික්ඛිපිත්වා අන්තොගාමෙ වත්ථබ්බ”න්ති (පාරා. 478) ව “සභායෙ වා ද්වාරමුලෙ වා, භත්ථපාසා වා න විජ්ඣිතබ්බ”න්ති ව වුත්තං. කප්පියභූමියං වසන්තොයෙව හි කප්පියභූමියං නික්ඛිත්තවීවරං රක්ඛති. සාසඬ්ඝසික්ඛාපදෙ පන “යස්මා යත්ථ ගාමෙ වීවරං නික්ඛිත්තං, තෙන ගාමෙන විජ්ජවසන්තො වීවරෙන විජ්ජවසතීති වුවවති, තස්මා පුන ගාමසීමං ඔක්කමිත්වා වසිත්වා පක්කමති”ති වුත්තං. තස්මිඤ්ච සික්ඛාපදෙ ගාමසීමා ගාමො නාමාති අධිජ්ජෙතො. තත්ථ විකාලෙ ගාමජ්ජවෙසනසික්ඛාපදවිභඩ්ගෙ “පරික්ඛිත්තස්ස ගාමස්ස පරික්ඛෙපං අතික්කමන්තස්ස ආපත්ති පාවිත්තියස්සා”ති (පාවි. 513) වචනතො පරික්ඛෙපො න ගාමො. කින්තු ගාමුපචාරොති ලෙසෙන දස්සිතං හොති. ඉමස්මිං පන සික්ඛාපදවිභඩ්ගෙ “ගාමුපචාරො නාමා”ති ආරභිත්වා “අපරික්ඛිත්තස්ස ගාමස්ස සරුපචාරෙ ධීතස්ස මජ්ඣිමස්ස පුරිසස්ස

ලෙඩ්ඩුපාතො’’ති ඉමිනා අපරික්ඛිත්තස්ස පරික්ඛෙපොකාසො ගාමුපවාරොති සිද්ධං. තදන්ථසම්භවතො තස්මිං සරූපවාරෙ යීතස්ස ලෙඩ්ඩුපාතො ගාමුපවාරොති කුරුන්දට්ඨකථායං, මහාපච්චරියම්පි වුත්තං. උපවාරො හි “ගාමො එකුපවාරො නානුපවාරො’’තිආදීසු ද්වාරං, “අජ්ඣාකාසො එකුපවාරො’’ති එත්ථ සමන්තා සත්තඛිහන්තරසඩ්බාතං පමාණං, තස්මා “ගාමුපවාරොති පරික්ඛිත්තස්ස ගාමස්ස පරික්ඛෙපො, අපරික්ඛිත්තස්ස ගාමස්ස පරික්ඛෙපොකාසො’’ති අන්ධකට්ඨකථායං වුත්තන්ති වෙදිතඛිබ්බං. තථා කුරුන්දියං, මහාපච්චරියඤ්ච. තථා පාළියම්පි “අජ්ඣාරාමො නාම පරික්ඛිත්තස්ස ආරාමස්ස අන්තො ආරාමො, අපරික්ඛිත්තස්ස උපවාරො. අජ්ඣාවසථො නාම පරික්ඛිත්තස්ස ආවසථස්ස අන්තො ආවසථො, අපරික්ඛිත්තස්ස උපවාරො’’තිආදීසු දිස්සති. මහාඅට්ඨකථායං පන “ගාමුපවාරො’’තිආදීසු දිස්සති. තස්මා දුතියො ලෙඩ්ඩුපාතො උපවාරොති අධිජ්ජෙතො.

“අපරික්ඛිත්තස්ස ගාමස්ස උපවාරං ඔක්කමන්තස්ස ආපත්ති පාවිත්තියස්සා’’ති පාළිවිසෙසසම්භවතො ච පඨමො ලෙඩ්ඩුපාතො ගාමො එව, දුතියො ගාමුපවාරොති වුත්තං. පරික්ඛිත්තස්ස පන ගාමස්ස ඉන්දබ්බෙ යීතස්ස මජ්ඣිමස්ස පුරිසස්ස ලෙඩ්ඩුපාතො ගාමුපවාරොති වුත්තන්ති එත්ථ හෙදො නත්ථි. එත්තාවතා පරික්ඛිත්තස්ස දුට්ඨො උපවාරො, අපරික්ඛිත්තස්ස චතුඛිබ්බො උපවාරො යත්ථ සම්භවති, යත්ථ ච න සම්භවති, තං සබ්බං දස්සිතං හොති.

ගාමබ්බන්තස්ස ච ගාමසීමාය ච ලක්ඛණං අට්ඨකථායමෙව වුත්තං. උභයඤ්චි අත්ථතො එකං. තත්ථ ගාමසීමාය ගාමභාවො සාසඨිකසික්ඛාපදවසෙන වෙදිතඛිබ්බො.

ගාමසීමුපවාරො නාම මනුස්සානං කට්ඨනිණුපුප්ඵලාදිඅත්ථිකානං වනවරකානං වලඤ්ජනට්ඨානං. ඉමස්ස ගාමසීමුපවාරභාවො උදොසිතසික්ඛාපදෙ, “අගාමකෙ අරඤ්ඤෙ සමන්තා සත්තඛිහන්තරා’’ති (පාරා. 494) ආගතට්ඨානෙ බන්ධකෙ (මහාව. 147) ච වෙදිතඛිබ්බො. එත්ථ හි භගවා ගාමන්තවාසීනං භික්ඛූනං සීමං දස්සෙන්නො “යං ගාමං වා නිගමං වා උපනිස්සාය විහරතී’’ති (මහාව. 147) වත්වා දස්සෙති. තදනන්තරමෙව “අගාමකෙ’’තිආදීනා සත්තඛිහන්තරසීමං දස්සෙති. තස්මා යො භික්ඛූ ගාමං වා නිගමං වා උපනිස්සාය න විහරති, කෙවලං නාවායං වා ඵලමග්ගෙන වා අද්ධානමග්ගප්පට්පන්නො හොති, තස්ස තත්ථ තත්ථ සත්තඛිහන්තරසීමා ලඛ්භතීති වෙදිතඛිබ්බො. වුත්තඤ්චි “එකකුලස්ස සත්ථො හොති, සත්ථෙ වීචරං නික්ඛිපිත්වා පුරතො වා පච්ඡතො වා සත්තඛිහන්තරා න විජහිතඛිබ්බ’’න්තිආදි (පාරා. 489). ඉදමෙව අරඤ්ඤං සන්ධාය “ආරඤ්ඤකසීමාය එකං අගාමකං අරඤ්ඤ’’න්ති වුත්තං.

යං සන්ධාය “අගාමකෙ අරඤ්ඤෙ අද්ධයොජනෙ අද්ධයොජනෙ ආපත්ති පාවිත්තියස්සා”ති (පාවි. 414) පාළියං වුත්තං. ඉදං සංවිධානසික්ඛාපදානං එකං අගාමකං අරඤ්ඤං නාම.

පුරිමෙන පන සඝරං සඬගහිතං, ඉමිනා තමසඬගහිතන්ති. යං සන්ධාය ගණමිහා ඔභියනාධිකාරෙ අට්ඨකථායං (පාවි. අට්ඨ. 692) “අගාමකෙ අරඤ්ඤෙති එත්ථ ‘නික්ඛම්ත්වා ඛහි ඉන්දබ්බිලා සබ්බමෙනං අරඤ්ඤ’න්ති එවං වුත්තං ලක්ඛණං අරඤ්ඤං. තං පනෙන කෙවලං ගාමාභාවෙන ‘අගාමක’න්ති වුත්තං, න විඤ්ඤාට්ඨසදිසතායා”ති වුත්තං. යං සන්ධාය “ආරඤ්ඤකං නාම සෙනාසනං පඤ්චධනුසතිකං පච්ඡිම”න්ති (පාරා. 654; පාවි. 573) වුත්තං. ඉදං ආරඤ්ඤකසෙනාසනං නාම පරික්ඛිත්තස්ස පරික්ඛෙපතො ඛහි, අපරික්ඛිත්තස්ස පන පරික්ඛෙපොකාසතො ඛහි සරුක්ඛං වා අරුක්ඛං වා විහාරෙ කුන්තදිසමාකිණ්ණමපි අරඤ්ඤං නාම. තථා “ගණමිහා ඔභියනකස්ස එක”න්ති වුත්තං. ඉදං අරඤ්ඤංව. ඉදං පන පුබ්බෙ අගාමකභාවෙන ආගතට්ඨානෙ වුත්තලක්ඛණමෙව හුත්වා නික්ඛම්ත්වා ඛහි ඉන්දබ්බිලා දස්සනුපචාරවිජහනෙ එකමෙව ආපත්තිං කරොති, තතො උද්ධං අනාපත්ති. “සංවිධානසික්ඛාපදානං එක”න්ති වුත්තං පන අද්ධයොජනෙ අද්ධයොජනෙ එකෙකං ආපත්තිං කරොති, න තතො ඔරං. ඉතරානි තිණි යථාවුත්තපරිච්ඡෙදතො ඔරමෙව තත්ථ වුත්තවිධිං න සම්පාදෙන්නි, පරං සම්පාදෙන්නි. එවමෙනෙසං අඤ්ඤමඤ්ඤනානත්තං වෙදිතබ්බං.

තත්ථ පඤ්චවිධෙ ගාමෙ යො “පරික්ඛිත්තස්ස ගාමස්ස ඉන්දබ්බිලෙ ධීතස්ස ලෙඬ්චුපාතො”ති (පාරා. 92) වුත්තො, සො න කත්ථවි විනයපිටකෙ උපයොගං ගතො, කෙවලං අපරික්ඛිත්තස්ස පරික්ඛෙපොකාසතො අපරො එකො ලෙඬ්චුපාතො ගාමුපචාරො නාමාති දීපනත්ථං වුත්තො. පරික්ඛිත්තස්සපි වෙ ගාමස්ස එකො ලෙඬ්චුපාතො කප්පියභූමිසමානො උපචාරොති වුත්තො, පගෙව අපරික්ඛිත්තස්ස පරික්ඛෙපොකාසතො එකො. සො පන පාකටත්තා ව අජ්ඣෙකාකාසත්තා ව ඔක්කමන්තස්ස ආපත්තිං කරොති යපෙත්වා භික්ඛුනියා ගාමන්තරාපත්තිං. භික්ඛුනියො හි තස්මිං දුතියලෙඬ්චුපාතසඬබාතෙ ගාමුපචාරෙ වසන්ති ආපත්තිඤ්ච ආපජ්ජන්ති, ගාමං පච්ඡන්ති ගාමන්තරාපත්තිඤ්ච. තාසඤ්චි ධීතට්ඨානං අරඤ්ඤසඬබායං ගච්ඡති “තාවදෙව ඡායා මෙතබ්බා...පෙ... තස්සා තයො ව නිස්සයෙ, අට්ඨ ව අකරණියානි ආචික්ඛෙය්‍යාථා”ති (වුළුව. 430) වචනතො. අරඤ්ඤජපට්ඨසංයුත්තානං සික්ඛාපදානං, විකාලෙගාමජපවෙසනසික්ඛාපදස්ස (පාවි. 508) ව භික්ඛුනීනං අසාධාරණත්තා ව අන්තරාරාමභික්ඛුනුපස්සයජපට්ඨකමනාදීනං කප්පියභූමිභාවවචනතො ව “එකා ගණමිහා ඔභියෙය්‍යාති අගාමකෙ අරඤ්ඤෙ දුතියිකාය භික්ඛුනියා දස්සනුපචාරං වා සවනුපචාරං වා විජහන්තියා ආපත්ති පුල්ලව්වයස්සා”තිආදිසික්ඛාපදපඤ්ඤත්තිතො (පාවි.



692) ච භික්ඛුනික්ඛන්ධකනයථන වා යස්මා පරික්ඛිත්තස්ස ගාමස්ස ඉන්දබ්ලිතො පට්ඨාය අපරික්ඛිත්තස්ස උපචාරතො පට්ඨාය නියති, තත්ථ අන්තරසරෙ නික්ඛිත්තව්වරෙ සති චතුරභිගසමොධානෙන භික්ඛු වසන්ති, තස්මා සගාමකං නාම හොති.

අවිජ්ජවාසසීමාය ඵකං නාම “න, භික්ඛවෙ, භික්ඛුනියා අරඤ්ඤෙ වත්ථබ්බං, යා වසෙය්‍ය, ආපත්ති දුක්ඛට්ඨස්සා”ති (වුළුව. 431) වචනතො භික්ඛුනීනං අරඤ්ඤවාසො නාම නත්ථීති සිද්ධං. තාය භි අරඤ්ඤෙ භික්ඛුනුපස්සයෙ සති අන්තොආවාසෙපි දුතියිකාය දස්සනසචනුපචාරං විජහන්තියා ආපත්ති. තස්මා අවිජ්ජවාසසීමාධිකාරෙ “යපෙත්වා ගාමඤ්ච ගාමුපචාරඤ්චා”ති (මහාව. 144) ඵත්ථ යං යානං යපිතං, තත්ථෙව භික්ඛුනුපස්සයොපි කප්පති, න තතො පරං.

තාසඤ්ච අවිජ්ජවාසසීමාකම්මවාචායං “යපෙත්වා ගාමඤ්ච ගාමුපචාරඤ්චා”ති වචනං නත්ථීති කත්වා තෙස්වෙව ගාමගාමුපචාරෙසු ඵරති. තතො පරං දුතියෙසු ලෙඬ්ඬිපාතාදීසු තාසං අකප්පියභූමිකත්තා න සමානසංවාසකසීමා අරඤ්ඤෙ ඵරති භික්ඛුනං ගාමගාමුපචාරං විය. තස්මා චුත්තං “භික්ඛුනියා යපෙත්වා ගාමන්තරාපත්ති”න්ති.

ඵචං තාව පඤ්චවිධං ගාමහෙදං, අරඤ්ඤහෙදඤ්ච ඤත්වා ඉදානි “අත්ථී ගාමො න ගාමපරිහාරං කත්ථවි ලහති”ති ආදිහෙදො වෙදිතබ්බො. තත්ථ යො අට්ඨකථායං “අමනුස්සො නාම යො සබ්බසො වා මනුස්සානං අභාවෙන යක්ඛපරිග්ගහභූතො”ති චුත්තො, සො ගාමො න ගාමපරිහාරං කත්ථවි සික්ඛාපදෙ ලහති. යඤ්චි සන්ධාය අට්ඨකථායං “තං පනෙතං බුද්ධකාලෙ, වක්ඛවත්තිකාලෙ ච නගරං හොති, සෙසකාලෙ සුඤ්ඤං හොති යක්ඛපරිග්ගහිත”න්ති (පාරා. අට්ඨ. 1.84; දී. නි. අට්ඨ. 1.150) චුත්තං. යො පන පට්ඨාපචාරාදීහි විලුත්තත්තා, කෙවලං භයෙන වා ඡඩ්ඨිතො සසරොච අන්තරහිතගාමභූතො, සො “ගාමන්තරෙ ගාමන්තරෙ ආපත්ති පාවිත්තියස්සා”ති (පාවි. 183) චුත්තපාවිත්තියං ජනෙති, විකාලෙ ගාමජ්ජවෙසනං, සෙබ්බෙ වත්තාරි ජනෙතීති වෙදිතබ්බො. යො පන ගාමො යතො වා මනුස්සා කෙනවිදෙව කරණීයෙන පුනපි ආගන්තුකාමා ඵච අපක්කත්තාති චුත්තො, අමනුස්සො සො පකතිගාමසදිසොච.

අත්ථී අරඤ්ඤං න අරඤ්ඤපරිහාරං කත්ථවි ලහතීති ඵත්ථ “අජ්ඣෙකාකාසො ඵකුපචාරො නාම අගාමකෙ අරඤ්ඤෙ සමන්තා සත්තබ්හන්තරා ඵකුපචාරො, තතො පරං නානුපචාරො”ති (පාරා. 494) ඵත්ථ ය්වායං නානුපචාරොති චුත්තො, තං වෙදිතබ්බං. යො පන පරික්ඛිත්තස්ස ඵකලෙඬ්ඬිපාතසඬ්ඨාතො ගාමුපචාරනාමකො ගාමො, යො වා සත්ථො නාතිරෙකවාතුමාසනිවිට්ඨො, සො අත්ථී ගාමො න ගාමකිව්චං කරොති. න භි තං යානං ඔක්කමන්තො ගාමජ්ජවෙසනාපත්තිං ආපජ්ජති. යං

පන ගාමසීමාය පරියාපන්නං මනුස්සානං චලඤ්ජනට්ඨානභූතං අරඤ්ඤං, තං අත්ථී අරඤ්ඤං න අරඤ්ඤකිච්චං කරොති නාම. න හි තත්ථ ආරඤ්ඤකසීමා ලබ්භතීති. එත්තාවතා “ගාමා වා අරඤ්ඤා වා”ති ඉමිස්සා අනුපඤ්ඤත්තියා ලක්ඛණානුපඤ්ඤත්තිභාවො දස්සිතො හොති.

“ගොනිසාදිනිවිට්ඨොපි ගාමො”ති එත්ථ සචෙ තස්ස ගාමස්ස ගාමබ්බේතපරිච්ඡේදො අත්ථී, සබ්බොපි එකො ගාමො. නො චෙ, උපචාරෙන වා පරික්ඛේපෙන වා පරිච්ඡින්නිදිතබ්බො. සචෙ ගාමබ්බේතෙ සති කානිචි තානි සරානි අඤ්ඤමඤ්ඤඋපචාරජ්ජහොනකං යානං අතික්කමිත්වා දුරෙ දුරෙ කතානි හොත්ති, විකාලෙ ගාමජ්ජවෙසෙ උපචාරොව පමාණං. අන්තරසරජ්ජපිසංයුත්තෙසු සෙබ්බෙසු, භික්ඛුනියා ගාමන්තරාපත්තිසු ච සරානං පරික්ඛේපාරහට්ඨානං පමාණං, උපොසථාදිකම්මානං ගාමබ්බේතං පමාණං, ආරඤ්ඤකසෙනාසනස්ස ආසන්නසරස්ස දුතියලෙඬ්චුපාතතො පට්ඨාය පඤ්චධනුසතන්නරතා පමාණන්ති එවං නො පටිභානන්ති ආචරියා.

“යමපි එකස්මිංයෙව ගාමබ්බේතෙ එකං පදෙසං ‘අයමපි විසුංගාමො හොතු’ති පරිච්ඡින්නිදිත්වා රාජා කස්සචි දෙනි, සොපි විසුංගාමසීමා හොතියෙවා”ති (මහාව. අට්ඨ. 147) අට්ඨකථාවචනතො තං පවිසන්තියා භික්ඛුනියා ගාමන්තරාපත්ති හොති එව. සචෙ තත්ථ විහාරො වා දෙවකුලං වා සභා වා ගෙහං වා නත්ථී, කෙවලං චත්ථුමත්තකමෙව හොති, ගාමොති විනයකම්මං සබ්බං තත්ථ කප්පති. “අමනුස්සො ගාමො”ති හි චුත්තං. තඤ්ච යානං ඉතරස්ස ගාමස්ස පරික්ඛේපබ්හන්නරෙ වා උපචාරබ්හන්නරෙ වා හොති, විකාලෙ ගාමජ්ජවෙසනං ආපුච්ඡිත්වාච ගත්තබ්බං. නො චෙ, අරඤ්ඤං විය යථාසුඛං ගත්තබ්බං. තත්ථ චෙ ආරාමො වා තිත්ථියසෙය්‍යාදීසු අඤ්ඤතරොවා හොති, ලද්ධකප්පමෙව. භික්ඛුනුපස්සයො චෙ හොති, ගාමං පිණ්ඩාය පවිසන්තියා භික්ඛුනියා ගාමන්තරාපත්ති පරිහරිතබ්බො. “අරඤ්ඤං නාම යපෙත්වා ගාමඤ්ච ගාමුපචාරඤ්ච අවසෙසං අරඤ්ඤං නාමා”ති (පාරා. 92) එත්ථ පරික්ඛේපෙ සති යථාචුත්තපරිච්ඡේදං ගාමමෙව යපෙත්වා අවසෙසං තස්ස උපචාරං, තතො පරඤ්ච අරඤ්ඤං නාම, පරික්ඛේපෙ අසති යථාචුත්තපරිච්ඡේදං ගාමුපචාරමෙව යපෙත්වා තතො පරං අවසෙසං අරඤ්ඤං නාමාති අධිජ්ජායො. එවං සති “නික්ඛමිත්වා බහි ඉන්දබ්බිලා සබ්බමෙතං අරඤ්ඤං”න්ති (විහ. 529) චුත්තලක්ඛණෙ අගාමකෙ අරඤ්ඤෙ ගණම්භාඨනීයනාපත්ති, තත්ථ අවිජ්ජවාසසීමාය ඵරණං විකාලෙ ගාමජ්ජවෙසනාපත්තියා අනාපත්තීති එවමාදිවිනයවිධි සමෙති, අඤ්ඤථා න සමෙති.

“යපෙත්වා ගාමුපචාරං අවසෙසං අරඤ්ඤං නාමා”ති (මහාව. 144) චුත්තෙ ගාමුපචාරතො පරො අරඤ්ඤන්ති සිද්ධෙ “යපෙත්වා ගාම”න්ති විසෙසත්ථො න දිස්සති, ගාමස්ස පන අරඤ්ඤභාවජ්ජසඬ්භගයා චුත්තන්ති

වෙ? න, ගාමුපවාරස්ස අභාවජ්ජසඤ්ඤානො. සති හි ගාමෙ ගාමුපවාරො හොති, සො ච තව මනෙන අරඤ්ඤානො. කුතො දාති ගාමුපවාරො. ගාමුපවාරොපි වෙ අරඤ්ඤාසඤ්ඤානං ගච්ඡති, පරොව ගාමොති කත්වා න යුත්තං ගාමස්ස අරඤ්ඤාභාවජ්ජසඤ්ඤානො ච. තස්මා “ගාමා වා අරඤ්ඤා වා”ති එත්ථ ගාමුපවාරොපි “ගාමො” ත්වෙව සඤ්ඤානො. තස්මා ගාමස්ස අරඤ්ඤාභාවජ්ජසඤ්ඤානො න යුජ්ජති. යදි එවං “යපෙත්වා ගාමං අවසෙසං අරඤ්ඤං නාමා”ති එත්තකං වත්තබ්බන්ති වෙ? න, අරඤ්ඤාස්ස පරිච්ඡේදජානනාජ්ජසඤ්ඤානො. තථා හි චුත්තො “අරඤ්ඤාපරිච්ඡේදො න පඤ්ඤායතී”ති නො ලද්ධි. ගාමුපවාරපරියන්තො හි ඉධ ගාමො නාම. යදි එවං “ගාමස්ස ච අරඤ්ඤාස්ස ච පරිච්ඡේදස්සනත්ථං චුත්ත”න්ති අට්ඨකථායං වත්තබ්බං, “අරඤ්ඤාස්ස පරිච්ඡේදස්සනත්ථං චුත්ත”න්ති කිමත්ථං චුත්තන්ති වෙ? චුච්චතෙ — අට්ඨකථාවරියෙන පයමගාමුපවාරංයෙව සන්ධාය චුත්තං “අරඤ්ඤාපරිච්ඡේදස්සනත්ථං”න්ති සබ්බසික්ඛාපදෙ හි බාහිරඉන්ද්‍රියලතො පට්ඨාය ගාමුපවාරං අරඤ්ඤං නාම. ගාමපරිච්ඡේදවචනෙ පයොජනං පනෙත්ථ නත්ථි පරික්ඛේපෙනෙව පාකට්ඨුතන්තා. දුතියගාමුපවාරොව ගාමස්ස පරිච්ඡේදස්සනත්ථං චුත්තො පරික්ඛේපභාවෙන අපාකට්ඨන්තා. තත්ථ පයමගාමුපවාරො වෙ අරඤ්ඤාපරිච්ඡේදස්සනත්ථං චුත්තො, තත්ථ න වත්තබ්බො. “නික්ඛමිත්වා ඉන්ද්‍රියලා සබ්බමෙතං අරඤ්ඤ”න්ති වත්තබ්බං. එවං සන්තෙ සුඛාත්තතරං අරඤ්ඤාපරිච්ඡේදො දස්සිතො හොති, මිච්ඡාගාහො ච න හොති.

“මජ්ඣිමස්ස පුරිසස්ස ලෙඩ්ඛුපාතො”ති හි චුත්තෙ අයං ගාමුපවාරොව අරඤ්ඤං ගාමුපවාරස්ස විභවිගත්තා. යදි අරඤ්ඤාපරිච්ඡේදස්සනත්ථං චුත්තං, අචුත්තකමෙව, අරඤ්ඤානො පරන්ති ච මිච්ඡාගාහො හොතීති වෙ, නනු චුත්තං “පයමමෙව ඉදං පරික්ඛිත්තස්ස ගාමස්ස උපවාරනියමනත්ථං චුත්ත”න්ති? අරඤ්ඤාපරිච්ඡේදස්සනත්ථං කිඤ්වාපි “ගාමුපවාරො”තිආදි ආරද්ධං, ඉන්ද්‍රියලෙ ධීතස්ස මජ්ඣිමස්ස පුරිසස්ස ලෙඩ්ඛුපාතොති පන එවං වචනජ්ජයොජනං. අපරික්ඛිත්තස්ස ච ගාමස්ස ය්වායං ලෙඩ්ඛුපාතො උපවාරො”ති මහාඅට්ඨකථායං චුත්තො, තස්ස නියමනන්ති චුත්තං හොති. කථං පඤ්ඤායතීති වෙ? “අරඤ්ඤං නාමා”ති පදං අනුද්ධරිත්වා “ගාමුපවාරො නාමා”ති උද්ධරණස්ස කතන්තා. තත්ථ “ගාමුපවාරො නාමා”ති මාතිකායං අවිජ්ජමානං පදං උද්ධරන්තො තයො අත්ථවසෙ දස්සෙති. සෙය්‍යථිදං — අරඤ්ඤාපරිච්ඡේදස්සනමෙකො අත්ථො, අපරික්ඛිත්තස්ස ගාමස්ස උපවාරෙන සද්ධිං පරිච්ඡේදස්සනමෙකො, න කෙවලං අපරික්ඛිත්තස්සයෙව උපවාරො විනයාධිකාරෙ සජ්ජයොජනො දස්සිතබ්බො, නිජ්ජයොජනොපි පරික්ඛිත්තස්ස උපවාරො ඉමිනා පරියායෙන ලබ්භතීති අනුසඤ්ඤාපයොජනමෙකො අත්ථොපි වෙදිතබ්බො.

“අපරික්ඛිත්තස්ස ගාමස්ස සරුපවාරෙ ධීතස්ස මජ්ඣිමස්ස පුරිසස්ස ලෙඩ්ඛුපාතො”ති ඉදං භගවා තයො අත්ථවසෙ පටිච්ච අභාසි. සෙය්‍යථිදං —

අපරික්ඛිත්තස්ස ගාමස්ස පරිච්ඡෙදදස්සනමෙකො, අවිජ්ජවාසසීමාධිකාරෙ අයමෙව ගාමුපවාරොති දස්සනමෙකො, තත්ථ ධීතස්ස දුතියො ලෙඩ්චුපාතො සබ්බත්ථ ගාමජ්ජපටිසංයුත්තෙසු සික්ඛාපදෙසු සකිච්චකො උපවාරොති දස්සනමෙකොති එවං භගවා අත්තනො දෙසනාවිලාසජ්ජත්තියා එකෙකපද්දධාරණෙන තයො අත්ථවසෙ දස්සෙතීති වෙදිතබ්බං.

තථා අවිජ්ජවාසසීමාකම්මවාචාය “යපෙත්වා ගාමඤ්ච ගාමුපවාරඤ්චා”ති (මහාව. 144) එත්ථාපි පරික්ඛෙපෙ සති ගාමං යපෙත්වා, අසති ගාමුපවාරං යපෙත්වාති අත්ථො. පරික්ඛිත්තස්ස, අපරික්ඛිත්තස්ස ච මජ්ඣිම ආරාමෙ අවිජ්ජවාසසීමාසම්මන්තනකාලෙ අයං නයො අතිවිය යුජ්ජති. උභයපරිච්ඡින්නතො පුබ්බෙ චුත්තනයෙන වා උභයත්ථ උභයං ලබ්භතෙව. “අන්තරාරාමෙසු පන ආචිණ්ණකජ්ජා භික්ඛු අවිජ්ජවාසසීමං සම්මන්තන්ති”ති ගණ්ඨිපදෙ චුත්තං. “අන්තරසරජ්ජපටිසංයුත්තානං සෙබ්බානං අන්තරාරාමෙසු අසම්භවතො අන්තරාරාමො න ගාමසඬ්ඛං ගච්ඡති, තස්මා තත්ථපි අවිජ්ජවාසසීමා රුහතෙවා”ති එකෙ. තෙ භික්ඛු දුතියස්ස ගාමුපවාරස්ස ගාමසඬ්ඛාසභාවතො තාසං ඉමාය දුතියාය අවිජ්ජවාසකම්මවාචාය අභාවං දස්සෙත්වා පටික්ඛිපිතබ්බා. අජ්ඣාරාමො පන ගාමොපි සමානො තිත්ථියසෙය්‍යාදි විය කජ්ජියභූමිති වෙදිතබ්බො.

ආපත්තියා පරිච්ඡෙදං, තථානාපත්තියාපි ව;  
දස්සෙතුං ගාමසම්බන්ධ-සික්ඛාපදවිභාවතෙ.

ගාමගාමුපවාරා ද්වෙ, දස්සිතා ඉධ තාදිනා;  
සීමා සීමුපවාරා තු, අනෙකත්තාති නුද්ධවා.

උපවාරා ව ද්වෙ භොන්ති, බාහිරබ්භන්තරබ්බසා;  
පරික්ඛිත්තාපරික්ඛිත්ත-හෙදා වෙ වතුරො සියුං.

අයඤ්චි උපවාරසද්දො විනයපිටකෙ “අනුජානාමි, භික්ඛවෙ, අභිලානෙනපි ආරාමෙ ආරාමුපවාරෙ ඡත්තං ධාරෙතු”න්ති (චූළව. 270) එවමාදීසු බාහිරෙ උපවාරෙ දිස්සති. බාහිරො උපවාරො නාම පරික්ඛෙපතො, පරික්ඛෙපාරහට්ඨානතො වා එකො ලෙඩ්චුපාතො. “අජ්ඣාරාමො නාම පරික්ඛිත්තස්ස ආරාමස්ස අන්තොආරාමො, අපරික්ඛිත්තස්ස උපවාරො. අජ්ඣාවසථො නාම පරික්ඛිත්තස්ස ආවසථස්ස අන්තොආවසථො, අපරික්ඛිත්තස්ස උපවාරො”තිආදීසු (පාවි. 506) පන උපවාරසද්දො අබ්භන්තරෙ උපවාරෙ දිස්සති. අබ්භන්තරො උපවාරො ව නාම පරික්ඛෙපො, පරික්ඛෙපාරහට්ඨානඤ්ච භොති. ඉධ පන පරික්ඛෙපො “අජ්ඣාරාමො, අජ්ඣාවසථො”ති වා න චූච්චති, අන්තො එව ආරාමො, ආවසථොති වා. තෙසු බාහිරබ්භන්තරහෙදහින්තෙසු ද්වීසු උපවාරෙසු අවිජ්ජවාසසීමාධිකාරෙ “යපෙත්වා ගාමඤ්ච ගාමුපවාරඤ්චා”ති (මහාව.



144) එත්ථ ගාමුපචාරො නාම අබ්භන්තරුපචාරො අධිප්පෙතො, න බාහිරො. භික්ඛුනියා අරඤ්ඤසඤ්ඤිතතාය තස්ස බාහිරස්ස, තස්සා ගාමන්තරාපත්තියා යානභූතත්තා ච අබ්භන්තරුපචාරස්සාති ඉදමෙත්ථ කාරණද්වයං වෙදිතබ්බං. තත්ථ ඉධ අදින්නාදානපාරාජිකවිභවිගෙයෙව පයමො ගාමුපචාරො දස්සිතො, සො බාහිරො, දුතියො අබ්භන්තරොති වෙදිතබ්බො. පයමෙන ච අපරික්ඛිත්තස්ස ගාමස්ස දුතියලෙඬ්චුපාතසඬ්බාතො බාහිරො උපචාරො, දුතියෙන ච පරික්ඛිත්තස්ස ගාමස්ස පරික්ඛෙපතො බාහිරසඬ්බාතො අබ්භන්තරො උපචාරො ලෙසෙන දස්සිතොති වෙදිතබ්බො. එවං චත්තාරොපි උපචාරා ඉධ භගවතා දෙසනාවිලාසප්පත්තෙන දෙසනාලීලාය දස්සිතා භොන්තීති අයං නයො සුට්ඨු ලක්ඛෙත්වා ආචරියෙහි සම්මන්තයිත්වා යථානුරූපං තත්ථ යොජෙතබ්බො. ඉතරථා -

අසම්බුධං බුද්ධමභානුභාවං;  
ධම්මස්ස ගම්භීරනයත්තතඤ්ච;  
යො වණ්ණයෙ නං විනයං අවිඤ්ඤා;  
සො දුද්දසො සාසනනාසහෙනු.

පාළිං තදත්ථඤ්ච අසම්බුධඤ්ච;  
නාසෙති යො අට්ඨකථානයඤ්ච;  
අනිච්ඡයං නිච්ඡයතො පරෙහි;  
ගාමොති තෙයෙව පුරක්ඛතො සො.

අනුක්කමෙනෙව මහාජනෙන;  
පුරක්ඛතො පණ්ඩිතමානි භික්ඛු;  
අපණ්ඩිතානං විමතිං අකත්වා;  
ආචරියලීලං පුරතො කරොති.

තත්ථ හි පාළියං “ගාමස්ස උපචාරො ගාමුපචාරො, ගාමසඬ්බාතො උපචාරො ගාමුපචාරො නාමා”ති උද්ධරිත්වා ගාමස්ස උපචාරං දස්සෙන්නො “ඉන්දබ්බෙ යිතස්ස මජ්ඣිමස්ස පුරිසස්ස ලෙඬ්චුපාතො”ති (පාරා. 92) වත්වා පුන ගාමසඬ්බාතං උපචාරං දස්සෙන්නො “සරුපචාරෙ යිතස්ස මජ්ඣිමස්ස පුරිසස්ස ලෙඬ්චුපාතො”ති වුත්තං. ඉමමත්ථං සන්ධාය විකාලෙ ගාමප්පවෙසනගාමන්තරඅප්පචාසසම්මුතිආදීසු පරික්ඛෙපාරහට්ඨානමෙව ගාමුපචාරන්ති වුත්තන්ති ලිඛිතං.

අත්ථතො එකන්ති එත්ථ සඬ්බාසද්දං සඬ්බාතසද්දෙන සමානයති. “ආදියෙය්‍යා”ති ඉදං පඤ්චවිසතියා අවහාරානං සාධාරණපදං. යානාවාචනවසෙන ච බීලාදීනි සඬ්කාමෙත්වා ඛෙත්තාදිග්ගහණවසෙන වාති

අත්ථො. යානාවාවනෙ යථා සාමිකස්ස ධුරනික්ඛෙපාදිං අනොලොකෙත්වාච ආපත්ති, තථා ඉහාපිති ගහෙතබ්බො.

“අසුකං නාම භණ්ඩං අවහරිස්සාමි”ති සබ්බෙසං එකාසයත්තා “එකෙනාපි”ති වුත්තං. යදි ආණත්ති ඉච්ඡිතබ්බො, සංවිධාවහාරො නාම එකො අවහාරො පරිභාසිතබ්බො.

ඔකාසපරිකප්පෙ යානාවාවනාය ගහිතමිපි ඔකාසපරිකප්පිතත්තා රක්ඛති. ඔකාසාතික්කමොච පමාණං පුබ්බෙ අසුද්ධවිත්තෙන ගහිතත්තා. ඉදානි සුද්ධවිත්තෙන ගහිතෙපි හොති එවානි වදන්ති, තං න සුන්දරං. එත්ථ පන විනිච්ඡයො සමන්තපාසාදිකං ඔලොකෙත්වා ගහෙතබ්බො.

උද්ධාරො නත්ථිති යානාවාවනං නත්ථිති අත්ථො.

උද්ධමත්තෙ අවහාරො සකලස්ස පයොගස්ස නිට්ඨාපිතත්තා, න අත්ථසාධකවසෙන. උද්ධාරෙයෙව රක්ඛතීති එත්ථ එව-සද්දෙන පාතනෙ න රක්ඛතීති අත්ථෙ සිද්ධෙපි අත්ථසාධකවසෙන අත්ථං දස්සෙතුං. “කං උද්ධරිත්වා”තිආදි වුත්තං.

“පථබ්බාරාජපදෙසරාජාදයො බහු, තෙසං සඬගණ්හනත්ථං ‘රාජානො’ති බහුවචනං වුත්තං”න්ති ලිඛිතං. කිඤ්චාපි බහුවචනං කතං, ඉදං පන එකං බිම්බිසාරමෙවානි දට්ඨබ්බං. රාජානොති කිඤ්චි අනිද්දිසිත්වා සාධාරණවසෙන කිඤ්චාපි වුත්තං, ඉදං පන බිම්බිසාරමෙවානි.

පුබ්බජ්ජයොගෙති එත්ථ ගමනකාලෙ මග්ගසොධනාධිකරණෙ අපාවිත්තියඛෙත්තෙ දුක්කටං, ලතාවිෂ්ඨනාදීසු පාවිත්තියමෙව. ගන්ත්වා පන කුම්භිමත්ථකෙ ජාතලතාදිවිෂ්ඨනෙ සහපයොගත්තා දුක්කටං. “එකභණ්ඩෙ එවං භාරියමිදං, ‘ත්වමිපි එකපස්සං ගණ්හ, අහමිපි එකපස්සං ගණ්හාමි’ති සංවිදහිත්වා උභයෙසං පයොගෙන යානාවාවනෙ කතෙ කායවාචාවිත්තෙහි සමුට්ඨාති. අඤ්ඤථා සාහත්ථිකං වා ආණත්තිකස්ස අඬගං න හොති, ආණත්තිකං වා සාහත්ථිකස්සාති වුත්තලක්ඛණෙන විරුජ්ඣති”ති විනයගණ්ඨීපදෙ ලිඛිතං. පි-සද්දො පනෙත්ථ තත්ථෙව ලිඛිතො.

කායවාචාසමුට්ඨානං, යස්සා ආපත්තියා සියා;  
තත්ත වාවඬගං විත්තංච, කම්මං නස්සා විධියති.

කිරියාකිරියාදිකං යඤ්ථෙ, යමිපි කම්මත්තයං භවෙ;  
න යුත්තං තං විරුද්ධත්තා, කම්මමෙකංච යුජ්ජතීති. (වජිර. ටී.  
පාරාජික 131 පකිණ්ණකකථාවණ්ණනා);

දුතියපාරාජිකවණ්ණනා නිට්ඨිතා.

### 3. තතියපාරාජිකවණ්ණනා

යථා ඤාතපරිඤ්ඤා ධම්මානං සභාවජානනමෙව “ඉදං රූපං, අයං වෙදනා”ති, තීරණපරිඤ්ඤා පන ධම්මසභාවෙන සද්ධිං අනිච්චාදිවසෙන පවත්තමානං “රූපං අනිච්චන්ති වා”තිආදි, එවමිධ සද්ධිං වෙනෙත්වා එකත්තෙනාපි පාණානිපාතාභාවා “ජීවිකා වොරොපෙය්‍යා”ති වුත්තං. “මනුස්සවිග්ගහ”න්ති වුත්තත්තා ගබ්භසෙය්‍යකානං වසෙන සබ්බසුමුඛත්තභාවතො පටියාය දස්සෙතුං “කලලතො පටියායා”ති ආහ. එත්ථ ජීවිකා වොරොපෙත්තො පච්චුප්පන්නතො වියොපෙති. තත්ථ ඛණපච්චුප්පන්නං න සක්කා වොරොපෙතුං, සන්තතිපච්චුප්පන්නං වා අද්ධාපච්චුප්පන්නං වා සක්කා. කථං? තස්මිඤ්භි උපක්කමෙ කතෙ ලද්ධුපක්කමං ජීවිතදසකං නිරුජ්ඣමානං දුබ්බලස්ස පරිහීනවෙගස්ස පච්චයො හොති. සන්තතිපච්චුප්පන්නං යථා ද්වෙ තයො ජවනවාරෙ ජවත්වා නිරුජ්ඣති, අද්ධාපච්චුප්පන්නඤ්ච තදනුරූපං කත්වා නිරුජ්ඣති, තථා පච්චයො හොති. තතො සන්තතිපච්චුප්පන්නං වා අද්ධාපච්චුප්පන්නං වා යථාපරිච්ඡින්නකාලං අපත්වා අන්තරාව නිරුජ්ඣති. එවං තදුභයමිපි වොරොපෙතුං සක්කා. තස්මා පච්චුප්පන්නං වියොපෙති.

“ඉමස්ස පනත්ථස්සා”ති වොහාරවසෙන වුත්තමත්ථං පරමත්ථවසෙන ආවිභාවත්ථං “පාණො වෙදිතබ්බො”තිආදි වුත්තං. කායවිඤ්ඤත්තිසහිතාය චෙතනාය පයුජ්ජතිති පයොගො, කො සො? සරීරෙ සත්ථාදීනං ගමනං පහරණන්ති කායවච්චිඤ්ඤත්තිසහිතාය චෙතනාය පරසරීරෙ සත්ථපාතනං. දුරෙ ධීතන්ති දුරෙ වා තිට්ඨතු, සමීපෙ වා. හත්ථතො මුත්තෙන පහාරො නිස්සග්ගියො. තත්ථාති නිස්සග්ගියජ්ජයොගෙ. යො කොච්චි මරතූති එත්ථ මහාජනසමුග්ගෙ න සක්කා. යස්සුපරි සරො පතති, තස්සෙව ජීවිතමරණං කාතුං, න යස්ස කස්සවි ජීවිතමරණං. ආණාපනත්ති වච්චිඤ්ඤත්තිසහිතාය චෙතනාය අධිජ්ජෙතත්ථසාධනං. තෙනෙව “සාවෙනුකාමො න සාවෙනි”ති (පාරා. 54) වුත්තං. ආණත්තිනියාමකාති ආණත්තිකජ්ජයොගසාධිකා. එතෙසු හි අවිරජ්ඣිතෙසු එව ආණත්තිපයොගො හොති, න අඤ්ඤථා.

රූපුපහාරොති එත්ථ –

“මමාලාභෙන එසිත්ථි, මරතූ”ති සමීපගො;  
දුට්ඨවිත්තො සවෙ යාති, හොති සො ඉත්ථිමාරකො.

හික්ඛත්ථාය සවෙ යාති, ජානන්තොපි න මාරකො;  
අනත්ථිකො හි සො තස්සා, මරණෙන උපෙක්ඛකො.

වියොගෙන ව මෙ ජායා, ජනතී ව න ජීවති;

ඉති ජානං වියුඤ්ජන්තො, තදත්ථිකො හොති මාරකො.

පබ්බජ්ජාදිනිමිත්තඤ්චෙ, යාති ජානං න මාරකො;  
අනත්ථිකො හි සො තස්සා, මරණෙන උපෙක්ඛකො.

භාරකසද්දස්ස හෙදතො අත්ථං විත්ථාරෙත්වා උභයමිපි එකමෙවාති දස්සෙතුං. “සත්ථඤ්ච තං භාරකඤ්චා”තිආදි වුත්තං. එතෙන ථාවරජ්ජයොගං දස්සෙති සාහත්ථිකාදීසු පයොගෙසු. “ඉති විත්තමනො”ති උද්ධරිත්වාපි ඉතිසද්දස්ස අත්ථො න තාව වුත්තො. කිඤ්චාපි න වුත්තො, අධිකාරවසෙන පන ආගතං ඉතිසද්දං යොජෙත්වා ඉති විත්තසඛිකජ්ජොති එත්ථ “මරණසඤ්ඤි මරණචෙතනො මරණාධිජ්ජායො”ති වුත්තත්තා මරණංයෙව චක්ඛතීති වෙදිතබ්බො. වුත්තනායෙනාති ඡජ්ජයොගවසෙන. සාහත්ථිකනිස්සග්ගියජ්ජයොගෙසු සන්තිට්ඨාපකචෙතනාය සත්තමාය සහ උජ්ජන්තකායවිඤ්ඤත්තියා සාහත්ථිකතා වෙදිතබ්බො. ආණත්තිකෙ පන සත්තහිපි චෙතනාහි සහ වච්චිඤ්ඤත්තියමිභවතො සත්ත සත්ත සද්දා එකතො හුත්වා එකෙකක්ඛරභාවං ගත්ත්වා යත්තකෙහි අක්ඛරෙහි අත්තතො අධිජ්ජායං විඤ්ඤාපෙන්නි, තදවසානක්ඛරසමුට්ඨාපිකාය සත්තමචෙතනාය සහජාතවච්චිඤ්ඤත්තියා ආණත්තිකතා වෙදිතබ්බො.

තතියපාරාජිකවණ්ණනා නිට්ඨිතා.

#### 4. චතුත්ථපාරාජිකවණ්ණනා

ඉධෙව සඬගහන්ති “ඉති ජානාමි, ඉති පස්සාමි”ති පදෙ කථන්ති වෙ, “ඉති ජානාමි”තිආදිමාහ. කෙවලං “පාපිච්ජනායා”ති (කඩ්බා. අට්ඨ. චතුත්ථපාරාජිකවණ්ණනා) වචනතො මන්දත්තා මොවුහත්තා සමුදාවරන්තස්ස අනාපත්තීති දීපිතං. “අතීතකාලෙ සොනාපන්නොමිහි”ති වදන්තො පරියායෙන වදති, “යො තෙ විහාරෙ වසති, සො හික්ඛු අරහා”තිආදීසු (පරි. 165) විය සික්ඛාපදෙපි “ඉති ජානාමි”ති (පාරා. 195, 197) පච්චුජ්ජන්තමෙව වුත්තං.

චතුත්ථපාරාජිකවණ්ණනා නිට්ඨිතා.

මාතුසාතකපිතුසාතකඅරහන්තසාතකා තතියපාරාජිකං ආපන්නා, හික්ඛුනිද්දසකො, ලම්බිආදයො ව චත්තාරො පඨමපාරාජිකං ආපන්නා එවාති කත්වා කුතො චතුච්චිතීති වෙ? න, අධිජ්ජායාජානනතො. මාතුසාතකාදයො හි චත්තාරො ඉධානුපසම්පන්නා එව අධිජ්ජෙතො, ලම්බිආදයො චත්තාරො කිඤ්චාපි පඨමපාරාජිකෙන සඬගහිතා, යස්මා පන එකෙන පරියායෙන මෙටුනධම්මං පටිසෙවිතො හොන්ති, තස්මා විසුං වුත්තා. න ලහති හික්ඛුහීති එත්ථ “උපොසථාදිහෙදං සංවාස”න්ති එත්තකං වුත්තං. විනයට්ඨකථායං “උපොසථජ්ජවාරණාපාතිමොක්ඛද්දෙසසඬසකම්මජ්ජහෙද”න්ති වුත්තං.



පාළියං “සංවාසො නාම එකකම්මං එකුද්දෙසො සමසික්ඛතා”ති (පාරා. 55, 92, 172, 198) වුත්තං. තිව්ධෙනාපි සඨසකම්මං කාතුං න වට්ටනීති පටික්ඛිත්තං. “න, භික්ඛවෙ, ගහට්ඨෙන නිසින්තපරිසාය පාතිමොක්ඛං උද්දිසිතඛ්ඛ”න්තිආදි (මහාව. 154) පාතිමොක්ඛජ්ජවාරණාසු එව ආගතං, අඤ්ඤාසු ව එවරුපෙසු යානෙසු සෙසං කම්මං කාතුං නත්ථි පටික්ඛෙපො. ආචරියාපි “සෙසං කම්මං කාතුං වට්ටනි, නත්ථි ආපත්ති”ති වදන්ති. “අන්තිමවත්ථු අජ්ඣාපන්නං අමුලකෙන පාරාජිකෙන වොදෙන්තස්ස සඨසාදිසෙසො, සඨසාදිසෙසෙන වොදෙන්තස්ස පාවිත්තියන්ති භික්ඛුනො විය වුත්තං, න අනුපසම්පන්නස්ස විය දුක්කටං. තස්මා තෙන සහසෙය්‍යා, තස්ස පටිග්ගහණඤ්ච භික්ඛුස්ස වට්ටනීති ආචරියා වදන්ති”ති ලිඛිතං. “යථා පුරෙ තථා පච්ඡාති ‘එකකම්මං එකුද්දෙසො සමසික්ඛතා’ති එවං වුත්තසංවාසස්ස අභබ්බතාමත්තං සන්ධාය වුත්ත”න්ති වදන්ති, වීමංසිතඛ්ඛං.

ඉදානි චතුන්නම්පි සාධාරණං පකිණ්ණකං — මෙටුනධම්මං පටිසෙවන්තො අත්ථි කොචි පාරාජිකො හොති අසංවාසො, අත්ථි කොචි න පාරාජිකො හොති අසංවාසො, අත්ථි කොචි න පාරාජිකො සංවාසො දුක්කටවත්ථුස්මිං වා පුල්ලච්චයවත්ථුස්මිං වා පටිසෙවන්තො, අත්ථි කොචි න පාරාජිකො පක්ඛපණ්ඩකො අපණ්ඩකපක්ඛෙ උපසම්පන්නො පණ්ඩකපක්ඛෙ මෙටුනධම්මං පටිසෙවන්තො. සො ආපත්තිං නාපජ්ජතීති න පාරාජිකො නාම. න භි අභික්ඛුස්ස ආපත්ති නාම අත්ථි. සො අනාපත්තිකත්තා අපණ්ඩකපක්ඛෙ ආගතො කිං අසංවාසො හොති, න හොතීති? හොති. “අභබ්බො තෙන සරීරබන්ධනෙනා”ති (මහාව. 129) භි වුත්තං. “යො පන භික්ඛු භික්ඛුනං සික්ඛාසාජීවසමාපන්නො...පෙ.... අසංවාසො”ති (පාරා. 44) වුත්තත්තා යො භික්ඛුභාවෙන මෙටුනං ධම්මං පටිසෙවති, සො එව අභබ්බො. නායං අපාරාජිකත්තාති වෙ? න, “ඛ්‍යත්තෙන භික්ඛුනා පටිබලෙන සඨසො ඤාපෙතඛ්ඛො”ති (මහාව. 126) වුත්තට්ඨානෙ යථා අභික්ඛුනා කම්මවාචාය සාවිතායපි කම්මං රුහති කම්මවිපත්තියා අසම්භවතො, එවංසම්පදමීදං දට්ඨබ්බං. තත්‍රායං විසෙසො — උපසම්පන්නපුබ්බො එවං වෙ කම්මවාචං සාවෙති, සඨසො ව තස්මිං උපසම්පන්නසඤ්ඤී එව වෙ, කම්මං රුහති, නාඤ්ඤථාති නො ඛන්තීති ආචරියො.

ගහට්ඨො වා තිත්ථියො වා පණ්ඩකො වා කම්මවාචං සාවෙති, සඨසෙන කම්මවාචා න වුත්තා හොති. “සඨසො උපසම්පාදෙය්‍ය සඨසො උපසම්පාදෙති, උපසම්පන්නො සඨසෙනා”ති (මහාව. 127) භි වචනතො සඨසෙන කම්මවාචාය වත්තඛ්ඛතාය සඨසපරියාපන්නෙන, සඨසපරියාපන්නසඤ්ඤීතෙන වා එකෙන වුත්තාය සඨසෙන වුත්තා හොතීති වෙදිතඛ්ඛො, න ගහට්ඨතිත්ථියපණ්ඩකාදීසු අඤ්ඤතරෙන. අයමෙව සබ්බකම්මෙසු යුත්ති දට්ඨබ්බා.

තථා අත්ථි මෙටුනං ධම්මං පටිසෙවන්තො කොච්ඡි නාසෙතඛ්ඛො, “යො භික්ඛුනිදුසකො, අයං නාසෙතඛ්ඛො”ති (මහාව. 114-115 අත්ථතො සමානං) චුත්තත්තා තෙන ඵල සො අනුපසම්පන්නොව සහසෙය්‍යාපත්තිං වා අඤ්ඤං වා තාදිසං ජනෙති, තස්ස ඔමසනෙ ව දුක්කටං හොති. අභික්ඛුනියා මෙටුනධම්මං පටිසෙවන්තො න නාසෙතඛ්ඛො, “අන්තිමචත්ථුං අප්ඤ්ඤාපන්නො, භික්ඛවෙ, අනුපසම්පන්නො න උපසම්පාදෙතඛ්ඛො”ති පාළියා අභාවතො, තෙනෙව සො උපසම්පන්නසඬං ගච්ඡති, සහසෙය්‍යාපත්තිආදිං න ජනෙති, කෙවලං අසංවාසොති කත්වා ගණපුරකො න හොති. එකකම්මඵකුද්දෙසො හි සංවාසොති චුත්තො, සමසික්ඛතාපි සංවාසොති කත්වා සො තෙන සද්ධිං නත්ථිති. පදසොධම්මාපත්තිං පන ජනෙතිති කාරණවිජායා දිස්සති. යථා භික්ඛුනියා සද්ධිං භික්ඛුසඬසස්ස එකකම්මාදිතො සංවාසස්ස අභාවා භික්ඛුනී අසංවාසා භික්ඛුස්ස, තථා භික්ඛු ව භික්ඛුනියා, පදසොධම්මාපත්තිං පන න ජනෙති. තථා අන්තිමචත්ථුං අප්ඤ්ඤාපන්නොපි එකෙච්චො “යො නාසෙතඛ්ඛොති චුත්තො”ති ඉමිනා නිදස්සනෙන සකාරණවිජායා අප්ඤ්ඤාපෙක්ඛිතා හොතිති න ගහණං ගච්ඡති. අපිච “උභො නාසෙතඛ්ඛො, දුසකො නාසෙතඛ්ඛො”ති (පාරා. 66) වචනතො, “මෙත්තියං භික්ඛුනිං නාසෙථා”ති (පාරා. 384) වචනතො ව යො සඬසමප්ඤ්ඤා පටිසිත්වා අනුච්ඡිදකෙන අනුච්ඡිදියමානො පරාජිතො, සොපි අනුපසම්පන්නොව, න ඔමසවාදපාචිත්තියං ජනෙතිති වෙදිතඛ්ඛො.

අපිචෙත්ථ සික්ඛාපච්චක්ඛාතකචතුක්කං වෙදිතඛ්ඛං. අත්ථි හි පුග්ගලො සික්ඛාපච්චක්ඛාතකො න සික්ඛාසාප්චසමාපන්නො, අත්ථි පුග්ගලො න සික්ඛාපච්චක්ඛාතකො සික්ඛාසාප්චසමාපන්නො, අත්ථි පුග්ගලො සික්ඛාපච්චක්ඛාතකො චෙව සික්ඛාසාප්චසමාපන්නො ව, අත්ථි පුග්ගලො නෙව සික්ඛාපච්චක්ඛාතකො න සික්ඛාසාප්චසමාපන්නො. තත්ථ තතියො භික්ඛුනී සික්ඛාපච්චක්ඛාතකා වෙදිතඛ්ඛො. සා හි යාව න ලිඬගං පටිච්චජති, කාසාවෙසු සඋස්සාභාව සමානා සාමඤ්ඤා වචිතුකාමා සික්ඛං පච්චක්ඛන්තිපි භික්ඛුනී ඵල සික්ඛාසාප්චසමාපන්නාව. චුත්තඤ්ඤා හගවතා “නත්ථි, භික්ඛවෙ, භික්ඛුනියා සික්ඛාපච්චක්ඛාත”න්ති. කදා පන සා අභික්ඛුනී හොතිති? යදා සා විබ්භන්තාති සඬං ගච්ඡති. චුත්තඤ්ඤා හගවතා “යදෙව සා විබ්භන්තා, තදෙව සා අභික්ඛුනී”ති (චූළව. 434). කිත්තාවතා පන විබ්භන්තා හොතිති? සාමඤ්ඤා වචිතුකාමා කාසාවෙසු අනාලයා කාසාවං වා අපනෙති, නග්ගා වා ගච්ඡති, තිණපණ්ණාදිනා වා පටිච්ඡාදෙත්වා ගච්ඡති, කාසාවංයෙව වා ගිහිනිවාසනාකාරෙන නිවාසෙති, ඔදාතං වා වත්ථං නිවාසෙති, ලිඬගෙනෙව වා සද්ධිං තිත්ථියෙසු පටිසිත්වා කෙසලුඤ්ඤාදිවතං සමාදියති, තිත්ථියලිඬගං වා සමාදියති, තදා විබ්භන්තා නාම හොති. තත්ථ යා සලිඬගෙ ධීතාව තිත්ථියවතං සමාදියති, සා තිත්ථියපක්කන්තභික්ඛු විය පච්ඡා පබ්බජ්ජමපි න ලහති. සෙසා පබ්බජ්ජමෙව ලහති, න උපසම්පදං. පාළියං කිඤ්ඤාපි “යා, භික්ඛවෙ, භික්ඛුනී සකාවාසා තිත්ථායතනං සඬකන්තා, සා ආගතා න

උපසම්පාදෙනබ්බා''ති (වුළුව. 434) වචනතො යා පයමං විබ්භමිත්වා පච්ඡා තිත්ථායතනං සඬකන්තා, සා ආගතා උපසම්පාදෙනබ්බාති අනුඤ්ඤාතං විය දිස්සති. සඬගීතිආචරියෙහි පන “චතුච්ඡති පාරාජිකානී”ති (පාරා. අට්ඨ. 2.233) වුත්තත්තා න පුන සා උපසම්පාදෙනබ්බා. තස්මා එව සික්ඛාපච්චක්ඛානං නානුඤ්ඤාතං භගවතා. අන්තිමචත්ත්වං අජ්ඣාපන්නා පන භික්ඛුනී එව. පක්ඛපණ්ඩකීපි භික්ඛුනී එව. ඉමං නයං චතුසුපි යොජෙත්වා යථාරහං කථෙතබ්බං.

පාරාජිකවණ්ණනා නිට්ඨිතා.

සඨසාදිසෙසකණ්ඩං

1. සුක්කවිස්සට්ඨිසික්ඛාපදවණ්ණනා

අඤ්ඤානු සුපිනන්තාති ස්වායං දුබ්බලවත්ථුකත්තා චෙතනාය පටිසන්ධිං ආකඩ්ඪිතුං අසමත්ථා, සුපිනෙ උපට්ඨිතං නිමිත්තඤ්ඤි දුබ්බලං. පවත්තෙ පන අඤ්ඤෙහි කුසලාකුසලෙහි උපත්ථම්භිතා විපාකං දෙති. කිඤ්චාපි විපාකං දෙති, අථ ඛො අවිසයෙ උප්පන්නත්තා අබ්බොහාරිකාව සුපිනන්තචෙතනාති ලිබ්බං. යං පනෙත්ථ “සුපිනෙ උපට්ඨිතං නිමිත්තඤ්ඤි දුබ්බල”න්ති චුත්තං, තං අනෙකන්තං, න ච ආරම්මණදුබ්බලතාය චිත්තජ්ජවත්ති දුබ්බලා අතීතානාගතාරම්මණාය, පඤ්ඤත්තාරම්මණාය චා අදුබ්බලත්තා. තස්මා දුබ්බලවත්ථුකත්තාති දුබ්බලභද්‍යවත්ථුකත්තාති නො තක්කොති (චජිර. ටී. පාරාජික 236-237) ආචරියො. අවත්ථුකතාය දුබ්බලභාවො යුජ්ජතීති චෙ? න, අවත්ථුකාය භාවනාපභවාය අතිරෙකබලවසම්භවතො. භාවනාබලසමජ්ජිතඤ්ඤි චිත්තං අරුපමිපි සමානං අතිහාරම්පි කරජකායං ගහෙත්වා එකචිත්තක්ඛණෙනෙව බ්‍රහ්මලොකමිපි පාපෙත්වා යපෙති, තජ්ජටිභාගං අනජ්ජිතමිපි කාමාවචරචිත්තං කරජකායං ආකාසෙ ලඨ්ඨනසමත්ථං කරොති. කිං පනෙත්ථ තං අනුමානකරණං? යෙන චිත්තස්සෙව ආනුභාවොති පඤ්ඤායෙය්‍ය චිත්තානුභාවෙන යපනලඨ්ඨනාදිකිරියාවිසෙසනිබ්බත්තිදස්සනතො.

පකතිචිත්තසමුට්ඨානරූපං විය අසංසට්ඨත්තා, නික්ඛමනත්තා ච චත්ථිසිසං, කට්ඨි, කායොති තිධා සුක්කස්ස යානං පකජ්ජෙත්ති ආචරියා. සජ්ජවිසං විය තං දට්ඨබ්බං, න ච විසෙ යානනියමො, කොධවසෙන පස්සන්තස්ස භොති. එවමස්ස න යානනියමො, රාගවසෙන උපක්කමන්තස්ස භොතීති නො තක්කොති ආචරියො.

“දකසොතං අනොතිණ්ණෙපි”ති ඉදං “ඔතිණ්ණමත්තෙ”ති ඉමිනා විරුජ්ඣතීති චෙ, තං දස්සෙතුං “යානතො පන චුත්ත”න්තිආදිමාභ. තස්සත්ථො – නිමිත්තෙ උපක්කමං කත්වා සුක්කං යානා වාවෙත්වා පුන විජ්ජටිසාරවසෙන දකසොතොරොහණං නිවාරෙතුං න සක්කා, තථාපි අධිවාසාධිජ්ජායෙන අධිවාසෙත්වා අන්තරා දකසොතතො උද්ධං නිවාරෙතුං අසක්කුණෙය්‍යතාය “බහි නික්ඛන්තෙ වා”ති චුත්තං, තස්මා යානා චුත්තඤ්ඤි අවස්සං දකසොතං ඔතරතීති අට්ඨකථාය අධිජ්ජායො. තස්මා උභයං සමෙතීති ගහෙතබ්බො.

එත්ථාහ – කස්මා ඉමස්මිං සික්ඛාපදෙ “යො පන භික්ඛු”තිආදිනා කාරකො න නිද්දිට්ඨොති? චුච්චතෙ – අධිජ්ජායාපෙක්ඛාය භාවතො කාරකො න නිද්දිට්ඨො තස්ස සාපෙක්ඛවාදස්සනත්ථං. කථං? කණ්ඩුවනාදිඅධිජ්ජායචෙතනාවසෙන චෙතෙන්තස්ස කණ්ඩුවනාදිඋපක්කමෙන උපක්කමන්තස්ස මෙථුනරාගවසෙන උරුආදීසු දුක්කට්ඨත්ථුසු, වණාදීසු පුල්ලච්චයවත්ථුසු ච උපක්කමන්තස්ස



සුක්කවිසට්ඨියා සතිපි න සඬ්ඝාදිසෙසො “අනාපත්ති භික්ඛු න මොවනාධිප්පායස්සා”ති (පාරා. 263) වචනතො. තස්මා තදත්ථදස්සනත්ථං ඉධ කාරකො න නිද්දිට්ඨො. අඤ්ඤා “යො පන භික්ඛු සඤ්චෙනනිකං සුක්කවිසට්ඨිං ආපජ්ජෙය්‍යා, සඬ්ඝාදිසෙසො”ති නිද්දිට්ඨෙ කාරකෙ “චෙනෙති න උපක්කමති මුච්චති, අනාපත්ති”ති (පාරා. 262) චුත්තවචනවිරොධො. තථා “සඤ්චෙනනිකාය සුක්කවිසට්ඨියා අඤ්ඤා සුපිනන්තා සඬ්ඝාදිසෙසො”ති භූමිමෙ නිද්දිට්ඨෙපි සො එව විරොධො හෙත්ථත්ථනියමසිද්ධිතො. තස්මා තදුභයමිපි වචනක්කමං අවත්වා “සඤ්චෙනනිකා සුක්කවිසට්ඨි අඤ්ඤා සුපිනන්තා සඬ්ඝාදිසෙසො”ති චුත්තං. තත්ථ නිමිත්තත්ථෙ භූමිමවචනාභාවතො හෙත්ථත්ථනියමො න කතො හොති. තස්මිං අකතෙ සඤ්චෙනනිකා සුක්කවිසට්ඨි අඤ්ඤා සුපිනන්තා සඬ්ඝාදිසෙසොති, උපක්කමෙ අසති අනාපත්තීති අයමත්ථො දීපිතො හොතීති වෙදිතබ්බං.

ඉමස්මිං සික්ඛාපදෙ ද්වෙ ආපත්තිසහස්සානි හොන්ති. කථං? අත්තනො හත්ථාදිහෙදෙ අජ්ඣත්තරූපෙ රාගූපත්ථම්භනවසෙන අඬ්ගජාතෙ කම්මනියජ්ජත්තෙ ආරොග්‍යත්ථාය නීලං මොචෙන්තස්ස එකා ආපත්ති, අජ්ඣත්තරූපෙ එව රාගූපත්ථම්භෙ පිතකාදීනං මොචනවසෙන නවාති දස. එවං “සුඛත්ථායා”තිආදීනං නවත්තං වසෙනාති රාගූපත්ථම්භෙ අජ්ඣත්තරූපවසෙන සතං. එවමෙවං වච්චප්පස්සාවචානඋච්චාලිඬ්ගපාණකදට්ඨුපත්ථම්භෙසු ච සතං සතං කත්වා සබ්බං පඤ්චසතං. යථා අජ්ඣත්තරූපෙ පඤ්චසතං, එවං බහිද්ධාරූපෙ වා අජ්ඣත්තබ්හිද්ධාරූපෙ වා ආකාසෙ වා කට්ඨිං කම්පෙන්තොති ද්වෙ සහස්සානි ආපත්තියො හොන්තීති.

සුක්කවිසට්ඨිසික්ඛාපදවණ්ණනා නිට්ඨිතා.

## 2. කායසංසග්ගසික්ඛාපදවණ්ණනා

“ඔතිණ්ණො”ති ඉමිනාස්ස සෙවනාධිප්පායනා දස්සිතා. තෙනෙව “කායසංසග්ගරාගසමඬ්ගිස්සෙතං අධිවචන”න්ති චුත්තං. “විපරිණතෙන...පෙ.... සද්ධි”න්ති ඉමිනාස්ස වායාමො දස්සිතො. “සද්ධි”න්ති හි පදං සංයොගං දීපෙති, සො ච සංයොගො සමාගමො. කෙන චිත්තෙන? විපරිණතෙන චිත්තෙන, න පත්තජ්ජට්ඨග්ගණාධිප්පායාදිනාති අධිප්පායො. “කායසංසග්ගං සමාපජ්ජෙය්‍යා”ති ඉමිනාස්ස වායමතො එස්සජ්ජට්ඨිජානනා දස්සිතා හොති. වායමිත්වා එස්සං පට්ඨිජානන්තො හි සමාපජ්ජති නාම. එවමස්ස තිවඬ්ගසම්පත්ති දස්සිතා හොති. අථ වා ඔතිණ්ණො විපරිණතෙන චිත්තෙන යක්ඛාදිනා සත්තො විය. උපයොගත්ථෙ වා එතං කරණවචනං, ඔතිණ්ණො විපරිණතං චිත්තං කූපාදිං විය සත්තො. අථ වා “රාගතො උත්තිණ්ණො හවිස්සාමි”ති භික්ඛුභාවං උපගතොපි යො පන භික්ඛු තතො උත්තිණ්ණාධිප්පායතො විපරිණතෙන

විත්තෙන හෙතුභූතෙන තමෙව රාගං ඔතිණ්ණො. මාතුගාමෙන අත්තනො සමීපං වා ආගතෙන, අත්තනා උපගතෙන වා. එතෙන මාතුගාමස්ස සාරත්තතා වා හොතු, විරත්තතා වා, සා ඉධ අප්පමාණං.

හත්ථග්ගාහං වාති එත්ථ හත්ථෙන සබ්බොපි උපාදින්නකො කායො සඬ්ගහිතො, න භින්නසන්නානො තප්පට්ඨද්ධො චත්ථාලඬ්කාරාදි. වෙණිග්ගහණෙන අනුපාදින්නකො අභින්නසන්නානො කෙසලොමනබ්ග්ගදන්තග්ගාදිකො කම්මපච්චයඋතුසමුට්ඨානො ගහිතොති වෙදිතබ්බං. තෙනවාහ “අත්තමසො ලොමෙන ලොමං පුසන්තස්සාපි”ති. තෙන අඤ්ඤාතරස්ස වා...පෙ.... පරාමසන්නති එත්ථ අනුපාදින්නකානම්පි සෙසලොමාදිනං අඬ්ගහාවො වෙදිතබ්බො. එවං සන්නෙ “එස්සං පටිජානන්තස්ස සඬ්ඝාදිසෙසො”ති ඉමිනා විරුජ්ඣතිති වෙ? න, තදත්ථජානනතො. පුට්ඨහාවං පටිච්ජානන්තොපි එස්සං පටිජානාති නාම, න කායවිඤ්ඤාණුප්පත්තියා එව. අනෙකන්තිකඤ්ඤෙත්ථ කායවිඤ්ඤාණං. තස්මා එව ඉධ එස්සප්පටිච්ජානනං අඬ්ගන්ත්වෙව න වුත්තං. තස්මිඤ්ඤි වුත්තෙ යානමෙනං විජ්ජති “න ච මෙ ලොමසට්ඨනෙන කායවිඤ්ඤාණං උප්පන්නං, තස්මිං ‘න එස්සං පටිජානාමි’ති අනාපන්නසඤ්ඤී සියා”ති. “වෙණි නාම කභාපණමාලාදිසම්පයුත්තං, තත්ථ ‘වෙණිං ගණ්හිස්සාමි’ති කභාපණමාලාදිං එව ගණ්හාති, න ලොමං, නත්ථි සඬ්ඝාදිසෙසො”ති වදන්ති. වීමංසිතබ්බං.

කායසංසග්ගසික්ඛාපදවණ්ණනා නිට්ඨිතා.

### 3. දුට්ඨුල්ලවාචාසික්ඛාපදවණ්ණනා

“කදා තෙ මාතා පසිදිස්සති”ති ආයාචනං දුට්ඨුල්ලවාචාය සිබාපත්තලක්ඛණදස්සනත්ථං වුත්තං, න මෙටුනුපසංහිතෙයෙව දුට්ඨුල්ලවාචාති දස්සනත්ථං. “උභතොඛ්‍යඤ්ජනකාසී”ති වචනං පන පුරිසනිමිත්තෙන අසඬ්ඝාදිසෙසවත්ථුනා මිස්සවචනං, පුරිසඋභතොඛ්‍යඤ්ජනකස්ස ව ඉත්ථිනිමිත්තං පටිච්ජන්නං, ඉතරං පාකට්ඨං. යදි තමපි ජනෙති, කථං ‘අනිමිත්තාසී’තිආදිනි පදානි න සඬ්ඝාදිසෙසං ජනෙන්නි”ති එකෙ, තං න යුත්තං පුරිසස්සාපි නිමිත්තාධිවචනත්තා. “මෙටුනුපසංහිතාහි සඬ්ඝාදිසෙසො”ති (පාරා. 248) මාතිකායං ලක්ඛණස්ස වුත්තත්තා ව මෙටුනුපසංහිතාහි ඔභාසනෙ පටිච්ජානන්තියා සඬ්ඝාදිසෙසො, අප්පටිච්ජානන්තියා පුල්ලච්චයං, ඉතරෙහි ඔභාසනෙ පටිච්ජානන්තියා පුල්ලච්චයං, අප්පටිච්ජානන්තියා දුක්කටන්ති එකෙ, විචාරෙත්වා ගහෙතබ්බං. එත්ථාහ – “සිබරණි”තිආදිහි අක්කොසන්නස්ස පටිසවිත්තං උප්පජ්ජති, කස්මා “තිවෙදන”න්ති අවත්වා “ද්විවෙදන”න්ති වුත්තන්ති? රාගවසෙන අයං ආපත්ති, න පටිසවසෙන. තස්මා රාගවසෙනෙව පවත්තො අක්කොසො ඉධ අධිප්පෙනො. තස්මා “ද්විවෙදන”න්ති වචනං සුවුත්තමෙව.

දුට්ඨුල්ලවාචාසික්ඛාපදවණ්ණනා නිට්ඨිතා.

#### 4. අත්තකාමසික්ඛාපදවණ්ණනා

දුට්ඨුල්ලොභාසනෙ වුත්තජ්ජකාරායාති  
 දුට්ඨුල්ලාදුට්ඨුල්ලජානනසමත්ථාය. පරස්ස භික්ඛුනො  
 අත්තකාමපාරිවරියාය වණ්ණහණනෙ දුක්කටං, “යො තෙ විහාරෙ වසති,  
 තස්ස අග්ගදානං මෙටුනං ධම්මං දෙහී”ති පරියායවචනෙපි දුක්කටං,  
 “අත්තකාමපාරිවරියාය වණ්ණං භාසෙය්‍යා, යා මාදිසං සීලවන්ත”න්ති ව  
 වුත්තත්තාති එකෙ. පඤ්චස්‍ය අභිගෙස්‍ය සබ්බාචා සඤ්ඤාදිසෙසොචාති එකෙ,  
 විචාරෙත්වා ගහෙනබ්බං. “ඉමස්මිං සික්ඛාපදවණ්ණෙ කායසංසග්ගෙ විය  
 යක්ඛිපෙතිස්‍යපි දුට්ඨුල්ලත්තකආමවචනෙ ථුල්ලච්චයන්ති වදන්ති.  
 අට්ඨකථාස්‍ය පන නාගත”න්ති (වජිර. ටී. පාරාජික 295) ලිඛිතං.  
 උභතොඛ්‍යාසඤ්ජනකො පන පණ්ඩකගතිකොව.

අත්තකාමසික්ඛාපදවණ්ණනා නිට්ඨිතා.

#### 5. සඤ්චරිත්තසික්ඛාපදවණ්ණනා

අලංචවතීයාති න වචතීයා, නිවාරණෙ අලං-සද්දො, න අලංචවතීයා  
 නාලංචවතීයා. “පටිග්ගණ්හාති විමංසති පච්චාහරති, ආපත්ති  
 සඤ්ඤාදිසෙසස්සා”ති (පාරා. 305) වුත්තත්තා යස්ස එකන්තෙන  
 සඤ්ඤාදිසෙසො හොති, තස්ස පටිග්ගණ්හනවිමංසනපයොගා එතෙ  
 දුක්කටථුල්ලච්චයා නත්ථිති වදන්ති ලිඛිතං. කිඤ්චාපි එත්ථ “ඉත්ථි නාම  
 මනුස්සිත්ථි, න යක්ඛි න පෙති න තිරච්ඡානගතා. පුරිසො නාම  
 මනුස්සපුරිසො, න යක්ඛො න පෙතො න තිරච්ඡානගතො”ති පාළි නත්ථි,  
 තථාපි කායසංසග්ගාදිස්‍ය “මාතුගාමො නාම මනුස්සිත්ථි”ති (පාරා. 285)  
 ඉත්ථිවචත්ථානස්ස කතත්තා ඉධාපි මනුස්සිත්ථි එවාති පඤ්ඤායති.  
 මෙටුනපුබ්බහාගසාමඤ්ඤතො ඉත්ථිවචත්ථානෙන පුරිසවචත්ථානං  
 කතමෙව හොති. තෙනෙවාහ “යෙස්‍ය සඤ්චරිත්තං සමාපජ්ජති, තෙසං  
 මනුස්සජාතිකතා”ති (කඩබා. අට්ඨ. සඤ්චරිත්තසික්ඛාපදවණ්ණනා).  
 කායසංසග්ගාදිස්‍ය ව පණ්ඩකයක්ඛිපෙතියො ථුල්ලච්චයවත්ථුකාව වුත්තා,  
 තථා ඉධාපි, පණ්ඩකසභාවත්තා මනුස්සඋභතොඛ්‍යාසඤ්ජනකො ව  
 ථුල්ලච්චයවත්ථුකොව හොති. සෙසා  
 මනුස්සපුරිසඅමනුස්සපණ්ඩකඋභතොඛ්‍යාසඤ්ජනකතිරච්ඡානගතපුරිසාදයො  
 දුක්කටවත්ථුකාව මිච්ඡාචාරදස්සනසභාවතොති වෙදිතබ්බං.

සඤ්චරිත්තසික්ඛාපදවණ්ණනා නිට්ඨිතා.

#### 6. කුටිකාරසික්ඛාපදවණ්ණනා

කිං හන්තෙති එත්තකෙපි වුත්තෙ. පුච්ඡිතො යදත්ථාය පටිට්ඨො, තං  
 කථෙතුං ලහති පුච්ඡිතපඤ්ඤත්තා භික්ඛාචාරවත්තෙති ලිඛිතං. හත්ථකම්මං

යාවිතො “උපකරණං, මූලං වා දස්සති”ති යාවති, වට්ටති, න වට්ටතිති? වට්ටති සෙනාසනෙ ඔභාසපරිකථාදීනං ලද්ධත්තාති එකෙ. තිහත්ථා වාති එත්ථ වඩ්ඪකිහත්ථෙන තිහත්ථා. “පමාණයුත්තො මඤ්චොති පකතිවිදත්ථියා නවවිදත්ථිප්පමාණමඤ්චො, සො තත්ථ ඉතො ච න සඤ්චරති, තස්මා චතුහත්ථවිත්ථාරා න හොති”තිආදි ලිඛිතං. අකුටියා පන වත්ථුදෙසනාකිච්චං නත්ථි උල්ලිත්තාවලිත්තං කාතුං වුත්තත්තා. “උල්ලිත්තාදිභාවො...පෙ.... ‘ඡදනමෙව සන්ධාය වුත්තො’ති යුත්තමිදං. කස්මාති චෙ? යස්මා මත්තිකාමයහිත්තිං උට්ඨාපෙත්ථා උපරි උල්ලිත්තං වා අවලිත්තං වා උභයං වා හිත්තියා සට්ඨං කරොත්තස්ස ආපත්ති එව විනාපි හිත්තිලෙපෙනා”ති ලිඛිතං. එවමෙත්ථ ඵම්හතුලාපිට්ඨසඬ්ඝාටාදි නිරත්ථකං සියා. තස්මා විචාරෙත්ථාව ගහෙතඛිං. “උපොසථාගාරම්පි හවිස්සති, අහම්පි වසිස්සාමි”ති වා “හික්ඛුහි වා සාමණෙරෙහි වා එකතො වසිස්සාමි”ති වා කරොත්තස්ස වට්ටති එව. කස්මා? “අත්තුද්දෙස”න්ති වුත්තත්තාති ලිඛිතං.

ඉදං පන සික්ඛාපදං චතුත්ථපාරාජිකං විය නිදානාපෙක්ඛං. න හි වග්ගමුදාතීරියා හික්ඛු සයමෙව අත්තනො අසන්තං උත්තරිමනුස්සධම්මං මුසාවාදලක්ඛණං පාපෙත්ථා භාසිංසු. අඤ්ඤමඤ්ඤඤ්ඤි තෙ උත්තරිමනුස්සධම්මවණ්ණං භාසිංසු. න ච තාවතා පාරාජිකවත්ථු හොති, තත්තකෙන පන ලෙසෙන හගවා තං වත්ථුං නිදානං කත්ථා පාරාජිකං පඤ්ඤපෙසි, තථා ඉධාපි. න හි නිදානෙ “අදෙසිතවත්ථුකායො සාරම්භායො අපරික්කමනායො”ති වුත්තං. “අප්පමාණිකායො”ති පන වුත්තත්තා පමාණමතික්කමන්තස්ස සඬ්ඝාදිසෙසොව නිදානාපෙක්ඛො. තත්ථ සාරම්භෙ අපරික්කමනෙ සඬ්ඝාදිසෙසප්පසඬ්ඝං විය දිස්සමානං “විහඬ්ගො තංනියමකො”ති වුත්තත්තා විහඬ්ගෙ න නිචාරෙති. තථා මහල්ලකෙ.

එත්ථාහ – කිමත්ථං මාතිකායං දුක්කටවත්ථු වුත්තං, නනු විහඬ්ගෙ එව වත්තඛිං සියාති? එවමෙතං. කිං නු හික්ඛු අහිනෙතඛිං වත්ථුදෙසනාය, තෙහි හික්ඛුහි වත්ථු දෙසෙතඛිං, කිදිසං? අනාරම්භං සපරික්කමනන්ති. ඉතරඤ්ඤි “සාරම්භෙ චෙ හික්ඛු වත්ථුස්මිං අපරික්කමනෙ”ති එවං අනුප්පසඬ්ඝවසෙන ආගතත්තා වුත්තං. යස්මා වත්ථු නාම අත්ථි සාරම්භං අපරික්කමනං, අත්ථි අනාරම්භං සපරික්කමනං, අත්ථි සාරම්භං සපරික්කමනං, අත්ථි අනාරම්භං අපරික්කමනන්ති ඛුට්ඨං, තස්මා ඛුට්ඨත්තා වත්ථු දෙසෙතඛිං අනාරම්භං සපරික්කමනං, නෙතරන්ති වුත්තං හොති. කිමත්ථිකා පනෙත්ථ වත්ථුදෙසනාති චෙ? ගරුකාපත්තිපඤ්ඤාපනහෙතුපරිවජ්ජනුපායත්තා. වත්ථුදෙසනා හි ගරුකාපත්තිපඤ්ඤාපනහෙතුභූතා. ගරුකාපත්තිපඤ්ඤාපනං අකතවිඤ්ඤත්තිගිහිපිළාජනනං, අත්තදුක්ඛපරදුක්ඛහෙතුභූතො ච සාරම්භභාවොති එතෙ වත්ථුදෙසනාපදෙසෙන උපායෙන පරිවජ්ජිතා



හොන්නි. න හි භික්ඛු අකප්පියකුටිකරණත්ථං ගිහීනං වා පිළානිමිත්තං, සාරම්භවත්ථුකුටිකරණත්ථං වා වත්ථුං දෙසෙන්නිති. හොන්නි වෙත්ථ –

“දුක්කටස්ස හි වත්ථුනං, මාතිකාය පකාසනා;  
ගරුකාපත්තිහෙතුනං, තෙසං එවං පකාසිතා.

“වත්ථුස්ස දෙසනුපායෙන, ගරුකාපත්තිහෙතුයො;  
වජ්ජිතා හොන්නි යං තස්මා, සාරම්භාදි ජහාපිත”න්ති.

කුටිකාරසික්ඛාපදවණ්ණනා නිට්ඨිතා.

## 7. විහාරකාරසික්ඛාපදවණ්ණනා

කිරියාමත්තතො සමුට්ඨානභාවතො අකිරියමෙවෙනං. තං දෙසනාඅකරණවසෙන. භික්ඛු වා අනභිනෙය්‍යාති එත්ථ වා-සද්දො අවධාරණත්ථොති වෙදිතබ්බො. “ආයස්මා ඡන්තො වෙතියරුක්ඛං ඡෙදාපෙසී”ති (පාරා. 365) ආගතත්තා ඉදම්පි නිදානාපෙක්ඛන්ති වෙදිතබ්බං.

විහාරකාරසික්ඛාපදවණ්ණනා නිට්ඨිතා.

## 8. දුට්ඨදොසසික්ඛාපදවණ්ණනා

“කස්මා මම වන්දනාදීනි...පෙ.... ‘සට්ඨෙයෙව සීසං එතී’ති චුත්තත්තා අන්තිමවත්ථුඅප්ඤ්ඤාපත්තකං වන්දිතුං න වට්ටති”ති වදන්ති, තං න ගහෙතබ්බං. පරිවාරාවසානෙ උපාලිපඤ්චකෙ “කති නු ඛො, භන්තෙ, අවන්දියා”තිආදිනා (පරි. 467) චුත්තපාලියං අචුත්තත්තා, “පච්ඡා උපසම්පන්නෙන පුරෙ උපසම්පන්නො වන්දියො”ති (පරි. 468) චුත්තත්තා ව, තස්මා එව ඉමිස්සං කඩබාවිතරණියං. “උපසම්පන්නොති සඨබ්‍රූපගමන”න්ති චුත්තං. සුත්තාධිප්පායො පන එවං ගහෙතබ්බො – අවන්දන්තො සාමීච්ඡපටික්ඛෙපසඨබ්‍රාතාය වොදනාය වොදෙති නාමාති දස්සනත්ථං චුත්තන්ති. තස්මා එව “එත්තාවතා ව වොදනා නාම හොතී”ති චුත්තං. ඉධ අධිප්පෙතං ආපත්තිආපජ්ජනාකාරං දස්සෙතුං “‘කස්මා මම වන්දනාදීනි න කරොසී’තිආදි චුත්ත”න්ති ලිබ්බං.

කතුපසම්පදන්ති යස්ස උපසම්පදා රුහති, තං, පණ්ඩකාදයො. යපනක්ඛෙත්තන්ති එත්ථ සබ්බසඨ්ඨානිකං, පුග්ගලිකඤ්චාති දුට්ඨං පචාරණායපනං. තත්ථ සබ්බසඨ්ඨානිකෙ “සුඤ්ඤා මෙ, භන්තෙ, සඨසො...පෙ.... තෙවාට්ඨිකං පචාරෙ”ති සු-කාරතො යාව රෙ-කාරො. පුග්ගලිකයපනෙ පන “සඨසං, භන්තෙ, පචාරෙමි...පෙ.... පස්සන්තො පටි”ති සං-කාරතො යාව අයං සබ්බපච්ඡිමො ටි-කාරො, එත්ථන්තරෙ

එකපදෙයි යපෙන්තෙන යපිතා හොති. උපොසංථෙ පන ඉමිනානුසාරෙන විසෙසො වෙදිතබ්බො “කරෙය්‍යා”ති රෙ-කාරෙ අනතික්කමත්තෙ.

දුට්ඨදොසසික්ඛාපදවණ්ණනා නිට්ඨිතා.

### 9. අඤ්ඤාභාගියසික්ඛාපදවණ්ණනා

අඤ්ඤාභාගො වා අස්ස අත්ථිති යථා සුවණ්ණස්සෙදං සොවණ්ණමිත්‍යත්‍ර සුවණ්ණවා අනෙන සුවණ්ණො ඉත්‍යුච්චතෙ. තං පටිමාය සරීරං, සිලාපුත්තකස්ස සරීරන්ති ච නිදස්සනං. ඡගලකස්ස “දබ්බො”ති දින්නං නාමං “දෙසො”ති වුච්චති. කස්මා? ථෙරං අනුද්ධංසෙත්‍රං ථෙරස්සාපි අපදිසිතබ්බත්තා. අඤ්ඤම්පි වත්ථුං න ථෙරංයෙව. ලිස්සති සිලිස්සති වොහාරමත්තෙනෙවන අත්ථතො. ඊසකං අල්ලියතීති ලෙසොති අධිප්පායො. ලිසසෙලඡකොලඅල්ලිභාවෙ. තෙන වුත්තං “ඊසකං අල්ලියතීති ලෙසො”ති. යස්මා දෙසලෙසා අත්ථතො නින්නානාකරණං, තස්මා “කිඤ්චිදෙසං ලෙසමත්තං උපාදායා”ති පදං උද්ධරිත්වා “දස ලෙසා ජාතිලෙසො”තිආදි (පාරා. 394) පදභාෂනෙ වුත්තං.

අට්ඨුප්පත්තිවසෙනෙව ආවිභූතන්ති එත්ථ කිඤ්ච භියොයා අනියමත්තා. න භි මෙත්තියභූමඡකානං විය අඤ්ඤෙසං සබ්බෙසම්පි “ඡගලකමෙවෙත්ථ අඤ්ඤාභාගියං අධිකරණං හොති, අඤ්ඤං ගොමහිංසාදිකම්පි හොති, න ච මෙත්තියභූමඡකා විය සබ්බෙසි නාමලෙසමත්තමෙව උපාදියන්ති, අඤ්ඤම්පි ජාතිලෙසාදිං උපාදියන්ති, තස්මා අනියමත්තා න විහත්තං. කිඤ්ච භියොයා තථාවුත්තෙ ඡගලකස්සෙව අඤ්ඤාභාගියතා සම්භවති, න අඤ්ඤස්ස, යෙන සොව දස්සිතො. ලෙසො ච නාම ලෙසොව, න ජාතිආදි, යෙන සොව දස්සිතොති එවං මිච්ඡාගාහප්පසඬගතොති වෙදිතබ්බං. ඉධ ව...පෙ.... සඤ්ඤිනොපිති ඉමස්මිං සික්ඛාපදෙ ව අමුලකසික්ඛාපදෙ වාති අත්ථො.

අඤ්ඤාභාගියසික්ඛං යො, නෙව සික්ඛති යුත්තිතො;  
ගච්ඡෙ විනයවිඤ්ඤාහි, අඤ්ඤාභාගියතංව සො. (චජිර. ටී. පාරාජික 408);

අඤ්ඤාභාගියසික්ඛාපදවණ්ණනා නිට්ඨිතා.

### 11. හෙදානුවත්තකසික්ඛාපදවණ්ණනා

තිණ්ණං උද්ධං කම්මාරහා...පෙ.... කරොතීති එත්ථ “ඉමෙ වත්තාරො”ති වා “ඉමඤ්ච ඉමඤ්චා”ති වා වත්වා කාත්‍රං න වට්ටතීති ලිඛිතං.

හෙදානුවත්තකසික්ඛාපදවණ්ණනා නිට්ඨිතා.

## 12. දුබ්බවසික්ඛාපදවණ්ණනා

දුක්ඛෙන චත්තබ්බො දුබ්බවො. වුවුවමානො න සහති.

දුබ්බවසික්ඛාපදවණ්ණනා නිට්ඨිතා.

### නිගමනවණ්ණනා

“නාමමත්තවසෙනා”ති පායො. “නාමගොත්තවසෙනා”ති ලිඛිතං. ඉදං වුත්තං හොති – “අයං කිරියා භික්ඛූනං කාතුං න වට්ටති”ති ජානිත්වා සචෙ ඡාදෙති, ඡන්තාව හොතිති අත්ථො. සභාගමත්තමෙවාති අවෙරිසභාගමත්තමෙවාති අධිජ්ජායො.

වත්ථු වෙව ගොත්තඤ්චාති එත්ථ වත්ථුති චිතික්කමනං අසුචිමුව්චනං. ගොත්තන්ති ගං තායතීති ගොත්තං, සජාතිතො අඤ්ඤත්ථ ගන්තුං අදත්වා ගං බුද්ධිං, වචනඤ්ච තායතීති අත්ථො. වත්ථු ව සජාතිමෙව ගච්ඡති. සජාති නාමෙත්ථ අඤ්ඤෙහි විසිට්ඨාවිසිට්ඨභූතා කිරියා, න කායසංසග්ගාදි. නාමඤ්චෙව ආපත්ති වාති එත්ථ ආපත්තීති චිතික්කමෙනාපන්නාපත්තියා නාමං.

පුන ආගතාගතානං භික්ඛූනං ආරොචෙත්තෙනාති එත්ථ ද්විත්තං ආරොචෙත්තෙන “ආයස්මන්තා ධාරෙන්තු”තිණ්ණං වා අතිරෙකානං වා ආරොචෙත්තෙන “ආයස්මන්තො ධාරෙන්තු”ති එවං ආරොචනවිධානං චෙදිතබ්බං. වත්තභෙදඤ්ච රත්තිච්ඡෙදඤ්ච අකත්වාති එත්ථ යපෙත්වා නවකතරං පාරිවාසිකං අවසෙසානං අන්තමසො මූලායපටිකස්සනාරහාදීනම්පි අභිවාදනාදිසාදියනෙ, පටිපාටියා නිසීදනෙ, ඔවදනෙ, කම්මිකානං ගරභණෙ වාතිආදීසු වත්තභෙදො හොති. දස්සනසවනවිසයෙසු අනාරොචනෙ ව භික්ඛූහි එකච්ඡන්තෙ වසනෙ ව අජානන්තස්සෙව විහාරෙ භික්ඛූනං ආගන්ත්වා ගමනෙ වාතිආදීසු රත්තිච්ඡෙදො හොති. නානාසංවාසකෙහි විනයකම්මාභාවතො තෙසං අනාරොචනෙ රත්තිච්ඡෙදො න හොති. “ද්වෙ ලෙඬ්චුපාතෙ අතික්කමිත්වා”ති වචනතො අත්තො න වට්ටති. නික්ඛිත්තවත්තෙනෙව හුත්වා විවරන්තෙන යස්ස සන්තිකෙ පුබ්බෙ සමාදිශිත්වා ආරොචිතං, තස්සාපි සන්තිකෙ පච්ඡා නික්ඛිපනකාලෙ ආරොචෙත්වා නික්ඛිපිතබ්බං. තස්මා පුන සමාදානකාලෙපි සො චෙ තතො ගච්ඡති, තං දිවසං අගන්ත්වා දිවා ආරොචෙත්වාපි යදි එවං අතීතදිවසං හොති, “අරුණෙ උට්ඨිතෙ තස්ස සන්තිකෙ ආරොචෙත්වා වත්තං නික්ඛිපිත්වා විහාරං ගන්තබ්බන්ති තස්ස සන්තිකෙ ආරොචෙත්වා වත්තං නික්ඛිපිතබ්බං”න්ති වුත්තං. අපිව “විහාරං ගන්ත්වා යං සබ්බපයමං භික්ඛුං පස්සති, තස්ස ආරොචෙත්වා නික්ඛිපිතබ්බං”න්ති වුත්තං. සචෙ රත්තිච්ඡෙදො හොති, විහාරසීමාපරියාපන්නානං සබ්බෙසං ආරොචෙතබ්බං සියා. “තස්ස

ආරොචෙත්වා”ති ඉදං පන පුබ්බෙ අනාරොචිතං සන්ධාය වත්තභෙදරක්ඛණත්ථං වුත්තං. තස්මා එව සමන්තපාසාදිකායං (වුළුව. අට්ඨ. 97) එවං වුත්තං “අඤ්ඤං විහාරතො නික්ඛන්තං වා ආගන්තුකං වා”ති.

සුද්ධන්තපරිවාසෙ පන සචෙ “මාසමත්තං අසුද්ධොමිහී”ති අග්ගභෙසී, පරිවසන්තො පුන ඌනං වා අධිකං වා සන්තිට්ඨානං කරොති, තත්තකම්පි පරිවසිතබ්බමෙව, පරිවාසදානකිච්චං නත්ථී. අයඤ්ඤි සුද්ධන්තපරිවාසො නාම උද්ධමිපි ආරොහති, හෙට්ඨාපි ඔරොහති. ඉදමස්ස ලක්ඛණං.

සමොදහින්වාති මූලාපත්තිට්ඨානෙ යපෙත්වා, පක්ඛිපින්වාති අත්ථො. අප්පට්ච්ඡන්තා චෙ අන්තරාපත්ති, මූලාය පටිකස්සනං අකත්වා පුබ්බෙ ගහිතපරිවාසෙනෙව පරිවසිතබ්බං. යො පන ආපත්තිං ආපජ්ජිත්වා විබ්භමිත්වා පුන උපසම්පන්නො හුත්වාපි පටිච්ඡාදෙති, යො ච පුබ්බෙ පටිච්ඡාදෙත්වා පච්ඡා න පටිච්ඡාදෙති, යො ච උභයත්ථ පටිච්ඡාදෙති, සබ්බෙසං පටිච්ඡන්තදිවසවසෙන පරිවාසො දාතබ්බො. “පුරිමස්මිං ආපත්තික්ඛන්තො ච”ති ච “පච්ඡිමස්මිං ආපත්තික්ඛන්තො ච”ති (වුළුව. 166 ආදයො) ච පාළියං වුත්තත්තා ද්වෙ භික්ඛු විසුද්ධිකං ආපන්නා භොන්ති, තෙ සුද්ධිකදිට්ඨිතො භොන්ති. එකො ඡාදෙති, එකො න ඡාදෙති. යො ඡාදෙති, සො දුක්ඛං දෙසාපෙතබ්බො. “උභොපි යථාධම්මං කාරාපෙතබ්බො”ති (වුළුව. 181) වචනතො යං කඤ්ඤි ආපත්තිං ඡාදෙත්වා දුක්ඛං ආපජ්ජති චෙදිතබ්බො.

තෙසු ගතෙසු වා අගතෙසු වා පුරිමනයෙනෙව පටිපජ්ජිතබ්බන්ති එත්ථ ඌනෙ ගණෙ වරණං, අනුට්ඨහනං එකරත්තම්පි ගණෙන විජ්ජවාසං, සචෙ රත්තියා එකක්ඛණෙන සඨසො වසති, සචෙ සො පුරෙ අරුණමෙව කෙනවි කරණියෙන ගතොති එත්ථපි මානත්තෙපි එවං ඡාතෙ. “අයඤ්ඤං යස්මා ගණස්ස ආරොචෙත්වා, භික්ඛුනඤ්ඤං අත්ථිභාවං සල්ලක්ඛෙත්වා ච සි, තෙනස්ස ඌනෙ ගණෙ වරණදොසො වා විජ්ජවාසො වා න භොති”ති (වුළුව. අට්ඨ. 97) සමන්තපාසාදිකායං වුත්තං. තස්මා තෙන ආරොචිතෙ මුහුත්තම්පි නිසිදිත්වා ගතෙපි විජ්ජවාසො නත්ථී. පාරිවාසිකස්ස, උක්ඛිත්තකස්ස ච පකතත්තෙන තස්මිං වසනං උදකපාතෙන වාරිතං, තස්මා නානුපවාරෙපි එකච්ඡන්තො න වට්ටති.

ඉදානි පාඨවිචාරණා චෙදිතබ්බො – “නව පයමාපත්තිකා වත්තාරො යාවතතියකා”ති ඉදං සභාවනියමවචනං. තෙන වුට්ඨානං අනියමන්ති දස්සෙති. එකච්චාපත්තිවුට්ඨානඤ්ඤි කම්මතොපි භොති අකම්මතොපි, න එවං ආපජ්ජන්ති වුත්තං භොති. අඤ්ඤතරං වා අඤ්ඤතරං වානි තෙසං ද්විධා භින්නානම්පි වුට්ඨානක්කමභෙදාභාවදීපකවචනං. යාවතීහං, තාවතීහන්ති එත්ථ අභපරිච්ඡෙදො අරුණවසෙන. “ඡාන”න්ති ඉමිනා ඡානනජ්ජපටිච්ඡන්තස්ස අකාමා පරිවත්ථබ්බන්ති දස්සෙති. තෙන භික්ඛුනා



අකාමා පරිවත්ථබ්බන්ති තෙන භික්ඛුනා වසනා අකාමා පරිවත්ථබ්බං, න පරිවත්තිතලිඬිගෙනාති දස්සනත්ථං වුත්තං. පරිවුත්ථපරිවාසෙනාති ආදිමිභි පරිවුත්ථපරිවාසෙනෙව පරිවාසතො උත්තරි ඉතිවාරෙන ආදිතො භික්ඛුනාව ඡාරත්තං, පරිවත්තිතලිඬිගෙන උද්ධමිපි භික්ඛුමානත්තාය පටිපජ්ජිතබ්බං, න පරිවාසෙ විය තප්පව්වයා අවිණ්ණමානත්තො. විණ්ණමානත්තොව අබ්භෙතබ්බො, න ඉතරො, න පරිවාසෙ විය මානත්තාරහෙ, පක්ඛමානත්තඤ්ච වරන්තියා භික්ඛුනියා ලිඬිගං පරිවත්තාතික්කමෙ සති විණ්ණමානත්තො භික්ඛු හොති, පුන භික්ඛුමානත්තං ගහෙත්වා විණ්ණමානත්තොව භික්ඛු අබ්භෙතබ්බොති දස්සෙති.

යත්ථ සියාති යස්සං සමානසංවාසකසීමායමිපි වීසතිගණො භික්ඛුසඬිසො අත්ථි. එකෙනපි වෙ උානො වීසතිගණොති න යුජ්ජති, උානො වෙ. න හි වීසතිගණො, සඬිසො වෙ උානො. තස්මා “එකෙනපි වෙ උානො සඬිසො”ති එත්තකමෙව වත්තබ්බන්ති වෙ? න, චතුරවග්ගපඤ්චවග්ගදසවග්ගජ්ජසඬිගතිවාරණජ්ජයොජනතො. තස්මා වීසතිවග්ගො භික්ඛුසඬිසො වෙ භික්ඛුනා එකෙනපි උානො, නට්ඨො දට්ඨබ්බො. කෙච්ඡි පන විනයෙ අප්පකතඤ්ඤානො “යථා අතිරෙකචතුරවග්ගොපි සඬිසො චතුරවග්ගකරණියෙ කම්මෙ ‘චතුරවග්ගො’ති වුච්චති, තථා පඤ්චවග්ගදසවග්ගකරණියෙ කම්මෙ අතිරෙකපඤ්චවග්ගදසවග්ගොපි ‘පඤ්චවග්ගදසවග්ගො’ති වුච්චති. තස්මා උානොපි චතුරවග්ගපඤ්චවග්ගදසවග්ගවීසතිවග්ගොවා”ති මඤ්ඤෙය්‍යං, තෙසං මඤ්ඤානාතිවාරණත්ථං “එකෙනපි වෙ උානො”තිආදි වුත්තං. අථ වා වීසති භික්ඛුසඬිසො වෙ, යපෙත්වා එකෙනපි වෙ උානො අප්පකතත්තො, තං යපෙත්වා එකෙනපි වෙති එවමෙත්ථ අත්ථො දට්ඨබ්බො. අයං තත්ථ සාමීචීති වචනං යං වුත්තං සබ්බත්ථ “තස්ස ආපත්තියා පරිවාසං දෙනි, මූලාය පටිකස්සති, මානත්තං දෙනි, අබ්භෙති”ති, තස්ස ආවිභාවකරණත්ථං වුත්තන්ති වෙදිතබ්බං. තෙන තෙසු අයං යථාවුත්තා සාමීචි නියතා ඉච්ඡිතබ්බා, න රාජසික්ඛාපදාදීසු විය අනියතා. තත්ථ හි කෙනචි අන්තරායෙන තං සාමීචිමකරොන්තෙපි අනාපත්තිති දීපිතං හොති.

සඨසාදිසෙසවණ්ණනා නිට්ඨිතා.

## අනියතකණ්ඩං

### 1. පයමානියතසික්ඛාපදවණ්ණනා

අනියතෙ ආදිතොව ඉදං පකිණ්ණකං. සෙය්‍යාපීදං – ඉදං අනියතකණ්ඩං නිජ්ජයොජනං තත්ථ අපුබ්බාභාවතොති චෙ? න, ගරුකලහුකහෙදගින්නාපත්තිරොපනාරොපනක්කමලක්ඛණදීපනජ්ජයොජනතො. එත්ථ හි “සා චෙ එවං වදෙය්‍යා ‘අයොයා මයා...පෙ.... සො ව තං පටිජානාති, ආපත්තියා කාරොතබ්බො’”තිආදිනා (පාරා. 446) ආපත්තියා ගරුකාය, ලහුකාය ව ආරොපනක්කමලක්ඛණං, “න කාරොතබ්බො”ති ඉමිනා අනාරොපනක්කමලක්ඛණඤ්ච දස්සිතං. ලක්ඛණදීපනතො ආදිමිහි, අන්තෙ වා උද්දිසිතබ්බන්ති චෙ? න, අසම්භවතො. කථං න තාව ආදිමිහි සම්භවති, යෙසම්දං ලක්ඛණං, තෙසං සික්ඛාපදානං අදස්සිතත්තා. න අන්තෙ ගරුකමිස්සකත්තා. තස්මා ගරුකලහුකානං මජ්ඣෙ ඵල උද්දිසිතබ්බතං අරහති උභයමිස්සකත්තා. යා තත්ථ පාවිත්තියසඩ්ධතා ලහුකාපත්ති දස්සිතා, සාපි ගරුකාති කථිතා. තෙනෙවාහ “මෙටුනධම්මසන්නිස්සිතකිලෙසසඩ්ධාතෙන රහස්සාදෙනා”තිආදි. තස්මා ගරුකානං ඵල අනන්තරං උද්දිට්ඨන්තිපි එකෙ. එවං සති පයමානියතමෙවාලං තාවතා ලක්ඛණදීපනසිද්ධිතො, කිං දුතියෙනාති චෙ? න, ඔකාසනියමපච්චයම්චිජාගාහනිවාරණජ්ජයොජනතො. “පටිච්ඡන්තො ආසනෙ අලංකම්මනියෙ”ති ඔකාසනියමතො හි තබ්බිපරිතෙ ඔකාසෙ ඉදං ලක්ඛණං න විකප්පිතන්ති මිච්ඡාගාහො හොති. තංතිවාරණතො දුතියානියතමිපි සාත්ථකමෙවාති අධිජ්ජායො. කස්මා? ඔකාසහෙදතො, රහොහෙදදීපනතො, රහොනිසජ්ජස්සාදහෙදදීපනතො. ඔකාසනියමභාවෙ ව රහොනිසජ්ජස්සාදහෙදො ජාතො. ද්විත්තං රහොනිසජ්ජසික්ඛාපදානං නානාත්තජානනඤ්ච සියා තථා කායසංසග්ගහෙදදීපනතො. නාලං කම්මනියෙපි හි ඔකාසෙ අජ්ජට්ච්ඡන්තො, පටිච්ඡන්තෙපි වා නිසින්නාය වාතපානකවාටච්ඡිද්දාදිහි නික්ඛන්තකෙසාදිග්ගහණෙන කායසංසග්ගො ලබ්භතීති එවමාදයොපි නයා විත්ථාරතො චෙදිතබ්බා.

තත්ථිදං මුඛමත්තනිදස්සනං – ඔකාසහෙදතොති අලංකම්මනියනාලංකම්මනියහෙදතො. පටිච්ඡන්තමිපි හි එකච්චං නාලංකම්මනියං වාතපානාදිනා අන්තරිතත්තා, උභයජ්ජට්ච්ඡන්තමිපි එකච්චං නාලංකම්මනියං විජානතං අජ්ඣෙදාකාසත්තා. රහොහෙදදීපනතොති එත්ථ රහභාවසාමඤ්ඤෙපි රහො ද්විධා පටිච්ඡන්නාපටිච්ඡන්නහෙදතොති අධිජ්ජායො. රහොනිසජ්ජස්සාදහෙදදීපනතොති මෙටුනස්සාදවසෙන නිසජ්ජා, දුට්ඨුල්ලස්සාදවසෙන නිසජ්ජාති තාදිසස්ස හෙදස්ස දීපනතොති අත්ථො. “ඉධ ආගතනයත්තා හික්ඛුනිපාතිමොක්ඛෙ ඉදං කණ්ඩං පරිහිනන්ති චෙදිතබ්බ”න්ති වදන්ති. “අට්ඨුජ්ජත්තියා තත්ථ අනුජ්ජන්තත්තා”ති එකෙ, තං අනෙකන්තභාවදීපනතො අයුත්තං. සබ්බවුද්ධකාලෙ හි හික්ඛුනං පඤ්ච,

හික්බුනීනං වත්තාරො ව උද්දෙසා සන්ති. පාතිමොක්ඛුද්දෙසපඤ්ඤත්තියා අසාධාරණත්තා තත්ථ නිද්දිට්ඨසඬ්ඝාදිසෙසපාවිත්තියානන්ති එකෙ. තාසඤ්ඤි හික්බුනීනං උබ්භජාණුමණ්ඩලික (පාවි. 658) -අට්ඨවත්ථුක (පාවි. 675) -වසෙන කායසංසග්ගවිසෙසො පාරාජිකවත්ථු, “හත්ථග්ගහණං වා සාදියෙය්‍ය, කායං වා තදත්ථාය උපසංහරෙය්‍යා”ති (පාවි. 675) වචනතො සාදියනම්පි, “සන්තිට්ඨෙය්‍ය වා”ති (පාවි. 675) වචනතො යානම්පි, “සඬ්ඝෙතං වා ගව්ඡෙය්‍යා”ති (පාවි. 675) වචනතො ගමනම්පි, “ජන්තං වා අනුපවිසෙය්‍යා”ති (පාවි. 675) වචනතො පටිච්ඡන්තට්ඨානප්පවෙසොපි හොති, තථා “රත්තන්ධකාරෙ අප්පදීපෙ, පටිච්ඡන්තෙ ඔකාසෙ අප්පකොකාසෙ එකෙනෙකා සන්තිට්ඨෙය්‍ය වා සල්ලපෙය්‍ය වා”ති (පාවි. 839) වචනතො දුට්ඨුල්ලවාචාපි පාවිත්තියවත්ථුකන්ති කත්වා තාසං අඤ්ඤාදා අනියතකණ්ඩස්ස අවත්තබ්බතාපත්තිතො න චුත්තන්ති තෙසං අධිප්පායො. පකිණ්ණකං.

“දෙසනාවුට්ඨානගාමිනීනං ආපත්තීනං වසෙන අලජ්ජිආදයො ලජ්ජීනං වොදෙස්සන්ති”ති ආගතත්තා ලජ්ජිපග්ගහත්ථාය පතිරුපායපි උපාසිකාය වචනෙන අකත්වා හික්බුස්සෙව පටිඤ්ඤාය කාතබ්බන්ති ආපත්තියො පන ලක්ඛණදස්සනත්ථං පඤ්ඤත්තං විත්ථාරනයමෙව ගහෙත්වා වත්තුං යුත්තං “ඉමෙ බො පනායස්මන්තො ද්වෙ අනියතා ධම්මා”ති (පාරා. 443) උද්දෙසදස්සනත්තාති ලිබ්තං. සොතස්ස රහොති එත්ථ රහොති වචනසාමඤ්ඤතො චුත්තං. දුට්ඨුල්ලසාමඤ්ඤතො දුට්ඨුල්ලාරොවනප්පටිච්ඡාදනසික්ඛාපදෙසු පාරාජිකවචනං විය. තස්මා “චක්ඛුස්සෙව පන රහො ‘රහො’ති ඉධ අධිප්පෙතො”ති චුත්තං. කථං පඤ්ඤායතීති වෙ? “මාතුගාමො නාම...පෙ.... අන්තමසො තදුහුජාතාපි දාරිකා”ති (පාරා. 445) චුත්තත්තා දුට්ඨුල්ලොභාසනං ඉධ නාධිප්පෙතන්ති දීපිතමෙවාති. අන්තොද්වාදසහත්ථෙපීති පි-සද්දෙන අපිහිතකවාටස්ස ගබ්භස්ස ද්වාරෙ නිසින්තොපීති අත්ථො. අවෙලකවග්ගෙ රහොපටිච්ඡන්තාසනසික්ඛාපදෙ (පාවි. 288) “යො කොචි විඤ්ඤ පුරිසො දුතියො හොති”ති ඉමස්ස අනුරූපතො “ඉත්ථීනං පන සතම්පි අනාපත්තිං න කරොති යෙවා”ති චුත්තං. “අලංකම්මනියෙති සක්කා හොති මෙටුනං ධම්මං පටිසෙවිතු”න්ති (පාරා. 445) විහඬිගෙ වචනතො රහොතිසප්පස්සාදො වෙත්ථ මෙටුනධම්මසන්තිස්සිතකිලෙසො, න දුතියෙ විය දුට්ඨුල්ලවාචස්සාදකිලෙසො. තස්මා ව පඤ්ඤායති සොතස්ස රහො නාධිප්පෙතොති.

තිණ්ණං                      ධම්මානං                      අඤ්ඤතරෙන                      වදෙය්‍යාති  
රහොතිසප්පස්සික්ඛාපදවසෙන නිසින්තස්ස තස්සානුසාරෙන පාවිත්තියමෙව අවත්වා පාරාජිකසඬ්ඝාදිසෙසායපි ආපත්තියා හෙදදස්සනත්ථං චුත්තං. පුන ආපත්තිප්පටිජානනං අවත්වා කස්මා “නිසප්පං හික්බු පටිජානමානො”ති වත්ථුප්පටිජානනං චුත්තන්ති? චුච්චතෙ - ආපත්තියා වොදිතෙ විනයධරෙන

“කිස්මි. වත්ථුස්මි”න්ති පුවඡ්ඡතෙ වුදිතකෙන “ඉමස්මි. වත්ථුස්මි”න්ති වුත්තෙ විනයධරෙන “ඊදිසං නාම අකාසි”ති පුවඡ්ඡතෙ සො වත්ථුං පටිජානමානොව කාරෙතබ්බොති දස්සනත්ථං. “නිසජ්ජං භික්ඛු පටිජානමානො”ති වුත්තං. යදි එවං නිසජ්ජං පටිජානමානොපි ආපත්තියාව කාරෙතබ්බොති? අනුරූපමෙව. එවං පන ගහෙතබ්බං – තිණ්ණම්පි ආපත්තීනං වත්ථුනි අග්ගහෙත්වා ඉධ සික්ඛාපදවසෙන නිසජ්ජමෙව වුත්තං. තස්මිං ගහිතෙපි හි ආපත්ති ගහිතාව හොතීති. යෙන වා සාති එත්ථ වා-සද්දො “තෙන සො භික්ඛු කාරෙතබ්බො වා”ති යොජෙතබ්බො. සො ච විකජ්ජත්ථො. තස්මා “කාරෙතබ්බො වා පටිජානමානො, න වා කාරෙතබ්බො අජ්ජපටිජානමානො”ති අත්ථො. තෙන වුත්තං “පටිජානමානො වා”තිආදි. රහොනිසජ්ජසික්ඛාපදවසෙන නිසජ්ජපච්චයා ආපත්තියා වුත්තත්තා සෙසෙසුපි සෙසසික්ඛාපදවසෙන ආපත්ති ගහෙතබ්බො. “සමුට්ඨානාදීනි පට්ඨපාරාජිකසදිසානෙවා”ති වුත්තත්තා ඉධ දුට්ඨුල්ලොභාසනස්ස අනධිජ්ජෙතභාවො වෙදිතබ්බො.

පට්ඨානියතසික්ඛාපදවණ්ණනා නිට්ඨිතා.

## 2. දුතියානියතසික්ඛාපදවණ්ණනා

සඬ්ඝාදිසෙසෙන වාති කායසංසග්ගදුට්ඨුල්ලොභාසනෙන. තස්මා එවං කායසංසග්ගවාරො පාලියම්පි වුත්තො. අනන්ධො අබ්බිරොති අනන්ධො කායසංසග්ගං පස්සති, අබ්බිරො දුට්ඨුල්ලං සුඤ්ඤාති, තස්මා එව අදින්නාදානසදිසානෙවාති වුත්ත”න්ති ලිබ්බං. එත්ථ ච කායවාචාවිත්තතො සමුට්ඨානං කථන්ති වෙ? කායසංසග්ගඤ්ඤි සමාපජ්ජන්තො දුට්ඨුල්ලම්පි භණ්ණති, දුට්ඨුල්ලං භණ්ණන්තො නිසීදති වාති සම්භවති, දුට්ඨුල්ලමෙව වා සන්ධාය වුත්තං. තඤ්ඤි අදින්නාදානසමුට්ඨානන්ති.

යො දෙසනං සබ්බවිදුපමොව;  
නානානයාකාරවිචිත්තහෙදං;  
ඤාතුං උපායාන මනො සතිමා;  
තං ලාභහෙතුං න කරොති පුඤ්ඤන්ති.

දුතියානියතසික්ඛාපදවණ්ණනා නිට්ඨිතා.

අනියතවණ්ණනා නිට්ඨිතා.



## නිස්සංගීයකණ්ඩං

## 1. වීරවග්ගො

## 1. කථිනසික්ඛාපදවණ්ණනා

නිස්සංගීයකණ්ඩෙ තිණ්ණං කථිනසික්ඛාපදානං,  
 වස්සිකසාටිකආච්චෙකච්චරසාසඬකසික්ඛාපදානඤ්ච එකදෙසනාය  
 තථාකිණ්ණාපත්තික්ඛන්ධාව වෙදිතබ්බං -

කථිනං යස්ස චත්තාරො, සහජා සමයද්වයං;  
 ඡන්තං සික්ඛාපදානඤ්ච, එකදෙසවිනිච්ඡයො.

තත්ථ කථිනන්ති “සඬසස්ස අනුමොදනාය, ගණස්ස අනුමොදනාය, පුග්ගලස්ස අත්ථාරා සඬසස්ස අත්ථනං හොති කථින”න්ති (පරි. 414) වචනතො තෙසංයෙව අනුමොදනාදිධම්මානං සඬගහො කථිනං නාම. යථාහ “කථිනං ඡාතිතබ්බන්ති තෙසඤ්ඤෙව ධම්මානං සඬගහො සමවායො නාමං නාමකම්ම”න්තිආදි (පරි. 412). තස්මා කථිනන්ති ඉදං බහුසු ධම්මෙසු නාමමත්තං, න පරමත්ථතො එකො ධම්මො. කො පනස්ස අත්ථාරොති? තදෙකදෙසොව බීරස්ස ධාරා විය. යථා වාහ “අත්ථාරො එකෙන ධම්මෙන සඬගහිතො වවිහෙදෙනා”ති. සහජා නාම අට්ඨ මාතිකා, ද්වෙ පලිබොධා, පඤ්චානිසංසාති ඉමෙ පන්තරස ධම්මා. සමයද්වයං නාම කථිනත්ථාරසමයො, වීරසමයො වාති. තත්ථ කථිනත්ථාරසමයො වස්සානස්ස පච්ඡිමො මාසො. වීරසමයො නාම අනත්ථතෙ කථිනෙ අයං කත්තිකමාසො, අත්ථතෙ චත්තාරො හෙමන්තිකා වාති පඤ්ච මාසා.

තත්ථ අට්ඨ මාතිකා නාම පක්කමනන්තිකාදයො. තා සබ්බාපි අත්ථාරෙන එකතො උප්පජ්ජන්ති නාම. තබ්බාවභාවිතාය අත්ථාරෙ සති උද්ධාරො සම්භවති. තත්ථ කථිනත්ථාරෙන එකුප්පාදා එකනිරොධා අන්තරුබ්භාරො සහුබ්භාරො, අවසෙසා කථිනුබ්භාරා එකුප්පාදා, නානානිරොධා ව. තත්ථ එකනිරොධාති අත්ථාරෙන සහ නිරොධා, අන්තරුබ්භාරසහුබ්භාරානං උද්ධාරාභාවො එකක්ඛණෙ හොතීති අත්ථො. සෙසා නානා නිරුජ්ඣන්ති නාම. තෙසු හි උද්ධාරභාවං පත්තෙසුපි අත්ථාරො තිට්ඨති එවාති අට්ඨකථායං අත්ථවිභාවනා. සචෙ අත්ථතෙ කථිනෙ හික්ඛුස්මිං සාපෙක්ඛෙ තම්භා ආවාසා පක්කමන්තෙ සඬසො අන්තරුබ්භාරං කරොති, තස්ස හික්ඛුනො පයමමෙව මූලාවාසෙ නිට්ඨිතවීරපලිබොධාභාවෙපි සති අන්තරුබ්භාරෙ පලිබොධො ජිජ්ජති සතිපි සාපෙක්ඛතාය සඋස්සාහත්තා. ඉමිනා පරියායෙන පක්කමනන්තිකො කථිනුද්ධාරො අත්ථාරෙන එකුප්පාදො නානානිරොධො හොති. තථා අන්තරුබ්භාරෙ සති සුණන්තස්සාපි යාව වීරනිට්ඨානං න ගච්ඡති, තාව පරිහාරසම්භවතො නිට්ඨානන්තිකො. යාව සන්තිට්ඨානං න ගච්ඡති, තාව පරිහාරසම්භවතො සන්තිට්ඨානන්තිකො. යාව න නස්සති, තාව

පරිහාරසම්භවතො නාසනන්තිකො. යාව න සුඤ්ඤානි, තාව පරිහාරසම්භවතො සවනන්තිකො. යාව විවරාසා න ඡීජ්ජති, තාව පරිහාරසම්භවතො ආසාවච්ඡේදිකො. යාව සීමං නාතික්කමති, තාව පරිහාරසම්භවතො සීමාතික්කන්තිකො. අත්ථාරෙන එකුප්පාදො නානානිරොධො භොතීති වෙදිතබ්බො.

තත්ථ අන්තරුබ්භාරසහුබ්භාරා ද්වෙ අන්තොසීමායං එව සම්භවන්ති, න බහිසීමායං. පක්කමනසවනසීමාතික්කන්තිකා බහිසීමායමෙව සම්භවන්ති, න අන්තොසීමායං. නිට්ඨානසඅආට්ඨානාසාවච්ඡේදිකා අන්තොසීමායඤ්චෙව බහිසීමායඤ්ච. අන්තරුබ්භාරො සඤ්ඤායත්තො, පක්කමනනිට්ඨානසන්තිට්ඨානසීමාතික්කන්තිකා පුග්ගලාධිනා, සෙසා තදුභයවිපරිතා.

තත්ථ “නිට්ඨිතවිවරස්මි”න්ති ඉමිනා විවරපලිබ්බොධාභාවමෙව දීපෙති. න ආවාසපලිබ්බොධාභාවං. “උබ්භතස්මිං කථිතෙ”ති ඉමිනා උභයපලිබ්බොධාභාවං දීපෙති, තස්මා උභයපලිබ්බොධාභාවදීපනත්ථං තදෙව චත්තබ්බන්ති වෙ? න, විසෙසත්තා. කථං? කාමඤ්චෙනං තස්මා “උබ්භතස්මිං කථිතෙ”ති කෙසඤ්චි කථිනුද්ධාරානං නානානිරොධත්තා, සඤ්ඤාපුග්ගලාධිනානධිනත්තා ච අන්තොබහිඋභයසීමාසු නියමානියමතො ච උබ්භතස්මිං කථිතෙ සඤ්ඤාස්ස, න පුග්ගලස්ස උබ්භතං භොති, තථාපි “උබ්භතස්මිං කථිතෙ”ති ඉදං සාමඤ්ඤචචනං. තස්මා “නිට්ඨිතවිවරස්මි”න්ති ඉමිනා නියමෙති.

කිං චුත්තං භොති – සඤ්ඤාස්ස අන්තරුබ්භාරෙන උබ්භතස්මිං කථිතෙ අවිජින්නවිවරපලිබ්බොධො බහිසීමාගතො පච්ඡා ගන්ත්වා අත්තනො සීමාගතො අනිට්ඨිතවිවරො ආනිසංසං ලභති එවාති කත්වා “නිට්ඨිතවිවරස්මි”න්ති චුත්තන්ති වෙදිතබ්බං. තත්ථ ආවාසපලිබ්බොධො නාම වසති වා තස්මිං ආවාසෙ, සාපෙක්ඛො වා පක්කමති. විවරපලිබ්බොධො නාම විවරං අකතං විජ්ජකතං, විවරාසානුපවිජින්නා, තබ්බිපරිතෙන අපලිබ්බොධො වෙදිතබ්බො. තත්ථ අනත්ථකථිනානං විවරකාලසමයෙ නියමතො චත්තාරො ආනිසංසා ලබ්භන්ති, අසමාදානවාරො අනියමතො. තෙන සාසඤ්ඤාස්සිකපදං චුත්තං. කථං චත්තාරො නියතාති වෙ? “විවරකාලසමයො නාම අනත්ථතෙ කථිතෙ වස්සානස්ස පච්ඡිමො මාසො”ති (පාරා. 649) වචනතො අනත්ථකථිනානං තස්මිං මාසෙ යාවදත්ථවිවරං සිද්ධං, තථා තතියකථිතස්සිකපදෙ (පාරා. 497 ආදයො) අකාලවිවරං නාම පිට්ඨිසමයතො පට්ඨාය තං පටිග්ගහෙත්වා සඤ්ඤා ලභිතබ්බං වෙ, යාව විවරකාලසමයං නික්ඛිපිත්වා භාජෙත්වා ගහෙතබ්බං. පුග්ගලිකං වෙ, වස්සානස්ස ඡට්ඨපක්ඛස්ස පඤ්චමිතො පට්ඨාය යාව විවරකාලසමයං අනධිට්ඨිතං අවිකප්පිතං වට්ටති අවිචෙකවිවරස්සිකපදෙන අනුඤ්ඤාතත්තා, න තතො පරං. තදා උප්පන්නවිවරස්ස පටිසිද්ධත්තා

පයමකථිනෙන. තත්ථ අට්ඨකථායං චුත්තනායො සඬ්ඝිකං සන්ධාය, තථා පොරාණගණ්ඨිපදෙ වානි වෙදිතබ්බං.

පයමකථිනෙ (පාරා. 459 ආදයො) පයමපඤ්ඤත්තියා, අවිසෙසෙන වා එකාදසමෙ දිවසෙ ආපත්ති. වස්සානස්ස හි අන්තොනිවාරණත්ථං අට්ඨකථාය “නිට්ඨිතච්චරස්මිං භික්ඛුනා උබ්භතස්මිං කථිනෙ”ති (පාරා. 462 ආදයො) චුත්තං. එසෙව නයො දුතියෙ, තතියෙ ව. තෙන ච්චරකාලතො පුරෙ වා අන්තො වා උප්පන්නං ච්චරකාලතො උද්ධං එකදිවසමිපි පරිහාරං න ලභති. යදි ලභෙය්‍ය, අච්චෙකච්චරසික්ඛාපදවිරොධො. “යාව ච්චරකාලසමයං නික්ඛිපිතබ්බං, තතො වෙ උත්තරි නික්ඛිපෙය්‍ය, නිස්සග්ගිය”න්ති (පාරා. 648) හි තත්ථ චුත්තං. වස්සාවාසිකභාවෙන සඬ්ඝතො උද්ධං චුට්ඨවස්සත්තා අත්තනො සන්තකභූතං අච්චෙකච්චරං ච්චරකාලසමයං අතික්කාමයතො එව ආපත්ති, න අච්චෙකච්චරකාලං අතික්කාමයතො ආපත්තිති. “අනත්ථනෙ කථිනෙ එකාදසමාසෙ උප්පන්න”න්ති (පාරා. 500) වචනතො යො ව තත්ථ ච්චරුප්පාදො, සො ව නෙසං භවිස්සතිති සිද්ධං, අනාමන්තවාරගණභොජනසික්ඛාපදෙ “අඤ්ඤත්‍ර සමයා”ති (පාචි. 222 ආදයො) චුත්තත්තා සෙසද්වයං සිද්ධමෙව. තස්මා “කාලෙපි ආදිස්ස දින්නං, එතං අකාලච්චර”න්ති (පාරා. 500) වචනතො ආදිස්ස දින්නච්චරං පරිහාරං න ලභති.

අපරකත්තිකායමෙව වා උබ්භතස්මිං කථිනෙ ලභති, එවං “උබ්භතස්මිං කථිනෙ”ති චුත්තත්තානි වෙ? න වත්තබ්බං. ඡ යානානි හි සාපෙක්ඛතාය චුත්තානි. දුට්ඨදොසද්වයෙ අධිකරණචතුත්ථං, පයමානියතෙ සොතස්ස රහො, තතියකථිනෙ ආදිස්ස දින්නං ච්චරං, අච්චෙකච්චරසික්ඛාපදෙ “සඤ්ඤාණං කත්වා නික්ඛිපිතබ්බ”න්ති පදං, දුට්ඨුල්ලාරොවනප්පට්ඨිඡාදනද්වයෙ අධිකරණං, පාරාජිකවචනඤ්ච, තිසු කථිනසික්ඛාපදෙසු “අට්ඨන්නං මාතිකානං අඤ්ඤතරායා”ති වචනන්ති. තත්ථ ආදිස්ස දින්නං ච්චරං සඬ්ඝිකං භාජිතබ්බච්චරං සන්ධාය චුත්තං, න පුග්ගලිකං. සඤ්ඤාණං කත්වා නික්ඛිපිතබ්බන්ති වස්සාවාසිකච්චරං සන්ධාය චුත්තං. අචුට්ඨවස්සෙන පච්ඡා දාතබ්බත්තා සඤ්ඤාණං කාතබ්බං, න ඤාතිප්පවාරිතතො උද්ධං පුග්ගලිකං සන්ධාය. තස්මා දුට්ඨං අච්චෙකච්චරං සඬ්ඝෙ නින්නං, පුග්ගලෙ නින්නඤ්චාති සිද්ධං. තත්ථ සඬ්ඝෙ පරිණතං අච්චෙකච්චරං වස්සුපනායිකදිවසතො පට්ඨාය, පිට්ඨිසමයතො පට්ඨාය වා යාව පවාරණා නික්ඛිපිතුං වට්ටති එව සඬ්ඝිකත්තා, පුග්ගලිකමිපි “වස්සංචුට්ඨකාලෙ ගණ්භථා”ති දින්නත්තා. තාදිසඤ්චි යාව වස්සංචුට්ඨො න භොති, තාව තස්සෙව දායකස්ස සන්තකං භොති. එත්තකො විසෙසහෙනු.

“අනච්චෙකච්චරෙ අනච්චෙකච්චරසඤ්ඤී ච්චරකාලසමයං අතික්කාමෙති, අනාපත්ති”ති වචනතො අච්චෙකච්චරකස්සෙව සො අපරාධො. යෙන “විරොධො”ති වචනං දස්සෙය්‍යාති න විනයෙ

විසෙසහෙනු පරියෙසිතබ්බො. බුද්ධවිසයත්තා පමාණන්ති චෙ? න, යදි එවං එත්ථ අත්තතො සත්තකභූතමපි අවිචෙකච්චරං සඤ්ඤාණං කත්වා නික්ඛිපිතබ්බමෙව, න අධිට්ඨාතබ්බං න විකප්පෙතබ්බං න විස්සජ්ජෙතබ්බං. තතො “අනාපත්ති, අත්තොසමයෙ අධිට්ඨෙති විකප්පෙති විස්සජ්ජෙති”ති ආදිවචනවිරොධො (පාරා. 651) අධිවාසෙතබ්බො සියා. තථා “වස්සානස්ස පච්ඡිමෙ මාසෙ කථිනුද්ධාරෙ කතෙ තස්මිං මාසෙ අත්ථතෙ කථිතෙ කථිනුද්ධාරදිවසං අතික්කාමෙති, නිස්සග්ගියං හොති”ති වචනතො නිස්සග්ගියං හොතීති අයමපි අත්ථවිරොධො අධිවාසෙතබ්බො සියා. තස්මිඤ්ච “අනවිචෙකච්චරෙ අනාපත්ති”ති චුත්තං, තඤ්ච අනධිට්ඨිතං අවිකප්පිතමෙවාති එත්තකො විසෙසහෙනු. අතිරෙකච්චරඤ්චෙනං පයමසික්ඛාපදෙනාපත්ති, ඉතරං චෙ අනාපත්තියෙවාති ඉමස්ස අත්ථස්ස අයං භගවතො විසෙසහෙනු. තථා අතිරෙකදසාභානාගතායෙව කත්තිකපුණ්ණමාය සඬ්ඝස්ස වස්සාවාසිකත්ථං අවිචෙකච්චරං විය දදමානං න ගහෙතබ්බං, දසාභානාගතාය එව ගහෙතබ්බන්ති එත්තකො විසෙසහෙනු. තතො අට්ඨකථානායවිරොධො ච අධිවාසෙතබ්බො සියා. තත්ථ “අධිට්ඨිතතො පට්ඨාය උප්පන්නං අවිචෙකච්චරං න හොති”ති වත්වා අඤ්ඤථා නයො දස්සිතො. පොරාණගණ්ඨිපදෙ සො ච නයො සඬ්ඝිකං උපාදාය චුත්තත්තා න විරුජ්ඣතිති නෙව සො ච පටික්ඛිත්තො. යථා අනවිචෙකච්චරං ඡට්ඨිතො පට්ඨාය උප්පන්නං අතිරෙකදසාභානාගතායපි පටිග්ගහෙතබ්බං, පටිග්ගහෙත්වා චීවරකාලසමයං අතික්කාමයතොපි අනාපත්තීති අයමපි නයො අධිවාසෙතබ්බො සියා. තතො පයමකථිනවිරොධො. දසාභානාගතාය එව පටිග්ගහෙතබ්බං, පටිග්ගහෙත්වා චීවරකාලසමයං අතික්කාමයතො අනාපත්තීති චෙ, තං ද්වෙ දසාහෙ ලහතීති එත්තකො විසෙසහෙනු.

අත්තරා අනාපත්තික්ඛෙත්තචීවරකාලප්පට්ඨත්තා අධිට්ඨන්තිවා පච්චුද්ධටං විය තං පුනපි දසාහෙ ලහතීති චෙ? න, කාලප්පවෙසො අධිට්ඨානං විය හොතීති චෙ? න, “වස්සිකසාටිකං වස්සානං වාතුමාසං අධිට්ඨාතුං, තතො පරං විකප්පෙනු”න්ති වචනවිරොධං කත්වා, තතො පරං දසාහං අවිකප්පෙත්තස්සාපි අනාපත්ති සියා. අපිච යං චුත්තං අට්ඨකථායං “වස්සිකසාටිකා අත්තොවස්සෙ ලද්ධා චෙව නිට්ඨිතා ච, අත්තොදසාහෙ අධිට්ඨාතබ්බා, දසාහාතික්කමෙ නිට්ඨිතා, තදහෙව අධිට්ඨාතබ්බා, දසාහෙ අප්පහොන්තෙ චීවරකාලං නාතික්කාමෙතබ්බා”ති (පාරා. අට්ඨ. 2.630). තෙන ආපත්තිතො න මුච්චෙය්‍ය. කාලප්පවෙසො හි අධිට්ඨානපරියායො න ජාතොති. එත්තාවතා යථාචුත්තො අත්ථවිකප්පො පාළිනායෙනෙව පතිට්ඨාපිතො හොති.

අපිචෙත්ථ යං චුත්තං අට්ඨකථායං “දසාහෙ අප්පහොන්තෙ චීවරකාලං නාතික්කාමෙතබ්බා”ති, තත්ථපි චීවරකාලෙ උප්පන්නං, දසාහෙ අප්පහොන්තෙ වස්ස කරණං නත්ථි, තං අවිචෙකච්චරං අකාලචීවරමිච



වීවරකාලං නාතික්කාමෙතබ්බන්ති සිද්ධමෙතං. පාළිතො ච තඤ්ඤෙ අන්තොකාලෙ උප්පජ්ජති, දසාහෙ අප්පහොන්තෙපි උප්පජ්ජති, එවං උප්පන්නං අච්චෙකච්චරං අච්චෙකච්චරමෙව න හොති. න හි තං කාලවිසෙසවසෙන අච්චෙකච්චරසංඛං ගච්ඡති. චුත්තඤ්ඤෙන “අච්චෙකච්චරං නාම සෙනාය වා ගන්තුකාමො හොති, පවාසං වා ගන්තුකාමො හොති, ගිලානො වා හොති, ගබ්හිනී වා හොති, අස්සද්ධස්ස වා සද්ධා උප්පන්නා හොති...පෙ.... ‘වස්සාවාසිකං දස්සාමී’ති එවං ආරොචිතං, එතං අච්චෙකච්චරං නාමා”ති (පාරා. 649). තස්මා යථා තං වීවරං නාතික්කාමෙතබ්බං, තථා අනච්චෙකච්චරමිපිති සිද්ධං හොති. තෙන චුත්තං අට්ඨකථායං “දසාහෙ අප්පහොන්තෙ වීවරකාලං නාතික්කාමෙතබ්බා”ති. අපිච්ච යදි එවං තං අච්චෙකච්චරසික්ඛාපදමෙව අච්චෙකච්චරං වීවරකාලං නාතික්කාමෙතබ්බන්ති ඉමස්ස පන අත්ථවිසෙසස්ස දස්සනත්ථං භගවතා පඤ්ඤත්තං.

මහාඅට්ඨකථායං පන තං එවං චුත්තං — කාමඤ්ඤෙදං “දසාහපරමං අතිරෙකච්චරං ධාරෙතබ්බ”න්ති ඉමිනා සිද්ධං, අට්ඨුප්පත්තිවසෙන පන අපුබ්බං විය අත්ථං දස්සෙත්වා සික්ඛාපදං යපිතන්ති අත්ථවිසෙසදීපනපයොජනතො. තස්මා තං තස්ස අත්ථවිසෙසදස්සනත්ථං චුත්තන්ති සිද්ධමෙව. තස්මාපි වෙදිතබ්බමෙව යං කිඤ්චි වීවරං වීවරකාලසමයං නාතික්කාමෙතබ්බන්ති. අපිච්ච යං චුත්තං අට්ඨකථායං “ඡට්ඨිතො පට්ඨාය පන උප්පන්නං අනච්චෙකච්චරමිපි පච්චුද්ධාරෙත්වා යපිතච්චරමිපි එතං පරිහාරං ලහතී”ති (පාරා. අට්ඨ. 2.646-649). තෙන “අනච්චෙකච්චරෙ අනච්චෙකච්චරසඤ්ඤී වීවරකාලසමයං අතික්කාමෙති, අනාපත්තී”ති (පාරා. 650) ඉමිනාපි අනච්චෙකච්චරස්සාපි අච්චෙකච්චරපරිහාරලාභං දීපෙතීති.

එත්තාවතා යථාචුත්තො දුතියො අත්ථවිකජ්ජො පාළිනයෙන, අට්ඨකථානයෙන ච පතිට්ඨාපිතො හොති. එවං තාව පකිණ්ණකාය අධිකථා පරතො පාඨතො විත්ථාරිතා හොතීති අපකිණ්ණකං.

වීවරපලිබ්බොධො, ආවාසපලිබ්බොධො වාති ද්වෙ පලිබ්බොධා. තෙසු එකපලිබ්බොධෙපි සති අනාමන්තවාදිආනිසංසං ලහති, තං ඉධ නත්ථීති දස්සෙතුං. “නිට්ඨිතච්චරස්මිං භික්ඛුනා උබ්භතස්මිං කථිතෙ”ති චුත්තං. තස්මා එව “අත්ථකථිතස්ස හි භික්ඛුනො”තිආදි චුත්තං. කථිතත්ථාරාරහස්සාති එත්ථ “අට්ඨහි අඬගෙහි සමන්තාගතො පුග්ගලො භබ්බො කථිතං අත්ථරිතුං — පුබ්බකරණං ජානාති, පච්චුද්ධාරං ජානාති, අධිට්ඨානං ජානාති, අත්ථාරං ජානාති, මාතිකං ජානාති, පලිබ්බොධං ජානාති, උද්ධාරං ජානාති, ආනිසංසං ජානාති”ති (පරි. 409) වචනතො ඉමෙහි අට්ඨහි අඬගෙහි සමන්තාගතො පුග්ගලො කථිතත්ථාරාරහො නාම. පුබ්බකරණං නාම ධොවනවිචාරණවිෂේදනසිබ්බතරජනකජ්ජකරණං.

“විවරං නාම බොම”න්තිආදිනා පාළිවසෙන ජාතිඤ්ච පමාණඤ්ච දස්සෙත්වා ඉදානි අතිරෙකවිවරං දස්සෙතුං “යං පන චුත්තං අධිට්ඨිතවිකප්පිනෙසු”න්තිආදි චුත්තං. යපිතට්ඨානං සල්ලක්ඛෙත්වා”ති චුත්තෙපි යස්මිං යානෙ යං යපිතං, තස්මිං තං පච්ඡා හොතු වා, මා වා, අධිට්ඨානං රුහතෙව. පුරෙ පච්ඡා යපනට්ඨානං න පමාණං.

අන්තිමචත්ථුං අජ්ඣාපන්තස්ස භික්ඛුභාවපරිච්චාගවසෙන සෙතවත්ථනිවාසනං වා කාසාවචජනං වා භීතායාවත්තනං.

එකාදසමෙ අරුණුග්ගමනෙති අන්තිමං යපෙත්වා තතො පුරිමතරස්මිත්ති අත්ථො වෙදිතබ්බො. තත්ථ අන්තිමං නාම අපරකත්තිකාය පයමාරුණුග්ගමනං. තඤ්ඤි කාලත්තා නිස්සග්ගියං න කරොති. ඉධ “නිට්ඨිතවිවරස්මි” භික්ඛුනා”ති කරණවචනං නිදානානපෙක්ඛං නිදානෙ කරණාභාවතො. තස්මා එව “දසාහපරම”න්ති අයමෙත්ථ අනුපඤ්ඤත්තීති චුත්තං. “අනුජානාමි, භික්ඛවෙ, තිවිවරං අධිට්ඨාතුං න විකප්පෙතු”න්තිආදි (මහාව. 358) වචනතො ව ඉධ “විකප්පෙති”ති අවිසෙසෙන චුත්තවචනං විරුද්ධං විය දිස්සති, න ච විරුද්ධං තථාගතා භාසන්ති, තස්මා එවමස්ස අත්ථො වෙදිතබ්බො – තිවිවරං තිවිවරසඬ්ඛෙපෙන පරිහාරතො අධිට්ඨාතුමෙව අනුජානාමි, න විකප්පෙතුං. වස්සිකසාටිකං පන චතුමාසතො පරං විකප්පෙතුමෙව, න අධිට්ඨාතුන්ති. එවඤ්ච පන සති යො තිවිවරෙ එකෙන විවරෙන විජ්ජවසිතුකාමො හොති, තස්ස තිවිවරාධිට්ඨානං පච්චුද්ධරිත්වා විජ්ජවාසසුඛත්ථං විකප්පනාය ඔකාසො දින්නො හොති, දසාහාතික්කමෙ ව අනාපත්තීති. එතෙන උපායෙන සබ්බත්ථ විකප්පනාය අපට්ඨිද්ධභාවො වෙදිතබ්බොති ලිඛිතං.

ඉමස්ස පන සික්ඛාපදස්ස අයං සඬ්ඛෙපවිනිච්ඡයො – අනත්ථතෙ කථිතෙ හෙමන්තානං පයමදිවසතො පට්ඨාය, අත්ථතෙ කථිතෙ ගිම්භානං පයමදිවසතො පට්ඨාය උප්පන්නවිවරං සන්ධාය “නිට්ඨිතවිවරස්මි”න්තිආදි චුත්තං. එත්ථාහ – “රජකෙහි ධොවාපෙත්වා සෙතකං කාරාපෙන්තස්සාපි අධිට්ඨානං අධිට්ඨානමෙවා”ති (පාරා. අට්ඨ. 2.465) වචනතො අරජිතෙපි අධිට්ඨානං රුහතීති. තෙන සුචිකම්මං කත්වා රජිත්වා කප්පබ්බන්දුං දත්වා අධිට්ඨාතබ්බන්ති නියමො කාතබ්බො, න කාතබ්බොති? කත්තබ්බොව. පත්තො විය අධිට්ඨිතො යථා පුන සෙතභාවං වා තම්බභාවං වා පත්තො අධිට්ඨානං න විජ්ජති, න ච පන තාදිසො යං අධිට්ඨානං උපගච්ඡති, එවමෙතං දට්ඨබ්බන්ති. “ස්වෙ කථිතං උද්ධරිස්සති”ති ලද්ධවිවරං ස්වෙ අජ්ජෙව න අධිට්ඨාති, අරුණුග්ගමනෙ එව නිස්සග්ගියං හොති. කස්මා? “නිට්ඨිතවිවරස්මි”න්තිආදිනා (පාරා. 462-463;) සික්ඛාපදස්ස චුත්තත්තා. කථිතබ්හන්තරෙ දසාහතො උත්තරිපි පරිහාරං ලහති, කථිතතො පන පච්ඡා එකදිවසමිපි න ලහති. යථා කිං – යථා අත්ථතකථිතො සඬ්ඛො තිවිවරං අත්ථතදිවසතො පට්ඨාය යාව උබ්භාරා ආනිසංසං ලහති, න තතො පරං,

එවං අත්ථකදිවසතො පට්ඨාය යාව උබ්භාරා ලහති, උද්ධතෙ පන කථිතෙ එකදිවසමපි න ලහති. එත්ථාහ – උබ්භතදිවසතො පට්ඨාය පුන දසාහං ලහතීති? න, කස්මා? “අනුජානාමි, භික්ඛවෙ, දසාහපරමං අතිරෙකච්චරං ධාරෙතු”න්ති වචනතො. කථිතබ්භන්තරෙපි එකාදසෙ අරුණුග්ගමනෙ නිස්සග්ගියන්ති ආපන්නං. තං පන අතිස්පසඤ්චං නිවාරෙතුං “නිට්ඨිතච්චරස්මි”න්තිආදි වුත්තං, න කථිතදිවසානි අදිවසානීති දීපනත්ථං. අයමත්ථො තත්ථ තත්ථ ආවිභවිස්සති. අථ වා වස්සිකසාටිකා අනතිරිත්තප්පමාණා නාමං ගහෙත්වා වුත්තනයෙනෙව චත්තාරො වස්සිකෙ මාසෙ අධිට්ඨාතබ්බා, තතො පරං පච්චුද්ධරිත්වා විකප්පෙතබ්බාති වුත්තං. එත්ථ “පච්චුද්ධරිත්වා”ති වචනෙ උපොසථදිවසෙ එව පච්චුද්ධරිත්වා විකප්පෙත්වා යපිතං හොති, තතො පරං හෙමන්තස්ස පයමදිවසතො පට්ඨාය පච්චුද්ධරණාභාවා. එවං කථිතබ්භන්තරෙ උප්පන්නච්චරමපි වෙදිතබ්බන්ති ලිබ්බතං.

කථිතසික්ඛාපදවණ්ණනා නිට්ඨිතා.

## 2. උදොසිතසික්ඛාපදවණ්ණනා

“අත්ථකකථිතස්ස පඤ්ච මාසෙ බද්ධසීමායං යත්ථ කත්ථවි ච්චරං නික්ඛිපිත්වා පක්කමන්තස්ස අනාපත්තී”ති අට්ඨකථායං වුත්තං. “අබද්ධසීමායපි වට්ටතී”ති ඉදං අබද්ධසීමායං කථිතත්ථාරඤ්ච ආරඤ්ඤකසික්ඛාපදඤ්ච සාධෙතීති ලිබ්බතං. ඉදානි –

“ඡින්නං ධුතඤ්චං සාසඤ්චං-සම්මතො සන්තරුත්තරං;  
අච්චරස්සානාපත්ති, පච්චුද්ධාරාදිසිද්ධිතො”ති. (වජිර. ටී. පාරාජික 479) –

ඉදං පකිණ්ණකං වෙදිතබ්බං.

තත්ත්වයං වොදනාපුබ්බඤ්චගමවිනිවිජයො – කෙවි “දිගුණං සඤ්චාරි”න්ති (මහාව. 348) වචනතො “එකච්චිකා සඤ්චාරි නාධිට්ඨාතබ්බා. සවෙ අධිට්ඨාති, න රුහතී”ති චත්ථා උපසම්පදාපෙක්ඛානමපි දිගුණංයෙව සඤ්චාරිං දත්වා උපසම්පාදෙත්ති, තෙ ඉමිනා සුත්තලෙසෙන සඤ්ඤාපෙතබ්බා. භගවතා භි “ඡින්නකං සඤ්චාරිං, ඡින්නකං උත්තරාසඤ්චං, ඡින්නකං අන්තරවාසක”න්ති පයමං අනුඤ්ඤාතං. තතො “අඤ්ඤතරස්ස භික්ඛුතො තිච්චරෙ කරියමානෙ සබ්බං ඡින්නකං නප්පහොති. ද්වෙ ඡින්නකානි එකං අඡින්නකං නප්පහොති, ද්වෙ අඡින්නකානි එකං ඡින්නකං නප්පහොති”ති ඉමස්මි. චත්ථස්මි. “අනුජානාමි, භික්ඛවෙ, අත්ථාධිකමපි ආරොපෙතු”න්ති (මහාව. 360) අනුඤ්ඤාතං, තස්මා එකච්චිකාපි සඤ්චාරි වට්ටතීති සිද්ධං. යා ඡිප්පමානාපි නප්පහොති, තස්සා කුතො දිගුණතාති? අට්ඨකථායමපිස්ස වුත්තං.

“අන්වාධිකම්පි ආරොපෙතුන්ති ආගන්තුකපත්තම්පි දාතුං, ඉදං පන අප්පහොනකෙ ආරොපෙනබ්බං. සචෙ පහොති, ආගන්තුකපත්තං න වට්ඨති, ඡින්නබ්බමෙවා”ති (මහාව. අට්ඨ. 360). කථිතං පන ඡින්නකමෙව වට්ඨති, ආචෙණිකලක්ඛණත්තා, “ඡින්නකං දිගුණං නප්පහොති”ති වචනාභාවතො වාති සන්නිට්ඨානමෙත්ථ ගන්තබ්බන්ති.

ධුතඬගන්ති අනුපසම්පන්නානං තෙව්වරිකධුතඬගාභාවතො තිව්වරෙනෙව තෙව්වරිකොති, තෙසං අධිට්ඨානාභාවතො “අධිට්ඨිතෙනෙවා”ති වත්තබ්බං හොතුති චෙ? න, ධුතඬගහෙදෙන විරොධප්පසඬගතො. චතුත්ථව්වරසාදියනෙන හි ධුතඬගහෙදො, න තිව්වරවිප්පවාසෙන, නාපි අතිරෙකව්වරසාදියනෙන, නාපි අතිරෙකව්වරධාරණෙන. යස්මා පන හික්ඛුනං එව හගවතා අධිට්ඨානවසෙන නව ව්වරානි අනුඤ්ඤාතානි, ජාතිවසෙන ච චුත්තානි, න එවං අනුපසම්පන්නානං, තස්මා තෙසං ව්වරනියමාභාවා න තං ධුතඬගං අනුඤ්ඤාතං ගහට්ඨානං විය. තස්මා තස්ස සමාදානවිධානෙ අවචනතො ච සන්නිට්ඨානමෙත්ථ ගන්තබ්බන්ති.

සාසඬකසම්මතොති කඩබාවිතරණියං (කඩබා. අට්ඨ. සාසඬකසික්ඛාපදවණ්ණනා) සාසඬකසික්ඛාපදෙ විසුං අඬගානි න චුත්තානි, “සෙසමෙත්ථ ව්වරවග්ගස්ස දුතියසික්ඛාපදෙ චුත්තනයෙනෙව චෙදිතබ්බ”න්ති චුත්තං, න ච පනෙතං චුත්තං. තත්ථ රත්තිවිප්පවාසො චතුත්ථමඬගං, ඉධ ඡාරත්තවිප්පවාසො, අයමෙත්ථ විසෙසොති. තස්මා අඬගසාමඤ්ඤතො ච සම්මුතිසාමඤ්ඤතො ච සාසඬකසික්ඛාපදමෙවිදන්ති ඉදං නිප්පදෙසං, තං සප්පදෙසං මාසපරමත්තා. තත්ථ බහිගාමෙපි ගාමසීමං ඔක්කමිත්වා වසිත්වා පක්කමන්තස්ස අනාපත්ති, ඉධ න තථා. ඉධ අනන්තරෙ අනන්තරෙ අරුණුග්ගමනෙ නිස්සග්ගියං, තත්ථ සත්තමෙති අයං ඉමෙසං ද්විත්තං විසෙසො. අඬගානි පන ව්වරනික්ඛෙපනඬගසම්පත්තිතො විපරියායෙන, ඉධ චුත්තනයෙන ච සිද්ධත්තා න චුත්තානි. තානි කාමං න චුත්තානි, තථාපි චතුත්ථමඬගං විසෙසිතබ්බං, න පන විසෙසිතං. කිං කාරණං? ඉධ චුත්තනිස්සජ්ජනක්කමෙන නිස්සජ්ජිත්වා ආපත්තිදෙසනතො, තත්ථාපන්නාපත්තිවිමොක්ඛදීපනත්ථං. සංචච්ඡරවිප්පචුත්ථම්පි රත්තිවිප්පචුත්ථමෙව, පගෙව ඡාරත්තවිප්පචුත්ථං. එවං සන්නෙපි තත්ථ යථාචුත්තඅඬගසම්පත්තියා සති තත්ථ චුත්තනයෙනෙව නිස්සජ්ජිතබ්බං. හෙමන්තෙ, ගිම්හෙ වා නිස්සජ්ජති චෙ? ඉධ චුත්තනයෙනාපි නිස්සජ්ජිතුං වට්ඨතිති ඤාපනත්ථං චතුත්ථමඬගං න විසෙසිතන්ති නො තක්කොති ආවරියො. මාසාතික්කන්තං, දසාහාතික්කන්තම්පි ව්වරං “දසාහාතික්කන්ත”න්ති වත්වා නිස්සට්ඨමෙව, න ඌනමාසං හුත්වා “දසාහාතික්කන්ත”න්ති වත්වා, මාසාතික්කන්ත”න්ති වත්වාති එකෙ. තථාපි සචෙ පච්චාසාව්වරං හොති, නිස්සග්ගියං. “දසාහාතික්කන්ත”න්ති වත්වා මූලව්වරං පන “මාසාතික්කන්ත”න්ති වත්වා නිස්සජ්ජිතබ්බං.



“සන්තරුත්තර”න්ති වා “සඬ්ඝාටි”න්ති වා “වීවර”න්ති වා කිං තිවීවරං, උදාහු අඤ්ඤමිති? කිඤ්ඤෙත්ථ – යදි තිවීවරමෙව පටිසිද්ධං, පරියාපන්නවසෙන

අවිජ්ජන්තවීවරඅභ්‍යන්තරාධොවාපනවිඤ්ඤත්තිආදිවිරොධො. අථ අඤ්ඤමිති “නිට්ඨිතවීවරස්මි”න්ති එවමාදිනා විරොධොති? වුවුවනෙ – න නියමතො වෙදිතබ්බං යථාසම්භවං ගහෙතබ්බතො. තථා හි “වීවරං නික්ඛිපිත්වා සන්තරුත්තරෙත ජනපදවාරිකං පක්කමන්ති”ති (පාරා. 471) එවමාදිසු තිවීවරමෙව, “න, හික්ඛවෙ, සන්තරුත්තරෙත ගාමො පවිසිතබ්බො (මහාව. 362), සන්තරුත්තරපරමං තතො වීවරං සාදිතබ්බං”න්ති (පාරා. 523-524) එවමාදිසු යං කිඤ්ඤි, තථා “සගුණං කත්වා සඬ්ඝාටියො දාතබ්බා, නිවාසනං දාතබ්බං, සඬ්ඝාටි දාතබ්බා, හන්ද තෙ, ආවුසො, සඬ්ඝාටි, දෙහි මෙ පට”න්ති එවමාදිසු. වුත්තඤ්ඤෙතං “සබ්බඤ්ඤි වීවරං සඬ්ඝටිතට්ඨෙතා ‘සඬ්ඝාටි’ති වුවුවති”ති (පාවි. අට්ඨ. 898). තථා “නිට්ඨිතවීවරස්මි”න්ති එත්ථාපිති එකෙ. අන්තොසමයෙ යාවදත්ථං වීවරං අනුඤ්ඤාතං, තං සබ්බං කරියමානං කදා නිට්ඨානං ගච්ඡිස්සති, තස්මා තිවීවරමෙවාති එකෙ.

අවීවරස්සානාපත්ති පච්චුද්ධාරාදිසිද්ධිතොති කිං වුත්තං හොති – උදොසිතසික්ඛාපදස්ස නිජ්ජයොජනභාවජ්ජසඬ්ඝතො තිවීවරවිජ්ජවාසෙ තෙවීවරස්ස ආපත්තිති එකෙ. තත්ථෙතං වුවුවති න හොති ආපත්ති පච්චුද්ධාරාදිසිද්ධිතො. “අනාපත්ති අන්තොඅරුණෙ පච්චුද්ධරති විස්සජ්ජෙති”ති (පාරා. 496) හි වුත්තං. අඤ්ඤථා පච්චුද්ධරන්තස්ස, අන්තොඅරුණෙ විස්සජ්ජෙත්තස්ස ච යාව අඤ්ඤො නාධිට්ඨාති, තාව ආපත්තිං ආපජ්ජති යථාවුත්තනයෙනෙව. අඤ්ඤථා සත්තබ්හන්තරෙත විජ්ජවාසස්සාති විජ්ජවාසතො යථාරුතංයෙව සති විජ්ජවාසෙ විජ්ජවාසතො, අවිජ්ජවාසෙ සති අවිජ්ජවාසතොති.

උදොසිතසික්ඛාපදවණ්ණනා නිට්ඨිතා.

### 3. අකාලවීවරසික්ඛාපදවණ්ණනා

අපරික්ඛිත්තස්ස පරික්ඛෙපාරහට්ඨානස්ස දුබ්බිජානත්තා තං දස්සෙතුං “අපිව හික්ඛුන”න්තිආදි වුත්තං. විහාරපරියන්තෙ නිවිට්ඨධ්වවසන්තිපාතට්ඨානතො වා පරියන්තෙ ධීතභොජනසාලතො වා නිබද්ධවසනකආවාසතො වාති එවං ගහෙතබ්බං. සථෙ විහාරෙ සන්තිපතිතහික්ඛුහි සද්ධිං එකාබද්ධා හුත්වා යොජනසතම්පි පුරෙත්වා නිසීදන්ති, යොජනසතම්පි උපවාරසීමා හොතීති අත්ථො. “සමානසංවාසකසීමායා”ති වුත්තෙ බණ්ඩසීමාදිසු ධීතානං න පාපුණාති, තාසං විසුං සමානසංවාසකසීමත්තාති ච සමානසංවාසකඅවිජ්ජවාසසීමානං ඉදං නානත්තං. “අවිජ්ජවාසසීමාය දම්මි”ති දින්නං පන ගාමෙ ධීතානං න පාපුණාති. කස්මා? “යථෙත්වා ගාමඤ්ඤි ගාමුපවාරඤ්ඤා”ති (මහාව. 144) වචනතො. “සමානසංවාසකසීමායා”ති දින්නං පන යස්මිං යානෙ

අවිජ්ජවාසසීමා අත්ථි, තත්ථ ධිතානම්පි. “තත්ථ ධිතානස්ථ පාපුණාති”ති ව, “ඛණ්ඩසීමායං යත්වා ‘සීමට්ඨකසඬ්ඝො ගණ්භාතු’ති වුත්තෙ උපචාරසීමාය ඵච පරිච්ඡින්නදිත්වා දාතබ්බ”න්ති ව, “තෙසං ඛනිසීමට්ඨානම්පි පාපුණාති යාව කථිනස්සුඛභාරාති අත්ථො”ති ව, “අනත්ථනෙ පන කථිනෙ අත්තොහෙමන්තෙ සචෙ විහාරං පවිසිත්වා ‘වස්සංවුට්ඨසඬ්ඝස්ස දම්මී’ති වදති, යෙ තත්ථ වස්සච්ඡෙදං අකත්වා පච්ඡිමවස්සංවුට්ඨා, තෙසං ඛනිසීමට්ඨානම්පි පාපුණාති”ති විනයධරා පරිච්ඡින්නදන්ති, අට්ඨකථායං පන අනාගතං. තස්මා සමන්තපාසාදිකායං “ලක්ඛණස්ස වදන්ති”ති (මහාව. අට්ඨ. 379) වුත්තන්ති ව, “චීවරමාසතො පට්ඨාය යාව හෙමන්තස්ස පච්ඡිමො දිවසො, තාව වස්සාවාසිකං දෙමා”ති වුත්තෙ කථිනං අත්ථනං වා හොතු, අනත්ථනං වාති යං සමන්තපාසාදිකාවචනං (මහාව. අට්ඨ. 379), එත්ථාපි යදි අත්ථනං, පුරිමවස්සංවුට්ඨා පඤ්ච මාසෙ. යදි අනත්ථනං, පච්ඡිමවස්සංවුට්ඨා චත්තාරො මාසෙ ලහන්තිති විනිච්ඡයො”ති ව ලිඛිතං.

“යෙහි මය්භං යාගු පිතාති යෙහි නිමන්තිතෙහි මය්භං යාගු පිතාති අධිජ්ජායො. තස්මා යෙහි නිමන්තිතෙහි යාගු පිතා, තෙසංයෙව පාපුණාතීති වුත්තං. අඤ්ඤථා ‘යෙහි මය්භං යාගු පිතා’ති වුත්තෙ නිමන්තිතා වා හොන්තු, අනිමන්තිතා වා, යෙහි පිතා, තෙසං පාපුණ්තබ්බාති”ති වදන්ති. එත්ථ “නිට්ඨිතචීවරස්මිං භික්ඛුනා උබ්භතස්මිං කථිනෙ”ති වදන්තො ඤාපෙති එත්ථන්තරෙ තිණ්ණම්පි අකාලචීවරානං උජ්ජත්තිඅභාවන්ති. කස්මා පන පදභාජනෙ විත්ථාරිතාතීති? වුච්චතෙ – ඉදං පන සික්ඛාපදං අධිට්ඨානං සන්ධාය න වුත්තං කින්තු පයමසික්ඛාපදෙ දසාහපරමං අනුජානිත්වා තස්මිං අජ්ජහොන්තෙ සචෙ පච්චාසා අත්ථි, තමෙව වඩ්ඪෙත්වා මාසමනුජානන්තො ඉමම්පි අත්ථවිසෙසං දීපෙති. අකාලචීවරං නාම සම්මුඛිභූතෙන භාජෙතබ්බං. තං පන “ආකඬ්ඛමානෙන භික්ඛුනා පටිග්ගහෙතබ්බ”න්ති ඉමිනා සික්ඛාපදෙන වඩ්ඪෙත්වා වුත්තන්ති. තස්මා තිණ්ණම්පි පදභාජනෙ විත්ථාරිතාතීති.

“ඛිජ්ජමෙව කාරෙතබ්බන්ති සීසං අත්තොදසාහෙයෙව කාරෙතබ්බ”න්ති ඉදං පන පහොනකභාවෙ පුරිමසික්ඛාපදලක්ඛණෙනාති දීපෙතුං වුත්තං. තස්මා එවං “සීස”න්ති වා “ලහු”න්ති වා ආදිනා අවත්වාපි “දසාහා”ති වුත්තන්ති. අත්ථකකථිනස්ස එවං හොතු, අනත්ථනෙ පන කථිනෙ කථන්ති වුත්තෙ අනත්ථකස්ස පටික්ඛෙපතං දස්සෙතීති වුත්තො අපස්සන්තො විසාතං ආපජ්ජතිති (වජිර. ටී. පාරාජික 499-500) ලිඛිතං.

අකාලචීවරසික්ඛාපදවණ්ණනා නිට්ඨිතා.

#### 4. පුරාණචීවරසික්ඛාපදවණ්ණනා

“සාකියානියො විය සුද්ධනික්ඛුසඬ්ඝෙ වා”ති ඉදං “භික්ඛුනී නාම උභතොසඬ්ඝෙ උපසම්පන්නා”ති (පාරා. 505) ඉමිනා විරුජ්ඣතිති වෙ? න,

අධිප්පායාජානනතො. භික්ඛුනං සන්තිකෙ උපසම්පදාය පටික්ඛිත්තත්තා තදනුප්පසඬගහයා එවං චුත්තත්ති වෙදිතබ්බං.

එකෙන චත්ථුනාති යෙන කෙනචි පඨමෙන. අචුත්තා වා ධොවතීති අචුත්තා ධොවති, රජති ආකොටෙතීති අත්ථො. “අචුත්තා”ති වචනතො අවාදාපෙත්වා ධොවනාදීසු අනාපත්ති”ති ලිඛිතං. ඉධ චීවරං නාම නිවාසනපාරුපනුපගමෙව. යදි එවං “නිවාසනපාරුපනුපගමෙව චත්තබ්බ”න්ති වෙ? තං න චත්තබ්බං “පුරාණචීවර”න්ති ඉමිනාව සිද්ධත්තා. චුත්තඤ්ඤෙන “පුරාණචීවරං නාම සකිං නිවත්ථමපි සකිං පාරුතමපි”ති (පාරා. 505).

පුරාණචීවරසික්ඛාපදවණ්ණනා නිට්ඨිතා.

### 5. චීවරප්පටිග්ගහණසික්ඛාපදවණ්ණනා

උපවාරො ද්වාදසහත්ථො. අචිත්තකත්තා කථං පංසුකුලං වට්ටතීති වෙ? තාය තස්ස භික්ඛුනො අදින්නත්තා, භික්ඛුනා ච තතො භික්ඛුනිතො අග්ගහිතත්තා ච.

චීවරප්පටිග්ගහණසික්ඛාපදවණ්ණනා නිට්ඨිතා.

### 6. අඤ්ඤාතකච්ඤ්ඤත්තිසික්ඛාපදවණ්ණනා

ඤාතකප්පචාරිතෙ වා විඤ්ඤාපෙත්තස්සාති එත්ථ ච සඬ්ඝවසෙන පචාරිතෙසු පමාණමෙව වට්ටති. පුග්ගලිකප්පචාරණාය යං යං පචාරෙති, තං තංයෙව විඤ්ඤාපෙතබ්බන්ති ලිඛිතං.

අඤ්ඤාතකච්ඤ්ඤත්තිසික්ඛාපදවණ්ණනා නිට්ඨිතා.

### 7. තතුත්තරිසික්ඛාපදවණ්ණනා

පකතියා සන්තරුත්තරෙන චරති කථිතපලිබොධවසෙන වා සාසඬ්ඝසික්ඛාපදවසෙන වා. එත්ථ සියා – “න මත්තං ජානිත්වා බහුං චීවරං විඤ්ඤාපෙස්සන්ති, දුස්සවාණප්පං වා”තිආදිනා (පාරා. 522) උප්පායන්තානං සුත්වා හගවාපි ඡබ්බග්ගියෙ භික්ඛු “කථඤ්ඤි නාම තුමිහෙ මොසපුරිසා න මත්තං ජානිත්වා බහුං චීවරං විඤ්ඤාපෙස්සං”ති (පාරා. 522) චත්වා සික්ඛාපදස්ස පඤ්ඤත්තත්තා ච ඉමිස්සං කඩබාවිතරණියං “බහුචීවරවිඤ්ඤාපනචත්ථස්මිං පඤ්ඤත්ත”න්ති චුත්තත්තා, සමන්තපාසාදිකායං “න හි අනච්ඡින්නචීවරා අත්තතො අත්ථාය සාබාපලාසං හඤ්ඤිතුං ලහන්ති, අච්ඡින්නචීවරානං පන අත්ථාය ලහන්ති”ති චුත්තත්තා ච අඤ්ඤස්සත්ථාය පමාණං විඤ්ඤාපෙතුං වට්ටතීති වෙ? න, කස්මා? අඤ්ඤාතකච්ඤ්ඤත්තිසික්ඛාපදස්ස අට්ඨුප්පත්තියා එව අඤ්ඤාතකච්ඤ්ඤත්ති චාරිතා. තස්ස සික්ඛාපදස්ස අනාපත්ති. පාළියං

(පාරා. 521) “අඤ්ඤස්සත්ථායා”ති ඉමිස්සා අනාපත්තිපාළියා අඤ්ඤස්සත්ථාය විඤ්ඤාපෙන්නො තස්ස ඤාතකප්පවාරිනෙ එව විඤ්ඤාපෙති, න අඤ්ඤෙති වචනතො ව වාරිතා. තස්මා භගවාපි “බහුං චීවරං විඤ්ඤාපෙස්සථා”ති (පාරා. 522) විගරහිත්වා සික්ඛාපදං පඤ්ඤාපෙන්නො “අභිභට්ඨං පවාරෙය්‍යා”ති චුත්තනයෙනෙව පමාණතො ගහණං අනුජානි, න අඤ්ඤස්සත්ථාය පමාණතො විඤ්ඤාපනං. යස්මා පනිමං සික්ඛාපදං අඤ්ඤස්සත්ථාය විඤ්ඤාපනවත්ථුස්මිංයෙව පඤ්ඤත්තං, තස්මා ඉධ “අඤ්ඤස්සත්ථායා”ති න චුත්තං, න න ලබ්භතීති කත්වා.

අට්ඨකථාසු “අඤ්ඤාතකප්පවාරිතට්ඨානෙ පකතියා බහුමිපි වට්ටති, අච්ඡින්නකාරණා පමාණමෙව වට්ටති”ති චුත්තං. තං “අනාපත්ති ඤාතකානං පවාරිතාන”න්ති (පාරා. 526) චුත්තඅනාපත්තිපාළියා න සමෙතීති සමන්තපාසාදිකායං (පාරා. අට්ඨ. 2.526) චුත්තත්තා ඉධාපි චුත්තනයෙනෙව ඤාතකප්පවාරිනෙ විඤ්ඤාපෙන්නස්ස අත්තතො ධනෙන ගණ්හන්තස්ස අනාපත්තීති ලිඛිතං. “අඤ්ඤස්සත්ථායා”ති නිදානවිරොධතො න චුත්තං, තථාපි අනන්තරෙ චුත්තනයෙනෙව ලබ්භති එවාති වදන්ති.

තතුත්තරිසික්ඛාපදවණ්ණනා නිට්ඨිතා.

#### 8. උපක්ඛට්ඨසික්ඛාපදවණ්ණනා

පට්ඨමඋපක්ඛට්ඨෙ “පුබ්බෙ අප්පවාරිතො”ති (පාරා. 528) වචනතො තස්මිං බණ්ණෙ පවාරිතොපි අප්පවාරිතොව භොතීති වෙදිතබ්බං.

උපක්ඛට්ඨසික්ඛාපදවණ්ණනා නිට්ඨිතා.

#### 9. දුතියඋපක්ඛට්ඨසික්ඛාපදවණ්ණනා

දුතියඋපක්ඛට්ඨෙන කිං පයොජනන්ති වෙ? නත්ථි පයොජනං, කෙවලං අට්ඨුප්පත්තිවසෙන පන පඤ්ඤත්තං භික්ඛුනියා රහොනිසප්පසික්ඛාපදං විය. එවං සන්නෙ සඬිගීතිකාරකෙහි සඬිගීතිං අනාරොපෙනබ්බං භවෙය්‍යා විනාපි තෙන තදත්ථසිද්ධිතො, අනිස්සරත්තා, අනාරොපෙනුං අනුඤ්ඤාතත්තා ව. චුත්තඤ්ඤෙතං “ආකඩ්ඛමානො, ආනන්ද, සඬිසො...පෙ.... සමුහනෙය්‍යා”ති (දී. නි. 2.216; වූළව. 441). ඉදං සබ්බමකාරණං. න භි බුද්ධා අප්පයොජනං වචනං නිච්ඡාරෙන්නි, පගෙව සික්ඛාපදං. තෙනෙවාහ අට්ඨකථායං “ඉමිනාව නයෙන අත්ථො වෙදිතබ්බො. ඉදඤ්ඤි පුරිමස්ස අනුපඤ්ඤත්තිසදිස”න්තිආදි. අනුපඤ්ඤත්ති ව නිප්පයොජනං නත්ථි. තංසදිසඤ්ඤෙතං, න නිප්පයොජනන්ති දස්සිතං භොති. එවං සන්නෙ කො පනෙත්ථ අත්ථවිසෙසොති? තතො ආහ “කෙවලං තත්ථ එකස්ස පිළා කතා, ඉධ ද්විත්තං, අයමෙත්ථ විසෙසො”ති. ඉමිනා අත්ථවිසෙසෙන කො පනඤ්ඤො අතිරෙකත්ථො දස්සිතොති?



පොරාණගණ්ඨිපදෙ තාව චුත්තං “එකස්මිම්පි චත්ථස්මිං උභින්නම්පි පිළා කාතුං න වට්ටතීති අයමතිරෙකත්ථො දස්සිතො”ති. තෙනෙනං දීපෙති “න කෙවලං පටිලද්ධවීවරගණනාය එව ආපත්තිගණනා, පිළිතපුග්ගලසඩ්බාතචත්ථගණනායපි”ති.

හොත්ති චෙත්ථ –

“චත්ථතො ගණනායපි, සියා ආපත්ති නෙකතා;  
ඉති සන්දස්සනත්ථස්ථෙව, දුතියුපක්ඛටං ඉධ.

“කායසංසග්ගසික්ඛාය, විහඩ්ගෙ විය කින්තෙතං;  
එකිත්ථියාපි නෙකතා, ආපත්තිනං පයොගතො”ති. (චජිර. ටී. පාරාජික 532);

අපිචෙතං සික්ඛාපදං තංජාතිකෙසු සික්ඛාපදෙසු සබ්බෙසුපි ගහෙනබ්බවිනිච්ඡයස්ස දස්සනප්පයොජනන්ති වෙදිතබ්බං. ආහ ව –

“අඤ්ඤාතිකාය බහුතාය විමිස්සතාය;  
ආපත්තියාපි බහුතා ව විමිස්සතා ව;  
ඉච්චෙවමාදිවිධිසම්භවදස්සනත්ථං;  
සත්ථා උපක්ඛටමිදං දුතියං අවොවා”ති. (චජිර. ටී. පාරාජික 532);

තස්සායං සබ්බෙපතො අධිජ්ජායපුබ්බඩ්ගමා විචාරණා – පුරාණවීචරං එකමෙව භික්ඛු භික්ඛුනීහි ද්විහි, බහුහි වා ධොවාපෙති, භික්ඛුනිගණනාය පාවිත්තියගණනා. තථා ද්විත්තං, බහුතං වා සාධාරණං එකමෙව වීචරං අඤ්ඤා පාරිචත්තකා පටිග්ගණ්හාති, ඉධාපි තථා ද්විත්තං, බහුතං වා සාධාරණමෙකං විඤ්ඤාපෙති, විඤ්ඤත්තපුග්ගලගණනාය ආපත්තිගණනා. තථා අඤ්ඤෙසුපි එවරූපෙසු සික්ඛාපදෙසු නයො නෙතබ්බො. අයං තාව බහුතාය නයො.

විමිස්සතාය පන ඤාතිකාය, අඤ්ඤාතිකාය ව එකං ධොවාපෙති, එකතො නිට්ඨාපනෙ එකං පාවිත්තියං. අථ ඤාතිකා පඨමං ථොකං ධොවිත්වා ධීතා, පුන අඤ්ඤාතිකා සුධොතං කරොති, නිස්සග්ගියං පාවිත්තියං. අථ අඤ්ඤාතිකා පඨමං ධොවති, පච්ඡා ඤාතිකා සුධොතං කරොති, අඤ්ඤාතිකාය පයොගවසෙන භික්ඛුතො දුක්ඛටමෙව. අඤ්ඤාතිකාය, ඤාතිකාය ව අඤ්ඤාතිකසඤ්ඤී, වෙමතිකො, ඤාතිකසඤ්ඤී වා ධොවාපෙති, යථාචුත්තනායෙන නිස්සග්ගියදුක්ඛටාදිආපත්තිහෙදගණනා වෙදිතබ්බො. තථා අඤ්ඤාතිකාය, ඤාතිකාය ව සන්තකං වීචරං උභොහි එකතො දියාමානං පටිග්ගණ්හාති, නිස්සග්ගියමෙව. අථ අඤ්ඤාතිකාය එව හත්ථතො පටිග්ගණ්හාති, නිස්සග්ගියමෙව. අථ ඤාතිකාය හත්ථතො පටිග්ගණ්හාති, අනාපත්ති. අථ

උභොසු අඤ්ඤාතිකාදිසඤ්ඤී, වුත්තනගෙනෙව  
 නිස්සග්ගියදුක්කටාදිආපත්තිහෙදගණනා වෙදිතබ්බා. තථා  
 අඤ්ඤාතිකවිඤ්ඤත්තිආදියුපි යථාසම්භවං නගො නෙතබ්බො. අයං  
 විමිස්සතාය නගො.

ආදිසද්දෙන පන අනෙකෙ අඤ්ඤාතිකා විඤ්ඤත්තා,  
 විඤ්ඤත්තපුග්ගලගණනාය දුක්කටං. එකො දෙනි, එකො න දෙනි,  
 නිස්සග්ගියං. අථ අවිඤ්ඤත්තො දෙනි, න නිස්සග්ගියං. අථ  
 විඤ්ඤත්තාවිඤ්ඤත්තානං සාධාරණං විඤ්ඤත්තො දෙනි, නිස්සග්ගියං.  
 උභො දෙන්ති, නිස්සග්ගියමෙව. අවිඤ්ඤත්තො දෙනි, නිස්සග්ගියෙන  
 අනාපත්ති. විඤ්ඤත්තස්ස වචනෙන අවිඤ්ඤත්තො දෙනි, අනාපත්ති එව.  
 තථා උපක්ඛටාදියුපි යථාසම්භවං නගො නෙතබ්බො.

එත්තාවතා සඬබ්බෙපතො අඤ්ඤාතිකායාදිගාථා වුත්තාධිප්පායා හොති.  
 යං පනෙත්ථ භික්ඛුනියා රහොනිසජ්ජසික්ඛාපදං නිජ්ජයොජනතාය  
 නිදස්සනං වුත්තං, තස්ස පයොජනවිසෙසො තස්මිංයෙව ආවිභවිස්සතිති.  
 එවමෙව අඤ්ඤත්ථපි වචනෙන, විසෙසඅට්ඨුප්පත්තිවසෙන ව සික්ඛාපදෙසු  
 ඤාතබ්බං විසෙසජ්ජයොජනන්ති.

දුතියඋපක්ඛටසික්ඛාපදවණ්ණනා නිට්ඨිතා.

## 10. රාජසික්ඛාපදවණ්ණනා

“යානං භඤ්ජති, ආගතකාරණං විනාසෙති”ති වුත්තත්තා පුන චොදනං  
 න ලහතිති එකෙ. ආගමනස්ස සාත්ථකං න හොති, වීචරං න ලභිස්සති  
 පටිසන්ථාරස්ස කතත්තාති එකෙ. චොදනාලක්ඛණං න හොතිති කත්වා  
 වුත්තත්ති එකෙ. “ධම්මදෙසනාධිප්පායාදිනා න පටිසන්ථාරො  
 කාතබ්බො”ති උපතිස්සත්ථෙරො “ආගතකාරණං විනාසෙති”ති  
 චොදනායානාති භඤ්ජති, චොදෙතුකාමො අකත්තබ්බමකාසි, තජ්ජච්චයා  
 වත්තහෙදෙ දුක්කට”න්ති ව වදති. ධම්මසිරිත්ථෙරො පන “ආසනෙ චෙ  
 නිසිදති, එකාය නිසජ්ජාය ද්වෙ යානාති භඤ්ජති. ආමිසං චෙ පටිග්ගණ්හාති,  
 එකෙන පටිග්ගහණෙන ද්වෙ යානාති භඤ්ජති. ධම්මං චෙ භාසති,  
 ධම්මදෙසනාසික්ඛාපදෙ වුත්තපරිච්ඡේදාය එකාය වාචාය ද්වෙ යානාති  
 භඤ්ජති. තං සන්ධාය ‘ආගතකාරණං විනාසෙති’ති වුත්ත”න්ති වදති.  
 “එසො බො”ති වුත්තෙන සඤ්ඤත්තො එකො, “අයං  
 වෙය්‍යාවච්චකරොති...පෙ.... අවුත්තෙපි චොදෙතුං වට්ටති”ති වුත්තො  
 දුතියො, සචෙ පන දුතො ගච්ජන්තොව “අහං තස්ස හත්ථෙ  
 දස්සාමි”තිආදිනා වුත්තො තතියො, “අඤ්ඤං වා පෙසෙත්වා  
 ආරොවාපෙති”ති වුත්තො චතුත්ථොති යථා භික්ඛුනා නිද්දිට්ඨා වත්තාරො,  
 තථෙව දුතෙන නිද්දිට්ඨා වත්තාරො. මුඛචෙවටිකකජ්ජියකාරකො,

පරමිමුඛකප්පියකාරකො වෙනි එතෙසු අඤ්ඤාතකප්පවාරිතෙසු විය පටිපජ්ජිතබ්බන්ති ලිබිතං.

රාජසික්ඛාපදවණ්ණනා නිට්ඨිතා.

ථීවරවග්ගො පයමො.

## 2. එළකලොමවග්ගො

### 1. කොසියසික්ඛාපදවණ්ණනා

කාරාපෙය්‍යානි අත්තනො ව පරස්ස ව උභින්නඤ්ච කොසියං එකතො ගණ්හිත්වා චුත්තං, උභො වා එකතො කරොන්තීති අත්ථනො වෙදිතබ්බං. තත්ථ අත්තනා කතං වෙ, “නිස්සජ්ජනකාලෙ සයං කතං නිස්සග්ගිය”න්ති වත්තබ්බං. උභොහි වෙ කතං, යථාපාළිමෙව.

කොසියසික්ඛාපදවණ්ණනා නිට්ඨිතා.

### 2. සුද්ධකාළකසික්ඛාපදවණ්ණනා

යථා පයමෙ “එකෙනපි කොසියංසුනා”ති (කඩබා. අට්ඨ. කොසියසික්ඛාපදවණ්ණනා) චුත්තං, තථා ඉධ “එකෙනපි අඤ්ඤෙන අමිස්සිතාන”න්ති වචනාභාවතො අඤ්ඤෙන මිස්සභාවෙ සතිපි අපඤ්ඤායමානාරූපකං වෙ, “සුද්ධකාළක”මිච්චෙව චුච්චතීති වදන්ති.

සුද්ධකාළකසික්ඛාපදවණ්ණනා නිට්ඨිතා.

### 3. ද්වෙභාගසික්ඛාපදවණ්ණනා

“තුලයිත්වා”ති වචනතො යථා තුලාධාරණාය කාළකාධිකා න භොන්ති, තථා කාළකානං ද්වෙ භාගා ගහෙතබ්බා උක්කට්ඨපරිච්ඡෙදෙන. “එකස්සාපි කාළකලොමස්ස අතිරෙකභාවෙ නිස්සග්ගියන්ති වචනං. තුලාධාරණාය කිඤ්චාපි න සමෙති, අවිත්තකත්තා පන සික්ඛාපදස්ස පුබ්බෙ තුලාය ධාරයිත්වා යපිතෙසු එකමිපි ලොමං තත්ථ පතෙය්‍ය, නිස්සග්ගියන්ති අයමධිස්පායොති නො තක්කො”ති ආවරියො. චුත්තපරිච්ඡෙදෙන අග්ගහණං අකිරියා, සන්ථතකරණං කිරියා.

ද්වෙභාගසික්ඛාපදවණ්ණනා නිට්ඨිතා.

### 4. ඡබ්බස්සසික්ඛාපදවණ්ණනා

“ඔරෙන වෙ ඡන්තං වස්සාන”න්ති චුත්තත්තා ඡබ්බස්සෙ පරිපුණ්ණෙ කාතුං වට්ටතීති නිට්ඨානදිවසතො පට්ඨාය ඡන්තං වස්සානං පරිච්ඡෙදො වෙදිතබ්බො. යානි පතෙත්ථ අතිරෙකඡබ්බස්සවසෙන වා සම්මුතිවසෙන වා කතානි, සබ්බානි තානි එකතො පරිභුඤ්ජිතුං වට්ටන්තීති. ගිලානස්ස ව එකං

නප්පහොතිති අනෙකම්පි වට්ටති. යතො පටියාය රොගස්ස මන්දනය සන්ථතං ආදාය ගන්තුං සක්කොති, තතො පටියාය සම්මුති වා රොගො වා න රක්ඛතිති එකෙ. අපිච ඡවස්සබුද්ධනිම්මලං සික්ඛාපදං විචාරෙතුං ගම්භිරත්තා. තස්මා ඡවස්සෙ කම්මං කතන්ති.

ඡබ්බස්සසික්ඛාපදවණ්ණනා නිට්ඨිතා.

### 5. නිසිදනසික්ඛාපදවණ්ණනා

කස්මා පනෙත්ථ “සන්ථතං පන භික්ඛුනා”ති සික්ඛාපදං අපඤ්ඤපෙත්වා “නිසිදනසන්ථත”න්ති පඤ්ඤත්තං, නනු එත්ථ කාරණෙන භවිතබ්බන්ති? අත්ථි කාරණං, වීචරසඤ්ඤිතාය සන්ථතානං උප්පිකිත්තා තෙසං අවීචරභාවදස්සනත්ථං තථා පඤ්ඤත්තං භගවතාති වුත්තං හොති. තස්මා තෙ භික්ඛු තෙවීචරකට්ඨකභග්ගදෙහයා සන්ථතෙ චතුත්ථවීචරසඤ්ඤිතාය සන්ථතාති උප්පිකිත්වා තෙරස ධුතඨගාති සමාදයිංසු, භගවා ච තෙසං සන්ථතං අනුජාති. තතො තෙසං භික්ඛුනං එවං හොති “නිසිදනවීචරසංශ්ඨානම්පෙතං නිසිදනසන්ථතං නො භගවතා අනුඤ්ඤාතං චතුත්ථවීචරභාවෙන, පගෙව කතසන්ථතං වා”ති. තතො “සන්ථතෙ තෙසං වීචරසඤ්ඤිතා න භවිස්සති”ති තදත්ථං භගවතා “සන්ථත”න්ති අපඤ්ඤපෙත්වා “නිසිදනසන්ථත”න්ති පඤ්ඤත්තන්ති අධිප්පායො. ඉමෙසු පන පඤ්චසු සන්ථතෙසු පුරිමාති තිණි විනයකම්මං කත්වා පටිලභිත්වාපි පරිභුඤ්ජිතුං න වට්ටන්ති අකප්පියත්තා, පච්ඡිමාති ද්වෙ වට්ටන්තිති (වජිර. ටී. පාරාජික 566-567) ලිඛිතං. කථං පඤ්ඤායතිති වෙ? “අනාපත්ති අඤ්ඤෙන කතං පටිලභිත්වා පරිභුඤ්ජති”ති (පාරා. 570) වචනතොති වෙදිතබ්බං.

නිසිදනසික්ඛාපදවණ්ණනා නිට්ඨිතා.

### 6. එළකලොමසික්ඛාපදවණ්ණනා

“අද්ධානමග්ගප්පටිපත්තස්සා”ති ඉමිනා පකතියා දීඝමග්ගං පටිපත්තස්ස උප්පන්නාතිපි තියොජනපරමමෙව හරිතබ්බාති, පගෙව අප්පටිපත්තස්සාති දස්සෙති. පටිපත්තස්ස වෙ, අද්ධානං නාම පටිපත්තස්ස අකාමා වස්සංවුට්ඨභික්ඛුනියා මග්ගප්පටිපත්ති වියාති දස්සෙති. අද්ධානමග්ගප්පටිපත්තස්ස නිස්සංගීයන්ති වා සම්බන්ධො. තෙනෙව වාසාධිප්පායස්ස පටිප්පස්සද්ධගමනුස්සාහත්තා “අප්පටිපත්තො”ති සඬංගතස්ස අනාපත්තිති සිද්ධං. ඉමස්මිං පන අත්ථවිකප්පෙ “භික්ඛුනො පනෙව එළකලොමාති උප්පජ්ජෙය්‍යුං...පෙ.... අසන්තෙපි භාරකෙ අද්ධානමග්ගප්පටිපත්තස්ස නිස්සංගීයං පාවිත්තිය”න්ති යොජනා වෙදිතබ්බා. යස්මා වා එළකලොමානං උප්පත්තිට්ඨානතො පටියාය තියොජනපරමතා අධිප්පෙතා, මග්ගං අප්පටිපත්තස්ස ච තියොජනපරමතා නත්ථි, තස්මා “අද්ධානමග්ගප්පටිපත්තස්ස උප්පජ්ජෙය්‍යු”න්ති වුත්තං.



තෙන අවිජ්ජන්තං පටිලභිත්වා හරතො ව අනාපත්තීති සිද්ධං. පටිලාභො හි තෙසං උප්පත්ති නාමාති.

“ආකඩබ්බමානෙන භික්ඛුනා පටිග්ගහෙතබ්බානී”ති ඉමිනා අත්තනා පටිග්ගහිතානංයෙව තියොජනාතික්කමෙ ආපත්තීති දස්සෙති. තෙන අනාකඩබ්බමානෙන පරසත්තකානි පටිග්ගහිතානි හරත්තස්ස අනාපත්තීති සිද්ධං.

අඬගෙසු “අත්තනො සත්තකතා”ති නත්ථි, අයමත්ථො “භික්ඛුනො උප්පජ්ජෙය්‍යු”ත්ති ඉමිනා, “අවිජ්ජන්තං පටිලභිත්වා”ති ඉමිනා ව දීපිතො භොතීති වෙදිතබ්බො. පොරාණගණ්ඨිපදෙ ව “අඤ්ඤං භික්ඛුං හරාපෙත්තො ගච්ඡති වෙ, ද්විත්තම්පි අනාපත්තී”ති වුත්තං. තස්මා ද්වෙ භික්ඛු තියොජනපරමං පත්වා අඤ්ඤමඤ්ඤස්ස භණ්ඩං පරිවත්තෙත්වා වෙ හරත්ති, අනාපත්තීති සිද්ධං.

තියොජනපරමං සහත්ථා හරිතබ්බානීති තියොජනපරමමෙව අත්තනා හරිතබ්බානි, තං කිමත්ථත්ති? සීමාය එතපරමතො. වුත්තඤ්ඤෙතං “අනුජානාමි, භික්ඛවෙ, තියොජනපරමං සීමං සම්මන්තිතු”ත්ති (මහාව. 140). වාසාධිජ්ජායෙන, පච්චාගමනාධිජ්ජායෙන වා ගච්ඡතො එතපරමතා ව. වුත්තඤ්ඤෙතං “ඡබ්බග්ගියා භික්ඛු අතිමහතියො සීමායො සම්මන්තත්ති...පෙ.... භික්ඛු උපොසථං ආගච්ඡන්තා උද්දිස්සමානෙපි පාතිමොක්ඛෙ ආගච්ඡන්ති, උද්දිට්ඨමත්තෙපි ආගච්ඡන්ති, අන්තරාපි පරිවසන්ති”ති (මහාව. 140).

අසන්තෙ භාරකෙති ආණත්තියා භාරකෙ අසති. කම්බලස්ස උපරි නිසිදිත්වා ගච්ඡන්තස්ස සවෙ එකම්පි ලොමං වීචරෙ ලග්ගං භොති, තියොජනාතික්කමෙ ආපත්ති එව කම්බලතො විජටිතත්තාති ලිඛිතං. තං කම්බලස්ස පටිග්ගහිතත්තා අත්තනො අත්ථාය පටිග්ගහිතමෙව භොතීති යුත්තං.

එළකලොමසික්ඛාපදවණ්ණනා නිට්ඨිතා.

## 8. ජාතරූපසික්ඛාපදවණ්ණනා

“නිබ්බත්තරුක්ඛච්ඡායාපි රුක්ඛපරිච්ඡෙදං අනතික්කන්තා”ති ලිඛිතං.

ජාතරූපසික්ඛාපදවණ්ණනා නිට්ඨිතා.

## 9. රූපියසංචොභාරසික්ඛාපදවණ්ණනා

ජාතරූපරජතපරිවත්තනත්ති උක්කට්ඨපරිච්ඡෙදෙන වුත්තං.

රූපියසංචොභාරසික්ඛාපදවණ්ණනා නිට්ඨිතා.

## 10. කයවික්කයසික්ඛාපදවණ්ණනා

අසත්තෙ පාවිත්තියං දෙසෙතබ්බමෙවාති එත්ථ කිං සුද්ධිකං පාවිත්තියං, උදාහු නිස්සග්ගියන්ති? නිස්සග්ගියං පාවිත්තියමෙව.

කයවික්කයසික්ඛාපදවණ්ණනා නිට්ඨිතා.

### තත්ත්වං පකිණ්ණකං

අට්ඨමසික්ඛාපදං පරෙන අත්තනො අත්ථාය දියාමානස්ස වා පාරිවත්තකභාවෙන දියාමානස්ස වා පංසුකුලස්ස වා රුපියස්ස උග්ගණ්හනඋග්ගණ්හාපනසාදියනානි පටික්ඛිපති.

නවමං පරස්ස වා අත්තනො වා රුපියපරිවත්තනං පටික්ඛිපති.

දසමං අරුපියපරිවත්තනං. “අරුපියෙ අරුපියසඤ්ඤී පඤ්චන්තං සහ අනාපත්ති”ති (පාරා. 591; වි. වි. ටී. 1.591; වජිර. ටී. පාරාජික 587) ව වචනං ඉතරෙහි සහ ආපත්තීති දීපෙති. අරුපියඤ්ච දුක්කට්ඨත්ථු. තස්මා තස්ස පරිවත්තනෙ සති නිස්සග්ගියන්ති එකන්තෙන වුත්තං. පඤ්චන්තං සහ දුක්කට්ඨත්ථුනං පරිවත්තනෙ අනාපත්තිප්පසඬගතො අනාපත්ති එවාති පොරාණාති චෙ? න, කප්පියවත්ථුනංයෙව තත්ථ ආගතත්තා. යදි කප්පියවත්ථු නිස්සග්ගියං, පගෙව දුක්කට්ඨත්ථුති චෙ? න, ආපත්තිගරුකලහුකභාවෙන වත්ථුගරුකලහුකනියමාභාවතො.

නිස්සග්ගියවත්ථුතො හි මුත්තාමණිවෙළරියාදි මහග්ගප්පභොතකම්පි දුක්කට්ඨත්ථුති කත්වා නිස්සග්ගියවත්ථුතො මුත්තාදි ලහුකං හොති. ලහුකෙපි වත්ථුස්මිං යථෙව දුක්කට්ඨත්ථුතො පටිග්ගහණෙ දුක්කට්ඨං, තථෙව තස්ස වා තෙන වා චෙතාපනෙපි දුක්කට්ඨං යුත්තන්ති (පාරා. අට්ඨ. 2.589) අට්ඨකථාවරියා.

අථ වා යං වුත්තං “කප්පියවත්ථුනංයෙව තත්ථ ආගතත්තා”ති, තත්ථ කිඤ්චාපි දුක්කට්ඨත්ථුනිපි අධිප්පෙතානි, න පන පාළියං වුත්තානි අනාපත්තිවාරප්පසඬගයාති වුත්තං හොති. මුත්තාදිසුපි වුත්තෙසු අනාපත්තියං කප්පියකාරකස්ස ආවික්ඛති, “ඉදං මුත්තාදි අම්භාකං අත්ථී, අම්භාකඤ්ච ඉමිනා ව ඉමිනා ව වෙළරියාදිනා අත්ථො”ති හණති, දසමෙන ආපජ්ජන්ති අධිප්පායො සියා. යස්මා ව ඉදං කප්පියකාරකස්ස ආවික්ඛනාදිසංවොභාරො ව, තස්මා තං නවමෙන වුත්තන්ති වෙදිතබ්බං. කිඤ්චාපි කයවික්කයෙව හොති කප්පියවත්ථුහි අනුඤ්ඤාතං, ඉමිනාව නයෙන කිඤ්චාපි දුක්කට්ඨත්ථුපි දසමෙ අධිප්පෙනං ආපජ්ජති, අට්ඨකථාවිරොධතො පන නාධිප්පෙතම්චිචෙව ගහෙතබ්බො.

කා පනෙන්ථ කාරණච්ඡායාති, පඤ්චන්තං සහ තත්ථ අනාපත්තිප්පසඬගතො අනාපත්ති ඵලාති වෙ? න, තත්ථ අනාගතත්තා. අනාගතකාරණා චුත්තත්ති වෙ? න, පඤ්චන්තං සහ ආපත්තිවත්ථුකස්ස අනාපත්තිවාරලාභෙ විසෙසකාරණාභාවා, අකප්පියත්තා පඤ්චන්තං සභාපි ආපත්තියා භවිතබ්බත්ති සිද්ධො අට්ඨකථාවාදො.

අපරො නයො - යදි දුක්කට්ඨත්ථුනා කයවික්කයෙ නිස්සංගීයං, කප්පියවත්ථුමිහි චුත්තපරියායො තත්ථ ලබ්භෙය්‍ය, න පන ලබ්භතීති නවමෙ ඵල තාති වත්තබ්බාති. තස්මා සංවොභාරො නාම කයවික්කයොපි අඤ්ඤා පරිවත්තනං පරියාදිශිත්වා පවත්තො, කයවික්කයඤ්ච මොවෙත්වා “ඉමිනා ඉමං දෙහි”ති වෙතාපෙති, වට්ටති”ති අවත්වා දසමස්ස අනාපත්තිවාරෙ චුත්තනායෙනෙව තෙසං පරිවත්තනෙ නිස්සංගීයානුමතිවිරොධතො අට්ඨකථායං චුත්තනායෙනෙව දුක්කට්ඨත්ථුනා වෙතාපනෙ දුක්කට්ඨමෙව. තෙසං කයවික්කයෙන නිස්සංගීයත්ති වෙ? න, සබ්බස්සපි කයවික්කයත්තා. තෙනෙව චුත්තං “අන්ධකට්ඨකථායං පන ‘සවෙ කයවික්කයං සමාපජ්ජෙය්‍ය, නිස්සංගීයං පාවිත්තිය’න්ති භාසිතං, තං දුබ්භාසිතං. කස්මා? න හි දානග්ගහණතො අඤ්ඤො කයවික්කයො නාම අත්ථි”ති (පාරා. අට්ඨ. 2.589), අත්තනො මතියා කයවික්කයලක්ඛණසම්මතෙ දසමස්ස අනාපත්තිවාරෙ චුත්තනායෙනෙව තෙසං පරිවත්තනෙ නිස්සංගීයානුමතිවිරොධතො ව. භවතු වා අත්තනො පටිසිද්ධමිදං කාරණං, දසමෙ අවස්සමෙව ජාතිතබ්බාතීති තාති කයවික්කයානෙවාති තෙසං නිස්සංගීයභාවඤ්ච ගතාතීති ඵලමිපි සිද්ධො අට්ඨකථාවාදො.

ඵත්ථාහු පොරාණා - “අත්තනො සන්තකං රුපියං පරහත්ථගතං කරොති අජ්ඣාචරති, දුක්කට්ඨං. පරස්ස රුපියං අත්තනො හත්ථගතං කරොති, අට්ඨමෙන නිස්සංගීයං. උග්ගහිතවත්ථුපරිවත්තනෙ කථං ජාතං? අබ්බොහාරිකං ජාතං. අථ පරස්ස රුපියං අත්තනො හත්ථගතං පට්ඨං කරොති, රුපියප්පටිග්ගහණස්ස කතත්තා අට්ඨමෙන නිස්සංගීයං. අත්තනො සන්තකං රුපියං පරස්ස හත්ථගතං පච්ඡා කරොති, සංවොභාරෙන නිස්සංගීය”න්ති. “රුපියස්ස ගහණමත්තෙන අට්ඨමෙන ආපත්ති, පච්ඡා පරිවත්තනෙ නවමෙනා”ති හි තත්ථ චුත්තං, තං පන යුත්තං. “අජ්ඣාචරති, දුක්කට්ඨ”න්ති දුචුත්තං. දුක්කට්ඨස්ස අනියමප්පසඬගතො නිස්සප්පනවිධානෙසු දස්සිතොව. කිං චුත්තං හොති - යදි ද්විති නිස්සංගීයෙහි භවිතබ්බං, නිස්සප්පනවිධානෙ “අහං, හන්තෙ, රුපියං පටිග්ගහෙසිං, නානාප්පකාරකඤ්ච රුපියසංවොහාරං සමාපජ්ජි”න්ති වත්තබ්බං භවෙය්‍ය “රුපියං වෙතාපෙති”ති සබ්බත්ථ පාළියං රුපියප්පටිග්ගහණස්ස චුත්තත්තා.

එත්තාවතා යං පොරාණගණ්ඨිපදෙ වුත්තං “දුක්කට්ඨත්ථුනා කයවික්කයං පරිහරන්තෙන චතුසු නිස්සග්ගියවත්ථුසු එකෙකස්මිං ගහිතෙ අට්ඨමෙන නිස්සග්ගියං හොති. දුක්කට්ඨත්ථුනා දුක්කට්ඨත්ථුන්ති “ඉමිනා ඉදං දෙහී”ති ගහිතෙ තෙනෙව නිස්සග්ගියං හොති. “කයවික්කයම්පි නීහරිත්වා ගහිතෙ දුක්කට්ඨං, වෙනාපිතරුපියග්ගහණෙ අට්ඨමෙන, පරිවත්තනෙ නවමෙනාතිආදිනා අත්තනා අනුග්ගහෙත්වා කප්පියවසෙන නීහරිත්වා පඤ්චහි සහධම්මිකෙහි සද්ධිං පරිවත්තෙතුං වට්ටතී”ති, තං විසොධිතං හොති. අපරම්පි තත්ථ වුත්තං “නිස්සජ්ජිතබ්බෙ අසති කථං පාවිත්තියං, දුන්නිස්සට්ඨරුපියම්පි ‘න ඡඩ්ඛෙති’ති වදන්තස්ස විස්සට්ඨො උපාසකො තං ගහෙත්වා අඤ්ඤං වෙ භික්ඛුනො දෙති, කප්පති”ති, තඤ්ච දුටුත්තං. න භි ගහිතත්තා තතො අඤ්ඤං වත්ථු හොති. පුන අපරඤ්ච තත්ථ වුත්තං “ඉමං ‘ගණ්භාහී’ති වදන්තස්ස සද්ධාදෙය්‍යවිනිපාතදුක්කට්ඨං, ‘එතං දෙහී’ති වදන්තස්ස විඤ්ඤත්තිදුක්කට්ඨං”න්ති, තඤ්ච දුටුත්තං. තත්ථ භි පයොගදුක්කට්ඨං යුත්තං විය පඤ්ඤායති.

පකිණ්ණකං නිට්ඨිතං.

එළකලොමවග්ගො දුතියො.

### 3. පත්තවග්ගො

#### 1. පත්තසික්ඛාපදවණ්ණනා

ද්වෙ අපත්තා, තස්මා එතෙ භාජනපරිභොගෙන පරිභුඤ්ජිතබ්බා, නඅධිට්ඨානුපගානවිකප්පනුපගතාති අත්ථොති ච. සමණසාරුජ්ජපෙන පක්කන්ති අයොපත්තො පඤ්චහි පාකෙහි පක්කො හොති, මත්තිකාපත්තො ද්විහි. “භික්ඛුනියා පත්තසන්නිව්වයස්ස වාරිතත්තා (වජිර. ටී. පාරාජික 602) භික්ඛුස්සපි තං ‘අනනුරූප’න්ති කත්වා ‘පුරාණපත්තං පච්චුද්ධරිත්වා’ති වුත්ත”න්ති ච ලිඛිතං, තං න යුත්තං පාළියං “සන්නිව්වයං කරෙය්‍යාති අනධිට්ඨිතො අවිකප්පිතො”ති (පාවි. 735) වුත්තත්තා. සො භි කථිතක්ඛන්ධකෙ (මහාව. 306 ආදයො) නිව්වයසන්නිධි විය එකොපි පුනදිවසෙ “සන්නිව්වයො”ති වුවචති. අනන්තරසික්ඛාපදෙ පන “දුතියො වාරිතො”ති අධිට්ඨානං නියතං. තස්මා ද්වෙ පත්තෙ අධිට්ඨාතුං න ලහති. සචෙ එකතො අධිට්ඨාති, ද්වෙපි අනධිට්ඨිතා හොන්ති. විසුං විසුං අධිට්ඨාති, දුතියො අනධිට්ඨිතො. විකප්පෙතුං පන බහුපි ලහති. කාකණ්ණිකමත්තම්පිති එත්ථ පි-කාරො “එකපාකම්පි ජනෙති”ති පාකං සම්පිණ්ඛෙති. අථ වා සචෙ එකපාකෙනෙව සාරුජ්ජො, වට්ටතීති පාකපරිමාණං න වුත්තන්ති ගහෙතබ්බං. අපත්තත්තා අධිට්ඨානුපගො න හොති. අපච්චුද්ධරන්තෙන විකප්පෙතබ්බොති පුරාණපත්තං අපච්චුද්ධරන්තෙන සො පත්තො විකප්පෙතබ්බොති අත්ථොති ලිඛිතං.



පත්තසික්ඛාපදවණ්ණනා නිට්ඨිතා.

## 2. උනපඤ්චබන්ධනසික්ඛාපදවණ්ණනා

පචාරිතෙති එත්ථ සඬ්ඝවසෙන පචාරිතට්ඨානෙ පඤ්චබන්ධනෙනෙව වට්ඨති, පුග්ගලිකවසෙන පචාරිතට්ඨානෙ උනපඤ්චබන්ධනෙනාපි වට්ඨති ලිඛිතං.

යො උනපඤ්චබන්ධනත්ථං, චුත්තම්පි චෙතං කරො සො;  
උනපඤ්චබන්ධනත්ථං, පත්ථාන සන්තිකෙ.

උනපඤ්චබන්ධනසික්ඛාපදවණ්ණනා නිට්ඨිතා.

## 3. හෙසජ්ජසික්ඛාපදවණ්ණනා

“පටිසායනීයානි පටිග්ගහෙත්වා”ති වදන්තෙන පාදමක්ඛනාදීනං අත්ථාය පටිග්ගහෙත්වා යපෙතුං වට්ඨති දීපිතන්ති ලිඛිතං. “යෙසං මංසං කප්පති”ති වචනෙන යෙසං මංසං න කප්පති, තෙසං සජ්ජිආදි න කප්පතිති වදන්තා අජානිත්වා වදන්ති. යෙසඤ්භි මංසං කප්පති, තෙසං සජ්ජිතිආදි සත්තාහකාලිකනිස්සංගීයවත්ථුපරිච්ඡෙදදස්සනත්ථං චුත්තං. තථා පණිතභොජනසික්ඛාපදෙ යෙසං මංසං කප්පති, තෙසංයෙව බීරාදි පණිතභොජනං, නෙතරන්ති දස්සෙතුං චුත්තන්ති. මධු නාම මධුකරිහමරමක්ඛිකානං ආසයෙසු නියාසසදිසං මහාමධු භොති, තං යාවජීවිකන්ති ව ලිඛිතං.

හෙසජ්ජසික්ඛාපදවණ්ණනා නිට්ඨිතා.

පත්තවග්ගො තතියො.

නිස්සංගීයපාචිත්තියවණ්ණනා නිට්ඨිතා.

## පාවිත්තියකණ්ඩං

### 4. භොජනවග්ගො

#### 2. ගණභොජනසික්ඛාපදවණ්ණනා

දෙවදත්තො කාලෙ විඤ්ඤාපෙත්වා භුඤ්ජති, තප්පච්චයා භගවතා “ගණභොජනෙ පාවිත්තිය”න්ති (පාවි. 209) සික්ඛාපදං පඤ්ඤත්තං. පදභාජනෙ පන “නිමන්තිතා භුඤ්ජන්ති”ති (පාවි. 218) නිමන්තනමෙව ගහෙත්වා විහත්තං. අන්ධකට්ඨකථායං පන වත්ථුවසෙන විඤ්ඤත්තියා යාවනම්පි චුත්තන්ති ලිඛිතං. කස්මා? පරිවාරෙ එව “ගණභොජනං ද්විභාකාරෙහි පසවති විඤ්ඤත්තියො වා නිමන්තනතො වා”ති (පරි. 322) චුත්තන්තා. තස්මා අට්ඨුප්පත්තියංයෙව පාකටත්තා පදභාජනෙ න චුත්තන්ති වෙදිතඛිඛං. “එකතො ගණ්හන්ති”ති ව ගහිතහත්තාපි අඤ්ඤෙ යාව ගණ්හන්ති, තාව වෙ තිට්ඨන්ති, එකතො ගණ්හන්ති එව නාමා”ති ව, “යො කොච්චි පඛිඛජිතොති සහධම්මිකෙසු, තිත්ථියෙසු වාති අත්ථො”ති ව, “සමයාභාවොති සත්තන්තං අනාපත්තිසමයානං අභාවො”ති ව, “සමයලද්ධකෙන සහ චත්තාරො භොන්ති”ති ව, “සමයලද්ධකො සයමෙව මුච්චති, සෙසානං ගණපුරකත්තා ආපත්තිකරො භොති”ති ව ලිඛිතං.

එත්ථාහ – “පටිග්ගහණමෙව හෙත්ථ පමාණ”න්ති චුත්තං, අථ කස්මා පාළියං “ගණභොජනං නාම යත්ථ චත්තාරො...පෙ.... භුඤ්ජන්ති”ති (පාවි. 218) චුත්තන්ති? චුච්චතෙ – තත්ථ “භුඤ්ජන්ති”ති පටිග්ගහණනියමවචනං. න හි අප්පටිග්ගහිතකං භික්ඛු භුඤ්ජන්තිති.

ගණභොජනසික්ඛාපදවණ්ණනා නිට්ඨිතා.

#### 3. පරම්පරභොජනසික්ඛාපදවණ්ණනා

අඤ්ඤත්ථ සමයාති පන නිමන්තනතො පසවනතො භොජනාපෙක්ඛං පාවිත්තියන්ති එකෙ. එකො භික්ඛු පිණ්ඩාය වරන්තො භත්තං ලහති, තමඤ්ඤො චූපාසකො නිමන්තෙත්වා සරෙ නිසීදාපෙසි, න ච තාව භත්තං සම්පජ්ජති. සවෙ සො භික්ඛු පිණ්ඩාය වරිත්වා ලද්ධභත්තං භුඤ්ජති, ආපත්ති. කස්මාති වෙ? “පරම්පරභොජනං නාම පඤ්චන්තං භොජනානං අඤ්ඤතරෙන භොජනෙන නිමන්තිතො තං යපෙත්වා අඤ්ඤං පඤ්චන්තං භොජනානං අඤ්ඤතරං භොජනං භුඤ්ජති, එතං පරම්පරභොජනං නාමා”ති (පාවි. 227) චුත්තන්තා. පට්ඨකථිතසදිසානි, ඉදං පන කිරියාකිරිය”න්ති පාඨො.

පරම්පරභොජනසික්ඛාපදවණ්ණනා නිට්ඨිතා.

#### 4. කාණමානාසික්ඛාපදවණ්ණනා

ද්වත්තිපත්තපුරා පටිග්ගහෙතබ්බාති තථානීතපුට්ඨෙහි අත්ථිකෙන උක්කට්ඨපත්තප්පමාණවසෙන ගහෙතබ්බා. “මා බො ත්වං එත්ථ පටිග්ගණ්ඨි”ති අපාටෙය්‍යාදිඅත්ථාය සජ්ජිතසඤ්ඤාය අතිරෙකප්පටිග්ගහණෙන ආරොචනෙ, අසංවිභාගෙ ච න මුච්චති අවිත්තකත්තා සික්ඛාපදස්ස. අථ උග්ගහිතකං ගණ්භාති, න මුච්චති එව. අසංවිභාගෙ පන අනාපත්ති අකප්පියත්තා. අවිත්තකතා පණ්ණත්තිජානනාභාවෙනෙව, න වත්ථුජානනාභාවෙනාති එකෙ. “න පාටෙය්‍යාදිඅත්ථාය සජ්ජිතභාවජානන”න්ති අඬගෙසු අවුත්තත්තා සචෙ සඤ්චිච්ච න වදති, පාවිත්තියන්ති පොරාණා වදන්ති. අතිරෙකප්පටිග්ගහණන්ති තත්ථ පඤ්චමංව අඬගං වුත්තං, තස්මා අප්පටිග්ගහිතත්තා න පාවිත්තියං, කත්තබ්බාකරණතො පන දුක්කට්ඨං. අඤ්ඤථා කිරියාකිරියං ඉදං ආපජ්ජති. අනිවාරණං, අනාරොචනං වා ඡට්ඨමඬගං වත්තබ්බං සියා.

කාණමානාසික්ඛාපදවණ්ණනා නිට්ඨිතා.

#### 5. පට්ඨමපචාරණාසික්ඛාපදවණ්ණනා

භුත්තාථි පචාරණං නාම පඤ්චඩ්ඞිකං. තෙසු “අසනං පඤ්ඤායත්ති”ති එතෙනෙව “භුත්තාථි”ති එතස්ස සිද්ධත්තා විසුං අත්ථසිද්ධි න දිස්සති. දිස්සති චෙ, අඬගානං ඡක්කත්තදස්සනන්ති (වජිර. ටී. පාවිත්තිය 238-239) ලිඛිතං. “භොජනං පඤ්ඤායති”ති අභිභටං සන්ධාය වුත්තං.

කොට්ටෙන්වා කතවුණ්ණමපිති පි-කාරෙන කුණ්ඩකං සමපිණ්ඩෙති. සමපාකහජ්ජිතානං පන ආතපසුක්ඛානං වා කුණ්ඩකං වා යෙ කෙච්ඡි තණ්ඩුලා වාති එත්තකමෙව වුත්තත්තා සමපාකහජ්ජිතානං විහීනං, විහිපලාසානං වා තණ්ඩුලවුණ්ණං පචාරෙති. තථා බරපාකහජ්ජිතානං කුණ්ඩකමපි පචාරෙති. හජ්ජිතසත්තුයො පිණ්ඩෙන්වා කතො අපක්කසත්තුමොදකොපි පචාරෙතිති ලිඛිතං. සචෙ අවසිට්ඨං නත්ථි, න පචාරෙති. කස්මා? අසනසඬබ්බාතස්ස විජ්ජකතභොජනස්ස අභාවතො.

අකප්පියමංසං පන කිඤ්චාපි පටික්ඛිපිතබ්බට්ඨානෙ ඨිතං, බාදියමානං පන මංසභාවං න ජහාති, තස්මා පචාරෙති. භොජනසාලාය භුඤ්ජන්තො චෙ අත්තතො අපාපුණනකොට්ඨාසං අභිභටං පටික්ඛිපති, න පචාරෙති. කාමං පටික්ඛිපති, පත්තෙ පන ආරාමිකා ආකිරන්ති, තං භුඤ්ජිතුං න වට්ටති. ඉදඤ්ඨි බුද්ධප්පටිකුට්ඨාය අනෙසනාය උප්පත්තෙයෙව සඬබ්බං ගච්ඡති. යථා හි සඬසතො ලද්ධං පිණ්ඩං දුස්සිලො දෙති, තඤ්චෙ පටික්ඛිපති, න පචාරෙති, එවංසමපදමිදන්ති ච, විභාගො ලජ්ජී චෙ දෙති, තං සො න අජ්ඣෙකාහරිතුකාමතාය පටික්ඛිපති, පචාරෙතිති ච, “සමංසරසං සමච්ඡරස”න්ති ආපජ්ජනතො “මංසරස”න්ති වුත්තෙ පන පටික්ඛිපතො

හොති, “මංසස්ස රසං මංසරස”න්ති අයං විග්ගහො නාධිජපෙතොති ව චුත්තං. හත්තමිස්සකං යාගුං ආහරිත්වා “යාගුං ගණ්හවා”ති වදති, න පවාරෙති. “හත්තං ගණ්හවා”ති චුත්තෙ පවාරෙති. කස්මා? යෙනාප්පච්ඡිකො, තස්ස අත්ථිතාය. එත්ථ පන “යාගුමිස්සකං ගණ්හවා”ති වදති, තත්‍ර වෙ යාගු බහුතරා වා හොති, සමසමා වා. හත්තං මන්දං, න පවාරෙති. යාගු වෙ මන්දා, හත්තං බහුතරං, පවාරෙති. ඉද්දෙව සබ්බඅට්ඨකථාසු චුත්තත්තා න සක්කා පටික්ඛිපිතුං. කාරණං පනෙත්ථ දුද්දසං. “හත්තමිස්සකං ගණ්හවා”ති වදති. තත්‍ර හත්තං බහුතරං වා සමකං වා අප්පතරං වා හොති, පවාරෙති එව. හත්තං වා යාගුං වා අනාමසිත්වා “මිස්සකං ගණ්හවා”ති වදති. තත්‍ර වෙ හත්තං බහුතරං, සමකං වා හොති, පවාරෙති. අප්පතරං න පවාරෙති. තං සබ්බං විමංසිතබ්බන්ති.

එලං වා කන්දමුලාදි වා පඤ්චහි සමණකප්පෙහි කප්පියං අකතන්ති එත්ථ කප්පියං අකාරාපිනෙහි කදලිඵලාදිහි සද්ධිං අතිරිත්තං කාරාපෙත්වාපි තං කදලිඵලාදිං යපෙත්වා අවසෙසං භුඤ්ජිතුං වට්ටති. අමිස්සකරසත්තා පුන තාති කප්පියං කාරාපෙත්වා අඤ්ඤස්මිං භාජනෙ යපෙත්වා කාරෙත්වා භුඤ්ජිතුං වට්ටති. කස්මා? පුබ්බෙ තෙසු විනයකම්මස්ස අනාරුළ්භත්තාති වදන්ති.

පත්තෙ රජං පතිතං අප්පට්ඨගහිතමෙව හොති. තස්මා පට්ඨගහෙත්වාච හික්ඛා ගණ්හිතබ්බා. “අපට්ඨගහෙත්වා ගණ්හතො විනයදුක්කට්”න්ති (පාවි. අට්ඨ. 265) චුත්තත්තා එතමඤ්ඤෙසමිපි න වට්ටතිති වදන්ති. “තං පන පුන පට්ඨගහෙත්වා භුඤ්ජන්තස්ස අනාපත්ති”ති එත්ථාපි එවමෙව. ඉමස්මිං පන “අතිරිත්තං කතං අනතිරිත්තකතං හොති”ති එත්ථාපි එවමෙව. ඉමස්මිං පන “අතිරිත්තං කතං, අනතිරිත්තං කතං හොති”තිආදිහි උපපරික්ඛිත්වා විනිච්ඡයො වෙදිතබ්බොති දීපිතං. අලමෙතං සබ්බන්ති ඉදමිපි තෙ අධිකං, ඉතො අඤ්ඤං න ලච්ඡසිති අත්ථො.

ආහාරත්ථායාති විකාලෙ එවාති එකෙ. “පයමකථිතසදිසාති. ඉදං පන කිරියාකිරිය”න්ති පාඨො. කායකම්මං අප්පකොභරණතො. වච්ඡකම්මං වාචාය “අතිරිත්තං කරොථ, හත්තෙ”ති අකාරාපනතොති වෙදිතබ්බං.

පයමපචාරණාසික්ඛාපදවණ්ණනා නිට්ඨිතා.

## 6. දුතියපචාරණාසික්ඛාපදවණ්ණනා

“භුත්තස්මිං පාවිත්තිය”න්ති (පාවි. 243) මාතිකායං චුත්තත්තා “භොජනපරියොසානෙ පාවිත්තිය”න්ති චුත්තං, න අප්පකොභාරෙ අප්පකොභාරෙ.

දුතියපචාරණාසික්ඛාපදවණ්ණනා නිට්ඨිතා.



### 7. විකාලභොජනසික්ඛාපදවණ්ණනා

ජම්බුදීපස්ස කාලෙන පරිච්ඡේදොති එවං කිර.

විකාලභොජනසික්ඛාපදවණ්ණනා නිට්ඨිතා.

### 8. සන්තධිකාරකසික්ඛාපදවණ්ණනා

“දුද්ධොතො භොති”ති ආදිනා නයෙන ඉධ චුත්තත්තා, “දුද්ධොතං පත්තං ධොවිත්වා පුන

තත්ථ අච්ඡාදකං වා ආසිඤ්චිත්වා, අභිගුලියා වා සංසිත්වා නිස්නෙහභාවො ජානිතබ්බො”ති (පාවි. අට්ඨ. 253) සමන්තපාසාදිකායං චුත්තත්තා ව මත්තිකාපත්තස්ස කපාලෙන පිතො ස්නෙහො සන්තධිං කරොතිති සිද්ධන්ති ලිඛිතං. සයං පටිග්ගහෙත්වා අපරිච්චත්තමෙවෙති එත්ථ අපරිච්චත්තං නාම අනුපසම්පන්නානං නිරපෙක්ඛඅපරිච්චත්තං අවිජ්ඣිතං. “පටිග්ගහණන්ති එත්ථ පටිග්ගහිතභාවමවිජ්ඣිතමෙව සන්තධිං ජනෙති”ති ධම්මසිරිත්ථෙරො, තං “පටිග්ගණ්හාති, ආපත්ති දුක්කටස්සා”ති (පාවි. 255) පාළියා විරුජ්ඣති. තස්ස පන පුන පටිග්ගණ්හනකිච්චාභාවතො විමංසිතබ්බං.

සන්තධිකාරකසික්ඛාපදවණ්ණනා නිට්ඨිතා.

### 9. පණිතභොජනසික්ඛාපදවණ්ණනා

“තෙසං මංසඤ්ච ඛිරදධිති ව ඉධ අධිප්පෙතානි”ති ඉදං පාවිත්තියවත්ථුපරිච්ඡේදො, න පන කප්පියඛිරාදිපරිච්ඡේදො, තස්මා යස්ස කස්සපි ඛිරාදිති වට්ටන්තිති ව, “මහානාමසික්ඛාපදෙන කාරෙතබ්බො”ති සඬ්ඝවසෙන පචාරිතෙ හෙසජ්ජත්ථාය සප්පිආදිහෙසජ්ජපඤ්චකං විඤ්ඤාපෙති වෙ, තත්ථ “න හෙසජ්ජකරණීයෙන හෙසජ්ජං විඤ්ඤාපෙති”ති එත්ථ සඬ්ගහං ගච්ඡති, තස්මා “තෙන පාවිත්තිය”න්ති (වජිර. ටී. පාවිත්තිය 261) ව ලිඛිතං.

පණිතභොජනසික්ඛාපදවණ්ණනා නිට්ඨිතා.

### 10. දන්තපොනසික්ඛාපදවණ්ණනා

“සරීරාවයවෙනා”ති චුත්තත්තා මුඛෙන පටිග්ගහණං අනුඤ්ඤාතං. “විඤ්චාදිපත්තෙසු භූමියං අත්ථතෙසු න වට්ටති, කල්ලඛෙත්තෙ තත්ථ වට්ටති”ති ව, “සාමං ගහෙත්වා”ති ඉමිනා න කෙවලං සප්පදට්ඨංයෙව, අඤ්ඤමපි දට්ඨං විසෙසෙති. සාමං ගහෙත්වා පරිභුඤ්ජිතුං වට්ටති”ති ව ලිඛිතං.

දන්තපොනසික්ඛාපදවණ්ණනා නිට්ඨිතා.

හොජනවග්ගො වතුත්ථො.

## 5. අවෙලකවග්ගො

### 1. අවෙලකසික්ඛාපදවණ්ණනා

අවෙලකාදයො යස්මා, තිත්ථියාව මනා ඉධ;  
තස්මා තිත්ථියනාමෙන, තිකච්ඡෙදො කතො තතො.

අතිත්ථියස්ස නග්ගස්ස, තථා තිත්ථියලිඬිගිනො;  
ගහට්ඨස්සාපි භික්ඛුස්ස, කප්පතීති විනිච්ඡයො.

අතිත්ථියස්ස චිත්තෙන, තිත්ථියස්ස ච ලිඬිගිනො;  
සොතාපන්නාදිනො දාතුං, කප්පතීතිධ නො මති.

අවෙලකසික්ඛාපදවණ්ණනා නිට්ඨිතා.

### 3. සහොජනසික්ඛාපදවණ්ණනා

අනුපවිසිත්ථා නිසිදනචිත්තෙන සචිත්තකතාති වෙදිතබ්බා.

සහොජනසික්ඛාපදවණ්ණනා නිට්ඨිතා.

### 4-5. රහොපට්ඨජන්තරහොනිසප්පසික්ඛාපදවණ්ණනා

චතුත්ථං පට්ඨානියතෙ, පඤ්චමං දුතියානියතෙ චුත්තනයමෙව. ඉධ  
පඤ්චමං උපනන්දස්ස චතුත්ථං හොති.

රහොපට්ඨජන්තරහොනිසප්පසික්ඛාපදවණ්ණනා නිට්ඨිතා.

### 6. වාරිත්තසික්ඛාපදවණ්ණනා

සහත්තො සමානොති නිමන්තනහත්තොති පොරාණා. සන්තං භික්ඛුං,  
අනාපුච්ඡා, පුරෙහත්තං පච්ඡාහත්තං, අඤ්ඤත්ථ සමයාති අයමෙත්ථ  
චතුබ්බිධා අනුපඤ්ඤත්ති. තත්ථ සමයා ද්වෙ සමයා. හත්තියසරන්ති  
නිමන්තිතස්ස සරං වා සලාකාහත්තාදිදායකානං වා සරං. “සමුට්ඨානාදීනි  
පට්ඨකථිතසදිසානි, ඉදං පන කිරියාකිරිය”න්ති පායො, “ඉධ නිමන්තනා  
අකප්පියනිමන්තනා”ති එකෙ.

පුරෙහත්තඤ්ච පිණ්ඩාය, වරිත්ථා යදි භුඤ්ජති;  
සියා පරම්පරාපත්ති, පච්ඡාහත්තං න සා සියා.

පච්ඡාහත්තඤ්ච ගමිකො, පුබ්බගෙහං යදි ගච්ඡෙ;  
එකෙ ආපත්තියෙවාති, අනාපත්තීති එකච්චෙ.

කුලන්තරස්සොක්කමනෙ, ආපත්තිමතයො භි තෙ;

සමානහත්තපච්චාසා, ඉති ආහු ඉධාපරෙ.

මතා ගණිකහත්තෙන, සමෙන්ති නං නිමන්තනෙ;  
විස්සජ්ජනං සමානන්ති, එකෙ සම්මුඛතාපරෙ.

සන්නිට්ඨානත්ථිකෙහෙව, විචාරෙතබ්බහෙදතො;  
විඤ්ඤා චාරිත්තම්චිචෙව, සික්ඛාපදමිදං විදු. (චජිර. ටී. පාවිත්තිය 294);

චාරිත්තසික්ඛාපදවණ්ණනා නිට්ඨිතා.

### 7. මහානාමසික්ඛාපදවණ්ණනා

පණීතභොජනසික්ඛාපදෙ ‘‘මහානාමසික්ඛාපදෙන කාරෙතබ්බො’’ති (කඩ්බා. අට්ඨ. පණීතභොජනසික්ඛාපදවණ්ණනා) යං චුත්තං, තස්සත්ථො සඬ්ඝවසෙන පචාරිතෙ හෙසජ්ජත්ථාය සප්පිආදිහෙසජ්ජපඤ්චකං විඤ්ඤාපෙති වෙ, ‘‘නහෙසජ්ජෙන කරණියෙන හෙසජ්ජං විඤ්ඤාපෙති’’ති (පාවි. 309) වචනෙන පාවිත්තියන්ති (චජිර. ටී. පාවිත්තිය 310) ලිඛිතං. ‘‘තයා ඉමිනාව පචාරිතම්භා, අම්භාකඤ්ච ඉමිනා ව ඉමිනා ව අත්ථො’’ති යථාභූතං ආචික්ඛිත්වා විඤ්ඤාපෙතුං ගිලානොව ලහති, න ඉතරොති ව, ‘‘අඤ්ඤස්ස අත්ථායා’’ති අස්ස ඤාතකප්පචාරිතෙ, අත්තනො වා ඤාතකප්පචාරිතෙති අත්ථොති ව, ‘‘අපරියන්තප්පචාරණාය පචාරිතෙ’’ති සඬ්ඝවසෙන, පුග්ගලවසෙන ව පචාරෙත්වා දායකා. තස්මා ‘‘සඬ්ඝප්පචාරණතා’’ති වත්වා ‘‘පුග්ගලප්පචාරණතා’’ති න චුත්තන්ති ව, ‘‘පරියන්තාතික්කමො’’ති වචනෙන ගිලානො ගහිතො, තස්මා ‘‘ගිලානාගිලානතා’’ති න චුත්තං. එවං සන්තෙපි ‘‘සඬ්ඝප්පචාරණාය පචාරණතා’’ති පාඨොති ව ලිඛිතං, වීමංසිතබ්බං.

මහානාමසික්ඛාපදවණ්ණනා නිට්ඨිතා.

### 8. උය්‍යුත්තසෙනාසික්ඛාපදවණ්ණනා

හත්ථිආදීසු එකමෙකන්ති අත්තමසො එකපුරිසාරුල්ලහහත්ථිමපි, එකං සරහත්ථං පුරිසමපි. සමුට්ඨානාදීති එළකලොමසදිසානි, ඉදං පන ලොකවජ්ජං, අකුසලචිත්තං තිවෙදන’’න්ති පාඨො.

උය්‍යුත්තසෙනාසික්ඛාපදවණ්ණනා නිට්ඨිතා.

### 9. සෙනාවාසසික්ඛාපදවණ්ණනා

කෙනච්ච පලිබුද්ධස්සාති වෙරිකෙන වා ඉස්සරෙන වා කෙනච්ච රුද්ධස්ස. සෙනාපරික්ඛෙපෙන වා පරික්ඛෙපාරහට්ඨානෙන වා සඤ්චරණට්ඨානපරියන්තෙන වා පරිච්ඡින්නදිතබ්බො.

සෙනාවාසසික්ඛාපදවණ්ණනා නිට්ඨිතා.

අවෙලකවග්ගො පඤ්චමො.

## 6. සුරාපානවග්ගො

### 1. සුරාපානසික්ඛාපදවණ්ණනා

“සුරා”ති වා “න වට්ඨති”ති වා ජානිත්වා පිවනෙ අකුසලමෙවාති ලිබ්බං. අකුසලචිත්තන්ති යෙහුයොන තං සන්ධාය කිර වුත්තං. අථ කස්මා විනයට්ඨකථායං “අකුසලෙනෙව පාතබ්බතායා”ති (පාවි. අට්ඨ. 329) වුත්තන්ති වෙ? සවිත්තකපක්ඛෙ අකුසලෙනෙව පාතබ්බතායාති.

සුරාපානසික්ඛාපදවණ්ණනා නිට්ඨිතා.

### 2. අඛගුලිපතොදකසික්ඛාපදවණ්ණනා

කායසංසග්ගසඛිසාදිසෙසාපත්තිභාවෙ සමානෙපි භික්ඛුනියාපි අනුපසම්පන්නෙපි දුක්ඛං, උපසම්පන්නෙ එව පාවිත්තියන්ති එවං පුග්ගලාපෙක්ඛං දස්සෙතුං “අඛගුලිපතොදකෙ පාවිත්තිය”න්ති වුත්තං. සති කරණීයෙති එත්ථ පුරිසං සති කරණීයෙ ආමසතොති අධිජ්ජායො, න ඉත්ථිං.

අඛගුලිපතොදකසික්ඛාපදවණ්ණනා නිට්ඨිතා.

### 3. භසධම්මසික්ඛාපදවණ්ණනා

“වික්ඛල්ලං වා”ති වචනතො සක්ඛරම්පි බ්වනකිලාය කිලතො දුක්ඛංමෙව. උපරිගොජ්ඣකෙ පාවිත්තියං, අඤ්ඤත්ථ දුක්ඛංන්ති පාවිත්තියවත්ථුඅත්ථවසෙන “උදකෙ භසධම්මෙ පාවිත්තිය”න්ති වුත්තං.

ඉදං සඤ්ඤාවිමොක්ඛං වෙ, තිකපාවිත්තියං කථං;  
කිලිතංව අකිලාති, මිච්ඡාගාහෙන තං සියා.

එත්තාවතා කථං කිලා, ඉති කිලායං එවායං;  
අකිලාසඤ්ඤි හොතෙත්ථ, විනයත්ථං සමාදයෙ.

එකන්තාකුසලො යස්මා, කිලායාභිරතමනො;  
තස්මා අකුසලං විත්තං, එකමෙවෙත්ථ ලබ්භතීති. (වජිර. ටී. පාවිත්තිය 336);

භසධම්මසික්ඛාපදවණ්ණනා නිට්ඨිතා.



#### 4. අනාදරියසික්ඛාපදවණ්ණනා

තස්ස වචනන්ති “අයං උක්ඛිත්තකො වා වම්භිතො වා ගරභිතො වා ඉමස්ස වචනං අකතං භවිස්සති”ති අනාදරියං කරොති. ධම්මන්ති කථායං ධම්මො නස්සෙය්‍යා වා විනස්සෙය්‍යා වා අන්තරධායෙය්‍යා වා, තං වා අසික්ඛිතකාමො අනාදරියං කරොති. “ලොකවජ්ජං අතික්කම්ත්වා ‘ඉදං අම්භාකං ආවරියුග්ගහො’ති වදන්තස්ස න වට්ටති”ති (වජිර. ටී. පාවිත්තිය 344) ලිඛිතං.

අනාදරියසික්ඛාපදවණ්ණනා නිට්ඨිතා.

#### 6. ජොතිසික්ඛාපදවණ්ණනා

“විසිඛින්නාපෙක්ඛො”ති චුත්තත්තා අඤ්ඤස්ස වට්ටති, අඤ්ඤෙසඤ්ච.

ජොතිනෙකමනෙතෙ වා, ජාලෙන්ති මුනෙයො සහ;  
එකො සොපෙති නානෙතො, අධිජ්ජායවිසෙසතො.

ජොතිසික්ඛාපදවණ්ණනා නිට්ඨිතා.

#### 8. දුබ්බණ්ණකරණසික්ඛාපදවණ්ණනා

මොරක්ඛිමණ්ඩලමඩ්දලපිට්ඨිනන්ති න එකන්තතො, අධිකං, ඔරඤ්චාති වදන්ති. එකකොණෙපි වට්ටති, එවං යත්ථ කත්ථවි එකබ්න්දුපි වට්ටතිති.

දුබ්බණ්ණකරණසික්ඛාපදවණ්ණනා නිට්ඨිතා.

#### 9. විකජ්ජනසික්ඛාපදවණ්ණනා

“සමුට්ඨානාදීනි පයමකථිතසදිසානි, ඉදං පන කිරියාකිරිය”න්ති පාඨො. එත්ථ පරිභොගෙන කායකම්මං. අපච්චුද්ධරණෙන වච්ඡිකම්මං.

විකජ්ජනසික්ඛාපදවණ්ණනා නිට්ඨිතා.

#### 10. අපනිධානසික්ඛාපදවණ්ණනා

සසුචිකෙ සුචිසරෙ සුචිගණනාය ආපත්තියොති පොරාණා.

අපනිධානසික්ඛාපදවණ්ණනා නිට්ඨිතා.

සුරාපානවග්ගො ඡට්ඨො.

## 7. සප්පාණකවග්ගො

### 1. සඤ්චිච්චසික්ඛාපදවණ්ණනා

චත්ථුගණනාය කම්මබන්ධගණනාවෙනනාමාරණානං, න කම්මබන්ධගණනාය වෙනනාමාරණා. එත්ථ එකවෙනනාය බහුපාණකා මරන්තීති අයං විභාගො වෙදිතබ්බො.

සඤ්චිච්චසික්ඛාපදවණ්ණනා නිට්ඨිතා.

### 2. සප්පාණකසික්ඛාපදවණ්ණනා

සප්පාණකන්ති පාණකානං මරණවසෙන පාවිත්තියං, න සප්පාණකඋදකපරිභොගවසෙන පාවිත්තියං, තස්මා එව “පණ්ණත්තිවජ්ජ”න්ති වුත්තං. අසුද්ධචිත්තත්තා පාවිත්තියං, සුද්ධචිත්තෙ අනාපත්ති. පදිපුජ්ජලනො විය පණ්ණත්තිවජ්ජනා වුත්තාති ලිබ්බං.

ජලෙ පක්ඛිපනං පුබ්බං, ජලජ්ජවෙසනං ඉදං;  
එවං උභින්නං නානාත්තං, ඤෙය්‍යං ඤාණවතා සදාති. (වජිර. ටී.  
පාවිත්තිය 387)

සප්පාණකසික්ඛාපදවණ්ණනා නිට්ඨිතා.

### 5. උභනවිසතිවස්සසික්ඛාපදවණ්ණනා

අඤ්ඤං උපසම්පාදෙතීති –

උපජ්ඣායො සවෙ සාමං, කම්මවාචඤ්ච සාවෙති;  
කම්මං රුහති ඉච්චෙකෙ, නෙති විනයකොච්ඡො.

දුක්කටං විහිතං යස්මා, ආචරියස්ස ගණස්ස ව;  
තස්මා භින්නාව ආචරිය-උපජ්ඣායා විසුං ඉධාති.

උභනවිසතිවස්සසික්ඛාපදවණ්ණනා නිට්ඨිතා.

### 7. සංවිධානසික්ඛාපදවණ්ණනා

ඉධ එකතොඋපසම්පන්නා, සික්ඛමානා, සාමණෙරීති ඉමා තිස්සොපි සඬිගහං ගච්ඡන්ති, ඉමාසං පන තිස්සන්තං සමයො රක්ඛති, අයමිමාසං, මාතුගාමස්ස ව විසෙසොති වෙදිතබ්බං.

සංවිධානසික්ඛාපදවණ්ණනා නිට්ඨිතා.

## 9. උක්ඛිත්තසම්භොගසික්ඛාපදවණ්ණනා

“තං දිට්ඨිං අප්පට්ඨිස්සට්ඨෙතාති ලද්ධිනානාසංවාසකං සන්ධායා”ති ලිඛිතං. තිච්ඡත්තන්ති එත්ථ විපාකාබ්‍යාකතචිත්තෙන සහසෙය්‍යං කප්පෙය්‍යාති එවමත්ථො දට්ඨබ්බො. අඤ්ඤා සචිත්තකත්තා සික්ඛාපදස්ස කිරියාබ්‍යාකතං සන්ධාය න යුජ්ජති.

උක්ඛිත්තසම්භොගසික්ඛාපදවණ්ණනා නිට්ඨිතා.

## 10. කණ්ටකසික්ඛාපදවණ්ණනා

“අයං සමණුද්දෙසො පාරාජිකො හොති. සචෙ තං දිට්ඨිං පට්ඨිස්සජ්ජති, සඬ්ඝස්ස ආරොචෙත්වා සඬ්ඝානුමතියා පබ්බාපෙතබ්බො”ති පොරාණගණ්ඨිපදෙ චුත්තං, තං න යුත්තං. දණ්ඩකම්මනාසනා හි ඉධාධිජ්ජෙතා. යදි සො පාරාජිකො හොති, ලිඬිගනාසනා නාම සියා. “තෙ පට්ඨෙවතො නාලං අන්තරායායා”ති ච දිට්ඨි සත්ථරි අසත්ථාදිදිට්ඨි න හොති. සචෙ සා යස්ස උප්පජ්ජති, සො පාරාජිකො හොති, තස්මිම්පි එවමෙව පට්ඨෙවතබ්බං, සංවරෙ අතිට්ඨන්තො ලිඬිගනාසනාය නාසෙතබ්බොති (චරි. ටී. පාවිත්තිය 428) ආචරියස්ස තක්කො.

කණ්ටකසික්ඛාපදවණ්ණනා නිට්ඨිතා.

සප්පාණකචග්ගො සත්තමො.

## 8. සහධම්මිකචග්ගො

### 4. පහාරසික්ඛාපදවණ්ණනා

අඬිගෙසු න මොක්ඛාධිජ්ජායතා විය අමරණාධිජ්ජායතා චත්තබ්බාති චෙ? න චත්තබ්බා. කස්මා? යො හික්ඛු සයං පහාරං දාතුකාමො, සො අධිජ්ජායෙන තස්ස මරණෙ පයොගවිරහොවාති කත්වා අමරණාධිකාරත්තා කෙවලං අමරණාධිජ්ජායො එව සොති තා විය තා න චුත්තා. මොක්ඛාධිජ්ජායස්ස පන කොපො නත්ථී, තස්මා අනාපත්තීති චුත්තං.

පහාරසික්ඛාපදවණ්ණනා නිට්ඨිතා.

### 5. තලසත්තිකසික්ඛාපදවණ්ණනා

තලමෙව තලසත්තිකං. “පොඨනසමත්ථට්ඨෙත සත්තික”න්ති එකෙ. යස්මා පහරිතුකාමතාය පහරතො පුරිමෙන පාවිත්තියං, කෙවලං උච්චාරෙතුකාමතාය උග්ගිරණමත්තෙ කතෙ ඉමිනා පාවිත්තියං. ඉමිනා පන විරජ්ඣිත්වා පහාරො දින්නො, තස්මා නපහරිතුකාමතාය දින්නත්තා දුක්කටං. කිමිදං දුක්කටං පහාරපච්චයා, උදාහු උග්ගිරණපච්චයාති? පහාරපච්චයා එව දුක්කටං, පුරිමං උග්ගිරණපච්චයා පාවිත්තියන්ති සදුක්කටං පාවිත්තියං යුජ්ජති. පුරිමඤ්ඤි උග්ගිරණං, පච්ඡා පහාරො. න ච

පච්ඡිමං පහාරං නිස්සාය පුරිමං උග්ගිරණං අනාපත්තිවත්ථුකං භවිතුමරහතීති නො තක්කොති (වජිර. ටී. පාවිත්තිය 456) ආවරියො.

තලසත්තිකසික්ඛාපදවණ්ණනා නිට්ඨිතා.

### 7. සඤ්චිච්චසික්ඛාපදවණ්ණනා

පරො කුක්කුච්චං උප්පාදෙතු වා, මා වා, තං අප්පමාණං. “කුක්කුච්චුපාදන”න්ති තතියමඬිගං තස්ස අධිප්පායවසෙන වුත්තන්ති වෙදිතබ්බං.

සඤ්චිච්චසික්ඛාපදවණ්ණනා නිට්ඨිතා.

### 8. උපස්සුතිසික්ඛාපදවණ්ණනා

උපස්සුතින්ති යථා උපකුජ්ඣං “සමීපකුජ්ඣ”න්ති වුච්චති, තථා උපස්සුති “සමීපස්සුති”ති වෙදිතබ්බං. යත්ථ යිතො සුභාති, තං යානන්ති අත්ථො. සුතීති පනෙත්ථ පරෙසං වචනසද්දො ව. සො හි සුයාතීති සුති නාම. උපසුයාති වා එත්ථාති උපස්සුති. ඔකාසො හි සුති නාම. ඉමෙසං සුත්ථාති එත්ථ “වචන”න්ති පාඨසෙසො.

සමුට්ඨානාදීනි අතීතද්වයසදිසානීනි න ගහෙතබ්බානි. ටෙය්‍යසත්ථසමුට්ඨානං. සියා කිරියං ගන්ත්වා සවනෙ. සියා අකිරියං යිතට්ඨානං ආගන්ත්වා වදන්තානං අජානාපනවසෙන සමුට්ඨානතො. “සඤ්ඤාවිමොක්ඛං, සචිත්තකං, ලොකවජ්ජං, කායකම්මං, වචිකම්මං, අකුසලචිත්තං, දුක්ඛවෙදන”න්ති ලිඛිතං.

උපස්සුතිසික්ඛාපදවණ්ණනා නිට්ඨිතා.

### 9. කම්මජ්ජපට්ඨානසික්ඛාපදවණ්ණනා

අප්පමත්තකච්ඡස්සජ්ජනකෙන පන වීචරං කරොන්තස්ස සෙනාසනක්ඛන්ධකවණ්ණනායං (වුළුව. 328) වුත්තජ්ජපහෙදානි සුච්ඡාදීනි අනපලොකෙත්වාපි දාතබ්බානි. තතො අතිරෙකං දෙන්තෙන අපලොකනකම්මං කාතබ්බං. එවං කතං පන අපලොකනං කම්මලක්ඛණමෙවාති අධිප්පායො. එවං සබ්බත්ථ කම්මලක්ඛණං වෙදිතබ්බං. ගාමසීමාවිහාරෙසු ඔසාරණාදීනි සඬ්ඝකම්මානියෙව න වට්ටන්ති. විස්සජ්ජියවෙහඬිගියානි පන වට්ටන්ති. “සඬ්ඝස්ස සන්තක”න්ති සාමඤ්ඤතො අවත්වා “ඉමස්මිං විහාරෙ සඬ්ඝස්ස සන්තක”න්ති අපලොකෙතබ්බන්ති ව, “සමුට්ඨානාදීනි අදින්නාදානසදිසානි, ඉදං පන දුක්ඛවෙදන”න්ති පාඨොති ව ලිඛිතං.

කම්මජ්ජපට්ඨානසික්ඛාපදවණ්ණනා නිට්ඨිතා.



### 10. ඡන්දංඅදන්වාගමනසික්ඛාපදවණ්ණනා

සන්තිපාතං අනාගන්ත්වා වෙ ඡන්දං න දෙනි, අනාපත්තීති එකෙ. දුක්කටන්ති එකෙ ධම්මකම්මන්තරායකරණාධිප්පායත්තා.

ඡන්දංඅදන්වාගමනසික්ඛාපදවණ්ණනා නිට්ඨිතා.

### 11. දුබ්බලසික්ඛාපදවණ්ණනා

අකප්පියෙන වාති සුවණ්ණරජතමයමඤ්චාදිනා. කප්පියමඤ්චො සම්පට්ච්ඡිතබ්බොති “සඬ්ඝස්ස දෙමා”ති දින්නං සන්ධාය වුත්තං, තෙනි පන “විහාරස්ස දෙමා”ති වුත්තෙ සුවණ්ණරජතමයාදිඅකප්පියමඤ්චාපි සම්පට්ච්ඡිතබ්බොති ව, “අරඤ්ජරො බහුඋදකගණ්හනකො”ති ව, “සඬ්ඝිකපඅභොගෙන වාති සවෙ ආරාමිකාදයො පටිසාමෙත්වා පටිදෙන්ති, පරිභුඤ්ජිතුං වට්ටති”ති ව, “කංසලොභාදිභාජනං සඬ්ඝස්ස දින්නම්පි පාරිභාරියං න වට්ටති”ති (වුළුව. අට්ඨ. 321) සමන්තපාසාදිකායං වුත්තත්තා අත්තනො හත්ථෙන ගහෙන්වා පටිසාමිතුං න ලහතිති ව, “වෙධකො කායබන්ධනස්සාති වදන්ති”ති ව, “භිඬ්ගු භිඬ්ගුලිහරිතාලමනොසිලා අඤ්ජනානී”ති පාඨොති ව, “දාරුමයො වා...පෙ.... අපාදකොපි සමුග්ගො”ති පාඨොති ව, “දාරුමයො තුම්බොති දාරුමයො උදකතුම්බො”ති ව, “ථම්හතුලාසොපානඵලකාදීසු”ති ව ලිඛිතං.

දුබ්බලසික්ඛාපදවණ්ණනා නිට්ඨිතා.

### 12. පරිණාමනසික්ඛාපදවණ්ණනා

එකො භික්ඛු උක්ඛිත්තකස්ස දාතුකාමො හොති, තස්ස දානං නිවාරෙත්වා අඤ්ඤස්ස දාපෙති, අනාපත්ති. තථා සද්ධාදෙයාවනිපාතනං කරොන්තස්ස දාපෙති, අත්තනො නිස්සිතකා ඉත්ථන්තාමස්ස පත්තං දාතුකාමා ආපුච්ඡන්ති, “විසභාගො එසො, සභාගස්ස දෙහී”ති වදති. අනාපත්ති අත්තනො භාරභුතත්තා. තස්ස පන දාතුකාමං අඤ්ඤස්ස දාපෙති, ආපත්ති එව. සබ්බත්ථ ආපුච්ඡත්වා දාතුකාමං යථාසුඛං විවාරෙතුං ලහති.

පරිණාමනසික්ඛාපදවණ්ණනා නිට්ඨිතා.

සහධම්මිකවග්ගො අට්ඨමො.

## 9. රතනවග්ගො

### 1. අන්තෙපුරසික්ඛාපදවණ්ණනා

අසයනිසරෙති පරික්ඛිත්තස්ස බහිභුතෙසු රුක්ඛමුලාදීසු. “සවෙ බත්තියොව හොති, නාහිසිත්තො, අහිසිත්තොව හොති, න බත්තියො, රක්ඛතී”ති ආවරියො “බත්තියතා, අහිසිත්තතා”ති ආපත්තියා අඬ්ගහාවෙන

වුත්තත්තා. සමුට්ඨානාදීනි පයමකථිනසදිසානි, ඉදං පන කිරියාකිරිය”න්ති පාඨො.

අන්තෙපුරසික්ඛාපදවණ්ණනා නිට්ඨිතා.

## 2. රතනසික්ඛාපදවණ්ණනා

සබ්බොපි කථාමග්ගො භණ්ඩාගාරිකසීසෙන නික්ඛිපනං, ගොපනඤ්ච පටික්ඛිපිත්වා පවත්තො.

රතනසික්ඛාපදවණ්ණනා නිට්ඨිතා.

## 3. විකාලගාමජ්ජවෙසනසික්ඛාපදවණ්ණනා

“සන්තං භික්ඛු”න්ති ච “අනාපුච්ඡා”ති ච “තථාරූපා අව්වාසිකාති ච ඉමාති එත්ථ තිස්සො”ති පාඨො. “සමුට්ඨානාදීනි කථිනසදිසානි, ඉදං පන කිරියාකිරිය”න්ති පාඨො.

විකාලගාමජ්ජවෙසනසික්ඛාපදවණ්ණනා නිට්ඨිතා.

## 4. සුවිසරසික්ඛාපදවණ්ණනා

තං අස්සාති තං හෙදනකං අස්ස පාවිත්තියස්ස අත්ථි පයමං හෙදනං කත්වා පච්ඡා දෙසෙතඛ්ඛත්තා. එස නයො ඉතරෙසුපි. වාසිජට්ඨි වාසිදණ්ඩකෙ.

සුවිසරසික්ඛාපදවණ්ණනා නිට්ඨිතා.

## 5. මඤ්චපීඨසික්ඛාපදවණ්ණනා

අට්ඨකිගුලපාදකන්ති භාවනපුංසකං. තුලාසඬ්ඝාතෙ යපනමෙව අට්ටකරණං.

මඤ්චපීඨසික්ඛාපදවණ්ණනා නිට්ඨිතා.

## 6. තුලොනද්ධසික්ඛාපදවණ්ණනා

කිඤ්චාපි පටිලාභෙයෙව පාවිත්තියං විය දිස්සති, පරිභොගෙ එව පන ආපත්ති දට්ඨබ්බා. “අඤ්ඤෙන කතං පටිලභිත්වා පරිභුඤ්ජති, ආපත්ති දුක්ඛට්ඨසා”ති (පාවි. 529) වචනං එත්ථ සාධකං.

තුලොනද්ධසික්ඛාපදවණ්ණනා නිට්ඨිතා.

## 7. නිසීදනසික්ඛාපදවණ්ණනා

කිඤ්චාපි නිසීදනස්ස ඡාති න දිස්සති එත්ථ, තථාපි වීචරක්ඛන්ධකෙ අනුඤ්ඤාතත්තා, “නව වීචරානි අධිට්ඨාතඛ්ඛානී”ති එත්ථ ච

කඩ්බාවිතරණපුරාණ-ටිකා

පාවිත්තියකණ්ඩං

පරියාපන්නත්තා විවරජාති එවස්ස ජාතීති වෙදිතබ්බං. “ලාභෙ සදසං,  
අලාභෙ අදසම්පි වට්ඨතී”ති එකෙ, තං න යුත්තං “නිසීදනං නාම සදසං  
ච්චිවතී”ති (පාවි. 531-532) තස්ස සණ්ඨානනියමනතො.

නිසීදනසික්ඛාපදවණ්ණනා නිට්ඨිතා.

රතනවග්ගො නවමො.

සුද්ධපාවිත්තියවණ්ණනා නිට්ඨිතා.

## පාට්ඨෙසනීයකණ්ඩං

### 1. පයමපාට්ඨෙසනීයසික්ඛාපදවණ්ණනා

යාමකාලිකාදීසු ආහාරත්ථාය එව දුක්කටං. තම්පි ආමිසෙන අසම්භින්නරසෙ, සම්භින්නෙ පන ඵකරසෙ පාට්ඨෙසනීයමෙව.

පයමපාට්ඨෙසනීයසික්ඛාපදවණ්ණනා නිට්ඨිතා.

### 2. දුතියපාට්ඨෙසනීයසික්ඛාපදවණ්ණනා

“සමුට්ඨානාදීනි කථිතසදිසානි, ඉදං පන කිරියාකිරිය”න්ති පාඨො.

දුතියපාට්ඨෙසනීයසික්ඛාපදවණ්ණනා නිට්ඨිතා.

### 4. චතුත්ථපාට්ඨෙසනීයසික්ඛාපදවණ්ණනා

ආරාමෙ වා ආරාමුපවාරෙ වා පටිග්ගහෙත්වා අජ්ඣොහරන්තස්සානි ආරාමෙ වා ආරාමුපවාරෙ වා පටිග්ගහෙත්වා ආරාමෙ වා ආරාමුපවාරෙ වා අජ්ඣොහරන්තස්සානි අත්ථො.

බහාරාමෙ පටිග්ගහිතං අජ්ඣාරාමෙ භුඤ්ජන්තස්ස අනාපත්ති. අඬිගෙසු ව “අජ්ඣාරාමෙ වා ආරාමුපවාරෙ වා පටිග්ගහණ”න්ති ගහෙතබ්බං. අජ්ඣාරාමෙ හි දස්සිතෙ ආරාමුපවාරං දස්සිතමෙවාති. “සමුට්ඨානාදීනි කථිතසදිසානි, ඉදං පන කිරියාකිරිය”න්ති පාඨො.

චතුත්ථපාට්ඨෙසනීයසික්ඛාපදවණ්ණනා නිට්ඨිතා.

පාට්ඨෙසනීයවණ්ණනා නිට්ඨිතා.



### සෙබියකණ්ඩං

සෙබියෙසු සතිපි විතික්කමෙ අනාදරියාපෙක්ඛස්සෙව ආපත්තීති දස්සනත්ථං කාරකො න වුත්තො. අයඤ්භි විනයධම්මතා, යදිදං සාපෙක්ඛෙ කාරකනිද්දෙසො, සො වුත්තනියමෙ විධි, භූමිමකරණඤ්ච. අට්ඨභිගුලාධිකම්පි ඔතාරෙත්වා නිවාසෙනුං වට්ටති. තතො පරං ඔතාරෙත්තස්ස දුක්ඛටත්ති මහාඅට්ඨකථායං වුත්තං. ආරාමෙ වාති බුද්ධුපටියානාදිකාලෙ. පාරුපිතබ්බන්ති උත්තරාසඨගකිච්චවසෙන වුත්තං.

යත්වාති එත්ථ ගච්ඡන්තොපි පරිස්සයාභාවං ඔලොකෙනුං ලහතියෙවාති (වජිර. ටී. පාවිත්තිය 582) ලිඛිතං. යථා වාසුපගතස්ස අන්තරසරෙ කායං විවරිත්වා නිසිදිතුං වට්ටති, තථා තස්ස සන්තිකෙ ගන්තුකාමස්සපි කායබන්ධනං අබන්ධිත්වා සඬ්ඝාටිං අපාරුපිත්වා ගාමජ්ජවෙසනමනාරොචෙත්වා යථාකාමං ගන්තුං වට්ටති. තස්මා අද්ධානමග්ගගමනකාලෙ එකො හික්ඛු ගාමජ්ජවෙසනවත්තං පුරෙත්වා ගාමං පවිසිත්වා එකං ආවසථං පුරතොව ධීතං පත්වා පරික්ඛාරං යපෙත්වා වාසුපගතො වෙ භොති, ඉතරෙහි තස්ස සන්තිකං යථාසුඛං ගන්තුං වට්ටති. කො පන වාදො චතුහපඤ්චාහං වාසමධිට්ඨාය වසිතහික්ඛුතං සන්තිකං ගන්තුඤ්ච වාසුපගතානං සන්තිකං ගන්තුඤ්ච වට්ටතීති. බුද්ධපුප්ඵපි යථාසුඛං ගන්තුං වට්ටති. වුත්තම්පි වෙනං අට්ඨකථායං “අනාපත්ති කාරණං පටිච්ච තහං තහං ඔලොකෙති”ති. තත්ථ කාරණං නාම ආමිසපුප්ඵාති වෙදිතබ්බාති ලිඛිතං.

ජබ්බිසතිසාරුජ්ජවණ්ණනා නිට්ඨිතා.

යස්මා “සමතිත්තිකො පිණ්ඩපාතො පටිග්ගහෙතබ්බො”ති (පාවි. 602-603) වචනං පිණ්ඩපාතො සමපුණ්ණො පටිග්ගහෙතබ්බොති දීපෙති, තස්මා අත්තතො හත්ථගතෙ පත්තෙ පිණ්ඩපාතො දියාමානො චූෂිකතොපි වෙ භොති, වට්ටතීති දීපිතො භොති. සුපොදනවිඤ්ඤත්තියං මුඛෙ පක්ඛිපිත්වා විජ්ජට්ඨාසාරෙ උජ්ජන්තෙ පුන උග්ගිරිතුකාමස්සාපි සහසා වෙ පවිසති, එත්ථ අසඤ්චිච්ච භුඤ්ජති නාම. විඤ්ඤත්තිකතඤ්ච අකතඤ්ච එකස්මිං යානෙ ධීතං සහසා අනුපධාරෙත්වා ගහෙත්වා භුඤ්ජති, අස්සතියා භුඤ්ජති නාම.

සයං යානගතො හුත්වා, යථා යානගතස්ස වෙ;

අලං වත්ථුං තථා නාලං, සජත්තො ජත්තපාණිතො.

“සුපොදනවිඤ්ඤත්තිසික්ඛාපදං ථෙය්‍යසත්ථසමුට්ඨානං, කිරියං, සඤ්ඤාවීමොක්ඛං, සචිත්තකං, ලොකවජ්ජං, කායකම්මං, වචිකම්මං, අකුසලචිත්තං, දුක්ඛවෙදන”න්ති පාඨො.

සෙබියවණ්ණනා නිට්ඨිතා.

හික්ඛුපාතිමොක්ඛවණ්ණනා නිට්ඨිතා.

නමො තස්ස භගවතො අරහතො සම්මාසම්බුද්ධස්ස

## භික්ඛුනිපාතිමොක්ඛවණ්ණනා

### පාරාජිකකණ්ඩං

අභිලාපමත්තමෙවාති එත්ථ දහරවසෙන “භත්තෙ”ති ව වුඬ්ඨවසෙන “ආවුසො”ති ව තත්ථ දුට්ඨො අභිලාපො, ඉධ පන වුඬ්ඨදහරානං “අය්‍යා”ති එකමෙව.

කායසංසග්ගෙ චුත්තනයෙනාති එත්ථ තබ්බහුලනයෙන කිරියසමුට්ඨානතා චුත්තා. “කායසංසග්ගං සමාපජ්ජෙය්‍යා”ති අවත්වා පන “සාදියෙය්‍යා”ති චුත්තත්තා අකිරියතොපි සමුට්ඨාතීති වෙදිතබ්බං. යථා චෙත්ථ, එවං හෙට්ඨා “මනුස්සිත්ථියා තයො මග්ගෙ මෙථුනං ධම්මං පටිසෙවන්තස්ස ආපත්ති පාරාජිකස්සා”තිආදිනා (පාරා. 56) නයෙන කිරියසමුට්ඨානතං වත්වා තදනන්තරං “භික්ඛුපච්චත්ථිකා මනුස්සිත්ථිං භික්ඛුස්ස සන්තිකං ආනෙත්වා වච්චමග්ගෙන අභිගජානං අභිනිසිදෙන්ති, සො චෙ පචෙසනං සාදියති”තිආදිනා (පාරා. 58) නයෙන අකිරියසමුට්ඨානස්සපි චුත්තත්තා පයමපාරාජිකායපි තබ්බහුලනයෙනෙව කිරියසමුට්ඨානතා වෙදිතබ්බා. න හි පචෙසනසාදියනාදිමිහි කිරියසමුට්ඨානතා දිස්සති.

අභිගජානවලනඤ්චෙත්ථ න සාරතො දට්ඨබ්බං “සො චෙ පචෙසනං න සාදියති, පච්චියං න සාදියති, ධීතං න සාදියති, උද්ධරණං සාදියති, ආපත්ති පාරාජිකස්සා”ති (පාරා. 58) එත්ථ ධීතනසාදියනෙ පකතියාපි පරිපුණ්ණවලනත්තා. සාදියනපච්චියා පටිසෙවනවලනඤ්චෙත්ථ න දිස්සතෙවාති තබ්බහුලනයෙනෙව කිරියසමුට්ඨානතා ගහෙතබ්බා.

අපිව භික්ඛුනියාපි පයමපාරාජිකෙ තස්ස සාදියනස්ස සරූපෙන චුත්තත්තා තදනුරූපවසෙන විභඩ්ගනයමනොලොකෙත්වා “කිරියසමුට්ඨාන”මිච්චෙව චුත්තං. යථා චෙනෙසු තබ්බහුලනයෙන කිරියසමුට්ඨානතා චුත්තා, තථා සුරාදීනං අකුසලෙනෙව පාතබ්බතා. ඉතරථා “යං අකුසලෙනෙව ආපජ්ජති, අයං ලොකචජ්ජා, සෙසා පණ්ණත්තිවජ්ජා”ති චුත්තෙ ලොකචජ්ජපණ්ණත්තිවජ්ජානං නියමලක්ඛණසිද්ධි හොති, තථා තං අවත්වා “යස්සා සචිත්තකපක්ඛෙ චිත්තං අකුසලමෙව හොති, අයං ලොකචජ්ජා, සෙසා පණ්ණත්තිවජ්ජා”ති (කඩබා. අට්ඨ. පයමපාරාජිකවණ්ණනා) චුත්තෙ ලොකචජ්ජචනං නිරත්ථකං සියා වත්ථුඅජානනපක්ඛෙපි අකුසලෙනෙව පාතබ්බත්තා. යස්මා තත්ථ සුරාපානවිතික්කමස්ස අකුසලචිත්තූප්පාදො නත්ථි, තස්මා බන්ධකට්ඨකථායං “මජ්ජිමනිකායෙ පන භික්ඛුනො අජානිත්වාපි බීජතො පට්ඨාය මජ්ජං පිචන්තස්ස පාචිත්තියං. සාමණෙරො ජානිත්වාපි පිචන්තො

සීලහෙදං ආපජ්ජති, න අජානිත්වා”ති (මහාව. අට්ඨ. 108) වුත්තං, න වුත්තං “වත්ථුඅජානනපක්ඛෙ පාණාතිපාතාදීනං සිද්ධිකරඅකුසලචිත්තුප්පාදසදිසෙ චිත්තුප්පාදෙ සතිපි සාමණෙරො සීලහෙදං නාපජ්ජති”ති. අභිනිවෙසවචනං පාණාතිපාතාදීහි සමානගතිකත්තා සාමණෙරානං සුරාපානස්ස. “සුරාමෙරයිමෙ”ති වත්ථුං ජානිත්වා පාතබ්බතාදිවසෙන චිතික්කමන්තස්ස අකුසලස්ස අසම්භවො නත්ථි. තෙන වුත්තං “යස්සා සචිත්තකපක්ඛෙ”තිආදි.

කිඤ්චෙත්ථ — යුත්තිවචනෙන අරහන්තානං අප්පට්ඨිසනතො සචිත්තකාචිත්තකපක්ඛෙසු අකුසලනියමොති වෙ? න, ධම්මතාවසෙන සෙක්ඛානම්පි අප්පට්ඨිසනතො. අචිත්තකපක්ඛෙ අකුසලනියමාභාවදස්සනත්ථං සුපන්තස්ස මුඛෙ පක්ඛිත්තජලබිත්ථුම්ච සුරාබිත්ථුආදයො උදාහරිතබ්බා. තබ්බහුලනයෙන හි අත්ථෙ ගහිතෙ පුබ්බෙතාපරං අට්ඨකථාය සමෙති සද්ධිං පාළියා වාති. ආචරියාපි සුරාපානෙ අකුසලනියමාභාවමෙව වදන්ති. එකච්චෙ පන කිරියසමුට්ඨානතා පනස්ස තබ්බහුලනයමෙව, න පයමපාරාජිකෙ. කථං? කායසංසග්ගසික්ඛාපදං පයමපාරාජිකසමුට්ඨානං. එත්ථ භික්ඛුස්ස ච භික්ඛුනියා ච කායසංසග්ගභාවෙ සති භික්ඛුනී කායඛිං අවොපයමානාපි චිත්තෙනෙව අධිවාසෙති, ආපජ්ජති, න එවං භික්ඛු. භික්ඛු පන වොපයමානොව ආපජ්ජති, එවමෙව පයමපාරාජිකෙපි වොපනෙ සති එව ආපජ්ජති, නාසති. පවෙසනං සාදියතීති එත්ථ පවෙසනසාදියනං නාම සෙවනචිත්තුප්පාදනං, මග්ගෙන වා මග්ගජපටිපන්නම්පි ඉච්ඡන්ති. තස්සාපි කායවලනං එකන්තං අත්ථි එව. එවං සන්තෙපි වීමංසිත්වා ගහෙතබ්බන්ති වදන්තීති ලිඛිතං.

පාරාජිකවණ්ණනා නිට්ඨිතා.

## සඬ්ඝාදිසෙසකණ්ඩං.

### 1. උස්සයවාදිකාසික්ඛාපදවණ්ණනා

භික්ඛුනීනං සඬ්ඝාදිසෙසං පත්වා වුට්ඨානවිධයො සන්දස්සනත්ථං “අයං භික්ඛුනී...පෙ.... ආපන්නා”ති පුග්ගලනියමං කත්වා පාරාජිකතො අධිප්පායන්ති “නිස්සාරණියං සඬ්ඝාදිසෙස”න්ති ආපත්තිනාමග්ගහණඤ්ච කතං. “සමුට්ඨානාදීනි පයමකථිතසදිසානි, ඉදං පන කිරියමෙවා”ති පායො.

උස්සයවාදිකාසික්ඛාපදවණ්ණනා නිට්ඨිතා.

### 2. වොරිවුට්ඨාපිකාසික්ඛාපදවණ්ණනා

කත්ථචි අගන්ත්වා නිසින්තට්ඨානෙ එව නිසිදිත්වා කරොන්තියා වාචාචිත්තතො, ඛණ්ඩසීමාදිගතාය කායවාචාචිත්තතො.

වොරිවුට්ඨාපිකාසික්ඛාපදවණ්ණනා නිට්ඨිතා.

### 3. එකගාමන්තරගමනසික්ඛාපදවණ්ණනා

“ආභොගං චිතා”ති වුත්තත්තා ආභොගෙ සති අනාපත්ති, ඉමස්මිං පන සික්ඛාපදෙ සමන්තපාසාදිකායං උපචාරාතික්කමෙ ආපත්ති වුත්තා, ඉධ ඔක්කමෙ. ද්විසුපි වුත්තං අත්ථතො එකමෙව ගාමන්තරගමනසඬ්ඝාදිසෙසං උපචාරස්ස සන්ධාය වුත්තත්තා. ගණමහා ඔභියනස්ස විරොධො. “අරඤ්ඤ”ති ඉදං අත්ථවසෙන වුත්තං, ගාමන්තරෙපි හොති එව.

සික්ඛාපදා බුද්ධවරෙන වණ්ණිකාති ගාථාය වසෙන, අට්ඨකථායමිපි ගාමන්තරපරියාපන්නං නදිපාරන්ති වුත්තං.

එකගාමන්තරගමනසික්ඛාපදවණ්ණනා නිට්ඨිතා.

“ඡාදනපච්චයා පන දුක්කටං ආපජ්ජති”ති ඉදං –

“ආපජ්ජති ගරුකං සාවසෙසං;  
ඡාදෙති අනාදරියං පටිච්ච;  
න භික්ඛුනී නො ව ඵ්ථසෙය්‍යා වජ්ජං;  
පඤ්භාමෙසා කුසලෙහි චිත්තිතා”ති. (පරි. 481) –

ඉමාය විරුජ්ඣති. තස්මා පමාදලොඛා විය දිස්සතීති ගවෙසිතබ්බො එත්ථ අත්ථො. භික්ඛුනං මානත්තකථායං “පරික්ඛිත්තස්ස විහාරස්ස පරික්ඛෙපතො, අපරික්ඛිත්තස්ස පරික්ඛෙපාරහට්ඨානතො ද්වෙ ලෙඬ්චුපාතෙ අතික්කමිත්වා”ති (කඩබා. අට්ඨ. නිගමනවණ්ණනා) වුත්තං, ඉධ පන “ගාමුපචාරතො ව භික්ඛුනං විහාරුපචාරතො ව ද්වෙ ලෙඬ්චුපාතෙ”තිආදි වුත්තං. තත්‍ර භික්ඛුනං වුත්තජ්ජකාරජ්ජදෙසං අතික්කමිත්වා ගාමෙපි තං කම්මං කාතුං වට්ඨති, භික්ඛුනීනං පන ගාමෙ න වට්ඨති. තස්මා එවං වුත්තන්ති එකෙ. අපරෙ පන භික්ඛුනමිපි ගාමෙ න වට්ඨති. භික්ඛුවිහාරො නාම පුබ්බෙ එව ගාමුපචාරං අතික්කමිත්වා යීතො, තස්මා ගාමං අවත්වා විහාරුපචාරමෙව හෙට්ඨා වුත්තං. භික්ඛුනීනං විහාරො ගාමෙ එව වට්ඨති, න බහි, තස්මා ගාමුපචාරඤ්ච විහාරුපචාරඤ්ච උභයමෙවෙත්ථ දස්සිතං. තස්මා උභයත්ථාපි අත්ථතො නානාත්තං නත්ථීති වදන්ති. යං යුජ්ජති, තං ගහෙතබ්බං.

සඬ්ඝාදිසෙසවණ්ණනා නිට්ඨිතා.

### නිස්සග්ගියකණ්ඩං

දුතියෙ ඉධ භාජාපිතාය ලද්ධවීචරං නිස්සග්ගියං හොති, තං විනයකම්මං කත්වාපි අත්තනා න ලබ්භති.



තනියෙ “සමුට්ඨානාදීනි අදින්නාදානසදිසානි, ඉදං පන දුක්ඛවෙදන”න්ති පාඨො.

චතුත්ථෙ පයමං විඤ්ඤත්තං අලභිත්වා අඤ්ඤං තතො උභතතරම්පි ලභෙය්‍ය, නිස්සග්ගියමෙව අභිගසම්පත්තිතො.

නිස්සග්ගියවණ්ණනා නිට්ඨිතා.

## පාවිත්තියකණ්ඩං

### 1. පයමවග්ගවණ්ණනා

පයමෙ හරිතපත්තවණ්ණො හරිතකො. වාපලසුණං අමිඤ්ජකො. අභිකුරමත්තමෙව හි තස්ස හොති. පලණ්ඩුකාදයො සභාවෙනෙව වට්ටන්ති. සුපසම්පාකාදී විනාපි අන්තමයො යාගුහත්තෙපි පක්ඛිපිතුං වට්ටන්ති ලිඛිතං, “හික්බුනියාපි ගිලානාය පුරෙහත්තමෙව ලසුණං කප්පති, න අගිලානායා”ති අභයගිරීනං උග්ගහොති.

දුතියෙ ආබාධපච්චයා හික්බුනිසඬ්ඝං ආපුච්ඡිත්වා සංහරාපෙතුං වට්ටති, හික්බුස්ස එත්ථ ව ලසුණෙ ව දුක්කටං.

සත්තමෙ “සමුට්ඨානාදීනි අද්ධානමග්ගසික්ඛාපදසදිසානි”ති පාඨො.

තවමෙ කුට්ටො නාම සරකුට්ටො. පාකාරො නාම පරික්ඛෙපපාකාරො.

ජඩ්ඛිතබ්බත්තෙති පුරාණබ්බත්තෙ. සඬ්ඝසන්තකෙ හික්බුස්ස ජඩ්ඛෙතුං වට්ටති සඬ්ඝපරියාපන්තත්තා. හික්බුනිනම්පි සඬ්ඝසන්තකෙ හික්බුසඬ්ඝසන්තකෙ චුත්තනයෙනෙව වට්ටති. එවං සන්තෙපි සාරුජ්ජවසෙන කාතබ්බන්ති ලිඛිතං.

දසමෙ “සයං තානි වත්ථුනි කරොන්තියා”තිආදි ඉධ සික්ඛාපදෙ නත්ථී. කස්මා? එළකලොමසමුට්ඨානත්තා. යදි එවං කස්මා චුත්තන්ති චෙ? සුත්තානුලොමමහාපදෙසතො. යදි නච්චාදීනි පස්සිතුං වා සුණිතුං වා න ලහති, පගෙව අත්තනා කාතුන්ති නයතො ලබ්භමානත්තා චුත්තං. ඉතරථා මහාපදෙසා නිරත්ථකා සිද්ධං. “එවං අඤ්ඤත්ථපි නයො තෙනබ්බො. සමුට්ඨානම්පි ඉධ චුත්තමෙව අග්ගහෙත්වා ඡසමුට්ඨානවසෙන ගහෙතබ්බ”න්ති ආචරියා. ඉධ චුත්තං සමුට්ඨානං නාම මූලභූතස්ස අන්තරා චුත්තාපත්තියා, තස්මා එළකලොමසමුට්ඨානමෙවාති අපරෙ. ආරාමෙ යත්වාති න කෙවලං යත්වා, තතො ගන්ත්වා පන සබ්බිරියාපථෙහිපි ලහති. ආරාමෙ ධීතාති පන ආරාමපරියාපන්තාති අත්ථො. ඉතරථා නිසින්නාපි න ලභෙය්‍යාති.

පයමවග්ගවණ්ණනා නිට්ඨිතා.

## 2. දුතියවග්ගවණ්ණනා

පඤ්චමෙ උපවාසො ද්වාදසහත්ථො. “සමුට්ඨානාදීනි කථිතසදිසානි, ඉදං පන කිරියාකිරිය”න්ති පාඨො.

සත්තමෙ ධුවපඤ්ඤත්තෙති භික්ඛුනීනං අත්ථාය. කුලානීති කුලසරානි.

දුතියවග්ගවණ්ණනා නිට්ඨිතා.

## 3. තතියවග්ගවණ්ණනා

චතුත්ථෙ සඬ්ඝාට්ඨාදිවසෙන අධිට්ඨිතානං සඬ්ඝාට්ඨාරං.

පඤ්චමෙ “ඉදං පන කිරියාකිරිය”න්ති පාඨො.

ඡට්ඨෙ අඤ්ඤස්මිං පරික්ඛාසෙ දුක්ඛටන්ති ථාලකාදීනං වා සජ්ජිතෙලාදීනං වා අඤ්ඤතරස්මිං.

තතියවග්ගවණ්ණනා නිට්ඨිතා.

## 4. චතුත්ථවග්ගවණ්ණනා

ඡට්ඨෙ සංසට්ඨවිහාරසික්ඛාපදෙ “සෙසමත්ථ පයමඅරිට්ඨසික්ඛාපදෙ චුත්තචිනිච්ඡයසදිසමෙවා”ති පාඨො.

චතුත්ථවග්ගවණ්ණනා නිට්ඨිතා.

## 5. පඤ්චමවග්ගවණ්ණනා

“චිත්තාගාරං නාම යත්ථ කත්ථවි මනුස්සානං කිලිතුං රමිතුං කතං හොති”තිආදිනා (පාචි. 979) පාළියං චුත්තත්තා චිත්තාගාරාදීනි සබ්බෙසං අත්ථාය කතානි, න රඤ්ඤො එව.

සත්තමෙ එතෙන නිස්සජ්ජිතුං කප්පියං චුත්තං. “නිස්සජ්ජිත්වා පරිභුඤ්ජති”ති (පාචි. 1007) පාළි ව අත්ථි. “සමුට්ඨානාදීනි කථිතසදිසානි, ඉදං පන කිරියාකිරිය”න්ති පාඨො. අට්ඨමෙපි එසොව පාඨො.

පඤ්චමවග්ගවණ්ණනා නිට්ඨිතා.

## 6. ඡට්ඨවග්ගවණ්ණනා

දසමෙ “සමුට්ඨානාදීනි කථිතසදිසානි, ඉදං පන කිරියාකිරිය”න්ති පාඨො.

ජට්ඨවග්ගවණ්ණනා නිට්ඨිතා.

## 8. අට්ඨමවග්ගවණ්ණනා

පට්ඨප්පකියතනියෙසු “ගිහිගතා”ති වා “කුමාරිභූතා”ති වා න වත්තබ්බා. වදන්ති චෙ, කම්මං කුප්පති.

එකාදසමෙ ඡන්දං අවිස්සජ්ජෙත්වාති “යථාසුඛ”න්ති අවත්වා. එත්ථ පන අයං විනිච්ඡයො — “පාරිවාසිකඡන්දදානෙනා”ති ඉදං උද්ධරිත්වා “චුට්ඨිතාය පරිසායා”ති (පාවි. 1168) පදභාජනං වුත්තං. එතස්ස පන සමන්තපාසාදිකායං “චුට්ඨිතාය පරිසායාති ඡන්දං විස්සජ්ජෙත්වා කායෙන වා වාචාය වා ඡන්දවිස්සජ්ජනමත්තෙන වා චුට්ඨිතායා”ති (පාවි. අට්ඨ. 1167) වුත්තං. ඉධ ඡන්දස්ස පන අවිස්සට්ඨත්තා කම්මං කාතුං වට්ටතීති වුත්තං. තස්මා ඡන්දං අවිස්සජ්ජෙත්වා ඒවාදසහත්ථපාසෙ විහරිත්වා පුන සන්නිපාතකරණඤ්ච වට්ටතීති ලිඛිතං.

අට්ඨමවග්ගවණ්ණනා නිට්ඨිතා.

## 9. නවමවග්ගවණ්ණනා

තනියෙ “සෙසං වුත්තනයෙන චෙදිතබ්බං, ඉදං පන අකුසලචිත්ත”න්ති පාඨො.

චතුත්ථෙ වුත්තනයෙනාති තනියෙ වුත්තනයෙන.

එකාදසමෙ “සමුට්ඨානාදීනි කථිනසදිසානි, ඉදං පන කිරියාකිරිය”න්ති පාඨො.

ඒවාදසමෙ “සමුට්ඨානාදීනි පදසොධම්මසදිසානි, ඉදං පන කිරියාකිරිය”න්ති පාඨො.

තෙරසමෙ “සංකච්චිකං නාම අධක්ඛකං උබ්භනාහි, තස්සා පටිච්ඡාදනත්ථායා”ති (පාවි. 1226) පාළියං වුත්තත්තා ඉධාපි “අධක්ඛකඋබ්භනාහිසඬ්ඛාතස්ස සරිරස්ස පටිච්ඡාදනත්ථ”න්ති පාඨො. අපරික්ඛෙපෙ ආපත්තිපරිච්ඡෙදං සමන්තපාසාදිකවසෙන අග්ගහෙත්වා ඉධ වුත්තනයෙන ගහෙතබ්බන්ති ලිඛිතං.

නවමවග්ගවණ්ණනා නිට්ඨිතා.

සුද්ධපාවිත්තියවණ්ණනා නිට්ඨිතා.

## සමුට්ඨානවිනිවිජයවණ්ණනා

සමුට්ඨානානං විනිවිජයෙ පන ගිරග්ගසමජ්ජාදීනි “අවිත්තකානි ලොකවජ්ජානී”ති වුත්තත්තා “නච්ච”න්ති වා “ගන්ධ”න්ති වා අජානිත්වාපි දස්සනෙන, විලිම්පනෙන වා ආපජ්ජනතො වත්ථුඅජානනවිත්තෙන අවිත්තකානි. “නච්ච”න්ති වා “ගන්ධ”න්ති වා ජානිත්වා පස්සන්තියා, විලිම්පන්තියා වා අකුසලත්තා එව ලොකවජ්ජානි. වොරිවුට්ඨාපනාදීනි “වොරී”තිආදීනා වත්ථුං ජානිත්වා කරණෙයෙව ආපජ්ජනත්තා සවිත්තකානි. උපසම්පදාදීනං එකන්තාකුසලවිත්තෙනෙව අකත්තබ්බත්තා පණ්ණත්තිවජ්ජානි. “ඉධ සවිත්තකාවිත්තකා පණ්ණත්තිජානනාජානනාය අග්ගහෙත්වා වත්ථුජානනාජානනාය ගහෙතබ්බ”න්ති ලිඛිතං. අධිජ්ජෙතත්තා සඨබ්බෙපතො දස්සනාභාවා –

අවිත්තකත්තං ද්විධා මතං, වත්ථුපණ්ණත්තිඅඤ්ඤාණා;  
වුත්තං ඤාණං ද්විධා ඉධ, සකනාමෙන අඤ්ඤාතං.

පරනාමඤ්ච ජානනං, වත්ථුස්සෙකං බලක්කාරෙ;  
එකධා සමචාරිකෙ, තස්මිං තජ්ජපට්ඨන්ධොති.

පරනාමෙන ජානනං, ද්විධා මුත්තාදිකෙ එකං;  
එකං ලොමාදිකෙ මතන්ති, අයං හෙදො වෙදිතබ්බො.

සෙසමෙත්ථ උත්තානං, අනුත්තානත්ථෙ වුත්තවිනිවිජයත්තා න  
උද්ධටන්ති;

සමුට්ඨානවිනිවිජයවණ්ණනා නිට්ඨිතා.

භික්ඛුනිපාතිමොක්ඛවණ්ණනා නිට්ඨිතා.

කඩබාවිතරණීපුරාණටිකා නිට්ඨිතා.







සබ්බදාතං ධම්ම දාතං ජිනාති,  
සබ්බරසං ධම්ම රසං ජිනාති;  
සබ්බරතීං ධම්ම රතීං ජිනාති  
තණ්හාක්ඛයෝ සබ්බදුක්ඛං ජිනාති

(ධම්මපදය තණ්හා වග්ගො)

ධම්මාරාමෝ ධම්මරතෝ - ධම්මං ධුත්ථිච්ඡන්දයං;  
ධම්මං ධුත්ථස්සරං නික්ඛු - සද්ධම්මා හ පරිනායති.

(ධම්මපදය නික්ඛු වග්ගො)

ධම්මෝ පතොසො සුගතාප්පසන්ථෝ,  
තරණීච සංසාර මහණ්ණවස්ස;  
බ්‍රහ්මාසුරාදීනි අමස්සනීයෙතා,  
රසො රසානං පරමෝ නිලොකෙ.

මහාගඳො මච්චුපරා පහානො,  
සබ්බිනිනාසාය විසෙසමන්තො;  
සබ්බන්ති දානෙත ච කප්පරුක්ඛො,  
චිත්තමණී අද්දසටොච ධම්මො.

ධම්මං විනා තන්ති ජිනාච මානා,  
තමෙව තාණං සරණං පනිට්ඨා;  
තස්මා හි තො කිච්චමඤ්ඤප්පනාය,  
සුඤ්ඤාච ධාරෙච වරාච ධම්මෙ.

(භස්වාහිනී)

චිරං නිට්ඨතු ලොකස්මිං - සම්මා සම්බුද්ධ සාසානං!

ධර්ම උග්‍රහය පිණිසයි.....